

JOANNES A SANCTO THOMA
CURSUS THEOLOGICUS

In I^{am} – II^æ

DE DONIS SPIRITUS SANCTI

ARMAND MATHIEU ET HERVÉ GAGNÉ
UNIVERSITATIS LAVALLENSIS
EDITIONEM CURAVERUNT



QUEBECI, A.D. MCMXLVIII
SDM
524, 3

AD LECTORES BENEVOLOS

Nihil obstat:

ERNEST LEMIEUX, ptre.

Censor deputatus.

Die 4a Octobris, 1948.

Imprimi potest:

FERDINAND VANDRY, ptre.

Rector M. Universitatis Lavallensis.

Die 4a Octobris, 1948.

Imprimatur:

G.-S. GRANDBOIS, P.A., V.G.

Die 4a Octobris, 1948.

Tractatus donorum Spiritus Sancti est quasi fastigium quoddam in theologia sacra. Dum enim in virtutibus etiam infusis adhuc servatur modus humanus, in donis vero modus ipse divinus exercetur et manifestatur. Itaque quæstiones scholasticæ circa dona gratuitatem et supernaturalitatem ordinis supernaturalis maxime patefaciunt.

Alteram etiam commoditatem suppeditat tractatus iste. Attente enim considerantes et scrutantes doctrinam donorum non possunt confundere theogiam mysticam cum theologia scholastica circa res mysticas. Aperte enim intelligunt theogiam mysticam esse ipsum exercitium, in gradu quidem eminenti, donorum sapientiæ, intellectus et scientiæ.

Tractatus Joannis nostri non est mysticus, sed scholasticus. Et suo modo, atque secundum methodum theologiæ acquisitæ perfectissime discurrit circa res mysticas.

Juvatur afferre quædam verba Salmanticensium circa auctoritatem et præstantiam textus Joannis: "Desiderantem vero luculentiorum horum et aliorum donorum notitiam remittimus ad M. Joan. a Sto Thoma, Ia-IIæ, q. 68, disp. 18, ubi de hac re profunde et sapientissime agit"¹.

Et alibi² adhuc magis laudabiliter: "Videatur etiam M. Joan. a Sto Thoma. . . de hac materia tam docte, tam profunde et luculenter agit, ut palmam aliis, immo et sibi alia scribenti præripere videatur".

Præterea, textus quasi innumeri Sacræ Scripturæ in isto commentario citati et expositi ejus auctoritatem et momen-

¹ Salmanticenses, *Curs. Theol.*, tract. XVII, *De fide theologica*, disp. IX, proœmium, t. XI (Palmé), p. 408.

² Salmanticenses, *Curs. Theol.*, tract. XVIII, *De spe theologica*, disp. IV, dub. IV, proœmium, t. XI (Palmé), p. 564.

tum valde confirmant. Mirificam enim doctrinam ex Scripturis divinis depromptam tradit Auctor noster. Et quidem multoties commentarium ejus ex ipsis Verbis Dei componitur.

* * *

Textum Joannis nostri ex editione Vivès¹ hausimus. Sed, uti omnes norunt, defectus quam plurimi in ista editione abundant, sive in ipso textu, sive quoad fontes ab Auctore allati.

Hanc nostram editionem parando, non fuit nobis in animo opus criticum conficere, sed præbere textum emendatum, lectu jucundum, qui præsertim studentium commodo atque utilitati consuleret.

Quem in finem, fontes, juxta collectiones Mansi et Migne, diligenter restituimus, necnon de textibus Sacrae Scripturæ specialiter curavimus.

Præterea, quia divisio distinguit et distribuit partes, et sic aufert confusionem totius, frequenter textus dividitur. Numerationem editionis Vivès non quidem omisimus, sed novam numerationem marginalem apposuimus.

Quo magis ad studium proposita editio nostra, plures indices apponuntur, scilicet, schematicus, biblicus, onomasticus et analyticus. Isti omnes indices novam numerationem servant.

* * *

Faxit Deus scientiarum Dominus ut istud opus in gloriam Spiritus Sancti et in aliquam veritatis diffusionem vergat.

EDITORES

¹ Joan. a Sto Thoma, *Curs. Theol.*, In Iam-IIæ, q. 68-70, disp. 18, VI (Vivès), p. 572-715.

INDEX SCHEMATICUS

PROCÆMIUM

PRÆNOTAMINA: quæ tractantur in <i>Sum. Theol.</i> , Ia-IIæ, q. 68-70....	1-3
QUOMODO DIVIDITUR TRACTATUS D. THOMÆ.....	4-21
De donis Spiritus Sancti.....	4-11
De beatitudinibus.....	12-16
De fructibus Spiritus Sancti.....	17-21

ARTICULUS PRIMUS

QUID DE DONIS SPIRITUS SANCTI TRADAT SCRIPTURA, ET QUOMODO DE ILLIS LOQUATUR?

PRÆNOTAMINA.....	22-23
Nihil de donis istis nobis constat nisi ex revelatione.....	22
Oportet præmittere ea quæ Scriptura de his specialibus donis tradit	23

MANIFESTAT DOCTRINAM SCRIPTURÆ CIRCA DONA DESCRIBENDO STATUM SPIRITUALEM.....	24-49
--	-------

Status spiritualis et unctionis Spiritus ex ipsa Scriptura discernuntur	24-27
Quomodo Christus Dominus designavit statum spiritualis hominis	28-49
Explicatur <i>prima conditio</i> requisita ad spiritualem statum ..	34-38
Explicatur <i>secunda conditio</i> requisita ad spiritualem statum ..	39-42
Explicatur <i>tertia conditio</i> requisita ad spiritualem statum...	43-49

CUR DONA ISTA IN SCRIPTURA SPIRITUS ET DONA APPELLENTUR.	50-93
--	-------

<i>Prima ratio:</i> quia nomen "spiritus" et nomen "doni" specialiter Spiritui Sancto convenient.....	56-76
<i>Secunda ratio:</i> quia proveniunt in nobis ex inspiratione divina...	77-86
<i>Tertia ratio:</i> quia quasi ipso Dei halitu inspiratur anima.....	87-93

ARTICULUS II

UTRUM HÆC DONA SINT HABITUS A VIRTUTIBUS ETIAM INFUSIS DISTINCTI?

PRÆSUPPOSITA: dona ista, etiam prout in nobis, sunt supernaturalia et per se infusa.....	94-110
Probatur intentum.....	94-103
Non solum in Christo, sed etiam in nobis, est de fide ista dona esse, et supernaturalia esse.....	104-110
INTENTIO ARTICULI: ista dona sunt habitus a virtutibus etiam infusis distincti.....	111-113
DONA SPIRITUS SANCTI SUNT HABITUS.	114-134
Probatur intentum.....	114-119
Arguitur contra conclusionem.....	120-123
Respondet.....	124-134
DONA SPIRITUS SANCTI A VIRTUTIBUS ETIAM INFUSIS SUNT DISTINCTI.	135-185
Punctus difficultatis.....	135-137
Variae sententiae.....	138-149
Probatur intentum duplici fundamento.....	150-181
<i>Primum fundamentum:</i> per discursum theologicum ex Scriptura.....	151-165
Dona intellectualia non identificantur cum fide aut spe	
Dona intellectualia non identificantur cum caritate.....	
Dona appetitiva distinguuntur a virtutibus moralibus infusis.....	
<i>Secundum fundamentum:</i> ex ipsa ratione formalí istorum donorum.....	160-164
<i>Corollarium.</i>	165
SOLVUNTUR ARGUMENTA.	166-181
Primo arguitur: ratio assignata ad distinguendum dona a virtutibus non esset efficax.....	182-185
Respondet.....	186-265
Secundo arguitur: ratio distinctionis non esset nisi ex parte causæ efficientis, unde non specifica.....	186-193
Respondet.....	194-208
Tertio arguitur: dona Spiritus Sancti non essent necessaria.....	209-215
Respondet.....	216-234
<i>Corollarium.</i>	235-242
<i>Corollarium.</i>	243-265
<i>Corollarium.</i>	266

ARTICULUS III

DE DONO INTELLECTUS

PROœMIUM: quæ in particulari intendit tractare Auctor circa dona.....	267-271
DEFINITUR DONUM INTELLECTUS EJUSQUE MUNUS DECLARATUR.	272-362
PUNCTUS DIFFICULTATIS APERITUR: utrum donum intellectus judicat, necne.....	272-284
STABILITUR VERITAS: donum intellectus non est simplex apprehensio terminorum tantum, sed cum aliquo judicio.....	285-336
<i>Mens D. Thomæ declaratur.</i>	285-299
<i>Ratio conclusionis.</i>	300-304
<i>Difficultatibus satisficit.</i>	305-333
<i>Prima difficultas:</i> utrum judicium doni intellectus depuret a phantasmatibus et erroribus.....	305-306
<i>Respondetur.</i>	307-315
<i>Secunda difficultas:</i> quodnam sit illud judicium doni intellectus.....	316
<i>Respondetur.</i>	317-333
<i>Corollarium.</i>	334-336
SOLVUNTUR ARGUMENTA supra (n. 272-284) proposita.....	337-362
<i>Respondet ad argumentum</i> (n. 272-275) ortum ex textu quodam D. Thomæ.....	337-340
<i>Quomodo potest</i> (n. 276-278) judicare donum intellectus et insimul non judicare sicut donum sapientiae aut scientiae.	341-346
<i>Quomodo potest</i> (n. 279-280) de ipsismet principiis revelatis judicare sine hoc quod confundatur cum fide.....	347-352
<i>Quonam modo</i> specialissimo donum intellectus judicat (n. 281-284) de evidentia credibilitatis aut de convenientia credibilium.....	353-362
DONUM INTELLECTUS DISTINGUITUR TUM A FIDE, IN VIA, TUM A LUMINE GLORIÆ, IN PATRIA.	363-410
PUNCTUS DIFFICULTATIS.	363-372
<i>Prænotamina.</i>	363-365
<i>Quæ difficultatem faciunt.</i>	366-372

STABILITUR VERITAS: ostendendo eumdem esse habitum doni intellectus in via et in patria.....	373-406
Probatur in generali: ex permanentia omnium donorum in patria.....	373-381
Probatur in particulari: de ipsomet dono intellectus.....	382-406
SOLVITUR DIFFICULTAS: quomodo idem habitus potest (n. 367-372) mutari de obsculo in clarum sine mutatione essentiali.....	407-410
QUOMODO DISTINGUITUR ACTUS DONI INTELLECTUS, ET QUÆNAM SUNT EJUS OBJECTA	411-474
PRÆSUPPOSITA: distinguitur inter judicium quidditativum et judicium ex connaturalitate.....	411-421
DE DISTINCTIONE ACTUS DONI INTELLECTUS	422-442
ab habitibus intellectualibus.....	423
ab aliis habitibus vel illustrationibus infusis, quæ etiam in peccatore dari possunt.....	424-425
ab aliis donis Spiritus Sancti.....	426
ab actu fidei.....	427-442
DE OBJECTIS DONI INTELLECTUS	443-474
Determinatur: quodcumque latens objectum quod lumine naturali sufficienter penetrari non potest...	443-454
Difficultates proponuntur.....	455
Respondetur.....	456-474
DONUM INTELLECTUS DISTINGUITUR IN PATRIA A LUMINE GLORIÆ	475-548
PUNCTUS DIFFICULTATIS: non videtur esse distinctio.....	475-481
STABILITUR VERITAS	482-514
Præsupposita: in donis intellectualibus distinguendum est id quod se habet <i>regulative</i> , et quod se habet <i>formaliter</i>	483-488
Probatur intentum.....	489-505
Prima ratio: <i>a priori</i> , ex propriis doni intellectus.....	489-490
Secunda ratio: <i>a posteriori</i> , ex eo quod si donum intellectus in Christo fuit lumen gloriæ, tale donum non invenitur in nobis pro ista vita.....	491-499

Tertia ratio: <i>a simili</i> , ex permanentia donorum sapientiæ, scientiæ et consilii sine confusione cum lumine gloriæ.....	500-505
Difficultas: circa formalem rationem qua distinguitur in patria donum intellectus a lumine gloriæ.....	506
Respondetur.....	507-514
SOLVUNTUR ARGUMENTA contra distinctionem doni intellectus a lumine gloriæ.....	515-548
Ad primum argumentum: ex duobus locis D. Thomæ (n. 476-479).....	516-527
Ad secundum argumentum: ex ratione (n. 480).....	528-536
Ad tertium argumentum: ex alio loco D. Thomæ (n. 481).....	537-548
ARTICULUS IV	
DE DONO SAPIENTIÆ ET SCIENTIÆ	
PROCÆMIUM	549-550
DISTINCTIO DONI SAPIENTIAE A FIDE, ET AB ALIIS DONIS ET HABITIBUS	551-696
QUÆ SIT RATIO FORMALIS SUB QUA DONI SAPIENTIÆ	554-657
Præsupposita.....	554-562
Probatur intentum.....	563-575
Solvuntur difficultates contra resolutionem.....	576-594
Quomodo distinguatur donum sapientiæ a fide, et ab aliis donis et habitibus.....	595-633
Aliæ difficultates solvuntur contra resolutionem.....	634-657
AD QUÆ OBJECTA SE EXTENDAT DONUM SAPIENTIÆ	658-696
Sententia Suarez.....	658-665
Stabilitur veritas: judicat de omnibus de quibus est fides....	666-680
Solvuntur difficultates: non versaretur circa res divinas....	681-696
DISTINCTIO DONI SCIENTIÆ A FIDE, ET AB ALIIS DONIS ET HABITIBUS	697-741
QUÆ SIT RATIO FORMALIS DONI SCIENTIÆ	698-725
Præsupposita.....	698-702
Difficultas specialis indicatur.....	703-710
Solvitur.....	711-725

INDEX SCHEMATICUS

QUOMODO A RELIQUIS DONIS DISTINGUATUR, ET QUIS SIT PROPRIUS ACTUS.	726-734
AD QUÆ OBJECTA SE EXTENDAT DONUM SCIENTIÆ.	735-741
 ARTICULUS V	
 <i>DE DONO CONSILII</i>	
PRÆNOTAMINA	
Cur vocatur donum consilii, et non donum prudentiæ.	742-762
Tres difficultates circa donum consilii.	742-743
Prima difficultas: circa distinctionem istius doni a donis sapientiæ et scientiæ, a fide et a prudencia infusa.	744-756
Secunda difficultas: circa objecta doni consilii.	744-749
Tertia difficultas: circa dubitationem quæ potest in agendis occurere.	750-752
Rejicitur responsio imperfecta ad primam difficultatem.	753-756
	757-762
STABILITUR VERITAS CIRCA DISTINCTIONEM DONI CONSILII A RELIQUIS DONIS.	763-773
Probatur ex Sacra Scriptura.	764-768
Declaratur fundamentum distinctionis.	769-773
DIFFICULTATIBUS SATISFACIT	774-827
Ad primam difficultatem (n. 744-749): circa distinctionem istius doni.	774-785
Ad secundam difficultatem (n. 750-752): circa objecta materialia istius doni.	786-798
Ad tertiam difficultatem (n. 753-756): circa dubitationem in agendis.	799-827
 ARTICULUS VI	
 <i>DE DONIS PIETATIS, FORTITUDINIS ET TIMORIS</i>	
PROCÉMIUM	828-833
ISTA DONA CORRESPONDENT PARTI APPETITIVÆ.	828-830
DUO CIRCA ISTA DONA EXPLICARE OPORTET.	831-833
Ratio eorum formalis.	832
Objecta istorum donorum.	833

INDEX SCHEMATICUS

QUID DE DONO PIETATIS.	834-914
PRAESUPPOSITA	834-838
Cur prius tractatur de dono pietatis.	834
Utrum revera donum pietatis sit distinctum a dono timoris.	835-837
Intentum circa donum pietatis declaratur.	838
QUOMODO RATIO FORMALIS DONI PIETATIS ILLUD DISTINGUIT A RELIQUIS HABITIBUS.	839-881
Difficultas est circa distinctionem istius doni cum religione infusa.	839-856
Declaratur mens divi Thomæ.	857-869
Difficultatibus (n. 839-856) satisfacit.	870-881
DE MATERIA AD QUAM SE EXTENDIT DONUM PIETATIS.	882-914
Declaratur intentum: de materia principali et secundaria.	882-893
Solvuntur argumenta contra resolutionem.	894-914
QUID DE DONO FORTITUDINIS.	915-962
INTENTUM CIRCA DONUM FORTITUDINIS DECLARATUR.	915
PROBATOR INTENTUM PER PARTES.	916-962
De ratione formalis istius doni qua distinguitur a fortitudine virtute.	919-949
Punctus difficultatis.	919
Stabilitur veritas.	920-926
Solvuntur difficultates.	927-949
Non potest (n. 927) supplere fortitudo virtus ea quæ operatur donum fortitudinis ultra modum virium humanarum et infirmitatis ejus.	933-940
Vera fortitudo non tam in actionibus corporis (n. 928) quam in animi affectibus demonstratur et perficitur	941-944
Fortitudo infusa sufficit (n. 929) in suo ordine et linea, non absolute et quoad omnia.	945-946
Depulsio infirmitatis, quam facit donum fortitudinis, petit altiorem (n. 930) vim spiritus quam sit motivum virtutis fortitudinis.	947-949
De materia ad quam se extendit donum fortitudinis.	950-962
Non solum est circa actiones omnino extraordinarias.	950
Sed circa omnia difficilia circa quæ diversæ virtutes versantur.	951-962

QUID DE DONO TIMORIS.....	963-1027
INTENTUM CIRCA HOC DONUM DECLARATUR.....	964
PRÆSUPPOSITUM: determinatur cujusnam timoris sit istud donum.....	965-978
PROBATUS INTENTUM PER PARTES.....	979-1027
De ratione formalis istius doni.....	980-982
De extensione ejus materiae pro ea parte qua hoc donum tangit temperantiam.....	983-996
Ostenditur propositum.....	983-985
Quomodo specialiter se extendit ad omnem materiam virtutis temperantiae, quamvis sub alio respectu hoc donum correspondere potest omni virtuti.....	986-996
Per quam actum operatur donum timoris in omni materia temperantiae.....	997-1027
Sententia Suarez exponitur et refellitur.....	998-1011
Stabilitur veritas.....	1012-1027

ARTICULUS VII

UTRUM BENE CONSTITUATUR NUMERUS SEPTEM DONORUM?	
PRÆSUPPOSITA.....	1028-1040
Numerus septenarius donorum plus quam probabilis est: sententia opposita non habet probabilitatem.....	1028-1039
Hic numerus potest explicari et defendi, non autem demonstrari per rationem naturalem.....	1040
INTENTIO ARTICULI.....	1041-1043
EXPLICATUR SECUNDUM ALIQUAM PROPORTIONEM HUNC NUMERUM ESSE COMPETENTEM.....	1044-1068
Exponitur argumentum D.Thomae (Ia-IIæ, q.68, a.4).....	1044-1049
Ostenditur collectionem donorum a D. Thoma propositam optimam esse.....	1050-1057
Quomodo circa dona intellectualia formalior est distinctio donorum in IIa-IIæ, q.8, a.6 quam in Ia-IIæ, q.68, a.4	1058-1068
AN ISTA SEPTEM DONA SINT SEPTEM SPECIES INFIMÆ, AN SUBALTERNÆ?	1069-1130
Objicitur pauciora dona sufficere.....	1070-1072
Respondetur.....	1080-1100
Objicitur plura esse debere dona.....	1073-1079
Respondetur.....	1101-1130

ARTICULUS VIII	
QUÆ SINT PROPRIETATES DONORUM SPIRITUS SANCTI?	
PROCÉMIUM.....	1131-1132
CONNEXIO DONORUM INTER SE ET CUM CARITATE.....	1133-1202
PRÆSUPPOSITA.....	1133-1139
Quomodo D.Thomas probat hanc connexionem.....	1133-1134
Animadversio: dona ista sunt connexa quoad habitus, non necessario quoad actus.....	1135-1137
Punctus difficultatis: utrum ista dona sint connexa in caritate?.....	1138-1139
PROPONUNTUR DIFFICULTATES.....	1140-1151
<i>Prima difficultas:</i> circa hoc quod dona in caritate uniantur, et caritas cum ipsis.....	1140-1146
<i>Secunda difficultas:</i> quia in peccatore est fides, dona correspondentia fidei possunt esse sine caritate.	1147-1151
<i>Corollarium.....</i>	1152
STABILITUR VERITAS: dona ista sunt connexa in caritate et in omnibus justis inveniuntur.....	1153-1179
<i>Ex Sacra Scriptura.....</i>	1154-1163
<i>Ex traditione Patrum.....</i>	1164-1169
<i>Ex ratione theologica.....</i>	1170-1175
<i>Corollarium:</i> circa necessitatem istorum donorum.....	1176-1179
SOLVUNTUR DIFFICULTATES.....	1180-1202
Ad primam (n. 1140-1146) difficultatem.....	1180-1194
Ad secundam (n. 1147-1151) difficultatem.....	1195-1202
DURATIO DONORUM SPIRITUS SANCTI ETIAM IN PATRIA.	1203-1226
PRÆSUPPOSITA.....	1203-1207
Exponitur ratio D.Thomæ.....	1203-1206
Punctus difficultatis: utrum habeatur aliqua imperfectio cum statu patriæ incompatibilis.....	1207
PROPONUNTUR DIFFICULTATES.....	1208-1211
<i>Prima difficultas:</i> eo quod materia aliquorum donorum non manebit in patria.....	1208
<i>Secunda difficultas:</i> eo quod dona saltem intellectualia non possunt eadem esse in via et in patria...	1209-1210
<i>Tertia difficultas:</i> videtur quod saltem donum scientiæ non manebit in patria.....	1211

SOLVUNTUR DIFFICULTATES	1212-1224
Ad primam difficultatem	1212-1214
Ad secundam difficultatem	1215-1224
Ad tertiam difficultatem	1225-1226
ÆQUALITAS VEL INÆQUALITAS DONORUM, INTER SE ET CUM VIRTUTIBUS	1227-1250

PRÆNOTAMINA: quotuplici modo dona comparari possunt	1227-1228
--	-----------

DE COMPARATIONE DONORUM CUM VIRTUTIBUS	1229-1234
Vel theologicis	1229-1230
Vel intellectualibus et moralibus	1231-1234

DE COMPARATIONE DONORUM INTER SE	1235-1250
Si de perfectione comparativa simpliciter	1238-1243
Si de perfectione comparativa secundum quid	1244
Difficultas circa donum timoris	1245
Respondetur	1246-1250

ARTICULUS IX

QUI SINT ACTUS ET EFFECTUS DONORUM?

DE BEATITUDINIBUS	1251-1276
--------------------------------	-----------

PRÆNOTAMINA	1251-1253
--------------------------	-----------

TRIA INQUIRUNTUR	1254-1276
Primo inquiritur: quomodo explicitur istæ beatitudines, et quos effectus faciant in nobis	1255-1267
Secundo inquiritur: quomodo si sint septem dona ponuntur octo beatitudines, et quomodo Lucas solum ponit quatuor, Matthæus vero octo	1268-1273
Tertio inquiritur: an istæ beatitudines contineant solum opera consilii, an etiam præcepti	1274-1276

DE FRUCTIBUS SPIRITUS SANCTI	1277-1280
---	-----------

QUÆ BEATITUDINES ET QUI FRUCTUS CORRESPON- DEANT DONIS	1281-1282
---	-----------

INDEX SIGLORUM

DTC	<i>Dictionnaire de théologie catholique.</i>
Msi	Mansi, Johann. Dominici, <i>Sacrorum Conciliorum nova et amplissima collectio.</i>
PG	Migne, J. P., <i>Patrologiæ cursus completus</i> , series græca.
PL	Migne, J. P., <i>Patrologiæ cursus completus</i> , series latina.
RF	<i>Corpus Juris canonici.</i> Ed. Ae. Richter et Ae Friedberg, 2 vol., Lipsiæ, 1881.

JOANNES A SANCTO THOMA
CURSUS THEOLOGICUS

In I^{am} – II^æ

DE DONIS SPIRITUS SANCTI

PROOEMIUM

1 Agit S. Thomas in his tribus quæstionibus de quibusdam specialibus virtutibus seu habitibus quæ vocantur dona Spiritus Sancti, eo quod per ipsa specialiter Spiritus Sanctus se cordibus infundit, et ad speciales operationes nos dirigit et ordinat.

2 Et isti habitus habent suas operationes, quæ beatitudines dicuntur ex quadam appropinquatione ad æternam beatitudinem quando sunt speciales et excellentes operationes.

3 Et aliquæ etiam operationes dicuntur fructus Spiritus, quia ex Spiritu Sancto sic specialiter animam vivificante et movente pullulant et oriuntur.

* * *

4 **De ipsis donis**, quæ sunt habitus a quibus istæ operationes procedunt, tractat D. Thomas in quæstione 68. Et duo ibi declarat. *Primum*, quod pertinet ad quidditatem et divisionem seu numerum donorum, in primis quatuor articulis. *Secundum*, quod pertinet ad eorum proprietates, per alios quatuor.

◎

5 *Ad quidditatem* declarandam, considerat D. Thomas genus, et differentiam, et finem ad quem ordinantur et propter quem necessaria sunt.

- 6 Et primo agit de differentia, ut ostendat se agere de specialibus donis quæ differunt a virtutibus.
- 7 Secundo, de fine propter quem necessaria sunt, ut ostendat necessaria esse ad salutem.
- 8 Tertio, de genere, ostendens quod sunt habitus.
- 9 Et denique agit de eorum divisione et numero, quia septem sunt, articulo quarto.

○

- 10 Ad proprietates pertinet in donis id quod etiam in virtutibus, scilicet connexio eorum, duratio post hanc vitam, inæqualitas et diversa perfectio eorum, tum comparata inter se, tum comparata ad alias virtutes.
- 11 Quod sint connexa, ostendit articulo quinto; quod durent etiam post hanc vitam, articulo sexto; quod quædam dona sint priora aliis, ostendit articulo septimo; quod ipsa sint potiora virtutibus moralibus sed inferiora theologicis, ostendit articulo octavo.

* *

- 12 De beatitudinibus, quæ numerantur (*Mat. 5, 3-11*) simul cum earum præmiis, quatuor tractat D. Thomas (*Ia-IIæ, q. 69*).
- 13 *Primum*, quod istæ beatitudines differunt a donis et virtutibus, sicut actus ab habitibus.

- 14 *Secundum*, quod præmia istis beatitudinibus assig-nata perfecte et complete pertinent ad futuram vitam, inchoative vero etiam ad præsentem, ut in viris perfectis invenitur.
- 15 *Tertium*, quod convenienter ponuntur octo beatitudines.
- 16 *Quartum*, quod convenienter assignantur earum præmia.

* *

- 17 *De fructibus Spiritus Sancti* agit quæstione 70. Sunt enim duodecim fructus, quos enumerat Apostolus (*Gal. 5, 22-23*). Et de his etiam quatuor docet.
- 18 *Primum*, quod isti fructus sunt operationes in via Spiritus delectabiles, sicut fructus est ultimum quod nascitur ex arbore et delectat.
- 19 *Secundum*, quod fructus differunt a beatitudinibus, sicut magis et minus commune: beatitudines enim sunt fructus quia oriuntur a donis Spiritus Sancti, sed non omnes fructus sunt beatitudines, sed solum quæ sunt perfectæ operationes et quasi appropinquantes beatitudini.
- 20 *Tertium*, quod fructus convenienter ab Apostolo enumerentur.
- 21 *Quartum*, quod fructus Spiritus contrariantur fructibus seu operibus carnis.

DISPUTATIO XVIII

DE DONIS SPIRITUS SANCTI

ARTICULUS PRIMUS

*QUID DE ISTIS DONIS SPIRITUS SANCTI
TRADAT SCRIPTURA, ET QUOMODO DE
ILLIS LOQUATUR?*

- 22 I. — De donis Spiritus Sancti, de quibus hic agit S. Thomas, naturales philosophi et ethnici nihil agnoverunt, sed solum ex divina revelatione nobis* de illis constat. Et de eis sub nomine donorum et spirituum Scriptura tractat, et numero septenario ea complectitur.

- 23 Quare pro eorum explicatione aliqua oportet præmittere quæ Scriptura de his specialibus donis tradit, ut deinceps majori luce ad ea quæ scholastice de his donis tractari solent possimus accedere.

- 24 II. — Cum ergo ad formandum spiritualem* hominem et in via Dei perfectum omnia nos Scripturarum oracula instruant et inducant, quia, ut Apostolus inquit (II Tim. 3, 16-17): *Omnis Scriptura divinitus inspirata utilis est ad docendum, ad arguendum, . . . ad corripien-*

*n. 667

*n. 155, 417,
1040

*dum, ad erudiendum in justitia: ut perfectus sit homo Dei, ad omne opus bonum instructus, — ideo maxime status iste spiritualis et subtilis motio et unctio Spiritus qua intime se infundens erigit cor in sublime, et Spiritus ipse levat et assumit hominem quasi manus Domini confortans¹, ex ipsa Scripturarum contextura et doctrina discernendus est. In cujus serenitate et luce quasi in luce auroræ, oriente sole, mane absque nubibus rutilat², cuius radiis splendore charitatis erigitur et elevatur mens ad eruenda carnis blanditia et abicienda opera tenebrarum, ut in ista erectione ab ipso Spiritus Sancti lumine quasi a magistro doceatur, juxta quod propheta dicit (Is. 50, 4): *Dominus erigit mane, mane erigit mihi aurem, ut audiam quasi magistrum*, et iterum (I Joan. 2, 27): *Uncio ejus docet vos de omnibus, et verum est, et non est mendacium.**

- 25 III. — Has ergo venas susurri ejus et levitatem auræ intus spirantis in cor solus cognoscere potest qui experitur et gustat *quoniam suavis est Dominus*³, quia hoc manna absconditum et hoc nomen novum in calculo candido scriptum *nemo scit, nisi qui accipit*, ut dicitur (Apoc. 2, 17).

- 26 Et ideo difficile* per laborem et contentiosa disputationum certamina disquiri potest quod solum ex connaturalitate quadam et experientia divinorum paucissimis communicata dignosci potest.

- 27 Ecce enim calculus iste candidus (carbo ille est ignitus) quem, ut dicitur (Is. 6, 6), unus de Seraphim

¹ Cf. Ezech. 3, 14.

² II Reg. 23, 4.

³ Ps. 33, 9.

volans habebat in manu sua et forcipe tulerat de altari, quo videlicet inflammante et igniente animam non solum purgantur labia prophetæ (quod pertinet ad initium spiritualis vitæ et viæ purgativæ), sed ulterius provehitur ad scribendum *nomen novum*¹, quando non solum illuminativam viam ingreditur secundum communem modum et regulam virtutum in quibus proficit, sed etiam *nomen novum*, id est, regulam novam et obligationem novam accipit (nomen enim sæpius ipsam obligationem seu munus designat) qua regulatur et dirigitur et docetur humana mens non solum stylo hominis et modo quodam communis prudentiæ, sed etiam digito Dei² et excellentia motionis divinæ.

* *

- 28 IV. — Propter hoc, ut recte observat Cajetanus (*In Joan. 3, 8*), viam et statum Spiritus et spiritualis hominis designavit Christus Dominus in illis verbis, cum dixit (*Joan. 3, 8*): *Spiritus ubi vult spirat: et vocem ejus audis, sed nescis unde veniat, aut quo vadat: sic est omnis qui natus est ex Spiritu.*
- 29 Ubi cum Christus Dominus, qui est veritas ipsa, apertissime dicat sic esse omnem qui natus est ex Spiritu, judicare debemus non alio meliori modo explicari posse statum Spiritus et spiritualis hominis, qui per dona Spiritus Sancti formatur, quam in illa comparatione præfatis* verbis a Domino designata. *n. 28
- 30 In quibus tres conditiones spiritualis hominis designantur.

¹ Apoc. 2, 17.² Cf. Ex. 8, 19; Luc. 11, 20.

- 31 **Prima***, pertinens ad interiorem dispositionem, *n. 34 sq. in illa clausula: *Spiritus ubi vult spirat.*
- 32 **Secunda***, pertinens ad exteriorem communicationem, cum dicit: *Et vocem ejus audis.* *n. 39 sq.
- 33 **Tertia***, pertinens ad occultam Dei motionem et *n. 43 sq. instinctum cuius certitudinem plene capere non possumus, cum dicit: *Et nescis unde veniat, aut quo vadat.*
- ◎
- 34 V. — **Et prima* explicatur sic**, quia dispositio *n. 31 interior per dona Spiritus Sancti et ad discernendum homines spirituales ea est, ut homo valde liberum, voluntarium et expeditum se sentiat in operando, sine obscuritatibus, sine impedimentis, sine ligaturis, quia *Ubi Spiritus Domini, ibi libertas*¹.
- 35 Funibus autem peccatorum unusquisque constrin- gitur, et quasi compedes animæ suæ injicit. Primum autem quod facit Spiritus ingrediens cor est disrumpere vincula peccatorum quibus homo ligatur, et vectes ferreos duri cordis confringere². Et tunc sentit se homo quasi alleviatum a magno pondere et agilem ad operandum; imo assumit pennas quasi columbæ, et volat, et requiescit in solitudine³; nec enim est requies cordis ubi non est volatus ad Deum, sicut Seraphim stabant et volabant (*Is. 6, 2*).

¹ II Cor. 3, 17.² Cf. Ps. 106, 16.³ Cf. Ps. 54, 7.

36 Ne ergo erraremus putantes natos ex Spiritu veluti furioso impetu quodam agi, sicut qui a malo spiritu possidentur, ideo primum quod Dominus in via Spiritus requirit est quod *Ubi vult spirat*, ad significandum quod nativitas ex Spiritu fert, non aufert, libertatem electio-
nis. Multum enim periret de merito si Spiritus non spirando et ponderando inclinationem voluntatis, sed violentando determinaret et operaretur in illa. Unde etiam Apostolus dicit (*I Cor. 14, 32*) quod *spiritus prophetarum prophetis subjecti sunt*, hoc est, ut interpretatur D. Thomas¹, quod quantum ad usum nuntiandi res propheticas spiritus voluntati prophetarum subjecti sunt, et non sicut in arreptiis.

37 Inde est quod dona Spiritus Sancti per modum habituum nobis dantur, ut videlicet modo rationali et voluntario moveamur ad ea opera ad quæ a Spiritu dirigimur. Et sic qui aguntur a Spiritu², non ut servi, sed ut liberi, ut volentes et ut voluntarii moventur, et per principia sibi inhærentia (a Spiritu tamen derivata) aguntur ad eas operationes quæ in sua regulatione et mensura modum humanum et communem excedunt.

38 Igitur interior dispositio spiritualis hominis est liberum et voluntarium esse in via Spiritus. Ac proinde, qui non se expeditos et voluntarios sentiunt in his quæ sunt Spiritus, et in abstractione a commoditatibus et deliciis, sed in eas facile dilabuntur, signum est nec agi, nec spirari a Spiritu Sancto fortiter et perfecte secundum ejus dona.

¹ In *I Cor. 14, 32*, lect. 6; IIa-IIæ, q. 173, a. 3 ad 4; *De Ver.*, q. 12, a. 4;
a. 9 ad 1.

² Cf. *Rom. 8, 14*.

39 VI. — Secunda* conditio requisita ad spiritua- *n. 32
lem statum notatur in illis verbis¹: *Et vocem ejus audis*, ubi designavit Christus Dominus, ut inquit² Caje-
tanus, quod qui natus est ex Spiritu seu a Spiritu
motus, vocem ex Spiritu profert sensibilem: *Ex abundan-
tia enim cordis os loquitur*³.

40 Nam in eo qui natus est ex Spiritu, si vere ex Spiritu est, omnes sensibiles et exteriores actiones, præsertim sermones et vox, ex Spiritu procedunt et Spiritum redolent, et vix aliud quam de Deo vel in ordine ad Deum colloquuntur.

41 Ex quo manifestum est quod spiritualem hominem et internum maxime manifestat externa compositio et sensuum exteriorum gubernatio, præsertim vox et locutio, juxta illud (*Jac. 3, 2*): *Si quis in verbo non offendit: hic perfectus est vir. Potest etiam fræno circumducere totum corpus.*

42 Ergo mortificatio in lingua, seu moderata locutio, præsertim si solum sit de rebus divinis et ad Spiritum pertinentibus, maximum signum est interioris Spir-
itus dirigentis et mensurantis. Cujus vero auditur quidem vox, sed non sonat Spiritum, libenter autem divertit ad delectabilia et vana ut ea audiat vel loqua-
tur, hic diminutus est Spiritu.

¹ *Joan. 3, 8.*

² In *Joan. 3, 8.*

³ *Mat. 12, 34.*

○

- 43 VII. — **Tertia*** conditio notatur in illis verbis: *n. 33, 199
*Et nescis unde veniat, aut quo vadat*¹. In quo profunditas Spiritus designatur interius nos moventis et dirigentis sine hoc quod ejus originem, processum, aut finem dignoscamus, sed tamen interiora omnia et secreta rimatur (I Cor. 2, 10): *Spiritus enim scrutatur omnia, etiam profunda Dei*. Et ita, inquit Cajetanus, quamvis vocem et opera videant hominis spiritualis, nesciunt tamen evidenti* cognitione divinum principium unde venit, et divinum terminum quo vadat. *n. 651
- 44 In quo docemur non debere nos turbari si in operibus nostris non semper nobis innotescit cuius spiritus sint, præsertim in operibus arduis et extraordinariis, quia etsi multoties Spiritus interius moveat et excitet nos et instiget, non tamen scire usquequa possumus unde veniat aut quo vadat, id est, principium ejus et finem, et sic latet nos Spiritus Dei.
- 45 Et multi qui vellent in omnibus operari cum summa securitate et certitudine retardantur sæpe ab his motionibus Spiritus Sancti ex angustia cordis, ideoque non sunt ita idonei ut moveantur ad magna et ardua nisi dilatetur cor, ita ut multum confidat de Deo et de ejus interiori assistentia.
- 46 VIII. — Quod certe expressum omnino videmus in Isaia propheta, cum (Is. 40, 27) ad eos loquitur qui ex quadam diffidentia cordis victi a pusillanimitate spiritus et tempestate² in quadam incertitudine trepi-

dare et coarctari videbantur. Et dicebat ad populum illum propheta: *Quare dicis, Jacob, et loqueris Israel: Abscondita est via mea a Domino, et a Deo meo judicium meum transivit?*

- 47 Ecce populus angustiatus corde ab incertitudine viæ suæ quam putant esse absconditam a Deo, et nesciunt unde veniat, et quo vadat. Qui dilatari moventur magnitudine Dei, non in sua pusillanimitate hærere (Is. 40, 28-31): *Numquid nescis, aut non audisti? Deus sempiternus Dominus, qui creavit terminos terræ: non deficiet, neque laborabit, nec est investigatio sapientiæ ejus. Qui dat lasso virtutem, et his, qui non sunt fortitudinem et robur multiplicat. Deficient pueri, et laborabunt, et juvenes in infirmitate cadent* (quasi parum idonei qui pueri sunt corde et infirmantur in juventute, ad sustinendam viam Spiritus). *Qui autem sperant in Domino* (ecce dilatatum cor ex confidentia), *mutabunt fortitudinem, assumunt pennas ut aquilæ* (non ut homines, modo humano operantes, sed ut aquilæ per dona Spiritus elevati), *current et non laborabunt, ambulabunt et non deficient*.
- 48 Ubi non absurde notandum pennas aquilæ promitti, non tamen dicitur quod volabunt, sed quod current et ambulabunt, scilicet tamquam homines adhuc in terra viventes, acti tamen et moti pennis aquilæ quæ desuper descendit, quia dona Spiritus, etsi in terra exerceantur et actionibus consuetis videantur fieri, tamen pennis aquilæ ducuntur, quæ superiorum spirituum ac donorum communicatione moventur et regulantur.
- 49 Et tantum differunt qui virtutibus ordinariis

¹ Joan. 3, 8.

² Cf. Ps. 54, 9.

exercentur ab his qui donis Spiritus Sancti aguntur, quantum qui solis pedibus laborando ambulant quasi proprio studio et industria regulati, vel qui pennis aquilæ superiori aura inflatis moventur, et currunt in via Dei quasi sine ullo labore.

* * *

CUR DONA ISTA IN SCRIPTURA SPIRITUS ET DONA APPELLENTUR?

- 50 IX. — Invenimus in Scriptura vocari hæc dona, tum nomine spirituum, tum nomine donorum.
- 51 Nomine quidem **spirituum**^{*} (*Is. 11, 2-3*): *Requiesceret super eum spiritus Domini: spiritus sapientiæ et intellectus, spiritus consilii et fortitudinis, spiritus scientiæ et pietatis, et replebit eum spiritus timoris Domini.*
- 52 Nomine autem **donorum** (*Ps. 67, 19*): *Ascendisti in altum, cœpisti captivitatem: accepisti dona in hominibus;* vel ut Paulus (*Eph. 4, 8*) explicat tractans ad litteram de gratia data secundum mensuram donationis Christi: *Ascendens, inquit, in altum captivam duxit captivitatem: dedit dona hominibus.*
- 53 Licet enim de omnibus supernaturalibus donis, sive sint virtutes, sive alii habitus, sive auxilia actualia, locus hic intelligi possit, tamen per antonomasiam^{*} de donis Spiritus Sancti intelligitur, quæ plenius post ascensionem suam Ecclesiæ suæ largitus est Christus: quod singulariter indicari videtur in illo verbo: *Accepisti dona in hominibus* (*Ps. 67, 19*).

^{*n. 140,}

54 Hoc enim proprie spectat ad hæc dona Spiritus Sancti, in quibus ita Deus donat hominibus et distribuit dona sua quod per ea subjicit sibi homines et reddit bene mobiles a Spiritu suo, et ita cum reliqua dona homines accipiant a Deo, in istis donis etiam homines ipsos Deus accipit, et in ipsis hominibus captis sibique subjectis etiam dona sua iterum accipit et sua facit, utique cum usura et fœnore¹. Sunt ergo ista dona munera quædam in quibus accipiuntur homines a Deo, et passive magis ad divina se habent quam se moventes.

* *

55 X. — Convenit autem optime his perfectissimis habitibus et nomen spiritus et nomen doni.

56 **Primo quidem**, quia hæc duo nomina Spiritui Sancto convenient, scilicet esse *spiritum*², quatenus amore ipso spirativo et ponderosa quadam inclinatione procedit; et esse *donum*³, quatenus voluntas et amor est communicativus sui, et sic primum donum amoris est ipsum cor amantis, quod amico intus apprehenso et intus habitanti conjungitur juxta quod dicit David (*I Par. 12, 17*): *Si pacifice venistis ad me ut auxiliemini mihi, cor meum jungatur vobis.*

57 Igitur illa pignora seu dona quibus Spiritus specialissimo modo jungit cor suum cordi nostro faciendo nos conjunctos sibi et mobiles a se vocantur *spiritus*, quia ex amore spirante et ponderante in nos procedunt;

¹ Cf. *Prov. 28, 8.*

² Cf. *Iam, q. 36, a. 1.*

³ Cf. *Iam, q. 38, a. 2.*

et vocantur specialiter *dona*, quia per illa seipsum nobis donat et in nobis est.

◎

58 XI. — Ut autem videamus quomodo ista dona specialiter procedant ex amore et spiritu cordis Dei, et quomodo in nobis perficiant et accendant ignem amoris, advertendum est ex D. Thoma (*In Is. 11, 2*)¹ quod dona ista dantur nobis ad perficiendum virtutes.

59 Est autem, inquit Doctor sanctus, duplex defectus virtutis, alter ex parte habentis, alter ex parte ipsius habitus.

60 *Ex parte habentis** est defectus per accidens, scilicet ex indispositione subjecti participantis imperfecte talem habitum. Et hic defectus tollitur per augmentum et intensionem qua crescit virtus.

61 *Ex parte habitus* est defectus aliquis intrinsecus, quatenus talis habitus habet imperfectionem aliquam annexam. Sicut fides, verbi gratia, ex sua natura est imperfecta, quia ænigmatica² et obscura, et in ipsa caligat* oculus, juxta quod dixit Salomon (*IIPar. 6, 1*): *Dominus pollicitus est ut habitaret in caligine*, id est, in fide, juxta illud Pauli (*Eph. 3, 17*): *Habitate Christum per fidem in cordibus vestris*. Et iste defectus, inquit D. Thomas, tollitur per altiorem habitum qui vocatur donum, quia quasi excedit modum communem operationis humanæ, et est donum intellectus, quod facilit aliquo modo limpide et clare penetrare* convenientiam

*n. 945

*n. 333, 437

*n. 348-9

¹ *Opera Omnia*, XVIII (Vives), p. 741-742.

² Cf. *I Cor. 13, 12*.

et credibilitatem eorum quæ sunt fidei, et discretionem eorum ab erroribus et a sensibilibus.

62 XII. — Itaque ista dona quasi poliunt et deaurant et splendere faciunt virtutes in his ad quæ per se non attingunt: sola enim et nuda fides in obscuritate nos relinquit*.

*n. 196, 301,
321, 348,
598, 611

63 Et ideo homines ordinario* modo procedentes in contemplatione solius fidei attædiantur* et non multum possunt perseverare, sed qui contemplativi sunt et penetrare conantur mysteria fidei, oportet uti dono intellectus.

*n. 174
*n. 431, 1194

64 Qui autem non multum sunt intelligentes¹, et tamen dicunt se habere rationem vel contemplationem in nuda fide, vix sciunt contemplationem habere, sed vagantur, vel dormiunt in contemplationibus suis aut multum attædiantur, quia sola fides non contemplatur sed obscure assentitur, et potius videntur ei cæli (seu res cælestes) occultari quam aperiri (*Deut. 33, 28*): *Oculus Jacob*, dicit Moyses, *in terra frumenti et vini, cælique caligabunt rore*. Dum enim oculus est in terra Ecclesiæ militantis, quæ proprie est terra frumenti et vini, id est, pastus spiritualis in sacramentali velo frumenti et vini nascentis, cæli caligant rore, quia occultantur nobis caligine fidei, et ita non possumus ex sola fide perfecte contemplari, sed ad summum tenui quodam rore perfundimur, et sic caligamus rore.

*n. 334

65 XIII. — Necesse* est ergo ne deficiamus aliquantulum nobis aperiri hoc cælum, et hoc facit Spiritus Sanctus per donum intellectus, et sapientiæ, et scientiae.

¹ Juxta illustrationes donorum.

66 In cujus signum, in baptismo Christi dicitur (*Mat.* 3, 16): *Confestim ascendit de aqua. Et ecce cæli aperti sunt ei: et vidit Spiritum Dei descendente sicut columbam.* Quia videlicet anima purificata baptismō, in quo recipitur fides, hoc accipit a Spiritu descendente ut ei cæli aperiantur, id est, de cælestibus habeat aliqualem intellectum, et non solo rore caligent. Et quanto amplius in hoc crescit, tanto amplius ei cæli aperiuntur, et speculatur gloriam Dei¹.

67 Et hoc est optimum signum apertioris cælorum et doni Spiritus Sancti, scilicet valde delectari et intelligere aliqua de gloria Dei. Unde dicitur (*Act. 7, 55*) de Stephano: *Cum esset plenus Spiritu Sancto, intendens in cælum, vidit gloriam Dei... et ait: Ecce video cælos apertos.*

68 Vide quantum proficit anima ex abundantia et plenitudine Spiritus. Quando enim exercetur et impletur istis donis, statim ei rescinduntur cæli et videt gloriam Dei, id est, speculatur et contemplatur illam magnitudinem, et non in sola obscuritate fidei versatur.

69 Unde Bernardus (*In Cant.*, serm. LVII, n. 5)²: “Salutaris suasio erit mihi... prænuntia imminentis adventus sponsi, et præparatio quædam ad digne suscipiendum supernum visitatorem, propheta hæc mihi indicante, dicendo quia *Justitia ante eum ambulabit* (*Ps. 84, 14*); et item loquitur Deo sic: *Justitia et iudicium præparatio sedis tuæ* (*Ps. 88, 15*). — Et infra (*In Cant.*, serm. LVII, n. 6-7)³: “Jam si ignitum elo-

¹ Cf. II *Cor.* 3, 18.

² PL 183, 1052.

³ PL 183, 1053.

quiū sentis, atque ex eo conscientiam urū in recordatione peccati; recordare tunc de quo Scriptura dicit, quia *Ignis ante ipsum præcedet* (*Ps. 96, 3*), et ipsum prope esse non dubites... Si vero non solum compungeris in sermone illo, sed et converteris totus ad Dominum, jurans et statuens custodire judicia justitiæ ejus, etiam adesse ipsum jam noveris, præsertim si te inardescere sentias amore ejus”.

70 XIV. — Ex quibus colligimus necessarium esse animæ ut ex fidei caligine¹ erumpat et exiliat ad currēndū Deo suo per illuminationem donorum Spiritus Sancti, quibus quasi in vestitu deaurato mens ipsa circumdatur varietate², id est, multitudine spiritualium sensationum, et multiplici intelligentia divinorum.

71 Sed tamen quia non potest in hac vita fides illuminari et clarescere ex parte objecti, quia semper nititur testimonio dicentis, nec potest extra testimonium ad visionem rei excurrere, utpote extra* specificum objectum suum, restat ut anima captiva³ vinculis fidei quoad objecti caliginem solum possit* illam inuri⁴ flamma amoris: amor enim maxime disertos facit⁴.

72 Et ideo dona intellectus, sapientiæ et scientiæ oportet quod ex amore procedant illique innitantur ut possint aliquid de caligine fidei obrumpere, quo nobis cæli aperiantur, ideoque ista dona specialiter amori seu Spiritui (qui amor est) attribuuntur, imo et ipsa specialiter *spiritus* nominantur.

¹ Cf. II *Par.* 6, 1.

² Cf. *Ps.* 44, 10.

³ Cf. II *Cor.* 10, 5; — *De Ver.*, q. 14, a. 1.

⁴ Cf. *Sap.* 10, 21.

73 Unde Ambrosius dicit (*De Parad.*, cap. 13¹, et citatur a D. Thoma, Ia-IIæ, q. 70, a. 1 ad 2) quod “Opera virtutum dicuntur fructus, quia possessores suos sancta et sincera dilectione reficiunt”.

74 Ergo intellectus ab ænigmatica* cognitione fidei ^{*n. 61} ad limpide et clare contemplandum mysteriorum magnitudinem et credibilitatem exsurgit in flamma amoris, ut dicitur (*Is. 4, 5*): *Et splendorem ignis flammantis in nocte*, id est, in obscuritate creaturarum protegentium et abscondentium nobis æternitatis majestatem: *Super omnem enim gloriam protectio*, ut inquit ibidem² propheta. Et sic mens nostra inter nocturnas tenebras vitæ hujus attendit (*II Pet. 1, 19*) *lucernæ lucenti in caliginoso loco*, et reficitur intellectus ab ipsa dilectione cordis cum sibi melius et convenientius videtur et appareat id quod amat.

75 Pulchre Bernardus (*In Cant.*, serm. LVII, n. 7)³: “Ignis, inquit, ante ipsum præcedit et ipse nihilominus ignis est... Differunt autem, quod is qui præmittitur ardorem habet, sed non amorem: coquens, sed non excoquens, movens, non promovens. Tantum ad excitantum præmittitur et præparandum, simulque ad commonendum quid ex te sis, quo dulcius sapiat postmodum quod ex Deo mox eris. At vero ignis qui Deus est, consumit quidem, sed non affigit, ardet suaviter, desolat feliciter. Est enim vere carbo desolatorius⁴, sed qui sic in vicia exerceat vim ignis, ut in anima vicem exhibeat unctionis. Ergo in virtute qua

¹ PL 14, 325.

² Is. 4, 5.

³ PL 183, 1053.

⁴ Cf. Ps. 119, 4.

immutaris, et in amore quo inflamaris, Dominum præsentem intellige”. Sic Bernardus.

76 Hoc ergo anima perfectionis cupida intendere et conari debet ut Deum præsentem habeat, id est, non sola fidei caligine creditum, sed illuminatione doni Spiritus Sancti quod ex amore perficitur limpidius cognitum, et ante lumen oculorum mentis frequenter oblatum.

* *

77 XV.—Secundo, dicuntur isti habitus seu dona cælestia spiritus, ob rationem traditam a D. Thoma (Ia-IIæ, q. 68¹, a. 1), quia ordinantur in nobis ex inspiratione divina secundum quod inspiratio nominat quamdam motionem ab exteriori.

78 Licet enim in opere suo non solum homo sed et omnis creatura indigeat motione Dei auxiliantis et concurrentis cum ea tamquam prima causa cui omnia subordinantur (et in hoc sensu dicatur etiam illa motio et auxilium ab exteriori provenire), tamen *specialiter* quando virtutes et principia nobis inhærentia non sufficiunt ad operandum aliquid tali et tam altiori modo, sicut ista elevatio donorum facit, oportet adjuvari et perfici a principio et virtute exteriori non solum movente, sed etiam spiritum et vim novam et altiore addente regulationem: spiritus enim ad virtutem et ad robur pertinet. Et ideo cum homo disponatur ad operandum non solum secundum regulam humanam et principia propria et proportionata rationi humanæ, sed etiam altiori modo quam virtus humana regulare et mensurare possit, necessarium est quod ad hoc

recipiat spiritum, seu vim nobiliorem qua ab exteriori impulso et elevatione moveatur, juxta quod dicebat David (*Ps. 118, 131*): *Os meum aperui, et attraxi spiritum: quia mandata tua desiderabam.*

79 Attrahitur enim ore animæ, id est, intellectu et voluntate Spiritus qui recreat cor et vim ejus vitalem accendat, quando apertione oris intendit et inhiat ad supernæ vitæ fontem, sicut dicitur de Lydia illa purpuraria (*Act. 16, 14*): *Cujus Dominus aperuit cor intendere his quæ a Paulo dicebantur.*

80 Requiritur* enim apertio oris corde ad recipienda ista dona Spiritus Sancti, quia ad hoc dantur isti spiritus vitales et divini a Deo ut cor non resistat, sed sit bene mobile a Spiritu Sancto ad illum altiore modum operandi ad quem a Deo dirigitur et elevatur. Os autem apertum contraponitur ori clauso quod resistit et non sinit intrare spiritum, os autem patens et aperatum non resistit spiritui.

*n. 263

81 Et sic vocantur ista dona *spiritus*, quia ab exteriori Dei inspiratione proveniunt movendo animam ad altiore modum operandi quam ordinariæ virtutes sufficient: secundum altiore regulationem et mensuram Spiritus Sancti, non solius rationis humanæ. Et a tali inspiratione et apertione cordis redditur homo bene mobilis a Spiritu Sancto ad illum superiore modum operandi, sicut dicitur (*Is. 50, 5*): *Dominus Deus aperuit mihi aurem, ego autem non contradico: retrorsum non abii.*

82 XVI.—Quapropter, ut homo moveatur altiori isto modo operandi, scilicet juxta mensuram Spiritus

Sancti et non solum juxta modum et mensuram asse- quibilem per rationem humanam (ut infra satius explicabimus), requiruntur dona ista altiora, quæ elevatione sua etiam virtutes ipsas ornant et elevant ut sub altiori modo reguletur homo et mensuret opera- tiones suas.

83 Unde dicitur (*Job 26, 13*): *Spiritus ejus ornavit cælos: et obstetricante manu ejus, eductus est coluber tortuosus*, quia videlicet potentiae rationales, scilicet intellectus et voluntas, et virtutes quibus informantur, qui ex sua spiritualitate sunt quasi cæli (quia elevantur supra corporeas facultates, et ex ordinatione ac regulatione virtutum quibus disponuntur in suis motibus volvuntur sicut cæli) ornantur seu elevantur a Spiritu Dei per hæc dona, ut altius moveatur et reguletur humanum cor, non juxta constrictam et parvam nos- træ rationis mensuram, sed secundum amplissimam Spiritus Sancti operationem et regulationem.

84 Et hoc pacto educitur omnino ex corde nostro coluber tortuosus, id est, diaboli spiritus, qui non solum in peccatoribus habitat, sed etiam in ipsis spiritualibus viris tortuosas vias quærit ut corda decipi- piat suo velamine et prætextu spiritualium elevatio- num, puta visionum seu illusionum¹ interiorum quibus aliquando homines decipit.

85 Sed a spiritu divino per quem cæli isti ornantur educitur coluber iste tortuosus, quia donis Spiritus Sancti illustratur mens hominis ut discernere possit tortuosas vias serpentis et non ignorare astutias ejus,

¹ Cf. II Cor. 11, 14.

etiam cum transfert¹ se in angelum lucis, sed cursu ac tramite directo, sine errore et sine ambagibus tendere in terram rectam, juxta quod scriptum est (*Ps. 142, 10*): *Spiritus tuus bonus deducet me in terram rectam*, quia sine divini Spiritus afflato et aura impossibile est homini in rectam terram applicare et a viis tam tortuosis emergere.

86 Et sic per dona Spiritus Sancti quibus ornantur cœli educitur tortuosus coluber dum manifestantur et discernuntur ejus astutiae, etiam cum spiritualium rerum apparentiis, quasi spiris quibusdam sese con-torquet et occultat.

* *

87 XVII. — **Tertio**, denique vocantur ista dona *spiritus*, quia quasi ipso Dei halitu inspiratur anima quæ ipsis ornatur, amplectendo ipsum quasi sponsum osculantem se et osculo oris sui spiritum ei immitten-tem, ut perficiantur et eleventur virtutes ad superiorem modum operandi.

88 Unde (*Ps. 32, 6*) dicitur: *Verbo Domini cœli firmati sunt: et Spiritu oris ejus omnis virtus eorum*. Ille enim Spiritus oris Domini firmans virtutes est in nobis Spiritus istorum donorum proveniens ab ore et osculo Domini, quod utique tam efficax esse solet cum animæ caelestium desideriorum avidæ imprimitur ut quasi ebibat spiritum ejus, et totam transferat in participa-tionem divinam, et a terrenis et temporalibus sic abs-trahat ut etiam aliquando mortem* inducat corporalem, *n. 236

¹ Cf. *II Cor. 11, 14*.

nam et Moyses dicitur (*Deut. 34, 5*): *Mortuus... jubente Domino*, et juxta Hebraeum transfert Oleaster: *Mortuus* est ab osculo Domini*, quia illa jussio oris *n. 90 divini fuit quasi osculum Domini ita fortiter impressum animæ Moysi, ut ebiberit et hauserit ad se totum spiritum vitæ ejus, et ad se rapuerit extra corpus in vi spiritualis amoris.

89 Tale osculum plerique sanctorum sentiunt, qui cum Paulo dicere possunt (*II Cor. 5, 13*): *Sive mente exce-dimus, Deo: sive sobrii sumus, vobis*. Ubi sobrietas actionis qua proximis sancti convivunt contraponitur illi excessui et ebrietati spiritus, qua introeunt in potentias Domini et recordantur¹ justitiae ejus solius, ut scilicet ebria sit Deo, sobria proximis. Talis enim est cella² illa vinaria in qua ordinat Deus charitatem, cuius iste ordo est ut primum Dei sui impatiens anima toto impetu et sine modo³ feratur in illum, quasi ebria de Deo suo; deinde in proximos cum sobrietate et modestia juxta cujusque qualitatem et necessitatem, non nimis illis inhærendo, nec propter illos, sed propter Deum illos quærendo.

90 XVIII. — Et hinc maxime sumi debet intelligentia occultissimi illius libri, et spiritualium amorum, qui *Canticum Canticorum* dicitur, et initium accipit ex osculo Domini (*Cant. 1, 1*): *Osculetur me, inquit, osculo oris sui*, quasi ibi incipient Ecclesiæ sanctæ amores ubi consumavit Moyses vitam suam. Ille enim mortuus* *n. 88 est ab osculo Domini⁴, Ecclesia vero incipit ab osculo

¹ Cf. *Ps. 70, 16*.

² Cf. *Cant. 2, 4*.

³ Cf. S. Bernard., *De Dilig. Deo*, cap. 1, PL 182, 974.

⁴ *Deut. 34, 5*.

oris sui, et quando lex quæ per Moysen data est finem accipit, ibi spiritualis amoris lex initium accipit ab osculo oris quod est Spiritus Sanctus ab ore Dei procedens, et in osculo suo Patrem et Filium complectens, ut ita abundantia illa et ebrietas Spiritus quæ in Ecclesiam in die Pentecostes effusa est denotaretur, unde ad totum Ecclesiæ corpus per varia sæcula derivatur (*Ps. 132, 2-3*): *Sicut unguentum in capite, quod descendit in barbam* (id est, in virilem fortitudinem), *barbam Aaron, quod descendit in oram vestimenti ejus: sicut ros Hermon, qui descendit in montem Sion.*

91 Etenim abundantiori gloria præ Moyse Ecclesia digna est habita, et ideo ubi consummavit Moyses, scilicet ab osculo Domini, quod est Spiritus Sanctus, inde in die Pentecostes incepit Ecclesia, cum tam abunde Spiritum suum misit in illam Dominus Jesus quod quasi ebriam* præ Spiritu reddiderit, ita ut multi irridentes dicerent (*Act. 2, 13*): *Quia musto pleni sunt isti.*

92 XIX. — Hæc est ergo tanta et tam efficax vis istorum donorum Spiritus Sancti quæ Dominus plenisime Ecclesiæ suæ largitus est, ut eam ab omni temporali contagione ad puritatem et lucem Spiritus transferat et purificet, et super omnem humanæ fragilitatis et naturalis rationis mensuram exaltet, ita ut vino isto Spiritus hausto et potato dicere possit cum sponsa (*Cant. 1, 1*): *Quia meliora sunt ubera tua vino*, id est, meliorata seu meliora reddita sunt ubera tua vino isto Spiritus quo inebriaris: eo quod ad litteram virtutes sunt quasi habitus ornantes animam, et quasi turgentia ubera prominentes tam in mente quam in voluntate, et istæ meliorantur seu meliores fiunt ab ipso

*n. 513, 534,
648, 1267

vino spiritualium donorum, et unguentis istis optimis fragrantia redduntur: spirant enim odorem, quia a Spiritu et halitu divini ipsius oris procedunt.

93 Et hoc osculum oris totum spirituale et purum est, non libidinis: hoc enim etsi ore fiat non oris est, magis autem est concupiscentiæ et carnis. Oris autem osculum locutionis osculus est, sed sermonis, sed intelligentiæ, sed Verbi, sed splendoris. Procedit enim ab ore quatenus organum locutionis et sermonis est: Verbo autem Domini firmantur cœli, et omnis virtus eorum spiritu oris ejus ornatur¹.

¹ Cf. *Ps. 32, 6.*

ARTICULUS II

UTRUM HÆC DONA SINT HABITUS A VIRTUTIBUS ETIAM INFUSIS DISTINCTI?

94 I. — Ex his quæ articulo præcedenti allata sunt, constat dari dona illa Spiritus Sancti quæ specialiter* *n. 53, 109,
dona et spiritus appellantur. 140, 223

* * *

95 Et supponendum est dona ista supernaturalia esse et per se infusa*, nec naturalibus viribus acquisiticia. *n. 676

○

96 Etenim ista dona dicuntur in Scriptura* dari nobis *n. 98 sq.,
a Deo per gratiam suam et per Spiritum suum, et de 1154 sq.
cælo advenire, et dona Dei esse; sed non alio modo colligimus ex Scriptura dari supernaturalia dona et per se infusa in nobis quam ex similibus verbis, ut quia dicitur fidem esse donum¹ Dei, charitatem in nobis diffundi² per Spiritum Sanctum, et alia similia; ergo eodem modo debemus colligere hæc dona Spiritus Sancti esse supernaturalia et infusa.

97 Minor est nota, nec enim aliud principium est ad colligendum ex Scriptura dari in nobis aliqua super-

naturalia dona et per se infusa, et inde contra Pelagianos colligit¹ S. Augustinus charitatem, gratiam et fidem non esse ex dono creationis, sed ex speciali gratia Dei, quia sic in Scriptura significantur tamquam a Deo donata per ejus gratiam et donum.

98 II. — Major vero probatur. Nam in primis, dona ista quæ in Christo Domino fuerunt ex Spiritu Sancto fuisse clare describitur (*Is. 11, 2-3*): *Et requiesceret super eum Spiritus Domini: spiritus sapientiæ et intellectus, . . . et replebit eum spiritus timoris Domini.* Quæ verba non possunt aptari nisi donis supernaturalibus et infusis, non acquisitis et ordinis naturalis. Ac proinde hæc dona prout describuntur in Christo fuisse non possunt salva fide negari esse dona gratiæ, atque adeo supernaturalia.

99 Ejusdem* autem rationis sunt ista dona in Christo *n. 153, 492
et in nobis. Nam etiam in nobis dicuntur dari per Spiritum et esse dona Dei, ut cum dicitur (*Eccli. 15, 5*): *Adimplebit illum spiritu sapientiæ et intellectus, et (I Cor. 12, 8)*: Alii datur per Spiritum sermo sapientiæ: alii sermo scientiæ secundum eundem Spiritum.* Et sic habentur tria dona, sapientia, intellectus et scientia, quæ supernaturalia esse probantur quia per Spiritum dantur, licet Apostolus loquatur* ibi de gratiis gratis datis, quæ etsi supernaturalia sint tamen etiam sine gratia esse possunt. *n. 123

100 III. — Item (*Eccli. 1, 22-24*) numerantur hæc dona, et simpliciter timor et consilium seu prudentia, cum dicitur: *Corona sapientiæ, timor Domini, replens* *n. 1128

¹ Cf. *De Prædest. Sanct.*, cap. 3, PL 44, 964-965.

² Cf. *Rom. 5, 5.*

pacem, et salutis fructum: et vidit, et dinumeravit eam: utraque autem sunt dona Dei. Scientiam et intellectum prudentiae sapientia compartietur: et gloriam tenentium se, exaltat. Ubi numeratur sapientia et timor, et scientia, et intellectus prudentiae quæ pertinet ad consilium, et dicuntur sapientia et timor dona Dei, compartiri vero a sapientia scientiam et intellectum, quod totum pertinet ad supernaturale donum. Dicitur etiam ibidem¹ timor initium sapientiae, radix sapientiae, et quod timor expellit² peccatum: quod utique facere non potest nisi sit aliquid supernaturale et ad justificationem disponens.

101 De dono fortitudinis quod sit infusum et supernaturale, sumitur ex illo (*I Mac.* 3, 19): *Quoniam non in multitidine exercitus victoria belli, sed de cœlo fortitudo est;* et (*Ps.* 43, 4): *Nec enim in gladio suo possederunt terram, et brachium eorum non salvavit eos: sed dextera tua, et brachium tuum, et illuminatio vultus tui;* et (*Ex.* 15, 2): *Fortitudo mea, et laus mea Dominus.*

102 De dono etiam consilii, habetur (*Ps.* 118, 24): *Et consilium meum justifications tuæ.* Et de operibus consilii, ut de virginitate servanda, dicit Paulus (*I Cor.* 7, 25): *De virginibus præceptum Domini non habeo: consilium autem do, tamquam misericordiam consecutus a Domino;* et (*Mat.* 19, 11): *Non omnes capiunt verbum istud, sed quibus datum est* (id est, consilium de virginitate).

103 Denique de spiritu seu dono pietatis, habemus (*I Tim.* 4, 7-8): *Exerce te ipsum ad pietatem. Nam*

¹ *Eccli.* 1, 25.

² Cf. *Eccli.* 1, 27.

exercitatio corporalis ad modicum utilis est: pietas autem ad omnia utilis est, promissionem habens vitæ, quæ nunc est, et futuræ. Ubi non potest intelligi nisi de pietate supernaturali, cui videlicet annexa est promissio vitæ futuræ quæ est beatitudo; nec de alia potest ita apte intelligi sicut de illo spiritu pietatis, de quo (*Is.* 11, 2). Ad quod etiam addi potest quod dicitur (*Job* 28, 28): *Ecce pietas ipsa est sapientia.* Sic enim ex Græco (LXX) legunt plures, et Augustinus sic legit (*Enchir.*, cap. 2)¹, licet nostra Vulgata habeat: *Ecce timor Domini, ipsa est sapientia.*

* *

104 IV. — Ex quibus colligitur non solum esse de fide* ^{*n. 365, 492} hæc septem dona seu spiritus qui in Christo fuerunt supernaturalia fuisse, quia Isaias² expresse et ad litteram loquitur de Christo, sed etiam de fide* esse quod ^{*n. 107, 493} in nobis dantur hæc dona, et quod supernaturalia sunt.

○

105 Licet enim Origenes (*In Num.*, hom. VI, n. 3; *In Is.*, hom. III, n. 1-2)³ insinuet⁴ in nullo alio quam in Christo requieuisse septemplicem hanc virtutem, quod et Tertullianus significat (*Adv. Judæos*, cap. 9)⁵, tamen non videntur hi auctores locuti nisi in quodam sensu comparativo, et faciendo vim in illo verbo prophetæ⁽⁶⁾: *Requiescat super eum, etc., quasi super alios*

¹ PL 40, 231.—Cf. *De Trin.*, Lib. XII, cap. 14; Lib. XIV, cap. 1, PL 42, 1010; 1036.

² *Is.* 11, 2-3.

³ PG 12, 608; 13, 228-229.

⁴ Cf. DTC. a. *Dons*, IV, 1758.

⁵ PL 2, 625.

⁶ Cf. *Is.* 11, 2.

non in illa plenitudine et permanentia fuerint ista dona sicut in Christo, in quo sine ulla interruptione ab instanti suæ conceptionis Spiritus iste septiformis requievit.

- 106 Cæterum alii auctores recentiores existimant solum de Christo esse de fide quod habuerit hæc septem dona supernaturalia, de aliis autem non esse de fide, sed esse certissimum, et oppositum esse temerarium, quia est contra communem sensum patrum et scholasticorum, ut sensit Lorca (*In Iam-IIæ*, q. 68, disp. 25, membr. 1), aut saltem esse proximum errori, ut sensit Martinez (*In Iam-IIæ*, q. 68, a. 1, dub. 1).

◎

- 107 V.—Ego¹ tamen existimo* etiam de fide esse ita ut oppositum sit hæresis quod in nobis sunt ista septem dona Spiritus Sancti, eaque supernaturalia esse. *n. 104, 153, 493

- 108 Nam in locis allegatis* (præter illum locum Isaïæ), expresse Scriptura loquitur de istis donis prout in nobis sunt, ut cum dicit (*Eccli.* 15, 5): *Adimplebit illum spiritu sapientiæ et intellectus*; et cum dicitur (*Sap.* 7, 7): *Invocavi, et venit in me spiritus sapientiæ*. Et de dono intellectus (*Ps.* 110, 10): *Intellectus bonus omnibus facientibus eum*. Et de aliis donis, ut fortitudinis, timoris, pietatis, etc., loca allegata* expresse loquuntur prout sunt in nobis. *n. 100 sq.

- 109 Ad quod accedit ita Ecclesiam sentire, cum in Hymno² Spiritus Sancti dicit: "Tu septiformis mu-

¹ Cf. Joan. a Sto Thoma, *Curs. Theol.*, *In Iam-IIæ*, disp. 16, a. 7, n. 37.

² Ex Hymno *Veni Creator*.

nere"; et iterum¹: "Da tuis fidelibus in te confidentibus sacrum septenarium". Constat autem quod ista munera sic sacra et sic data a Spiritu Sancto gratuita sunt, quia petuntur a Deo (et oratio, ut inquit Augustinus², est "Clarissima gratiæ testificatio"); et supernaturalia sunt, quia sacra vocantur et munera specialia* Spiritus Sancti. Quis autem dicat postulare Ecclesiam pro suis fidelibus dona quæ illis non dantur? *n. 53, 94, 140

- 110 VI.—Accedit communis sanctorum consensus et scholasticorum, qui de istis donis tamquam de notissimis quæ nobis dantur loquuntur, ut Augustinus (*Serm. ad Popul.*, serm. CCCXLVII, cap. 2)³ et (*De Doctr. Christ.*, Lib. II, cap. 7, n. 9–11)⁴, et (*De Serm. Dom.*, Lib. I, cap. 4)⁵; Ambrosius (*De Sacram.*, Lib. III, cap. 2)⁶, et (*In Psalm. CXVIII*, serm. V, super vers. 38)⁷, et (*De Spir. Sancto*, Lib. I, cap. 16, n. 158)⁸; Gregorius (*Moral.*, Lib. I, cap. 27, n. 38; et Lib. II, cap. 49, n. 77; et *In Ezech.*, Lib. II, hom. 7, n. 7)⁹; Hieronymus (*In Isaiam*, Lib. IV, super XI, 2)¹⁰; Cyrilus (*In Isaiam*, Lib. II, tomus I)¹¹; Cyprianus (*De Cardinalibus Christi Operibus*, cap. *De Unctione Chrismatis*)¹², et alii multi,

¹ Ex *Sequentia Veni Sancte Spiritus*.

² Cf. Epist. CLXXVII *Ad Innocentium*, n. 4, PL 33, 766.

³ PL 39, 1524–1525.

⁴ PL 34, 39–40.

⁵ PL 34, 1234.

⁶ PL 16, 434.

⁷ PL 15, 1265.

⁸ PL 16, 740.

⁹ PL 75, 544, 592; PL 76, 1016–1017.

¹⁰ PL 24, 145.

¹¹ PG 70, 314–315.

¹² Non invenitur apud Migne, sed refertur in *D. Cypriani Opera* (Parisiis, apud Sebastianum Nivellum, 1574), p. 476.

et scholastici universi cum Magistro (*Sent.*, Lib. III,
dist. 34)¹ et cum D. Thoma hic, quæst. 68.

111 VII. — HOC SUPPOSITO, duo oportet discu-
tere quæ difficultatem faciunt.

112 Primum*, quod pertinet ad genus istorum dono-
rum, an sint habitus. Et sic differunt a gratiis gratis
datis quæ per modum transeuntis dantur: hoc enim
non ita constat ex Scriptura*. ^{*n. 114 sqq.}

113 Secundum*, quod pertinet ad differentiam, an
sint habitus distincti a virtutibus theologicis, et mora-
libus sive infusis sive acquisitis. ^{*n. 135 sqq.}

DONA SPIRITUS SANCTI SUNT HABITUS

114 VIII. — DICO ERGO PRIMO: Dona ista habi-
tus sunt, et non solum actus vel aliquæ disposi-
tiones datæ per modum transeuntis, sicut datur
lumen propheticum vel aliæ gratiæ gratis datæ.

115 Hæc est communis scholasticorum* sententia cum ^{*n. 112}
D. Thoma (Ia-IIæ, q. 68, a. 3), licet aliqui, ut refert²
Lorca, existimaverint hæc dona solum esse actus
quosdam virtutum speciales, non habitus.

¹ PL 192, 823-827.

² In Iam-IIæ, q. 68, art. 3.



116 Ratio et fundamentum est, quia in primis in
ipsa Scriptura significantur ista dona dari per modum
permanentiae, dum dicitur (*Is. 11, 2*): *Requiescat super
eum Spiritus Domini: spiritus sapientiæ et scientiæ, etc.*; et de eodem Spiritu Sancto per quem dantur ista dona
dicitur (*Joan. 14, 17*): *Apud vos manebit, et in vobis erit.*
Ergo ista dona habent statum permanentiae.

117 IX. — Secundo, quia dantur ista dona ad similes
functiones seu operationes ad quas ponuntur virtutes
sive in intellectu sive in voluntate, ut patet de sapientia
et scientia, fortitudine et pietate (ista enim habent
operationes et actus quos elicunt, nec ipsa sunt actus,
sed principia elicentia actus, sicut sapientia et scientia
elicunt actus cognitionis, et fortitudo et pietas et
timor actus voluntatis); sed sapientia et fortitudo, quando
sunt virtutes, sunt habitus eliciti suarum operationum;
ergo etiam sapientia quæ est donum, et scientia
et fortitudo, etc. nominabuntur habitus, qui sint principia
elicitiva istarum operationum.

118 X. — Tertio, quia ista dona dantur ad hoc ut homo
operetur ex quadam connaturalitate ad res divinas, et ex
quadam experientia illarum prout movetur ex instinctu
Spiritus Sancti, ut S. Thomas advertit (Ia-IIæ, q. 68,
a. 3.), et (IIa-IIæ, q. 45) agens de dono sapientiæ;
sed non potest connaturalizari ad res divinas et quasi
spiritualizari et divinizari nisi disponatur et afficiatur
ad illas modo permanenti et habituali (quod enim per
modum transeuntis solum datur non connaturalizat
subjectum ad id ad quod disponit, quia non videtur ei
assuefieri et permanenter adhærere); ergo dona Spi-

ritus Sancti habitualem exigunt dispositionem ad operandum, quia disponunt ad operandum ex quadam connaturalitate ad res divinas et ad Spiritum Sanctum a cuius instinctu moventur.

- 119 Et ad hoc reducitur ratio S. Thomæ in hoc articulo tertio, quia sic disponitur homo per dona Spiritus Sancti ad obediendum impulsui et instinctui ipsius sicut per virtutes morales disponitur vis appetitiva ad obediendum rationi: ergo sicut virtutes morales sunt habitus quia sic disponunt ad obediendum rationi, ita dona erunt habitus quia disponunt ad obediendum et sequendum instinctum Spiritus Sancti.

* *

- 120 XI. — **Sed objicies***: Nam prophetia non est habitus, sed lumen per modum transeuntis* datum prophetæ, ut determinat S. Thomas (IIa-IIæ, q. 171, a. 2) (non obstante quod præbeat principium elicitivum cognitionis propheticæ), quia videlicet non habet homo in hac vita cognitionem claram principiorum ex quibus deducitur cognitio prophetialis, scilicet visionem* es- *n. 124 sq.
sentiae divinæ in qua continentur res illæ prophetice cognitæ. Sed similiter dona Spiritus Sancti non supponunt in se permanenter cognitum principium a quo derivantur, siquidem solum dantur ad sequendum instinctum Spiritus Sancti, sicut virtutes morales ad sequendum ductum rationis, ut dicit D. Thomas¹.

- 121 In quo tamen videtur paralogizare, quia infert ex hoc debere dona Spiritus esse habitus sicut virtutes

¹ Cf. Iam-IIæ, q. 68, a. 3.

*n. 241

*n. 127

morales, cum tamen oppositum deberet inferri, quia virtutes morales sequuntur ductum rationis ut manifestatum per habitum prudentiæ aut synderesis; dona autem sequuntur ductum Spiritus Sancti ut manifestatum per instinctum. Instinctus autem non cognoscitur per habitum, sed per modum transeuntis, ut patet in prophetis; ergo ad obediendum illi non oportet disponi per habitus, sicut disponunt virtutes morales quæ obediunt rationi, quæ per habitum etiam prudentiæ disponitur, et in ea continentur principia et seminaria virtutum.

- 122 At vero instinctus Spiritus Sancti in quo continentur principia et regulationes donorum non cognoscitur per habitum, sed per modum transeuntis datur; ergo sicut prophetia non datur per modum habitus quia non supponit cognitionem principiorum ejus in nobis habitualem, ita nec dona Spiritus Sancti, quia non supponunt cognita principia eorum per habitum sed per instinctum.

- 123 XII. — **Et confirmatur*** in cæteris gratiis gratis datis, ut in operatione miraculorum, in gratia sanitatum, in dono linguarum, etc., ad quæ non ponuntur habitus in nobis, sed sufficiunt actuales motiones, ut deducitur ex D. Thoma (IIa-IIæ, q. 177 et 178); ergo idem erit de donis Spiritus Sancti ad quorum exercitium sufficiet actualis motio divina sine habitu infuso, præsertim cum Apostolus¹ inter gratias gratis datas numerat sermonem sapientiæ et scientiæ, quæ datur in eodem Spiritu: ex quo loco nos collegimus* dari dona Spiritus Sancti. Ergo admittimus dona esse gratias gratis datas, ergo non habitus.

¹ Cf. I Cor. 12, 8.

*n. 99, 112,
134

◎

124 XIII. — **Respondetur*** concedendo lumen propheticum dari in nobis transeunter et non habitualiter, ob rationem ibi* allatam ex D. Thoma¹.

*n. 120

125 Negamus tamen quod dona Spiritus Sancti non supponant in nobis permanenter cognita principia quibus regulantur. Nam etsi dirigantur instinctu Spiritus Sancti, tamen instinctus ille non* est ad manifestandum veritatem* ipsam objectorum, vel in se intellectualiter, vel saltem in visione aliqua imaginaria², ut facit prophetia, sed sufficit aliquis instinctus quem etiam humanæ mentes nescientes patiuntur, ut Augustinus docet³, qui nihil aliud est quam motus aliquis interior, seu excitatio divina quæ movet hominem ad gustandum et videndum experimentali gustu quoniam suavis est Dominus⁴, et sic quasi inviserat* et connaturalizat nobis res divinas notas in hac vita per fidem*, quæ est habitus permanens et regulativus* charitatis et donorum Spiritus Sancti.

*n. 128

*n. 178, 524

*n. 171, 584

*n. 517

*n. 172, 484,
591, 813,
1114

*n. 518, 529

*n. 1068

126 Et ex* tali connaturalitate et invisceratione ad res divinas fit homo habilior, tum ad penetrandum res ipsas divinas et mysteria fidei, tum ad judicandum sive secundum causas inferiores, sive secundum causas supremas, sive ad practice consiliandum de agendis. Et sic formantur* quatuor dona in mente, scilicet donum intellectus ad penetrandum et bene capiendum res divinas, donum sapientiæ, scientiæ, et consilii ad judicandum de divinis juxta illos tres modos.

¹ Cf. IIam-IIæ, q. 171, a. 2.² Cf. *De Ver.*, q. 12, a. 12 et 13.³ *De Genesi ad Litt.*, Lib. II, cap. 17, n. 37, PL 34, 278.⁴ Ps. 33, 9.

127 Sed instinctus movens ad illam cognitionem sic formandam attingit principia quibus innititur, sive per fidem in via, sive per lumen gloriæ in patria, modo permanenti. Nec se habet sicut prophetia respectu rerum prophetabilium, quia propheta non innititur nec regulatur per fidem (nam et in infideli potest* dari, ut in Balaam¹) in sua cognitione formanda (licet cum fide compatiat), sed intendit formare visionem aliquam vel intellectualem vel imaginariam cum certitudine quadam et repræsentatione² speciali saltem in imaginatione et apparentia formata, licet non in se immediate visa (propter quod compatitur cum fide), et quia ad istam visionem saltem imaginariam formandam non habet in se principium clare visum unde derivetur talis formatio (quia res istæ solum continentur ut in principio in visione* divinæ essentiæ), ideo oportet ab extrinseco lumen sibi communicari quo manifestentur res illæ prophetabiles extra suum principium.

*n. 358, 424,
454

*n. 120

*n. 125

*n. 354 sq.

*n. 359, 392

*n. 322

*n. 393

128 XIV. — At vero ista dona Spiritus Sancti et instinctus quo diriguntur non* dantur³ ad formandam visionem aliquam sive intellectualem sive imaginariam de rebus fidei in se, sed ad capiendum* vel judicandum de ipsis juxta aliquid principium quod habitualiter in nobis habemus, puta ex parte credibilitatis vel convenientiæ talium mysteriorum et rectæ* æstimationis de illis, quatenus discernit et cognoscit hæc mysteria digna esse creditu, et propter nullum apparentem errorem ab eis esse recedendum; aut ex connaturali quadam experientia et gustu* quem per charitatem de divinis rebus habemus, et ex tali connaturalitate* judicat de divinis

¹ Cf. *Num.* 22-23.² Cf. *De Ver.*, q. 12, a. 6.³ Cf. IIam-IIæ, q. 8, a. 5 ad 2.

donum sapientiae, ut docet D. Thomas (IIa-IIæ, q. 45), et consilium dat prudentiam de agendis, et secundum illam rectam aestimationem credendorum penetrat res fidei donum intellectus, ut docet S. Thomas (IIa-IIæ, q. 8, a. 2).

129 XV. — In statu vero gloriæ ubi non est fides, et in Christo Domino qui illa caruit, faciunt ista dona penetrari aut judicari res supernaturales extra* Verbum, non ex credibilitate, sed ex earum convenientia in ordine ad nos, vel ad alias causas creatas, vel ex sapore et gustu et connaturalitate per amorem ad res divinas, ut postea* dicemus.

130 Itaque movet instinctus divinus ad cognoscendum vel dirigendum ea quorum principia in se cognoscit per fidem, non sicut prophetia* ad formandum visionem de eis quorum principium visione non apprehendit. Et ideo illa dona dantur habitualiter, non prophetia. Ex illis vero habitualiter habitis recte deducuntur principia regulativa* eorum donorum quæ sunt in vi appetitiva, ut fortitudo, pietas, timor. Et sic etiam habitualia sunt.

131 Fatemur tamen aliquando ista dona perfici et crescere ex aliqua illustratione¹ data per modum raptus vel prophetiae. Sed hoc non* est quod per se postulant ex sua natura præcise, sed ex abundantia lumine. Dona enim per se requiruntur ad salutem, non illæ illustrations.

132 XVI. — Ad confirmationem*, respondetur ex D. Thoma (Ia-IIæ, q. 68, a. 3 ad 3) quod prophetia et

¹ Cf. Joan. a Sto Thoma, *Curs. Theol.*, In Iam, disp. 2, a. 8, n. 10, I (Solesm.), p. 387.—IIam-IIæ, q. 45, a. 5.

*n. 170, 394,
508, 694 sqq.

*n. 178-179,
475 sqq.

*n. 127

*n. 460, 771,
1238

*n. 134

*n. 123

aliae gratiae gratis datae dantur ad manifestationem Spiritus, et inniti possunt principiis altioribus¹ quæ non videmus, ideoque indigent aliquo lumine vel motione per modum transeuntis data, non in ipsa principiorum visione firma et permanenti.

133 Dona autem Spiritus Sancti sunt de necessitate salutis², sicut et charitas quam comitantur, et ideo regulantur* per principia ex fide cognita sicut et ipsa charitas, licet speciali instinctu Spiritus Sancti excitata et cognita et disposita. Unde possunt habitualiter et permanenter dari, sicut ipsa fides et charitas.

*n. 125

134 Quando autem probamus* ex illo loco Pauli (I Cor. 12, 8) dari ista dona sapientiae et scientiae, cum tamen ibi Paulus loquatur de gratiis gratis datis, dico quod, cum dicit Paulus: *Alii datur per Spiritum sermo sapientiae: alii sermo scientiae, etc., ipse quidem sermo pertinet ad gratiam gratis datam quia est manifestatio Spiritus, et non* omnibus datur ista gratia manifestatio et lingua erudita ut possint sustentare alios verbo. Sed tamen ipsa sapientia et scientia, quæ tali sermone manifestantur, sunt dona Spiritus Sancti.*

*n. 99, 123

*n. 131, 1128

* * *

DONA DIFFERUNT A VIRTUTIBUS THEOLOGICIS, ET MORALIBUS

135 XVII. — DICO SECUNDO*: Dona ista Spiritus Sancti sunt habitus diversi a virtutibus theologicis, et moralibus.

*n. 113

¹ Cf. IIam-IIæ, q. 171, a. 2 ad 3.

² Cf. Iam-IIæ, q. 68, a. 2.

136 Non est dubium de differentia a moralibus acquisitis et ordinis naturalis, supposito quod ostensum^{*} est secundum fidem hæc dona supernaturalia esse; virtutes autem acquisitæ sunt naturalis ordinis. Unde possunt inveniri in statu puræ et integræ naturæ, in quo tamen non dantur ista dona quæ supernaturalia sunt; ergo potest dari separatio inter istas virtutes et hæc dona; ergo et distinctio.

137 XVIII. — **Difficultas** ergo solum potest esse inter virtutes infusas et dona Spiritus Sancti, *an* distinguantur inter se, intelligendo nomine virtutum infusarum non solum morales infusas, quas nos dari fatemur¹, sed etiam theologicas quas infusas esse nullus potest negare.

* *

138 XIX. — **Circa hanc difficultatem**, celebris est Scoti² sententia tenentis dona hæc non distingui a virtutibus, sed substantialiter³ esse ipsasmet virtutes secundum aliquam peculiarem denominationem vel officium, ratione cuius dicuntur dona.

139 Quam sententiam sequuntur aliqui *ex antiquis*, ut Gabriel⁴, Major⁵, Palacios⁶, et alii. *Ex recentioribus* sequitur eamdem sententiam Lorca⁷; et in eamdem inclinat Vazquez⁷, licet enim utramque judicet probabi-

^{*n. 186 sq.,}
1003, 1028
^{*n. 209}

¹ Joan. a Sto Thoma, *Curs. Theol.*, In Iam-IIæ, disp. 16, a. 7, VI (Vivès), p. 509 sq.

² In III Sent., dist. 34, a. unic., n. 20.

³ In III Sent., dist. 34, q. 1, a. 2.

⁴ In III Sent., dist. 34, q. 1.

⁵ In III Sent., dist. 34, disp. unic.

⁶ In Iam-IIæ, q. 68, disp. 25, membr. 2.

⁷ In Iam-IIæ, disp. 89, cap. 2, n. 6-7.

lem et se non videre quænam verior sit, tamen rationes D. Thomæ parum efficaces sibi videntur, easque solvit.

140 XX. — Cæterum cum Scotus¹ non admittat virtutes morales infusas distinctas et superadditas ipsis acquisitis, et ex alia parte dona Spiritus Sancti non possimus negare quod sint infusa, quia hoc apertissime^{*n. 96 sq.} significat Scriptura et Ecclesiæ sensus, imo per antonomasiā² isti habitus vocantur dona, quia specialiter a Spiritu Sancto donantur atque infunduntur (hoc enim est a Deo impleri hominem istis donis Spiritus Sancti, ut cum dicitur (*Is. 11, 2-3*): *Et replebit eum spiritus timoris Domini*, et iterum (*Ecli. 15, 5*): *Adimplebit eum Dominus spiritu sapientiæ et intellectus*: hoc enim idem est ac repleri Spiritu Sancto, quod in Scriptura significat infusionem donorum supernaturalium) — cum hæc itaque negari non possint, difficile videtur Scotus explicare quænam virtutes sint ista dona.

141 Nam ex septem donis quædam pertinent ad intellectum³, scilicet sapientia, scientia, intellectus et consilium; quædam ad voluntatem⁴, ut fortitudo, pietas et timor.

142 De quatuor prioribus⁵, Scotus facilius se expedit. Existimat enim pertinere ad virtutes theologicas, eo quod sapientiam reducit⁶ ad charitatem, nec putat esse actum intellectus sed charitatis⁷, quatenus fidei vel scientiæ dat saporem et gustum: est enim sapientia quasi sapida scientia. Et sub alia consideratione etiam sapientiam reducit ad spem, quatenus non solum mihi sapit Deus in se, sed prout est bonus mihi. Et primo modo pertinet ad charitatem, secundo, ad spem.

¹ In III Sent., dist. 36, q. 1, n. 28.

^{*n. 141}

^{*n. 142 sq.}

^{*n. 145 sq.}

^{*n. 160 sq.}

- 143 At vero donum scientiae et intellectus reducit* ad fidem, quia etiam ad fidem pertinet penetrare et judicare* de rebus quas credit. Et quantum ad hoc etiam Suarez (*De Gratia*, Lib. II, cap. 19, n. 11)¹ sentit non esse evidens neque certum donum intellectus esse donum supernaturale omnino a fide distinctum, licet ipse teneat* revera distingui. Quam certum tamen hoc sit statim ex probatione contra Scotum constabit*. *n. 152, 160
*n. 321, 438,
598
- 144 De dono consilii nihil Scotus decernit, facile tamen illud reducere potest ad fidem*, quatenus fides practica² est, et consequenter consiliatrix. *n. 1001
*n. 186-208
- 145 XXI. — **De donis vero pertinentibus ad voluntatem***, scilicet de fortitudine, pietate et timore, ad quas virtutes infusas ea Scotus reducat, mihi omnino ignotum est. *n. 141, 165
- 146 Nam ad virtutes theologicas non reducit, cum actus fortitudinis et timoris neque sint actus charitatis, neque spei elicitive et directe. — Neque sunt actus fortitudinis, timoris et pietatis, quae sunt virtutes acquisitae, quia isti actus donorum sunt supernaturales et ab infusione Spiritus Sancti, non ordinis naturalis et acquisiti. — Neque sunt actus pietatis aut fortitudinis infusae, quia Scotus negat³ tales virtutes morales infusas dari.
- 147 Cujus ergo virtutis actus sunt, vel a quibus virtutibus procedunt? — Nisi forte Scotus velit *aut negare* quod dona Spiritus Sancti sint supernaturalia et infusa:

¹ *Opera Omnia*, VII (Vives), p. 684.

² Cf. Gal. 5, 6.

³ In III Sent., dist. 36, q. 1, n. 28.

quod non congruit Scripturæ, ut ostendimus*, *aut affirmare* quod virtutes acquisitæ per accidens infundantur homini justo, et sic dicantur dona: quod est omnino falsum, et saltem in homine exercitato et qui acquisivit virtutes non habet locum: et talis, quando justificabitur, non habebit dona Spiritus Sancti infusa, quod est absurdum. Sic enim qui exercitatio est in virtutibus carebit ea infusione qua minus exercitati et peccatores non parent, quia peccatores sunt.



- 148 XXII. — Quidquid tamen sit de mente Scotti* *n. 138 sq.
ejusque sententia, **conclusio nostra** est D. Thomæ *n. 135

(Ia-IIæ, q. 68, a. 1; In III Sent., dist. 34, q. 1, a. 1), ubi distinguit dona Spiritus Sancti etiam a virtutibus moralibus infusis, expresse earum mentionem faciendo (Ia-IIæ, q. 68, a. 1 ad 3).

- 149 Est etiam discipulorum ejus, et theologorum communiter, qui citantur a Suarez (*De Gratia*, Lib. II, cap. 17, n. 9)¹, a Montesinos et Martinez (In Iam-IIæ, q. 68, a. 1), et ab aliis. — Sumiturque ex D. Gregorio (*Moral.*, Lib. II, cap. 49)², ubi aperte distinguit virtutes theologicas et dona Spiritus Sancti a virtutibus moralibus.



- 150 **Et probatur dupli fundamento.** — **Primo***, *n. 151 sq. deducto per discursum theologicum ex Scriptura; — **secundo***, quasi a priori, ex ipsa propria ratione *n. 166 sq.

¹ *Opera Omnia*, VII (Vives), p. 673.

² PL 75, 592.

formali istorum donorum, quæ distinctionem petit a virtutibus.



151 XXIII. — **Primum* ergo fundamentum** deducit ex eo quod dona illa pertinentia ad intellectum, scilicet sapientia, scientia, intellectus et consilium non possunt esse idem cum virtutibus theologicis, neque* *n. 165, 228 alia tria dona pertinentia ad vim appetitivam possunt esse idem cum virtutibus moralibus. Distinguuntur ergo ista dona a virtutibus.

152 *Antecedens probatur*, nam non possunt ista dona neque aliquod illorum esse idem* cum fide et spe, si quidem ista dona secundum fidem fuerunt in Christo Domino, ut patet (*Is. 11, 1-3*): *Et flos de radice ejus ascendet. Et requiescat super eum Spiritus Domini, spiritus sapientiae et intellectus*, etc. At in Christo Domino non¹ fuit fides neque spes, quia habuit visionem beatificam. Ergo illa dona quæ fuerunt in Christo distinguuntur a fide et spe.

153 Dona autem quæ sunt in nobis sunt ejusdem* *n. 99, 492 rationis cum his quæ fuerunt in Christo, cum ex illo loco Isaiæ, in quo ista dona referuntur esse in Christo, colligant Patres et theologi etiam* *n. 107-110 in nobis dari, et ex eo quod ibi septem numerantur dona, in nobis etiam dicatur Spiritus Sanctus septem dona tribuere et septiformis* *n. 109, 1028 sq. esse in munere: non enim alibi quam in illo loco septem esse ista dona affirmantur; ergo sicut illa dona Christi distinguuntur a fide et spe, ita et nostra.

¹ Cf. IIIam, q. 7, a. 3-4.

154 XXIV. — **Non potest huic argumento responderi** nisi dicendo quod in Christo dona illa sapientiae et intellectus et scientiae sunt quidem distincta a fide, et consequenter a donis, quæ in nobis sunt identificata cum fide et spe: sunt tamen identificata in Christo cum scientia infusa animæ ejus, et cum charitate. In nobis autem sunt dona indistincta a fide et spe pro hac vita. In patria vero erunt dona alia similia donis illis quæ fuerunt in Christo et non identificantur cum fide vel spe. — Nisi enim ponatur istud duplex genus donorum, non potest stare quod in nobis dona sint identificata cum fide; in Christo autem cum sit de fide dari dona, oportet fateri quod non identificantur cum fide, quia in Christo non est fides.

155 XXV. — **Cæterum hæc responsio* omnino** *n. 154 caret **fundamento**. Nec enim de istis donis possumus quidquam statuere, nisi in Scriptura et Patribus fundati*. Nullibi autem in Scriptura hoc duplex *n. 22, 417, donorum genus reperitur, unum pro via, aliud pro 433, 1040 patria, sed tantum erit merum figmentum ad defendendam illam sententiam, quæ ex hoc prorsus rejicienda venit, quia non nisi tali invento defendi potest.

156 Certe si alia dona ponuntur pro hac vita quam pro alia, necesse est omnia dona evacuari quæ in ista vita habemus, cum tamen de timore sancto, qui est donum Spiritus Sancti, constet permanere in alia vita, cum dicitur (*Ps. 18, 10*): *Timor Domini sanctus, permanens in sæculum sæculi*; et de sapientia dicitur (*Sap. 6, 13*): *Clara est, et quæ nunquam marcessit sapientia*; et de pietate dicitur (*I Tim. 4, 8*) quod *Ad omnia utilis est, promissionem habens vitæ, quæ nunc est, et futuræ*. Non ergo desinit in alia vita pietas quæ in ista est.

- 157 Eadem autem videtur ratio de aliis donis, juxta quod dicit Ambrosius (*De Spir. Sancto*, Lib. I, cap. 16, n. 158)¹ quod “Spiritus Sanctus in illis cælestibus spiritibus redundantius videtur effluere, pleno septem virtutum spiritualium fervens meatu”.
- 158 Septem autem dona non constat esse alia quam quæ in ista vita habemus. Eadem ergo dona quæ hic sunt remanent in patria, et ita si in patria non identificantur cum fide et spe, neque hic.
- 159 Cum vero Paulus dicit (*I Cor.* 13, 8) quod *Scientia destruetur*, communiter² explicatur* de scientia quantum ad id quod materiale est ex parte discursus aut conversionis ad phantasmata, non ex parte habitus et rationis formalis ejus. *n. 1225 sq.
- 160 XXVI. — Quod si semel habemus dona ad intellectum pertinentia non* identificari cum fide neque cum spe, etiam convincetur non identificari cum charitate*, neque alia dona cum virtutibus moralibus. *n. 143
*n. 142
- 161 Nam caritas non* potest identificari cum sapientia, cum negari non possit quod sapientia substantialiter et intrinsece sit actus intellectus*, cum sapere sit intelligere, juxta illud (*Ps.* 106, 43): *Quis sapiens et custodiet hæc? et intelliget misericordias Domini?* Et sapientes dicimus qui recte sunt intelligentes et judicantes. Et per modum luminis et lucis explicatur in Scriptura, ut cum dicitur (*Sap.* 7, 10) loquendo de ipsa sapientia: *Et proposui pro luce habere illam: quoniam* *n. 142
*n. 576, 679

¹ PL 16, 740.² Cf. Iam-IIæ, q. 67, a. 2 ad 1; *In I Cor.*, cap. 13, lect. 3.

inxtinguibile est lumen illius. Et ibidem¹ dicitur spiritum sapientiæ pertinere ad sensum, id est, ad cognitionem, cum dicitur: *Optavi, et datus est mihi sensus: et invocavi, et venit in me spiritus sapientiæ.* Unde Augustinus (*Serm. Suppos.*, serm. CCXLV, n. 2.)² dicit quod “Sapientia ad rationem pertinet, et ratio sola ipsam sapientiam suscipit”.

- 162 Quare reducere* sapientiam ad actum charitatis et voluntatis ex sola illa denominatione saporis seu gustus est evertere quidditatem et naturam istius virtutis, cuius actus manifeste pertinet³ ad intelligentiam et cognitionem. *n. 142
- 163 Quod autem fiat cum gustu et sapore seu suavitate, vel est ob delectationem quam ipsa contemplatio veritatis causat, præsertim quando fit per altissimas causas, quod etiam invenitur in sapientia quæ non est donum, sed propriis viribus acquisita: hæc enim etiam est quasi sapida scientia; tum, quia sapientia quæ est donum, licet formaliter sit in intellectu, supponit tamen actum charitatis, ratione cuius homo habeat affectum* ad divina et experimentaliter sentiat in se unionem aliquam affectualem* ad Deum, unde per quamdam divinorum experientiam et affectum judicare possit de divinis, ut postea* latius explicabitur. *n. 518
*n. 71
*n. 591

- 164 XXVII. — Similiter donum consilii non* potest identificari cum fide etiam quatenus practica est, quia donum consilii ponitur in Christo inter illa dona numerata (*Is.* 11, 2), et tamen in Christo non est fides. *n. 144, 779

¹ Cf. *Sap.* 7, 7.² PL 39, 2196.³ Cf. IIam-IIæ, q. 45, a. 2.

165 Reliqua vero dona ad appetitivam* partem spec- *n. 145, 151,
tantia, ut fortitudo, pietas et timor, licet videantur
reduci posse ad virtutes morales illis correspondentes,
ut ad fortitudinem, pietatem seu cultum erga Deum,
qui etiam videtur comprehendere reverentiam timoris,
tamen cum ista dona appetitiva regulentur* ab illis
donis intellectivis, scilicet a sapientia, scientia et con- *n. 130, 460,
silio, videntur etiam esse distincta a virtutibus mora- 761, 773
libus, quia non convenient in regulabilitate cum illis,
siquidem regulantur a donis illis Spiritus Sancti quæ
sunt aliquid altius prudentia regulante virtutes morales;
ergo neque convenient in moralitate cum illis, siquidem
moralitas regulatio* est: variata ergo regulatione, *n. 254
variatur* moralitas; ergo et species virtutum quæ in *n. 173, 175
moralitate consistit.

○

166 XXVIII. — Et hinc transimus ad secundum* *n. 150
fundamentum pro hac sententia, quod est quasi a
priori. Nam Scriptura tradit* nobis ista dona per
modum spirituum, quatenus sunt in nobis per aliquam
specialem* inspirationem divinam et motionem Spir- *n. 50 sqq.
itus Sancti; nec enim alia ratio excogitari potest quare
magis ista dona vocentur spiritus quam aliæ virtutes:
si enim non sunt in nobis ex aliqua speciali inspiratione
Spiritus Sancti, frustra vocantur spiritus, quod non
vocantur aliæ virtutes.

167 Inspiratio* autem seu motio divina aut est in nobis *n. 194
ad sequendum ductum et regulationem rationis, aut
aliquid altius et elevatius ratione nostra, quod est
Deus seu divinus instinctus, qui est altior* omni ratione *n. 221
et regula humana et iis quæ humano modo et juxta
captum nostrum discernuntur.

168 Si Deus nos movet ad sequendum ductum rationis
et regulas prudentiæ sive acquisitæ sive infusæ prout
a nobis formari possunt, exinde resultat regulatio et
moralitas virtutum humanarum, quæ juxta illum mo-
dum prudentiale induunt moralitatem.

169 Ergo si nos moveat ad sequendum altiorem ductum
et regulam quam sit regulatio prudentiæ, et sola regu-
latione Spiritus Sancti mensuretur, alias virtutes
postulabit* altiores omni moralitate virtutum huma-
narum, et has vocamus dona Spiritus Sancti, tam in
intellectu* dirigente et mensurante, quam in **vo-**
luntate* inclinante et sequente.

170 XXIX. — Et quidem in intellectu* facilius intelli- *n. 169

gitur distincta ratio formalis ex diversa illustratione
luminis divini. *Est enim in divina sapientia spiritus*
intelligentiæ, sanctus, unicus, multiplex, ut dicitur
(*Sap. 7, 22*), id est, unicus in se, multiplex in sua partici-
patione; sicut patet quod a divina sapientia derivatur*
scientia infusa, prophetia, fides et aliæ multæ illustra-
tiones¹ specifice diversæ, inter quas numerantur etiam
ista dona, quæ deserviunt ad considerandum de mys-
teriis fidei et de rebus divinis ex aliquo occulto instinctu
Spiritus Sancti afficientis et unientis nos ad se, et fa-
cientis intelligere et judicare recte de his mysteriis se-
cundum affectum* ipsum ad divina, et experientiam
et convenientiam eorum.

*n. 187, 190,
219, 225, 257

*n. 170

*n. 172

*n. 169

*n. 129, 394,
508 sq.

*n. 584

171 Unde et in exercitio istorum donorum maxime
fundatur theologia mystica, id est, affectiva, quatenus
ex affectu* et unione hominis ad divina crescit intellec-
tus cognitio quasi per experimentum* internum, juxta

*n. 125, 199,
392, 584, 594

*n. 533, 560,
584

¹ Cf. Joan. a Sto Thoma, *Curs. Phil.*, I (Reiser), p. 825b 39 sq.

illud Apostoli (II Cor. 13, 3): *An experimentum quaeritis ejus, qui in me loquitur Christus?*

172

Ex ista autem interiori illustratione et experimentalis gustu divinorum et aliorum mysteriorum fidei, inflammatur affectus* ad hoc ut altiori modo tendat ad objecta virtutum quam per ipsas met ordinarias virtutes, quatenus sequitur regulationem et mensurationem altiore, scilicet ipsum instinctum interiorem Spiritus Sancti juxta regulas fidei* et illustrationum ejus.

*n. 169, 584

*n. 125, 484,
591

173

Et sic diversam moralitatem ponit et diversam* specificationem. Diverso quippe modo ducimur ad finem divinum et supernaturalem ex regulatione formata nostro studio et labore, etiamsi virtus infusa sit et formata, et fundata in regulatione et mensuratione Spiritus Sancti.

*n. 165

174

Sicut diverso modo ducitur navis labore remigantium, et a vento implente vela, licet ad eundem terminum per undas tendat. Unde et (Marc. 6, 48) dicitur quod videt Dominus discipulos laborantes in remigando, quia videlicet magno labore* proceditur in via Dei, cum tantum proprio studio et industria per ordinarias virtutes quis ducitur. At vero cum Spiritus implet interius mentem, et sua regulatione mensurat, quasi sine labore curritur ob dilatationem cordis, sicut dilatantur vela spirante vento. Unde dicitur (Ps. 118, 32): *Viam mandatorum tuorum cucurri, cum dilatasti cor meum*, et iterum (Ps. 142, 10): *Spiritus tuus bonus deducet me in terram rectam*. — Quod amplius explicabitur* agendo de ipsis sigillatim.

*n. 63, 431

*n. 431 sqq.

175

XXX. — **Ex quibus deducitur non*** distingui ista dona a virtutibus solum ex diversa influentia divina

*n. 221

in genere causæ efficientis* (sic enim etiam virtutes theologicae et morales infusæ, et prophetia, et aliæ gratiæ gratis datae, ex divina influentia et infusione sunt in genere causæ efficientis), sed etiam distingui ex diversa ratione formalis*, id est, ex diversa regulatione et mensura, siquidem ipsum objectum sic altiori modo et mensura regulatum est diversum in linea morali* ab eodem objecto regulato et mensurato alia diversa regulatione et moralitate inferiori.

*n. 211

*n. 217

*n. 165

176

Et in hoc sensu optime advertit Cajetanus (In Iam-IIæ, q. 68, a. 1, n. 3) esse in nobis triplex movens ad actus bonos (scilicet movens regulative et formaliter, non solum effective). *Primum*, est mens humana prædicta lumine naturali et prudentia; *secundum*, est mens humana prædicta lumine gratiæ et fidei, sed tamen ad modum et captum proprium se accommodantis et limitantis secundum studium et industriam nostram; *tertium*, est mens humana ut pulsata instinctu Spiritus Sancti non solum effective moventis et excitantis*, sed etiam regulantis etiam supra captum et modum humanum propriæ industriæ et studii, sed sicut *Uncio Spiritus Sancti docet vos de omnibus*, ut dicitur (I Joan. 2, 27).

*n. 188

177

Et *primo motori* correspondent virtutes acquisitæ; *secundo*, virtutes infusæ; *tertio*, dona seu spiritus* altiori modo mensurati et moti.

*n. 50 sqq.

178

XXXI. — Et quidem in donis pertinentibus ad intellectum non solum est diversa illustratio vel infusio luminis in genere causæ efficientis, sed etiam distinctum motivum formale cognoscendi ex instinctu Spiritus Sancti, quatenus non* solum cognoscimus veritatem

*n. 413, 518,
524, 1198

mysteriorum ex testimonio dicentis præcise, aut aliquo lumine* manifestante præcise veritatem, sed mystice*, et ex aliquo affectu experimentali divinorum et interiori unione vel præsentia ad Deum.

*n. 125
*n. 171, 385,
392, 406, 414,
575, 734

179 Propter hoc enim non solum vocantur ista dona sapientia, vel scientia, vel consilium, sed vocantur¹ spiritus* sapientiæ, spiritus consilii, spiritus scientiæ, etc. Nomen autem *spiritus* pertinet ad ipsam spirationem*, quæ est voluntatis affectus, quasi dicitur affectus scientiæ, affectus consilii, seu affectuosa* et mystica* sapientia, affectuosa et mystica scientia, affectuosum et mysticum consilium, et hoc est esse speciales virtutes* seu dona Spiritus.

*n. 575, 718,
763, 1225
*n. 166
*n. 198, 394
*n. 674
*n. 223, 232

180 Et sic D. Thomas ex ipso modo explicandi Scripturæ² quo tradit nobis ista dona in vim et modum *spiritus venatus*³ est earum distinctionem a virtutibus humanis et communiter* dictis.

*n. 217, 223

181 Et ideo istæ virtutes seu isti *spiritus* virtutum et inflammationes atque illustrationes Spiritus Sancti supponunt gratiam et charitatem, nec nisi in habentibus gratiam reperiuntur, quia in unione affectiva animæ ad Deum fundantur, ut latius* in sequentibus explicabitur.

*n. 415 sq.

182 XXXII. — Ut autem totum hoc amplius explicari possit, oportet solvere fundamenta oppositæ* sententiæ, quæ ex duplice capite formari possunt.

*n. 138 sq.

¹ Cf. Is. 11, 2-3.

² Cf. Is. 11, 2-3.

³ Cf. Iam-IIæ, q. 68, a. 1.

183 **Primo**, destruendo rationem et fundamentum D. Thomæ¹, sicque ex eorum solutione magis ejus soliditas clarescat.

184 **Secundo**, probando non habere distinctos* actus² ista dona a virtutibus theologicis et infusis, nec sufficienter explicari eorum diversitatem inter se.

185 **Et primum** expediemus in hoc articulo; **secundum**, per articulos sequentes, ostendendo quomodo singula ista dona debeant explicari.

* * *

SOLVUNTUR OBJECTIONES CONTRA EFFICIACIAM RATIONIS D. THOMÆ

186 XXXIII. — **Primo arguitur** in favorem sententiæ Scoti*: Quia non est aliqua ratio efficax qua probetur ista differentia donorum a virtutibus theologicis et moralibus; ergo non est ponenda.

*n. 138, 266

187 **Antecedens probatur**, quia si aliqua ratione id probatur, maxime ratione² D. Thomæ, quia vide licet “necessæ est quod omne quod movetur proportionetur motori”, et sit dispositum ad recipiendum motum ipsius motoris et ad obediendum illi, et sic cum homo non solum moveatur per rationem, ad quod disponunt virtutes humanæ, sed etiam moveatur ab altiori motore, scilicet a Deo, oportet quod sit recte dispositus* ad recipiendam motionem divinam ex inspiratione illa Dei. Sed hæc ratio est inefficax*; ergo.

*n. 169

*n. 190

¹ Cf. Iam-IIæ, q. 68, a. 1.

² Cf. Iam-IIæ, q. 68, a. 1.

- 188 *Minor probatur**, quia in virtutibus infusis, tum *n. 200
theologicis tum moralibus, etiam homo movetur ex
motione et inspiratione divina, siquidem ad conver-
tendum se ad justificationem (quod utique fit per
virtutes, scilicet per fidem, spem, dilectionem, pœni-
tentiam, etc.) recipit homo “a Deo excitantem* et *n. 176
adjuvantem gratiam, ... ita ut tangente Deo cor
hominis per Spiritus Sancti illuminationem, non possit
dici quod homo ipse nihil omnino agat, inspirationem
illam recipiens”, ut definit Concilium Tridentinum
(sess. VI, cap. 5)¹.
- 189 Et tamen ad sequendum et obediendum isti mo-
tioni, isti inspirationi et illuminationi Spiritus Sancti,
non requiruntur specialia dona, sed sufficiunt virtutes
prædictæ*, quia sufficiunt ad illos actus ad quos move-
tur per illam inspirationem et illuminationem, scilicet
ad actus quibus convertitur quis ad suam justifica-
tionem, qui utique sunt actus virtutum videlicet cre-
dere, sperare, diligere, pœnitere.
- 190 Ergo si ad sequendam istam illuminationem et
inspirationem Spiritus Sancti non requiruntur specialia
dona, ruit* totum fundamentum D. Thomæ, qui ex eo *n. 187
requirit specialia dona supra virtutes quia indiget
homo dispositione* ut sit bene mobilis ab inspiratione *n. 169, 219
et motione Spiritus Sancti.
- 191 XXXIV. — **Dices** rationem D. Thomæ non proce-
dere de omni illuminatione et inspiratione Spiritus
Sancti: constat enim quod etiam ad virtutes infusas
requiritur motio et illuminatio et inspiratio Spiritus
Sancti; sed loquitur de inspiratione et motione dīvina

¹ Msi XXXIII, 34.

ad aliquos peculiares et extraordinarios effectus qui
sunt supra virtutes, ut patet ex probatione quam addu-
cit¹ ex Philosopho², quod “His qui moventur secundum
instinctum divinum non expedit consiliari secundum
rationem humanam, ... et hoc est quod quidam dicunt
quod dona perficiunt ad altiores actus quam sint actus
virtutum”.

- 192 **Sed si hoc dicatur**, fit urgentior instantia* ex alia *n. 201
doctrina D. Thomæ (Ia-IIæ, q. 68, a. 5 ad 1), ubi
inquit quod ista dona sunt in omnibus habentibus chari-
tatem, et (q. 68, a. 2) docet esse ista dona Spiritus
Sancti necessaria ad salutem; sed illæ extraordinariæ
motiones et inspirationes ad opera extraordinaria et
excedentia actus virtutum nec sunt in omnibus justis,
quia multi vivunt in quadam simplicitate et communi
modo sine extraordinariis istis actionibus, neque illæ
sunt necessariæ ad salutem, quia sine extraordinariis
istis operibus cum sola observantia* divinorum præcep-
torum potest quis salvari. Observantia autem præ-
ceptorum* consistit in actibus virtutum, ut patet per *n. 1141
totum Decalogum, quia illa observantia omnibus pro-
ponitur, et sic non est aliiquid extraordinarium, quia est
commune omnibus. *n. 204

- 193 Ergo si sufficit ad salutem communis observatio
mandatorum ita quod non frangatur præceptum, et
dona Spiritus Sancti non dantur ad aliiquid commune et
ordinarium sed ad opera extraordinaria, fit consequens
quod talia dona non requiruntur ad salutem, aut si
requiruntur, non debent distingui a virtutibus commu-
nibus.

¹ Cf. Iam-IIæ, q. 68, a. 1.

² Lib. de Bona Fortuna (Eth. Eudem.), VII, 14 (1248 a 32).



- 194 XXXV. — **Respondetur*** sine dubio requiri illuminationem et inspirationem Spiritus Sancti ad virtutes theologicas aliasque morales infusas; sed ista illuminatio et inspiratio potest fieri dupliciter* etiam in ordine ad salutem et prout requiritur in omnibus justis. *Uno modo* imperfecte et generali motione, *alio modo* perfecte et speciali modo atque motione. *n. 186 sq.
- 195 Nam licet totus ordo supernaturalium operationum specialis dīci possit comparatione ad ordinem naturalem, tamen adhuc* intra ipsum ordinem supernaturalem dantur et generalia et specialia auxilia seu motiones etiam in ordine ad consequendam salutem, quia solæ virtutes theologicæ cum generalibus* auxiliis et ipsa potentia intellectiva quam elevant non possunt sufficierent penetrare et cognoscere omnia quæ occurrere possunt homini ad illam salutem promovendam¹. *n. 232
- 196 Nam sola fides* posita in intellectu non deservit nisi ad assentiendum revelatis a Deo; ad penetrandum autem et cognoscendum convenientiam et rationem credibilium, et quantum digna sint creditu (licet elevata super omnem naturam), et quantum debeant imprimi cordi et amplecti, fides per se solam ostendere non sufficit, neque* etiam ratio et discursus humanis rationibus ductus sufficienter* potest ista mysteria penetrare, aut de eis judicare. *n. 62, 321, 430, 611
- 197 Licet enim possit* credibilitas ipsa mysteriorum per discursum evidenter ostendi, tamen etiam con-

¹ Cf. Iam-IIæ, q. 68, a. 2.

victus intellectus de credibilitate non afficitur¹ sufficienter ad res fidei, tum ad credendum, tum ad inhærendum eis et operandum circa illas, nisi ex aliquo interiori spiritu et instinctu convenientia ipsa mysteriorum ad credendum et amandum et operandum moveatur.

- 198 XXXVI. — Quod manifeste appetet quando sæpe quis tentatur et fluctuat* in rebus fidei nec potest facile quietari, et repente² solet prorumpere in quamdam serenitatem et affectum quo videntur sibi res illæ ita certæ* quod nihil verius potest dici: tunc non solum est penetratio et intelligentia rerum fidei, sed spiritus intelligentiæ, quasi affectuosa* quædam et spirituosa intelligentia. Sicut in legenda S. Cæciliæ³ refertur quod Valeriano sponso ejus ante S. Urbanum existenti apparuit senior tenens titulum in manibus, cuius scriptura erat: *Unus Deus, una fides, unum baptisma*⁴. Cumque diceret ei senior: “Credis ita esse”? — Valerianus voce magna clamavit: “Non est aliud quod verius possit credi”. *n. 221, 348 sq., 473
- 199 Quid potuit sic Valerianum movere ad intelligendum subito nihil verius posse dici nisi instinctus aliquis interior et illustratio Spiritus Sancti, quæ simul affectum inflammavit ad illa mysteria, et ex illa inflammatione* accedit lumen intellectus ut diceret nihil verius dici posse. Et idem sæpe experimur interius, nec scimus unde talis serenitas proveniat, unde talis intelligentia, aut consilium, aut sedatio temptationum *n. 179

¹ Cf. IIam-IIæ, q. 6, a. 1.

² Cf. Act. 2, 2.

³ Cf. Dict. d'Archéol., a. *Cécile*, II, 2714.

⁴ Cf. Eph. 4, 5.

ex timore Dei, etc. Et hoc quod nescimus* unde sit et tamen sentimus est Spiritus quod *Ubi vult spirat: et vocem ejus audis, sed nescis unde veniat, aut quo vadat*¹.

*n. 43 sq.

200 XXXVII.—**Sic ergo ad argumentum***, concessu
quod ad virtutes theologicas et morales indigemus inspi-
ratione et illuminatione divina saltem generali* in
ordine supernaturali, tamen ad spiritum agendi ista
opera, in his in quibus ratio humana deficit et superiori
regulatione et supplemento indiget, requiruntur aliqua
dona altiora virtutibus.

*n. 188

*n. 195

201 **Et ad instantiam***, quod extraordinariæ motio-
nes et illustrations non requiruntur ad salutem in om-
nibus justis, *respondeatur** quod extraordinariæ motiones
possunt dici *vel* ratione materiæ quæ ordinaria non est
neque communis, sed extra communes materias, *vel*
ratione subjecti quia subjectum ipsum deficit in multis,
nec potest ratio et mensura ejus pervenire ad omnia
quæ necessaria sunt ad salutem, nec evitare omnia
quæ ejus consecutionem impediant, præsertim inter tot
hostes et inimicos sic nos offuscantes, contra quos
militamus.

*n. 192

*n. 226

202 **Dicimus ergo** quod ad salutem consequendam
non* requiritur simpliciter quod fiant nobis extraor-
dinariæ illustrations quæ ex parte materiæ et objecti
extraordinariæ sint, puta quod nobis revelentur et
manifestentur res aliquæ extraordinariæ, aut fiant a
nobis extraordinaria opera, licet, si fiant, in illis magis
resplendeat² operatio donorum Spiritus Sancti, ut,
verbi gratia, quod aliquis in spiritu fortitudinis non

*n. 1180

¹ *Joan.* 3, 8.² Cf. Joan. a Sto Thoma, *Curs. Theol.*, In Iam, q. 1, disp. 2, a. 8, n. 10.

solum aggrediatur sine timore hostes, sed etiam inermis
mille hostes prosternat in mandibula asini, ut fecit
Samson* quando irruit¹ super eum Spiritus Domini,
atque adeo fuit actus doni Spiritus Sancti.

*n. 215, 238,
257, 946

203 XXXVIII.—Cæterum, licet similes actiones aut
aliæ peculiares illustrations non requirantur sim-
pliciter ad salutem, tamen aliæ extraordinariæ actiones
vel illuminationes², quæ non* dicuntur speciales aut
extraordinariæ quia circa extraordinarias res et objecta*
versentur, sed intra idem objectum et materiam vir-
tutum speciali* et extraordinario modo se habent
respectu subjecti propter ejus infirmitatem et defectus.

*n. 362
*n. 201

*n. 232, 361

204 Licet enim impletio mandatorum* et operatio
virtutum sufficiat ad salutem si integra et plena obser-
vatio sit, tamen ut fiat, et inter tot obstacula non
deficiamus, Spiritus adjuvat infirmitatem nostram,
quia non* sufficit sola ratio cum virtutibus nisi etiam
adsit instinctus et motio Spiritus supplens infirmitatem
et superans difficultatem in multis in quibus non*
potest ratio etiam cum virtutibus et secundum earum
limitatam mensurationem ad omnia se extendere, ita
ut perducat usque ad consequendam salutem, sed
Spiritus tuus ducit nos in terram rectam, ut dicitur
(*Ps. 142, 10*).

*n. 224

*n. 232, 245,
926

205 Et hæc est solutio et doctrina S. Thomæ (Ia-IIæ,
q. 68, a. 2 ad 1 et 3), si bene et attente legatur.

206 XXXIX.—**Et licet objici possit** quod saltem
aliqui erunt qui poterunt consequi salutem sine illis

¹ Cf. *Judic.* 15, 14–15.² Subaudiendo: requiruntur ad salutem.

difficultatibus et impedimentis, ut adulti qui recenter baptizati moriuntur et qui statim ac perveniunt ad usum rationis decedunt; ergo etiam pro istis operibus extraordinariis ex parte subjecti* non semper dona Spiritus Sancti sunt necessaria pro omnibus ad salutem.

*n. 201

207 **XL.** — **Respondeatur*** quod bene potest continere quod sine actuali exercitio donorum aliquis salvetur per accidens*, quia non occurrit materia eorum ut exerceatur; sicut etiam aliquarum virtutum exercitium non invenitur in omnibus ex defectu materiæ occurrentis, et tamen ex hoc non potest colligi quod virtutes necessariæ non sint absolute et per se loquendo.

*n. 206

*n. 959, 1136,
1273

208 Sufficit ergo quod tam virtutes quam dona per se requirantur ad salutem, licet per accidens ex defectu materiæ non sit in omnibus exercitium aliquarum virtutum vel donorum, semper tamen manebit habitualis inclinatio eorum (ut etiam in parvulis invenitur) et promptitudo animi ad exequendas istas motiones Spiritus Sancti si occasio et materia occurrat.

* *

209 **XLI.** — **Secundo arguitur*:** Nam tota ratio distinguendi dona a virtutibus quæ assignatur a D. Thoma et theologis non est specifica et essentialis; ergo in substantia* dona sunt virtutes.

*n. 216 sq.

*n. 138

210 *Consequentia patet*, quia si solum accidentaliter differunt, ergo in specie et substantia convenient.

211 *Antecedens vero probatur**, quia solum differunt ex parte causæ efficientis*, scilicet ex parte altioris

*n. 217 sq.

*n. 175

moventis ad cuius motionem debet mobile esse debite dispositum, et ista dispositio* fit per dona Spiritus Sancti. Sed causa movens pertinet ad genus causæ efficientis; ergo dona solum differunt a virtutibus ex parte causæ efficientis. Ordo autem ad causam efficientem solum extrinsece et accidentaliter se habet, non formaliter et quidditatively, cum constet quod etiam per diversas causas efficientes potest effectus ejusdem speciei produci, verbi gratia, ignis genitus ab alio igne, vel a radiis solis, vel per motum antiperistasis¹.

*n. 219

212 **XLII.** — **Si autem dicatur** quod illud superius et altius movens non est movens efficienter sed formaliter, id est, diversa ratio motiva altior.

213 **XLIII.** — **Contra est:** *tum* quia* si solum est altius motivum formale, solum ex hoc sequetur quod erit altior virtus donum Spiritus Sancti, non vero quod non sit virtus; — *tum* quia* D. Thomas dicit² quod dona requiruntur tamquam dispositio mobilis respectu moventis. Si autem ly “movens” intelligitur quod est movens seu motivum in genere causæ formalis et specificativæ, ad hoc non requiritur dispositio ex parte mobilis, quia motivo specificanti non* correspondet dispositio ex parte passi, sed specificatio seu constitutio formalis specifica et quidditativa, non dispositio ut sit recte mobilis ab illo motivo formalis, ut patet in omnibus specificativis et specificatis; ergo certum est quod loquitur D. Thomas de movente in genere causæ efficientis, non formalis; ergo non loquitur de distintivo specifico et essentiali, sed accidental.

*n. 223

*n. 224

*n. 224

¹ Cf. Joan. a Sto Thoma, *Curs. Phil.*, Phil. Nat., IIIa Pars, q. 5, a. 1, II (Reiser), pp. 665–667; Iam-IIæ, q. 87, a. 1 corp.

² Cf. Iam-IIæ, q. 68, a. 1.

214 XLIV. — **Confirmatur***, quia non est ratio cur ipsæmet virtutes non sufficient disponere subjectum ad istam altiore motionem ex Spiritu Sancto, loquendo de virtutibus moralibus infusis et theologicis. Nam dona, ut nos fatemur, versantur circa eamdem^{*n. 225} materiam circa quam virtutes infusæ, verbi gratia, fortitudo donum et fortitudo virtus infusa, consilium seu prudentia donum et prudentia infusa, intellectus, scientia et fides, etc. Et tam virtus infusa quam donum versantur supernaturaliter circa illam materiam. Ad hoc autem ut moveatur altius et superiori modo circa illam non* requiritur nova virtus, sed intensior et perfectior modus operandi in eadem virtute, sicut supra diximus¹ quod virtus heroica et communis, virtus purgatoria et purgati animi non differunt nisi sicut magis et minus circa eamdem virtutem.

215 Cur ergo non dicemus idem de dono et virtute, ita quod illa fortitudo et spiritus quo Samson^{*2} interfecit in maxilla mille viros non sit diversa virtus a fortitudine qua alii milites vicerunt prælia, sed sit virtus fortitudinis, licet major et excellentior a Dei auxilio perfectiori adjuta.

◎

216 XLV. — **Respondetur*** ad principale argumen-^{*n. 209} tum negando antecedens.

217 Ad probationem*, dicitur quod dona non differunt a virtutibus communiter^{*3} dictis solum ex parte causæ^{*n. 180, 223}

¹ Curs. Theol., In Iam-IIæ, q. 61, disp. 16, a. 6, n. 44-57.

² Cf. Judic. 15, 14sq.

³ Cf. Iam-IIæ, q. 68, a. 1 ad 1.

efficientis et pure moventis, sed etiam regulantis et mensurantis*.

*n. 175, 1173

218 Nam D. Thomas (Ia-IIæ, q. 68, a. 1 ad 3), distinguens dona a virtutibus penes definitionem, dicit quod in definitione virtutis prout distinguitur a dono, quando dicitur quod est qualitas "qua recte vivitur", inquit quod debet intelligi "qua recte vivitur" secundum mensuram rationis; si ergo in hoc distinguitur definitio virtutis a definitione doni, oportet quod in definitione doni intelligatur "qua recte vivitur" secundum mensuram divinam, quæ est altior mensura rationis.

219 Et sic cum dicitur* quod est dispositio ut sit homo recte mobilis a Spiritu Sancto, intelligitur quod est dispositio* ut sit recte mobilis a Spiritu Sancto non præcise movente effective, sed etiam regulante et mensurante*.

*n. 211
*n. 169, 190,
221
*n. 217, 1173

220 Et in hoc convenient¹ dona cum virtutibus præsertim moralibus: sunt enim virtutes dispositiones quædam voluntatis et partis appetitivæ ad obediendum rationi non solum moventi, sed etiam regulanti et mensuranti operationes appetitivas. Virtutes enim sunt habitus, et habitus sunt dispositiones (loquendo de dispositione generice² sumpta), et sic per ipsas disponit voluntas ad obediendum et subjiciendum se rationi. Ratio autem non solum movet voluntatem repræsentando objectum, sed etiam regulando et mensurando³, et sic constituit objectum formale et quid.

¹ Cf. Iam-IIæ, q. 68, a. 3.

² Cf. Joan. a Sto Thoma, Curs. Theol., In Iam-IIæ, q. 49, disp. 13, a. 1, n. 5-6.

³ Cf. Joan. a Sto Thoma, Curs. Theol., In Iam-IIæ, q. 21, disp. 11, a. 2, n. 32.

ditativum virtutis, quod est bonum mensuratum per regulas rationis.

- 221 XLVI. — Eodem modo dona sunt dispositiones quædam seu habitus disponentes intellectum et voluntatem ad sequendum instinctum et motionem Spiritus Sancti non* solum ut moventem, sed ut regulantem et mensurantem objectum, ita ut constituat formale objectum talium donorum et specificativum, nempe bonum seu verum ut regulatum et mensuratum non ratione humana, sed illustratione et mensuratione divina, quatenus ex spiritu quodam et ardore seu affectu interno ad res divinas et ad finem ultimum nascitur* intimior penetratio divinorum et totalis jactatio in Deum, juxta quod dicit propheta (*Ps. 54, 23*): *Jacta super Dominum curam tuam, et ipse te enuntiet: non dabit in æternum fluctuationem* justo*, quia videlicet ubi ratio etiam virtutibus fulcita deficit*, ubi titubat et fluctuat, jactatio illa a ratione infirmante et titubante super Dominum, ut ab ipso dirigamur et ab ejus Spiritu, nos enutrit, sustentat et conservat ne deficiamus, et ad hoc servit dispositio* illa donorum ut deficiente* humana ratione ab illo Spiritu superiori modo regulante sustentemur et nutriamur par jactationem totalem in ipsum, ne semper fluctuet¹ et titubet* ratio.

- 222 XLVII. — **Et ad instantias*** contra istam res- *n. 213 pansionem.

- 223 **Ad primam***, *dicitur* quod altius illud motivum *n. 213 inducit altiorem virtutem, quia superat mensuram

¹ Cf. *Eph. 4, 14*.

quam potest ratio præbere, et hoc vocamus donum, quia ultra omne debitum et modum humanæ rationis nobis conceditur. Dici tamen potest virtus*, generica ratione virtutis, ut concedit D. Thomas (Ia-IIæ, q. 68, a. 1 ad 1), quia habitus bonus est, sed contraponitur virtuti communiter* dictæ, quia mensuram ejus excedit, et propter hoc donum est, quia specialiter indebitum, ut postea* dicemus.

- 224 XLVIII. — **Ad secundam* instantiam, patet** *n. 213 *ex dictis*, nam etiam virtus dicitur dispositio respectu rationis moventis regulative et directive, et non solum efficienter, et licet specificetur ab objecto regulato et mensurato, tamen respectu rationis proponentis hōc objectum, dicitur voluntas disponi per habitum, ut ab ea dirigente reguletur et mensuretur. Et loco rationis sic dirigentis, ubi ipsa deficit*, intrat instinctus Spiritus Sancti et motio. Et sic nomine motivi intelligitur motivum formale regulans et specificans in ratione regulati. — *Et cum dicitur** quod tali motivo non correspondet ex parte mobilis dispositio sed constitutio, *dicimus* quod correspondet dispositio ut constituta et specificata ab objecto regulato: dispositio enim illa habitus est, non dispositio ad formam introducendam.

- 225 XLIX. — **Ad confirmationem***, *respondeatur* non sufficere dispositionem virtutum etiam infusarum ad recipiendam istam motionem Spiritus Sancti, sed requiri distinctos habitus, eo quod dona Spiritus Sancti dantur ad supplendum id quod non possumus ex motione rationis humanae, etiam ut informatæ virtutibus. Et sic cum virtutes limitentur* et specificentur a bono *n. 214 ut regulato et attacto per rationem humanam, quidquid disponit ad attingendum quod est supra modum *n. 453

^{potest} et attingentiam rationis petit* necessario distinctum
habitum, quia est extra limites et specificationem hu-
manæ virtutis.

*n. 169, 257

226 Est autem considerandum* quod ea quæ excedunt
humanam rationem, aut est ob supernaturalem

*n. 201,
1181 sq.

materiæ et objecti circa quod fit operatio, aut ob ex-
cessum in modo etiam operandi. Nam res superna-
turales et finem supernaturalem attingimus in hac vita
juxta modum* et limitationem nostram, eo quod juxta
capacitatem nostram et juxta modum imperfectum
intelligendi res istas apprehendimus et appetimus.

*n. 233 sq.,
256, 259

227 Unde licet per fidem apprehendamus res superna-
turales et per prudentiam infusam et virtutes infusas
morales dirigamur et appetamus bona supernaturalia,
tamen* ex præcisa ratione et beneficio istarum virtutum
neque intellectus penetrat illa mysteria nisi imperfecte*
juxta modum naturalium*; et sic in plerisque deficit
intelligentia illorum, indigetque¹ aut discursu theolo-
gico*, qui mille opinionibus, fallaciis et defectibus est
subjectus*, vel lumine aut instinctu aliquo cælesti quo a
Spiritu Sancto dirigatur ne deficiat*.

*n. 196
*n. 814
*n. 675
*n. 196
*n. 305, 454
*n. 814

228 L. — Similiter et prudentia infusa moderando et
arbitrando circa agibia supernaturalia vel ad finem
supernaturalem deficit in multis si juxta modum quo
ratio humana discurrit de illis judicet; unde indiget*
suppleri iste defectus divino aliquo instinctu et motione
dirigente et regulante. Ex hoc autem oportet quod
etiam* correspondeat in voluntate et vi appetitiva dis-
positio proportionata ad sequendum illam regulationem

*n. 255
*n. 151, 165

¹ Intellectus etiam adjutus a fide divina.

Spiritus Sancti, quam ratio humana non potest attingere
dum operatur juxta discursum et modum humanum.

229 Et sicut ibi¹ suppletur per instinctum divinum
quod deest de discursu et modo rationis humanæ, etiam
adjudatæ et affectæ virtutibus theologicis et infusis, ita
proportionate suppleri debet in vi appetitus quod
deest in virtutibus moralibus (quæ solum inclinant ad
bonum rationis ut attingitur humano modo et dis-
cursu rationis humanæ) ad obediendum et sequendum
superiorem illum instinctum divinum.

230 LI. — Et sic cum dicitur* quod dona et virtutes *n. 214
versantur circa eamdem materiam, concedimus, quia
totum hoc materialiter se habet.

231 Et rursus cum dicitur* quod ad hoc ut moveatur *n. 214
altius et perfectius non requiritur nova virtus sed eadem
intensiori et perfectiori modo operans, respondetur quod
ut moveatur altius et perfectius intra eamdem lineam
et ordinem operandi, juxta quod assequi potest discursus
et ratio humana in materiis supernaturalibus,
concedo quod non requiritur nova virtus sed eadem
perfectior vel intensior*, et in hoc tenet exemplum de *n. 256, 931
virtute heroica, et virtutibus purgatoriis, et purgati
animi, de quibus supra² egimus, quia procedunt intra
eamdem mensuram rationis humanæ perfectius vel im-
perfectius dirigentem et disurrentem.

232 Cæterum, ut altius moveatur quis extra lineam
modi operandi humani et ad operandum in his in

¹ Scilicet, in intellectu.

² Cf. Joan. a Sto Thoma, *Curs. Theol.*, In Iam-IIæ, q. 61, disp. 16, a. 6,
n. 44-57.

quibus ratio deficit* et modus ejus, etiam requirit *n. 204, 245
virtutem altiorem omni virtute humana, et hæc spe-
cialiter* vocatur donum, quia non solum datur ut quid
gratuitum ad elevandum potentiam ad ordinem super-
naturalem, sed etiam* in his in quibus deficit potentia
et ratio humana etiam elevata (quia juxta capacitatem
et modum humanum amplius non potest) supplet illa
altior virtus*, quæ vocatur donum seu spiritus in illa
materia in qua virtus humana amplius non potest.

233 LII. — Et hæc est doctrina S. Thomæ (In III Sent., dist. 34, a. 1 ad 1), ubi distinguit operationem hu-
manam, quæ dicitur humana, *vel* ex materia seu ob-
jecto, *vel* ex modo, quia juxta modum humanum quis
exequitur opera virtutis, et hoc secundo modo dona
sunt supra virtutes, scilicet in modo operandi, sicut
modus* connaturalis humanæ naturæ est non percipere
divina nisi per speculum creaturarum et ænigmata
similitudinum¹, et sic percipit res divinas fides, quæ est
virtus.

234 At vero donum intellectus de auditis* mentem *n. 376, 487
illustrat, ut homo etiam in hac vita prælibationem²
futuræ manifestationis accipiat. Et sic distinguit D. Thomas³ dona ab omnibus virtutibus etiam infusis,
quia licet istæ virtutes etiam quoad substantiam sint
ex divino munere, tamen quoad modum operandi proce-
dunt secundum modum* humanum, et in hoc exce-
duntur a donis, quæ in modo operandi et in regulatione
procedunt ultra modum et mensuram humanam ut

*n. 53, 94,
140, 166, 203,
223

*n. 195

*n. 179, 223

*n. 226

*n. 226 sq.,
256

¹ Cf. I Cor. 13, 12; II Cor. 5, 7.

² Cf. De Ver., q. 14, a. 2 ad 9.

³ In III Sent., dist. 34, q. 1, a. 1 ad 1 et 2.

specialius sequentibus articulis declarabitur, agendo de
singulis donis.

* *

235 LIII. — **Tertio* arguitur:** Nam etiam in virtu- *n. 243
tibus theologicis contingit aliquem agere præter com-
munem et ordinarium usum; et tamen non ponuntur
ad id supplendum aliqua dona altiora istis virtutibus,
siquidem virtutes theologicæ sunt nobiliores et perfec-
tiores donis, ut tradit S. Thomas (Ia-IIæ, q. 68, a. 8),
et sic nulla dona sunt potiora virtutibus theologicis;
ergo non requiruntur dona propter extraordinarios
actus in materia theologicarum virtutum.

236 *Major probatur*, quia fides in aliis est tam
extraordinaria ut etiam montes transferat, sicut dicit
Apostolus (I Cor. 13, 2), et charitas tanta ut etiam tam-
quam mors occidat⁴; ergo habent istæ virtutes aliqua *n. 88
opera extraordinaria.

237 *Minor vero constat*, quia nulla opera fidei aut cha-
ritatis sunt ita perfecta* et excedentia quod pro illis *n. 252
fides ipsa aut charitas non sufficiat crescendo, nam fides
illa, de qua dicitur¹ quod *Si habueritis fidem sicut*
granum sinapis, dicetis huic monti: Transi hinc illuc,
et transibit, non est donum Spiritus Sancti distinctum a
fide. Nec illa charitas quæ tradit corpus suum ita ut
ardeat² est donum distinctum a charitate, sed est cha-
ritas ipsa qua *majorem nemo habet, ut animam suam*
*tradat pro amicis suis*³.

¹ Mat. 17, 19.

² Cf. I Cor. 13, 3.

³ Joan. 15, 13.

- 238 LIV. — Eadem autem ratio fit de aliis virtutibus, nam in fortitudine*, verbi gratia, opus illud quod fecit ¹ Samson occidendo mille viros, non* excessit illud opus lineas vel specificam rationem fortitudinis quæ est virtus, hæc enim inclinat ad omnem sustinentiam et aggressionem periculorum ubicumque talis aggressio rectificata ostenditur, sive id ostendatur a ratione, sive a speciali instinctu Spiritus Sancti, licet requirat specialius* auxilium et insolitum quando opus ipsum magnum et extraordinarium est. Sed *aliud* est requiri extraordinarium auxilium, *aliud* extraordinariam virtutem seu habitum, sufficit enim ordinaria virtus cum extraordinario auxilio ut fiat extraordinarium opus.
- 239 Unde ergo ostenditur* requiri donum Spiritus Sancti distinctum a virtutibus ordinariis pro solis istis extraordinariis operibus, cum sufficiat extraordinarium auxilium? — Præsertim quia pro insolitis quibusdam operibus quæ raro accidunt et a paucis fiunt, non oportet in omnibus justis ponere istos habitus speciales.
- 240 Nec sufficit dicere* quod sunt opera facta supra omnem mensurationem rationis humanæ, quia revera quando homo movetur ad ista opera, secundum rectam rationem movetur, licet illustratam a speciali instinctu Spiritus Sancti. Ergo non superant ista dona mensuram rationis rectæ prout illustratæ a Spiritu Sancto. Et ad hoc sufficient virtutes ordinariæ specialiter* adjutæ.
- 241 LV. — **Confirmatur***, quia si ista dona dantur ad operationes extraordinarias et supra communem mensuram rationis et virtutis humanæ, ergo non est in manu

¹ Cf. *Judic.* 15, 14–15. — IIam-IIæ, q. 64, a. 5 ad 4.

*n. 253
*n. 202, 215,
257

*n. 240

*n. 258

*n. 259

*n. 238

*n. 260

hominis et in ejus arbitrio operari per dona quando et quomodo voluerit. Quod etiam experientia videtur testari, quia non quoties volumus, operamur ex dono Spiritus Sancti. Ergo operamur per dona tamquam per ea quæ fiunt per gratias gratis datas, ut operantur prophetæ, non ex habitu, sed ex lumine dato per modum transeuntis*, ut dicit D. Thomas (IIa-IIæ, q. 171, a. 2), *n. 120, 124 et tamquam instrumenta* Dei moti ab ipso ad operationes ad quas non habemus proportionem. Sic enim comparat D. Thomas operationes donorum operationi instrumenti (Ia-IIæ, q. 68, a. 3 ad 2). *n. 264

- 242 Ac denique*, operamur per dona potius ut patientes divina et moti a Spiritu Sancto quam ut moventes et agentes nos, juxta illud (*Rom.* 8, 14): *Quicumque Spiritu Dei aguntur, hi sunt filii Dei*, quo testimonio utitur D. Thomas (Ia-IIæ, q. 68, a. 2) ad probandum poni dona Spiritus Sancti in nobis ad hoc ut simus prompte mobiles a motione Spiritus Sancti. Ergo dona ista non sunt habitus in nobis permanentes, sed per modum transeuntis dantur, si ad hæc miraculosa opera deserviunt; vel si per modum habitus ponuntur, non excedunt rationem formalem et mensuram virtutis ordinariæ.

◎

- 243 LVI. — **Respondetur*** quod etiam in virtutibus theologicis contingit agere et operari aliqua extra communem et ordinarium modum, ad quod etiam ponuntur dona istis virtutibus correspondentia*, sicut virtuti fidei correspondent intellectus et scientia, ut docet S. Thomas (IIa-IIæ, q. 8 et 9), et spei donum timoris, ut docet (IIa-IIæ, q. 19), et charitati donum sapientiæ, ut docet (IIa-IIæ, q. 45). *n. 235
*n. 1119

244 Sed tamen dona Spiritus Sancti non deserviunt neque correspondent virtutibus theologicis ut superiora illis, sed ut deservientia* illis; sunt autem superiora virtutibus moralibus.

*n. 485, 1055,
1229 sq.

245 *Cujus ratio est*, quia virtutes theologicæ conjungunt nos ultimo fini, dona vero deserviunt ad movendum nos et ducendum ad ultimum finem, juxta illud (*Ps. 142, 10*): *Spiritus tuus bonus deducet me in terram rectam*, et (*Ps. 147, 18*): *Flabit spiritus ejus, et fluent aquæ*, et (*Cant. 4, 16*): *Veni, Auster, perfla hortum meum, et fluent aromata illius*. Fluere autem ad motum pertinet, non ad quietem et conjunctionem in termino seu in fine. Unde respectu illarum virtutum quæ versantur circa media, et movent ac tendunt ad finem, dona Spiritus Sancti superioritatem* habent, etiam quantum ad rationem formalem, quia altiori modo nos movent, et in his in quibus virtutes ipsæ deficiunt et non possunt mensurare nos, ut supra* diximus.

*n. 1231 sq.
*n. 204, 232

246 LVII. — Respectu vero earum virtutum quæ immediate nos conjungunt Deo superioritatem habere non possunt quantum ad rationem formalem, ut tradit S. Thomas (*Ia-IIæ, q. 68, a. 8*), eo quod motio illa Spiritus Sancti (cui nos subjiciunt dona) ad hoc ipsum ordinatur ut conjuncti simus Deo ultimo fini. Sed tamen correspondent eis dona et possunt adjuvare virtutes theologicas ex parte materialis objecti, aut conditionum ad objectum requisitarum.

247 Sicut donum intellectus datur* ad penetrandum mysteria fidei et res divinas, non immediate et positiva evidentia in se, sed quantum ad credibilitatem vel convenientiam aut sensum in quo proponuntur, et

*n. 1056

discernendo eas ab erroribus, ut debite credantur et cognoscantur, sicut ad cognoscendum sensum Scripturarum, utique ut melius discernantur res credendæ: sic enim dicitur (*Luc. 24, 45*) quod *Aperuit illis sensum ut intelligerent Scripturas*.

248 Donum scientiæ ad cognoscendum causas talis credibilitatis et convenientiæ, et removendum errores aut aliquid simile per quod disponitur et præparatur intellectus ut inhærentius et firmius credat.

249 Timor versatur circa parvitatem propriam subiiciendo eam divinæ eminentiæ, et resiliendo ab ista ad seipsum, ne præsumat de se et sic præparetur ad totalliter confidendum de Deo.

250 Sapientia ex gusto divinorum dijudicat et discernit divina quo ferventius charitatem exerceat et Deum amet.

251 Et sic ista dona ad excellentius perficiendum et exercendum virtutes theologicas deserviunt, sed præparative ex parte materialium* objectorum, non autem excedendo in perfectione ipsam rationem formalem virtutum theologicarum.

252 Et ita* nulla opera fidei aut charitatis sunt ita perfecta quod ab ipsa fide et charitate non fiant quoad rationem formalem, possunt tamen ut perfectius fiant ex parte rationis materialis adjuvari a specialibus donis, quia sola ratio cum virtutibus illis non* sufficit ita disponere et præparare se circa illas. Unde etiam distingui dèbent ab illis virtutibus, quia licet versentur circa objectum aut circa aliquam conditionem objecti

*n. 1119

*n. 237

*n. 225 sq.

materialis earum, non tamen sub eadem formalitate aut lumine, ut latius sequenti articulo et aliis dicemus.

253 LVIII. — **Et cum instatur** quod eadem ratio erit de fortitudine* et aliis virtutibus moralibus, quia illa extraordianaria opera in materia, verbi gratia, fortitudinis, si sunt bona et recta, non excedunt limites specificationis et rationis formalis talis virtutis. *n. 238

254 LIX. — **Respondetur** revera negari non posse quod aliqua excedunt regulationem et formalem rationem virtutis humanæ prout regulatur regulis prudentiae, quas humano discursu et ratione assequi possumus. Cum enim formalis et specifica ratio virtutis moralis sumatur ex regulatione et mensura qua regulatur (moralitas enim nihil est* aliud quam mensuratio agibilium), constat quod ubi est variatio moralitatis et regulationis, est diversificatio* virtutis. Mensura autem quam præstare potest ratio humana, etiam affecta virtute, si ex proprio discursu debet lucem accipere et directionem, est impossibile* quod possit omnia comprehendere quæ in tota vita humana se offerunt in ordine ad consequendam salutem, quia "Cogitationes mortalium timidæ, et incertæ providentiaz nostræ, ut dicitur (*Sap.* 9, 14). *n. 165
*n. 257
*n. 204, 1176

255 Quare in multis oportet se committere divinæ prudentiae et ejus instinctu regi, quæ est mensura altior et certior* et magis comprehensiva quam nostra, sive difficultas ista et deficiencia nostra oriatur ex multitudine aut magnitudine objectorum, sive ex pravitate et infirmitate subjecti non valentis comprehendere omnia quæ ad se possunt pertinere, etiam in ordine naturali*, quia *n. 228, 814
*n. 445

ad hoc etiam attingendum et comprehendendum adjuvant dona Spiritus Sancti.

256 LX. — Quare extraordinaria et magna aut insolita opera (possibilia tamen assequi ipso studio, industria et discursu proprio, etiam theologico qui supponit fidem supernaturalem), verbi gratia, operationes magis intensæ* virtutum, non excedunt limites et speciem virtutis humanæ moralis, licet intra illam excellentiora sint et excellentiorem Dei concursum auxiliumque magis perfectum vel intensem requirant, quia semper innituntur rationi formali limitatae ad nostrum studium, industriam et discursum, etiam* in genere supernaturali si circa supernaturalem materiam versentur. *n. 231
*n. 226 sq., 234

257 At vero extraordinaria et excellentia opera¹, quæ ex solo studio et industria nostra non possunt attingi et regulari, sed requirunt instinctum et lucem superiorem directione et industria humana, et consequenter constituant moralitatem, seu regulationem diversam* et superiorem, debentque correspondere ei proportionata* principia ex parte voluntatis inclinantia in talem moralitatem et mensuram. Sicut in exemplo fortitudinis Samsonis*, secundum regulationem ex humano discursu et studio haustam judicaretur temerarium aggredi mille viros² in sola maxilla asini, et judicaretur illicitum quod concussis columnis³ domus se occideret* cum aliis, et quod S. Apollonia se in ignem projiceret*, sed juxta aliam superiorem mensuram hoc reddebatur licitum; ergo erat distincta* moralitas. *n. 254, 259
*n. 169, 225
*n. 202, 215, 238
*n. 817
*n. 950
*n. 165

¹ Subaudiendo: excedunt speciem virtutis.

² Cf. *Judic.* 15, 14-15.

³ Cf. *Judic.* 16, 30.

⁴ Cf. Eusebium, *Hist. Eccl.*, Lib. 6, cap. 41, PG 20, 607; et IIam-IIæ, q. 124, a. 1 ad 2.

258 **LXI.** — **Cum vero instatur***, cur non sufficere poterit ad ista opera virtus ordinaria cum auxilio extraordinario, *facilis est responsio*, quia istud auxilium extraordinarium, cum sit tale quod variat moralitatem, non datur connaturali modo illis virtutibus moralibus, quæ a tali moralitate non specificantur sed a diversa, cum illis non sit debita nisi regulatio propria et suæ speciei, nec isti auxilium extraordinarium tale quod extrahat ab illa regulatione et moralitate et aliam petat: sic enim improportionatum et non connaturale est illi tale auxilium. Ut ergo proportionate et connaturaliter detur, oportet* præter virtutes ordinarias alias altiores et alterius moralitatis dari, et istas vocamus dona Spiritus Sancti.

259 **Et quando dicitur***, quod etiam in ipsis operibus extraordinariis movetur homo per rationem, et sic non sunt supra rationem humanam, *respondeatur* quod movetur per rationem rectam seu rectificatam, sed altiori rectificatione quam ea quæ deduci potest ex proprio discursu et studio etiam* in materiis supernaturalibus, et ideo variat* specificam moralitatem virtutum regulatarum a tali superiori mensura et regulatione.

260 **LXII.** — **Ad confirmationem***, *respondeatur* aliquos velle quod operationes donorum, præsertim quando versantur circa materiam exteriorem, sint actus miraculosi, et ideo non possumus illis uti cum volumus.

261 **Et cum urgetur** quod hac ratione non indigebimus habitibus ad ipsis operationes, quia habitibus utimur cum volumus¹, *respondent* quod hoc intelligitur de habitibus subditis rationi et communibus regulis regulatis.

¹ Cf. Iam-IIæ, q. 49, a. 3 *Sed contra*; q. 50, a. 5.

*n. 239

*n. 169, 225

*n. 226 sq.

*n. 254, 257

*n. 241

Sed si hoc ita est, frustra probat D. Thomas (IIa-IIæ, q. 171, a. 2; q. 178) non dari habitus in nobis ad prophetiam et ad patranda miracula, quia non habemus protestatem prophetandi aut faciendi miracula quando volumus. Diceretur enim hoc non obstante posse ad hoc dari habitus, quia non oportet quod habitibus utamur cum volumus nisi quando sunt habitus subjecti rationi et communibus regulis regulati.

262 **LXIII.** — **Facilius ergo nos respondeamus*** quod dona Spiritus Sancti non ponuntur in nobis tamquam habitus propter instinctum et motionem Spiritus Sancti a qua movemur, sed propter obedientiam, quia illi motioni subjicimur et ab ea movemur, ut docet S. Thomas (Ia-IIæ, q. 68, a. 1 et 2).

263 Hanc autem obedientiam seu dispositionem et præparationem (ut subjiciamur* illi motioni) habitualiter et permanenter in nobis habere debemus, licet quoad exercitium dependeat a motione illa et instinctu actuali qui in manu nostra non est, sed est in manu nostra habere cor semper paratum* ad obediendum et ut facile mobiles simus a Spiritu Sancto, juxta quod psalmista dicit (*Ps. 107, 2-3*): *Paratum cor meum, Deus, paratum cor meum: cantabo, et psallam in gloria mea. Exsurge, gloria mea*, etc., quasi excitati, et exsurrectio gloriæ in manu nostra non sit ad cantandum seu concordandum Deo in motionibus ejus, bene tamen paratum sit cor ad concordandum seu subjiciendum se illi, hic enim est optimus concentus qui dicit (*Ps. 70, 6*): *In te cantatio mea semper*.

264 **LXIV.** — Quod vero D. Thomas¹ comparat* motionem per dona Spiritus Sancti motioni instrumenti,

¹ Cf. Iam-IIæ, q. 68, a. 3 ad 2.

*n. 261

*n. 1230

*n. 80

non tenet exemplum in omnibus, sed in hoc quia indigemus actuali Dei instinctu et motione ut operetur homo operationes istas et in illis operetur opera exceedingentia propriam facultatem, qua ratione etiam aliæ operationes supernaturales dicuntur esse instrumentaliter a nobis, imo et omnes creaturæ in operando dicuntur aliquando¹ a D. Thoma se habere ut instrumenta Dei, quia ex actuali ejus motione dependent; non² tamen vocantur instrumenta in eo sensu quo res pure inanimis et pure ministerialiter servientes instrumenta sunt, in quibus non ponitur principium eliciens principaliter et per intrinsecum principium operationem, sed solum ministerialiter deserviens ex motione principalis operantis ita ut totum principium sit esse motum ab alio.

265 LXV. — Ad id quod ultimo dicitur*, quod per *n. 242 dona potius nos habemus ut patientes divina quam ut nos moventes, *respondeatur* quod sumus patientes voluntarii et obedientes divinæ motioni, et tale pati atque obediare non est pure et præcise moveri ut aliquid inanime, sed operari active ex passione divinorum et Spiritu deducente³.

266 LXVI. — Denique, pro hac sententia* potest diffi- * n. 138 sq.
cultas alia formari discurrendo per singula dona, et probando rationem eorum formalem non differre in intellectualibus a fide, nec in moralibus ab aliis virtutibus. Sed hoc plene expediri non potest nisi explicando naturam et differentiam singulorum donorum in particulari: quod facimus sequentibus articulis.

¹ Cf. *Contra Gent.*, Lib. III, cap. 100, 2.

² Cf. Joan. a Sto Thoma, *Curs. Theol.*, In Iam, q. 12, disp. 14, a. 2, n. 31-37.

³ Cf. *Ps.* 142, 10.

ARTICULUS III

DE DONO INTELLECTUS

267 I. — Circa ista dona in speciali explicanda, non est præsentis loci omnes difficultates discurrere, quia de his tractat D. Thomas specialiter in *Secunda Secundæ* in diversis quæstionibus¹.

268 Sed ea tantum tractabimus quæ ad dignoscendam necessitatem istorum donorum et distinctionem* eorum *n. 184 a virtutibus conducunt.

269 II. — In Isaia, ista duo dona primo loco ponuntur, cum dicitur²: *Et requiescat super eum spiritus sapientiæ et intellectus.* Et utrumque valde difficile est distinguere*: *tum* a fide, cum videatur totum munus istorum donorum per actus fidei* posse præstari; *tum* inter se, quia non facile distingui potest quem actum exerceat donum intellectus quem non possit exercere sapientia*. *n. 316 sq.
*n. 427
*n. 426, 618

270 Et cum hæc dona non sint alligata fidei et statui viatoris, cum in Christo et in beatis ponantur, oportet etiam explicare quem actum* seu operationem exerceant ista dona quando sine fide inveniuntur, ut in patria. *n. 506 sq.

271 Sic enim explicatum manebit quid sint ista dona, et quomodo differant inter se et a fide secundum formales rationes.

¹ Cf. IIam-IIæ, q. 8, 9, 19, 45, 52, 121, 139.

² Is. 11, 2.

• • •

**DEFINITUR DONUM INTELLECTUS EJUSQUE
MUNUS DECLARATUR**

272 III. — Multi in hac parte accipiunt dubitationem ex verbis* D. Thomæ qui (Ia-IIæ, q. 68, a. 4) distinguens donum intellectus a dono sapientiæ et scientiæ dicit pertinere ad donum intellectus apprehensionem veritatis, quæ pertinet ad inventionem* in parte speculativa; donum vero consilii perficere partem practicam quoad istam apprehensionem veritatis. Quantum vero ad judicium de veritate dicit D. Thomas perfici per donum sapientiæ partem speculativam, per donum vero scientiæ partem practicam.

* * *

273 IV. — Hæc doctrina patitur aliquas difficultates*. *n. 337

274 *Nam in primis*, non videntur sufficienter distingui dona per hoc duplex munus, apprehendendi et judicandi, cum utrumque possit ab eodem habitu procedere. Nam munus apprehendendi ordinatur ad munus judicandi, siquidem judicamus de apprehensione; poterit ergo utrumque ab eodem* habitu fieri, sicut eodem habitu principiorum et apprehendimus veritatem et assentimur illi: assentiri autem judicare est. Et eodem habitu scientiæ vel sapientiæ judicamus de veritate conclusionum, et apprehendimus illam. Non ergo sufficienter distinguitur donum intellectus et sapientiæ per hoc quod illud ordinetur ad apprehendendum veritates supernaturales, hoc ad judicandum.

*n. 340, 442

275 Et præsertim*, quia in naturalibus non distinguuntur aliqui habitus per ista duo munera, ita quod unus habitus solum deserviat ad apprehendendum, alius ad judicandum, sed eodem habitu quo judicamus, apprehendimus: ergo multo minus in supernaturalibus, siquidem dona cum sint superioris ordinis magis unite et eminenter habent in se ista officia quam habitus naturales, ut patet in tribus donis appetitivæ partis, fortitudine, pietate et timore, quæ uniuersitatem* in se omnia appetitiva quæ pertinent ad diversas virtutes morales.

*n. 340, 442

*n. 130, 145,
165, 828 sq.

276 V. — *Si autem dicatur** donum intellectus non ad solam apprehensionem veritatis deservire, sed etiam ad formandum judicium de ipsa veritate, præterquam quod hoc est contra D. Thomam¹, incidit* in aliud inconveniens quia tunc non distinguetur a dono scientiæ vel sapientiæ donum intellectus.

*n. 340

*n. 341

277 *Si enim pertinet* ad donum intellectus judicare de veritate supernaturali apprehensa; ergo debet secundum aliquam causam vel ex aliquo effectu judicare, quia alias non erit judicium perfectum, neque cum sufficienti intelligentia si sine causa vel effectu judicat de aliqua veritate: sic enim non penetrat aliquid de illa, sed valde superficialiter* aut suspensive judicat.

*n. 343

278 *Si autem judicat* ex aliqua causa suprema vel inferiori aut ex aliquo effectu, nihil est in quo differat a sapientia vel scientia, quia nullam aliam functionem præbent ista dona quam judicare de veritatibus per suas causas. Vel si ex effectibus aliquid judicatur, non

¹ Cf. Iam-IIæ, q. 68, a. 4.

est cur hoc judicium excludatur a scientia, quia etiam ad scientiam pertinet ex effectibus judicare, scilicet ad scientiam *quia*.

◎

279 VI. — **Quod si dicatur*** ad donum intellectus so- *n. 347 sq.

lum pertinere judicium de principiis non de conclusionibus seu veritatibus deductis per causas (correspondet* enim habitui principiorum, qui etiam vocatur intellectus, et hic habitus judicat et discernit veritates, sed non cognitas et illatas ex causis, sed ex terminis notis).

280 **Contra est***, quia hoc modo donum intellectus *n. 347

non differt a fide. Nam istæ veritates quæ sunt tamquam principia non attinguntur a nobis in hac vita clare sed obscure, et ita assensus earum et judicium debet esse per fidem*; ergo si donum intellectus judicat et assentit illis obscure, utique per modum fidei et credendo assentit. Si ergo donum intellectus judicat et assentit veritatibus supernaturalibus quæ se habent tamquam principia, utique *vel* videndo illa clare, et sic fit per lumen gloriæ in patria, *vel* obscure et per modum fidei, et sic est ipsam fides: nam opinative et incerte non potest fieri per habitum supernaturale, nec pertinet ad donum Spiritus Sancti opinionem incertam præbere.

◎

281 VII. — **Quod si dicatur*** donum intellectus non *n. 349

attингere ipsas veritates fidei, sed earum credibilitatem vel convenientiam credibilium, aut eorum apprehensionem quantum ad sensum et intelligentiam terminorum.

282 VIII. — **Contra est***, quia totum hoc est præambulum ad fidem, siquidem prius cognoscimus* credibilitatem fidei etiam evidenter, et similiter cognoscimus convenientiam credibilium, siquidem movetur pia affectio* ad credendum ex apprehensione convenientiae credibilium ut velit credere. Similiter cognoscimus sensum Scripturæ vel Symboli ad credendum articulos, alias non possemus credere si sensum non intelligeremus credendorum.

*n. 333,
353 sq.
*n. 1219

*n. 348

283 Ad hæc autem non requiritur donum Spiritus Sancti, quia hoc donum non antecedit fidem, siquidem non est nisi in habentibus charitatem illamque supponit; ergo ad istas functiones non* requiritur per se loquendo donum Spiritus Sancti, sed de se antecedunt fidem, post fidem autem habitam etiam sine dono Spiritus Sancti fieri possunt, quia ex eisdem motivis fiunt sive ante fidem, sive post, sive in habentibus gratiam, sive in peccatoribus. Unde si solum dantur dona in habentibus gratiam, utique ad ista ministeria non requiruntur quæ etiam in non habentibus gratiam inveniuntur.

*n. 353 sq.

284 Nec motiva formalia quæ antecedunt fidem ad judicandum de credibilitate aut convenientia rerum fidei sunt semper supernaturalia, nec requirunt donum speciale Spiritus Sancti, sed communiter dantur in omnibus ad fidem accedentibus¹. Constat enim multa ex his motivis discursu naturali cognosci ante susceptam fidem, et nullum posse prudenter credere² sine sufficienti motivo credibilitatis; ergo ad hoc non datur speciale donum, sed communiter omnibus credentibus

¹ Cf. *Heb.* 11, 6.

² Cf. *Eccli.* 19, 4. — Joan. a Sto Thoma, *Curs. Theol.*, In IIam-IIæ, *De Fide*, disp. 2, a. 3, n. 4-5.

(nec solum in habentibus gratiam, sed etiam in peccatoribus) dari, cum tamen hæc dona Spiritus Sancti non nisi in justificatis et existentibus in gratia inventantur, ut docet S. Thomas¹.

* * *

- 285 IX. — DICENDUM NIHIL MINUS EST **do-**
num intellectus sine* judicio aliquo discretivo†
veritatis non inveniri, licet etiam quasi antece-
denter et dispositivo rectam terminorum appre-
hensionem formet in intellectu.

* *

- 286 Hoc sumitur clare ex D. Thoma (Ia-IIæ, q. 68,
a. 4; IIa-IIæ, q. 8, a. 6), et *aliis locis*².

○

- 287 Nam in ista quæstione (Ia-IIæ, q. 68, a. 4) dicit* ^{n. 272}
D. Thomas quod “Ratio est speculativa et practica;
et in utraque consideratur apprehensio veritatis,
quæ pertinet ad inventionem* et ad judicium de veri-
tate. Ad apprehensionem igitur veritatis perficitur
speculativa ratio per intellectum, practica vero per
consilium. Ad recte autem judicandum speculativa
quidem per sapientiam, practica* vero per scientiam
perficitur”.

*n. 272
*n. 289 sq.

*n. 288

- 288 Ita D. Thomas qui, *licet* in assignando dono intellectus et sapientiæ solam partem speculativam et

¹ Cf. IIam-IIæ, q. 8, a. 5.

² Cf. In III Sent., dist. 34, q. 1, a. 2; dist. 35, q. 2, a. 2, qla 3.

scientiæ solam partem practicam mutaverit* sententiam ^{n. 1058}
(IIa-IIæ, q. 8, a. 6; q. 9, a. 3; q. 45, a. 3), ubi docet
dona ista perficere utramque partem tam speculativam* ^{n. 733}
quam practicam, sicut et ipsa fides quæ non solum cre-
dit sed etiam per dilectionem operatur¹ et sic practica
est, *tamen* quantum ad hoc quod est donum intellectus
apprehendere, penetrare et cognoscere veritatem sem-
per D. Thomas idem docuit, nec mutavit sententiam.

- 289 Veritas autem non apprehenditur, nec penetratur,
nec cognoscitur seu discernitur nisi aliquo judicio*; ^{n. 337}
nec enim dixit D. Thomas² pertinere ad donum intellectus
apprehendere simplici modo ipsos terminos ex quibus
propositiones veritatis formantur, quæ apprehensio ad
primam intellectus operationem pertinet, sed dixit
pertinere ad donum intellectus apprehensionem veri-
tatis, quæ ad inventionem* pertinet.

*n. 272, 287

- 290 Veritas autem ejusque apprehensio in judicio* ^{n. 298}
consistit et enuntiatione apprehenditur et compositione
et divisione, quæ est secunda operatio intellectus, ut
docet S. Thomas (Ia, q. 16, a. 2). Et inventio non est
circa simplicem terminorum apprehensionum, sed circa
veritatem aliquam et propositiones quas attingit in-
ventio. Aliqua enim addiscimus, aliqua invenimus
et inventione attingimus, non ex aliis addiscendo.
Quæ autem addiscuntur non sunt simplices termini
eorumque apprehensiones, sed propositiones et veri-
tates, sive ex terminis notæ, sive ex discursu.

- 291 Ergo similiter quæ attinguntur per inventionem ^{n. 293}
non* sunt solum simplices termini, sed veritates aliquæ

¹ Cf. Gal. 5, 6.

² Cf. Iam-IIæ, q. 68, a. 4.

inventæ et propositiones quibus tales veritates enuntiantur.



- 292 X. — Ex his autem quæ (IIa-IIæ, q. 8, a. 6) tradit D. Thomas de dono intellectus, clare colligitur ad hoc donum non* solum pertinere simplicem apprehensionem terminorum, sed etiam judicium penetrativum et discretivum veritatis. *n. 340

- 293 Nam (IIa-IIæ, q. 8, a. 1 *corp.*, et ad 1 et 2) comparat donum intellectus lumini primorum principiorum, quod utique etiam intellectus vocatur, et sic dicit (IIa-IIæ, q. 8, a. 1 ad 2) quod “discursus rationis semper incipit ab intellectu et terminatur ad intellectum; ratiocinamur enim procedendo ex quibusdam intellectis, et tunc rationis discursus perficitur quando ad hoc pervenimus ut intelligamus id quod prius erat ignotum.” Constat autem quod totum hoc quod in isto processu ad intellectum pertinet non* sunt simples termini, sed propositiones seu veritates per se notæ a lumine principiorum, a quibus proceditur per discursum usque ad veritatem conclusionum. *n. 291

- 294 XI. — Addit¹ autem Doctor sanctus quod “Ita se habet lumen superadditum ad ea quæ nobis supernaturaliter innotescunt sicut se habet lumen naturale ad ea quæ primordialiter cognoscimus”. Comparatur* ergo donum supernaturale intellectus lumini naturali principiorum, et ita sicut per lumen principiorum non solum apprehendimus terminos sed etiam judicamus veritates per se notas, ita per donum intellectus judicamus veritates supernaturales. *n. 323, 344,
1100

¹ IIa-IIæ, q. 8, a. 1 ad 2.

- 295 Similiter (IIa-IIæ, q. 8, a. 6 ad 2)* docet quod *n. 345, 427 “Donum intellectus est circa prima principia* cogniti- *n. 279 onis gratuitæ”. Prima autem principia non sunt termini, sed propositiones seu veritates.

- 296 XII. — Denique explicans D. Thomas actum doni intellectus, illum ita declarat quod sine* aliquo judicio *n. 285 et propositione enuntiabili intelligi non potest.

- 297 Nam (IIa-IIæ, q. 8, a. 2) inquit quod donum intellectus in hac vita non intelligit ipsam essentiam rei intellectæ, neque ipsam veritatem enuntiabilis intellecti, bene tamen intelligit quod propter ea quæ exterius apparent* non est recedendum a fide. Quod sane sine *n. 330 comparatione* et judicio intelligi non potest. *n. 304, 312,
337

- 298 Similiter (IIa-IIæ, q. 8, a. 4) docet quod “Spiritus Sanctus per donum intellectus illustrat mentem hominis ut cognoscat veritatem quamdam supernaturalem”. Veritas autem cognoscitur per aliquod judicium* seu *n. 290 compositionem.

- 299 Et tandem (IIa-IIæ, q. 8, a. 8) explicans quis fructus correspondeat dono intellectus dicit quod correspondet* illi fides, non sumendo fidem pro virtute seu habitu, sed pro certitudine quadam fidei, quatenus homo penetrando et intelligendo res fidei firmatur et quietatur in adhærendo et credendo illis, ita ut non fluctuet*. Et ita dicit D. Thomas (IIa-IIæ, q. 8, a. 8 ad 2) quod “fides non potest universaliter præcedere intellectum; non enim posset homo assentire credendo aliquibus propositis nisi ea aliqualiter* intelligeret. Sed *n. 324 perfectio intellectus consequitur fidem quæ est virtus, ad *n. 1219 quam quidem perfectionem intellectus sequitur quædam

fidei* certitudo". Et hanc ponit pro fructu consecuto ex dono intellectus, sed sic est quod fides assentitur per aliquod judicium et assensum veritatibus revelatis; ergo si per donum intellectus producitur fructus qui est firmatio et certitudo circa hoc judicium et assensum, utique id per judicium aliquod debet facere: aliter enim firmari et certificari circa judicium et assensum fidei non potest.

* *

- 300 XIII. — **Ratio autem hujus*** est quia donum intellectus maxime disponit hominem ad intelligendum recte et pure* sine admixtione errorum, et sine immersione ad phantasmata* et res materiales quæ maxime impediunt¹ intelligere nos ea quæ spiritualia sunt, quia non plene expeditus et discernimus ea quæ spiritualia sunt a corporalibus. Recta quippe intelligentia rerum tunc fit quando sine confusione et admixtione extraneorum et errorum proceditur, et discernitur unumquodque quid sit, vel saltem* quid non sit.

- 301 Quamdiu autem hoc non discernitur, non intelligitur, nec penetratur res aliqua, sed potius confunditur et obscuratur*. Et hoc est penetrare rem aliquam per intellectum et apprehendere ejus veritatem, scilicet quod discernatur et clarescat intellectui quid aliquid sit, vel quid non sit, et non cum confusione et admixtione aliorum procedat; sicut oculus tunc acute videt et penetrat visibilia, cum non obscure, neque confuse, sed cum distinctione videt.

¹ Cf. I Cor. 2, 14.

*n. 333, 455,
471

*n. 285

*n. 303, 458

*n. 305,
307 sq., 388

*n. 331, 347,
352, 397

*n. 62 sq.

- 302 Et sic donum intellectus quasi acuit* et perficit mentem ad hoc ut sine confusione et admixtione errorum procedat, et ad hoc illustratur a Spiritu Sancto.
- 303 Unde et illi correspondet inter beatitudines munditia* cordis, cum dicitur (*Mat. 5, 8*): *Beati mundo corde: quoniam ipsi Deum videbunt.* Hanc beatitudinem* docet S. Thomas correspondere dono intellectus (IIa-IIæ, q. 8, a. 7), quia munditia cordis non* solum debet intelligi depuratio ab inordinatis affectibus, qualis fit per virtutes et dona* partis appetitivæ, sed etiam per depurationem* a phantasmatis et erroribus, ut scilicet ea quæ de Deo proponuntur non accipiантur per modum corporalium phantasmatum, neque secundum hæreticas perversitates*. *n. 352
- 304 Ergo donum intellectus oportet quod discernat in mysteriis fidei veritatem fidei ab erroribus, et spiritualitatem divinorum a formis corporalibus, alioquin ruditer* et cum hebetudine et offuscatione quadam seu confusione intelliget; donum autem intellectus cum illustret et purificet mentem tollit hanc ruditatem et hebetudinem seu offuscationem mentis. Sed hæc discretio et penetratio seu illustratio non fit sine comparatione* et collatione veritatis fidei ad errores quos respuit, et inter spiritualem puritatem et abstractionem cum materialitate et fæce corporalium formarum quas removet; ergo donum intellectus sic acuens et disponens mentem ad penetrandum et limpide cognoscendum judicativum* esse debet, alias discernere non poterit nisi sciat judicare et comparare. *n. 297, 312 *n. 285

* *

- 305 XIV. — **Dices:** Non potest in hac vita removere

quis intelligentiam a phantasmatisbus* et corporalibus formis, cum id sit proprium¹ et connaturale animæ conjunctæ corpori ut intelligat cum alligatione et conversione ad sensus; quod vero depuretur quis a phantasmatisbus et formis sensibilibus, pro alia vita est, vel rarissime contingens in ista vita ex aliquo raptu specialissimo², quod non convenit dono intellectus, quia hoc commune est omnibus justis. Ergo non bene explicatur* per hoc quod ejus actus sit discretio et judicium depurans a phantasmatisbus et erroribus, præsertim quia cum fide compatitur* aliquis error† materialis (dummodo pertinacia absit, sine qua aliquis non sit hæreticus); ergo et compatitur donum intellectus.

306 *Patet consequentia*, quia materialis error non est peccatum mortale; ergo potest stare cum gratia; ergo etiam cum dono intellectus, quia hoc in omnibus habentibus gratiam invenitur, ut docet S. Thomas (IIa-IIæ, q. 8, a. 4).

307 XV. — **Respondeatur*** quod intelligentia potest removere phantasma³ dupliciter*.

308 *Uno modo**, per eorum parentiam et privationem, ita quod in modo intelligendi non dependeat quis a phantasmatisbus.

309 *Alio modo**, per comparationem objecti intellecti ad ipsa, et cognoscendo objectum illud non esse sicut phantasma, sed ab illis abstrahere ad eum modum quo res spirituales et Deum ipsum cognoscimus in hac

¹ Cf. Iam, q. 84, a. 7.

² Cf. IIam-IIæ, q. 175 passim.

³ Cf. Joan. a Sto Thoma, *Curs. Theol.*, In IIIam, q. 11, disp. 14, a. 1.

*n. 300

*n. 300, 303

*n. 313
fn. 227

vita, scilicet per viam negationis¹ et remotionis*, quia licet spiritualia cognoscamus per connotationem ad sensibilia et ad phantasma, tamen hæc ipsa sensibilia removemus a Deo, et affirmamus non* ita esse sentendum de Deo sicut illa corporalia phantasma repræsentant.

310 Et sic dicit D. Thomas (IIa-IIæ, q. 180, a. 5 ad 2) quod “Intellectualis cognitio non sistit in ipsis phantasmatisbus, sed in eis contemplatur puritatem intelligibilis veritatis”.

311 Depuratio ergo a phantasmatisbus per totalem parentiam* et evacuationem eorum non² datur in hac vita mortali, in qua intelligit anima dependenter a sensibilibus.

312 Depuratio autem a phantasmatisbus* per viam remotionis comparativæ et per viam negationis, qua discernitur et cognoscitur sic aliquid intelligi ad modum rerum sensibilium, quod tamen non est sicut ipsa sensibilia, sed opposito modo, talis inquam depuratio possibilis est in hac vita, sed tamen ista depuratio non fit nisi per discretionem et comparationem unius ad alterum et judicium*.

313 XVI. — **Quod vero dicitur*** compati posse fidem et donum intellectus cum aliquo materiali errore, **fatemur**, quia compati possunt cum aliqua ignorantia seu nescientia in his quæ homo non tenetur scire in rebus fidei.

*n. 322, 334,
449, 564, 671,
721

*n. 349, 352,
458

*n. 308

*n. 309, 388

*n. 285, 297,
304

*n. 305

¹ Cf. *Contra Gent.*, Lib. I, cap. 14; Lib. III, cap. 39; Iam, q. 88, a. 3.

² Cf. Iam, q. 89, passim.

- 314 Unde ex hoc solum sequitur quod donum intellectus non semper est perfectum et consummatum*, ita quod purget ab omnibus erroribus etiam materialiter accidentibus, nam et in angelis contingit quod ab aliquibus nescientiis purgentur¹ a superioribus.

315 Non tamen probatur quod donum intellectus non purget ab erroribus formalibus, id est, cum ipsa advertentia et adhæsione ad errorem, et ab his quæ salutem impedire possunt magis vel minus secundum quod clarius vel limpidius possumus aliqua intelligere aut minus clare.

◎

- 316 XVII. — **Quod si petas*** quodnam judicium est illud quod præbeat donum intellectus distinctum* a judicio sapientiæ et scientiæ, quæ etiam sunt dona, vel etiam a judicio fidei.

- 317 XVIII. — **Respondetur*** in rebus judicandis dupliciter nos posse procedere.

- 318 *Uno modo*, judicio resolutivo* seu analytico, quando de rebus judicamus per suas causas vel suos effectus, resolvendo in illos et ratiocinando.

- 319 *Alio modo*, judicio simplici aut discretivo*, quo judicamus hoc non esse illud vel non esse sicut illud, sed diverso modo se habere ad illud: quod potest fieri *vel* per quamdam comparationem* aut reflexionem, sicut facit intellectus; *vel* simplici quodam modo, sicut facit sensus*, quia etiam discernit colores aut sonos, etc.

¹ Cf. Iam, q. 106, a. 2 ad 1; IIIam, q. 27, a. 3 ad 3.—Job 4, 18.

*n. 369, 476,
527

- 320 Donum ergo sapientiæ et scientiæ habent* iudicium de rebus spiritualibus aut supernaturalibus modo resolutivo seu analytico: sapientia per suas causas supremas, videlicet per intimam unionem ad Deum; scientia* vero per causas inferiores vel effectus, quantum considerat creaturem.

*n. 341, 620,
654, 702

*n. 727, 1100

- 321 Fides autem iudicat et assentitur* neque per causas, neque per effectus, sed ex nudo testimonio dicentis et revelantis, quatenus ex alterius dicto et non ex interiori penetratione causarum vel effectuum movetur ad assensum.

*n. 143, 348,
386, 430, 555,
598, 607

- 322 XIX. — At vero donum intellectus non* iudicat resolvendo, neque ex causis et per causas discurrendo circa veritates supernaturales, sed ex quodam interiori instinctu et pulsatione Spiritus Sancti et affectu* ad res supernaturales discernit* spiritualia a corporalibus, saltem per viam remotionis*, et segregat credenda a non credendis seu ab erroribus a quibus non* ducitur.

*n. 618, 653,
741

*n. 128, 584

*n. 342, 388

*n. 309, 334,
349, 564

*n. 315

- 323 Et ad hoc judicium formandum non requiritur evidentia discursus, quia non procedit per causas vel effectus, neque resolutio conclusionum in sua principia, quia donum intellectus sicut et habitus principiorum versatur* circa principia. Sed formatur hoc judicium ex meliori et acutiori* penetratione terminorum ex quibus illæ veritates componuntur, et convenientia eorum inter se et inconvenientia oppositorum errorum.

*n. 294, 344

*n. 302

- 324 *Et sicut* in naturalibus sunt aliqua principia quæ omnibus communiter sunt nota, et vocantur dignitates¹.

¹ Cf. Joan. a Sto Thoma, *Curs. Theol.*, In Iam-IIæ, q. 57, disp. 16, a. 2, n. 9.—D. Thomas, *In I Post.*, lect. 5, n. 6–7.

sicut quodlibet est vel non est, alia solis* sapientibus, *n. 346
 quia non facile eorum termini ab omnibus penetrantur,
 sed solum ab acutioribus, ut quod spirituales sub-
 stantiae non sunt in loco, quod solus Deus est colendus et
 non sunt plures dii, et alia similia, eo quod perceptio et
 penetratio istorum terminorum dependet ex aliqua
 comparatione et collatione cum suis oppositis, ut rerum
 spiritualium cum corporalibus, etc. (et tamen judi-
 cium de his principiis non fit per illationem et discursum,
 sed ex penetratione terminorum facta cum aliqua
 collatione et comparatione), — *ita* donum intellectus
 acuit* et elevat mentem ex impulsu et illustratione
 Spiritus Sancti ad capiendos et penetrandos terminos
 quibus res supernaturales fidei proponuntur, et ex tali
 penetratione judicat illas veritates esse credendas et in
 eis quiescendum*.

325 XX. — **Instabis:** *Vel* illa penetratio* terminorum
 fit cum evidentia et claritate, *vel* cum obscuritate et
 inevidentia.

326 *Si cum claritate et evidentia*, ergo datur in nobis
 evidentialia rerum spiritualium et fidei, quam tamen non
 experimur, nec* ipsa compati posset cum fide, quæ est
 de non visis.

327 *Si cum obscuritate*, ergo debet inniti testimonio
 dicentis, nec enim aliud formale motivum habere potest;
 ergo substantialiter est actus fidei, et sic non distin-
 guetur donum intellectus in suo formalis motivo (atque
 adeo in sua specifica ratione) a fide.

328 XXI. — **Respondetur*** ex D. Thoma (IIa-IIæ,
 q. 8, a. 2) quod penetratio et intelligentia veritatis
 potest* esse vel perfecte, vel imperfecte.

*n. 302

*n. 299

*n. 323

*n. 331

*n. 325

*n. 385

329 *Perfecte* intelligitur aliquid quando ipsa essentia rei
 intelligitur quid sit aut quomodo sit.

330 *Imperfecte* intelligitur aliquid quando non cognoscitur
 quid sit aut quomodo sit, sed tamen cognoscitur
 quod veritati non contrariatur secundum ea quæ
 exterius apparent*, quatenus homo intelligit quod
 propter ea quæ exterius apparent non est recedendum
 ab his quæ sunt fidei.

331 Et hæc est evidentia extrinseca* et quasi negativa,
 quæ non opponitur* ipsi fidei; nec enim opponitur fidei
 quod aliquis evidentiam habeat de hoc quod a fide non
 est recedendum propter quacumque extrinsecam
 rationem, eo quod nihil contrarium fidei verum est;
 et similiter de ipsis rebus traditis, potest evidenter
 experiri in interno affectu* quid non† sint, licet non
 possit videre quid sint.

332 Hanc ergo evidentiam certitudinis fidei et credibili-
 litatis ejus, et discretionem rerum creditarum ab errori-
 bus et a sensibilibus (quod est habere extrinsecam et ne-
 gativam evidentiam) potest facere interius illustratio
 Spiritus Sancti per donum intellectus* sine hoc quod
 opponatur* obscuritati fidei, quæ solum circa res ipsas
 creditas in se obscura et inevidens est, non circa credi-
 bilitatem vel certitudinem suam.

333 Et licet in hac vita non experiamur evidentiam
 positivam* circa ipsas res fidei in quibus semper oculus
 caligat*¹, tamen circa ipsum sensum Scripturæ,
 circa credibilitatem testimoniorum Dei, circa ipsam
 certitudinem fidei et discretionem ejus ab erroribus

¹ Cf. Is. 32, 3.

*n. 345, 350,

388

*n. 326, 352

*n. 397

*n. 300

*n. 352

326

*n. 326

*n. 368, 436,

475, 564

*n. 61, 437

nonnunquam talem quietationem* sentimus, quod sine aliquia evidentia haberi non potest. Nec* tamen semper fit ista quietatio et evidentia per rationes et discursus, sed etiam per aliquam interiorem pulsationem* et illustrationem¹ de illa certitudine†, quam etiam simplices et idiotæ homines sentiunt* aliquando et qui nihil de studio theologiae attigerunt.

○

334

XXII. — **Ex his deducitur** donum intellectus maxime* deservire contemplationi internæ, quia per ipsum acuitur* et subtilizatur mens a Spiritu ut intelligat et in tenebris non ambulet sed in luce, etiam dum in caligine divinitatis ambulat, id est, per viam remotionis* et umbram negationis. Sic enim intrat in potentias Domini², et ingreditur speculando³ gloriam Domini, transformatur de virtute in virtutem quasi a Domini Spiritu.

335

Hujus autem signum maximum est si, aperiente se luce Spiritus intus in mente et elevato ac sublimato intellectu, sentit anima exaltari ac sublimari sibi Deum supra omnem creaturam. Sic enim dicit Psalmista (*Ps. 63, 7-8*): *Accedet homo ad cor altum: et exaltabitur Deus.*

336

Propriissime enim donum intellectus reddit cor altum*, quia elevat illud ut alte† sentiat et cognoscat de divinis penetrans et intelligens quod ea quæ divina sunt excedunt omne cui comparari possunt⁴. Et ex

¹ Cf. IIam-IIæ, q. 2, a. 9 ad 3.

² Cf. Ps. 70, 15.

³ Cf. II Cor. 3, 18.

⁴ Cf. De Pot., q. 7, a. 5 ad 14; *De Ver.*, q. 2, a. 1 ad 9; q. 8, a. 1 ad 8.

*n. 349
*n. 282 sq.,
487

*n. 385
fn. 299, 455
*n. 362, 418

*n. 62 sq.
*n. 302, 392
*n. 309, 322,
349

tali altitudine cordis exaltatur non ipsum cor, sicut fit per scientiam acquisitam (quia scientia inflat¹, et inflatum cor ruinæ est proximum quia ante ruinam exaltatur cor), sed per donum intellectus elevatur ut exaltetur et magnificetur* Deus, quia apprehenditur ut magnus et anima ipsa nostra magnificat Deum, non se.

337

XXIII. — **Ad rationes*** dubitandi a principio, respondetur quod attinet ad auctoritatem D. Thomæ (Ia-IIæ, q. 68, a. 4) jam ostendimus* potius ex illa deduci quod hoc donum est judicativum et non simplici modo apprehensivum, quia dicit ordinari tale donum ad apprehensionem veritatis (quod utique sine* judicio vel enuntiatione non fit) quæ per aliquam comparationem* apprehenditur.

*n. 273 sq.

*n. 289 sq.

*n. 285

*n. 297, 304

338

Sapientia autem ad judicandum ordinatur, scilicet judicio resolutivo* et per causas supremas, quod judicium non pertinet ad donum intellectus ad quod solum pertinet judicium discretivum*, quo ipsa veritas capitur et penetratur discernendo eam ab erroribus et spiritualia a sensibilibus, et in hoc est penetratio veritatis, quatenus intratur ad interiora ejus discernendo eam ab his quibus obscuratur aut impeditur ejus cognitio, eo modo quo explicatum* est.

*n. 318, 549

*n. 285, 319,
505*n. 300-312,
322-336

339

Et hoc etiam fit per aliquod judicium discretivum, non tamen resolutivum in suas causas, sicut facit* sapientia et scientia, et hoc judicium resolutivum est quod D. Thomas* denegat² dono intellectus.

*n. 320

*n. 287, 342

¹ Cf. I Cor. 8, 1.

² Cf. Iam-IIæ, q. 68, a. 4.

- 340 XXIV. — **Ad replicam autem, et instantiam** *n. 274-275,
qua dicitur quod ad eumdem* habitum etiam in natu- 442
ralibus pertinet apprehendere rem aliquam et judi-
care, *bene ibi* respondeatur* concedendo, sed diximus *n. 276
etiam ad donum intellectus pertinere judicium, et non* *n. 289-292
puram et solam apprehensionem terminorum.

○

- 341 **Et cum instatur*** quod hoc modo non distin- *n. 276
guitur a dono sapientiae et scientiae (ad quae pertinet
judicare, sicut ad donum intellectus apprehendere
veritatem, ut dicit¹ S. Thomas), *jam responsum* est* *n. 318 sq.
quod ad donum sapientiae et scientiae pertinet judicare,
non quocumque judicio, sed resolutivo* et analytico, *n. 320
quod est per causas.

- 342 Et hoc denegat² D. Thomas² dono intellectus, *n. 339
ad quod non pertinet judicare de rebus spiritualibus
per causas, sed tantum penetrare veritates discernendo* *n. 285, 319,
illas a falsitatibus seu erroribus, et dirigendo modum 322, 349
intelligendi spiritualia, ut non ad modum corporalium
de eis judicemus, sine hoc quod causas et rationes
istorum reddat, sed solum comparationem et discre-
tionem unius ab alio faciat. Hoc enim est appre- *n. 319
hendere veritatem ut discretam a falsitate, sicut visus*
discernit inter colores, nec tamen per causas de eis
judicat.

- 343 XXV. — **Et cum dicitur*** quod si solum judicat *n. 277
donum intellectus de veritatibus supernaturalibus ap-
prehensis, non per alias causas vel effectus, valde
imperfecte et superficialiter* judicat, *respondeatur* quod *n. 277

¹ Cf. Iam-IIæ, q. 68, a. 4.

² Cf. Iam-IIæ, q. 68, a. 4.

si pertineret ad donum intellectus judicare de verita- *n. 318
tibus modo resolutivo* et judicio analytico, valde im-
perfecte judicaret si per causas vel effectus non judi-
caret.

- 344 Cæterum non pertinet hoc ad donum intellectus, *n. 294, 323
sicut neque ad habitum* principiorum (qui etiam in-
tellectus vocatur) spectat veritates attingere resol-
vendo in causas et principia, cum non procedat ex
aliis principiis, sed solum spectat ex penetratione
terminorum judicare de illis veritatibus.

- 345 Sic etiam ad donum intellectus spectat ex pene- *n. 295, 347
tratione terminorum judicare et cognoscere veritates
supernaturales, quae se habent ut principia* in rebus
fidei, nam ut docet S. Thomas (IIa-IIæ, q. 8, a. 6 ad 2):
“Donus intellectus est circa prima principia cognitionis
gratuitæ”; sed quia isti termini non sunt de se evidentes
et omnibus noti, oportet uti speciali dono intellectus ad
penetrandum et intelligendum illos, discernendo eorum
intelligentiam a falsitatibus et erroribus et spiritualia a
sensibilibus, non quidem per intrinsecam et positivam
evidentiam cognoscendo quid sint, sed per extrinsecam*
et quasi negativam cognoscendo quid non sint, ut ex D.
Thoma¹ explicavimus*. *n. 331, 350

- 346 Et ex his terminis sic penetratis et per quamdam
comparationem* et discretionem cognitis, formatur *n. 319
judicium de ipsa veritate non per causas, sed per pene-
trationem terminorum et discretionem veritatis* ab *n. 350
errore: sicut etiam multa principia, quae non omnibus
sed solum sapientibus sunt per se nota, supponunt ter-
minos illos cognitos et penetratos non sola simplici

¹ Cf. IIam-IIæ, q. 8, a. 2.

inspectione, sed judicio et comparatione sapienter facta et acuto ingenio penetrata, ideo enim solis* sapientibus dicuntur per se nota.

○

347

XXVI. — **Et cum instatur*** quod hoc judicium pertinet ad fidem quæ assentitur ipsis principiis, imo et de iisdem veritatibus divinis judicat donum sapientiæ*, siquidem judicat de divinis (ea autem quæ ad Deum pertinent se habent sicut* principia).

*n. 279-280
*n. 351
*n. 345

348

XXVII. — **Respondetur** quod judicium fidei est per modum* adhæsionis et credulitatis ad res ipsas seu veritates supernaturales. Credere enim est cum assensione cogitare, ut ex Augustino¹ communiter docent theologi², ita quod ex parte inevidentiæ et obscuritatis habet motum et fluctuationem*, et hoc significat ly “cogitare”, quod motum quasi dubitantis (non in certitudine, sed in claritate) aut fluctuantis designat seu nondum perfecte satiati intellectus, qui solum per visionem rei quietatur; ex parte autem certitudinis seu assensus habet firmitatem, non quidem ortam ex visione objecti, sed ex testificatione Dei extrinseca per voluntatem et piam affectionem* acceptata³.

*n. 62, 321,
386
*n. 198
*n. 282

349

At vero judicium doni intellectus non* est judicium credulitatis, sed intelligentiæ, qua succurrit fidei pro ea parte qua patitur fluctuationem* et motum, sic enim donum intellectus penetrat terminos ipsos ex quibus veritates fidei constant, et discernit* inter

*n. 281 sq.
*n. 198, 221,
348
*n. 319, 322,
342

veritates et errores, inter spiritualia seu elevationem eorum et corporalia seu sensibilia, ut intelligat non* sic se habere spiritualia sicut per phantasmata nos cognoscimus, ideoque multo altius* de eis esse sentendum quam nos videamus et cognoscamus, sique per viam remotionis* format intelligentiam de eis rebus talem quod non patitur fluctuationes* illas in fide; ideoque donum intellectus parit certitudinem quamdam seu quietationem* in mysteriis fidei, ratione cujus fides inter fructus Spiritus Sancti correspondet* dono intellectus tamquam effectus seu fructus ejus, ut docet S. Thomas (IIa-IIæ, q. 8, a. 8), non quod ipsa virtus seu habitus fidei sit fructus istius doni, sed certitudo quædam mentis seu quietatio in fide.

350

Et ideo ad donum intellectus pertinet non judicium credendi, sed judicium discernendi* spiritualia a corporibus, supernaturalia a naturalibus, veritates* ab erroribus, quod potest facere evidenter, saltem evidencia quadam extrinseca et negativa, ut explicavimus*. *n. 285
*n. 346
*n. 331, 345,
405

351

Quomodo autem donum sapientiæ* judicare possit de eisdem veritatibus quas fides credit, infra* dicemus. Nec enim repugnat¹ de ipsismet principiis seu de veritatibus principiorum judicare sapientiam defendendo ipsas, sicut et de veritatibus fidei agere theologiam et donum sapientiæ.

352

XXVIII. — Neque ista* evidencia talium veritatum tollit fidem, quia (ut diximus*) donum intellectus in hac vita non perfecte intelligit, nec evidentiam habet illarum veritatum intrinsece et positive cognoscendo

¹ Cf. Joan. a Sto Thoma, *Curs. Theol.*, In Iam-IIæ, *De Fide*, disp. 3, a. 1, n. 3-4, 7.

¹ *De Prædest. Sanct.*, cap. 2, PL 44, 963.

² Cf. *De Ver.*, q. 14, a. 1.

³ Cf. Joan. a Sto Thoma, *Curs. Theol.*, In Iam-IIæ, *De Virtutibus*, disp. 16, a. 3, n. 1-8; disp. 17, a. 3, n. 30-33.

*n. 309, 352

*n. 336

*n. 309, 322,
334

*n. 221

*n. 333

*n. 299, 471

quid sint, sed quasi negative et extrinsece, et potius* *n. 429 cognoscendo quid non* sint, ut S. Thomas dicit (IIa-IIæ, q. 8, a. 7), quatenus cognoscit quod ea quæ de Deo proponuntur non* sunt accipienda ad modum sensibilium, neque secundum hæreticas perversitates*, *n. 303 et de hoc potest haberi evidentia quæ non* opponitur fidei, quæ solum habet inevidentiam et obscuritatem circa ipsa objecta in se, non circa ista extrinseca et per modum negationis.

○

- 353 XXIX. — **Ad id quod ultimo dicitur*** quod ista *n. 282 sq.

evidentia extrinseca et quæ est de credibilitate objecti vel de aliquo alio extrinseco potest haberi sine dono intellectus, ut in peccatore fideli, vel etiam in eo qui convertitur ad fidem et per rationes et discursum habet evidentiam de credibilitate objectorum ejus, etiam per aliquem instinctum¹ Spiritus Sancti, et sic donum intellectus antecedet ipsam fidem, cum tamen solum sit in habentibus gratiam, ut docet S. Thomas (IIa-IIæ, q. 8, a. 5).

- 354 XXX. — **Respondetur** quod evidentia de credibilitate rerum fidei, et evidentia illa negativa de eo quod res divinæ non* sunt accipienda juxta modum rerum sensibilium aut errorum hæreticalium, potest haberi dupliciter*.

*n. 309, 349,
352
*n. 197

- 355 **Uno modo**, per studium et industriam propriam.

- 356 **Alio modo**, per instinctum internum et illustrationem Spiritus Sancti.

¹ Cf. IIam-IIæ, q. 2, a. 9 ad 3.

- 357 Et hæc adhuc dupliciter fieri potest, ut notat S. Thomas (IIa-IIæ, q. 8, a. 5 ad 2).

- 358 *Uno modo*, communiter et imperfecte, sicut etiam in peccatoribus* inveniri potest, ut in Caipha¹ qui *n. 127, 424, 643, 650 habuit instinctum internum ad prophetandum, et in Balaam² qui prophetice illustratus est, cum esset iniquus.

- 359 *Alio modo*, specialiter prout fit in solis* justis per *n. 471 rectam et debitam* æstimationem finis ultimi, quæ *n. 128, 392, 415, 517, 723, 765 tunc habetur quando de Deo sic sentiunt quod se et omnia sua ei subjiciunt*, nec propter aliquid ab eo rece-dendum esse determinant. Et solum secundo modo illustratio illa Spiritus Sancti habet speciale rationem doni intellectus, ut docet³ sanctus Doctor, quia tunc solum habet perfectam rationem doni quando est cum recta et debita conformitate voluntatis.

- 360 XXXI. — Sic ergo evidentia de credibilitate et aliis extrinsecis, sive evidentia intrinseca et positiva ipsius quidditatis rei habita ex proprio studio et industria*, aut etiam ex illustratione et instinctu† Spiritus Sancti prout communiter est in peccatoribus et justis, talis evidentia *præcedit* fidem et potest in peccatoribus manere.

- 361 Evidentia autem habita ex speciali* illustratione *n. 232 Spiritus Sancti et propria solis* justis, quæ scilicet *n. 359 habetur cum recta et debita æstimatione finis ultimi,

¹ Cf. *Joan.* 11, 51.

² Cf. *Num.* 23, per totum; cf. IIam-IIæ, q. 172, a. 6 ad 1. — *Joan.* a Sto Thoma, *Curs. Theol.*, In Iam-IIæ, q. 109, disp. 20, a. 1, n. 10 fin.

³ IIa-IIæ, q. 8, a. 5 ad 2.

talis est propria doni intellectus et *subsequitur* fidem seu charitatem.

- 362 Nec* dicitur specialis quasi sit extraordinaria aut *n. 203 prophetica, aut cum majori et expressiori lumine, sed dicitur specialis quia datur cum speciali æstimatione de fine ultimo, qualis non invenitur in peccatoribus sed specialiter in justis, ideoque etiam apud simplices et idiotas solet* inveniri.

*n. 333, 418,
629

• • •

DONUM INTELLECTUS DISTINGUITUR TUM
A FIDE, IN VIA, TUM A LUMINE GLORIÆ,
IN PATRIA

- 363 XXXII. — Duplicem statum habet donum intellectus, scilicet in via, et in patria.

- 364 Nam quod inveniatur **in hac vita**, constat ex multis locis quæ supra* adduximus, ut cum dicitur *n. 98 sq. (*Eccli.* 15, 5): *Et implevit eum Dominus spiritu sapientiæ et intellectus.* David quoque pro hac vita postulabat donum intellectus, cum dicebat (*Ps.* 118, 73): *Da mihi intellectum, et discam mandata tua;* et rursus Dominus ad eum (*Ps.* 31, 8): *Intellectum tibi dabo, et instruam te in via hac, qua gradieris.* Ergo etiam pro hac via et dum sumus in fide datur a Deo donum intellectus.

- 365 Similiter **pro alia vita** et cum lumine gloriæ et visione divina inveniri donum intellectus constat, quia in Christo Domino reperta sunt hæc dona, ut est de

fide* (*Is.* 11, 2–3), et tamen in ipso non¹ fuit fides, quia *n. 104, 492 ab instanti suæ conceptionis fuit beatus.

◎

- 366 XXXIII. — Distinctionem* ergo hanc doni intel- *n. 399 lectus a fide hic et a lumine gloriæ in patria* non esset *n. 475 sqq.

difficile probare, si constaret perseverare* in patria *n. 479 donum ipsum intellectus quod datur in via.

- 367 Posset enim aliquis imaginari quod non* est idem *n. 407 sq. habitus seu donum Spiritus Sancti hic et in patria, eo quod mutari debet essentialiter* et quidditative, hoc *n. 371, 379 ipso quod mutari debet de obscuro in clarum et evidens.

- 368 Nam *in via* donum intellectus non potest esse evidens circa ipsa mysteria fidei, saltem evidentia positiva et intrinseca de ipso objecto, ut diximus*. *n. 333

- 369 *In patria* autem habet evidentiam de ipsis mysteriis perfecte et positive. Unde dicit D. Thomas (IIa-IIæ, q. 8, a. 7) quod visio Dei perfecta per quam videtur Dei essentia pertinet ad donum intellectus consummatum*, secundum quod erit in patria. *n. 314, 476,
527

- 370 Et hoc ideo quia in patria clarescit intellectus in omnibus, nec aliquid obscuritatis admittit propter illam summam felicitatem, et propter dotem animæ quæ vocatur visio*, ex qua ita dives et opulentus redditur intellectus quod nihil potest attingere nisi videndo. *n. 520

¹ Cf. IIIam, q. 7, a. 3.

² Cf. *Supplm.*, q. 95, a. 5. — Joan. a Sto Thoma, *Curs. Theol.*, In Iam-IIæ, q. 5, disp. 2, a. 8, n. 5–20.

Nihil enim obscurum habet illa nox ut dicit¹ B. Laurentius: "Mea nox obscurum non habet, sed omnia in luce clarescunt".

371 Est autem impossibile quod idemnet habitus numero modo sit obscurus, modo clarus, et quod ista mutatio sit solum accidentalis* et non† substantialis et intrinseca, quia evidens et inevidens pertinet ad rationem formalem motivam sub qua tenditur ad objectum: evidentia quippe fit per intrinseca prædicata rei quæ manifestantur potentiae, obscuritas autem per extrinsecum motivum quod ipsam intrinsecam quiditatem non attingit.

372 Non ergo potest mutari idem habitus de obscuro in clarum et evidentem nisi destruatur; nec apparet quomodo accidentale sit habitui clare vel obscure cognoscere objectum, et quod hoc solum pertineat ad statum accidentalem et non ad formale motivum.

* * *

373 XXXIV. — NIHIL MINUS DICENDUM EST
eumdem esse habitum doni intellectus hic et in patria*. *n. 475

* *

374 Quod **generaliter*** traditur a D. Thoma (Ia-IIæ, q. 68, a. 6), dum docet dona ista Spiritus Sancti permanere in patria nullum eorum excipiendo, imo includendo donum intellectus (Ia-IIæ, q. 68, a. 6 ad 2).

¹ *Acta Sanctorum*, Aug. X, T. XXXVI (Ed. Carnandet, Parisiis, 1867), p. 519.

*n. 367
†n. 405

375 Nec potest intelligi quod maneat donum intellectus in patria non ejusdem speciei sed alterius, et sic solum sit idem genere proximo, non in specie atoma*. *n. 1101 sqq

376 Non inquam potest intelligi sic, quia expresse D. Thomas (Ia-IIæ, q. 68, a. 6 ad 2) dicit quod "Gregorius in singulis donis ponit aliquid quod transit cum statu præsenti, et aliquid quod permanet in futuro. Dicit enim quod 'sapientia mentem de æternorum spe et certitudine reficit'; quorum duorum spes transit, sed certitudo remanet. Et de intellectu dicit quod 'in eo quod audita penetrat, reficiendo cor, tenebras ejus illustrat'; quorum auditus transit, quia *non docebit vir proximum suum*, ut dicitur (*Jer. 31, 34*), sed illustratio mentis manebit".

377 Ecce quomodo D. Thomas cum S. Gregorio¹ loquitur de permanentia ejusdem doni, quia si habitus iste qui est in hac vita corrumpitur et alterum donum alterius speciei producitur in patria, non potest verificari quod quantum ad aliquid transit et quantum ad aliquid permanet, sed tota illa species doni istius vitæ transiret, et alia de novo produceretur in patria.

378 Si autem destruitur totum hoc donum quod est in hac vita, non potest verificari quod quantum ad aliquid permanet, sicut nihil remanet de fide quando in alia vita producitur lumen gloriæ, quia tota quidditas et species habitus fidei solvitur. Et ita docet D. Thomas (Ia-IIæ, q. 67, a. 5) quod nihil fidei vel spei manet in patria.

379 Ergo quando dicit* hic de dono intellectus quod quantum ad aliquid transit et quantum ad aliquid

¹ Cf. *Moral.*, Lib. I, cap. 32, n. 44, PL 75, 547.

*n. 376

permanet, sentit sine dubio S. Thomas quod essentialiter* et quidditative permanet, et solum transit seu mutatur accidentaliter.

380 XXXV. — Et tandem hoc ipsum explicat S. Thomas (Ia-IIæ, q. 68, a. 6), dum inquit quod “De donis possumus loqui dupliciter. *Uno modo*, quantum ad essentiam donorum, et sic perfectissime erunt in patria. . . *Alio modo* possunt considerari quantum ad materiam* circa quam operantur, et sic in præsenti habent operationem circa aliquam materiam circa quam non habebunt operationem in statu gloriæ. Et secundum hoc non manebunt in patria, sicut supra¹ de virtutibus cardinalibus dictum est”.

381 Sentit ergo D. Thomas quod dona ista solum mutant materiae objectum, non formale, et sic in substantia et specie manent, quod exemplo virtutum cardinalium manifestatur, quas substantialiter manere certum est, ut supra ostendimus².

★ ★

382 XXXVI. — Ratio* autem D. Thomæ id convincit, quæ generaliter loquitur de omni dono, **specialiter** autem applicari* potest ad donum intellectus.

383 **Generalis* ratio** ea est quia dona Spiritus Sancti perficiunt mentem humanam ad sequendam motionem Spiritus Sancti; sed in patria præcipue movebitur et sequetur mens motionem Spiritus Sancti; ergo manebunt* dona in patria.

¹ Cf. Iam-IIæ, q. 67, a. 1.

² Cf. *Curs. Theol.*, In Iam-IIæ, q. 67, disp. 17, a. 4.

*n. 367

*n. 402, 405,
407, 502

*n. 374

*n. 398

*n. 374

*n. 1205

384 Quæ ratio optime convincit manere aliqua dona Spiritus Sancti in patria, sed non probat quod maneant eadem quæ in via, quia motio Spiritus Sancti potest esse multiplex, et in hac vita possumus sequi unam, in patria aliam, hic obscuram seu inevidentem, ibi evidentem et claram. Nondum ergo ex hac ratione probatur quod hoc idem donum intellectus quod est in via manet in patria.

385 XXXVII. — Et ideo, ut ratio* D. Thomæ concludat de dono intellectus, addendum est ex doctrina ejusdem sancti Doctoris (IIa-IIæ, q. 8, a. 2) quod donum intellectus de sua formali ratione ordinatur* ad intelligendum* clare, vel imperfecte, vel perfecte, non ad credendum, sicut dicitur (*Ps. 33, 9*): *Gustate et videte*, quia super gustum et experientiam* fundatur evidentia, scilicet evidentia mystica, affectiva et experimentalis.

*n. 374

*n. 328 sq.,
389, 1216
*n. 409*n. 331, 333,
392, 417

386 Intelligere enim ut distinguitur a credere* semper est cum aliqua evidentia, sive extrinseca, sive intrinseca, sive positiva, sive negativa.

*n. 321, 348,
409, 430, 436

387 Quod autem in hac vita non perveniat ad perfectam visionem, non est ex defectu propriæ rationis formalis, sed quia materia non est debite disposita ut videatur in se, quia *ambulamus per fidem et non per speciem*¹. Sicut* oculus ex ratione formalis potentia visivæ solum petit evidentem et experimentalem cognitionem objecti visibilis, per accidens tamen ex defectu applicationis objecti et luminis, ut quia objectum non est in debita distantia, contingit confuse et imperfecte videre.

*n. 389

¹ II Cor. 5, 7.

388 Donum ergo intellectus, cum ex illustratione Spiritus Sancti moveat mentem ad hoc ut recte penetret et intelligat ea quæ sibi proponuntur, de se et ex suo formalis motivo evidentiam exigit*, et facit eam quam potest juxta propositam materiam, ita quod hic in via, dum *ambulamus per fidem*¹ et res proponuntur ex auditu, solum facit evidentiam quasi extrinsecam* et negativam. Sicque dicit Gregorius² quod donum intellectus de auditis mentem illustrat, facit quippe clare videre quod illa sic audita vere sunt credibilia et discernenda* ab erroribus et a modo corporeo et sensibili quo per phantasmata* nostra cognoscuntur; in patria autem facit evidentiam positivam*, quatenus continuatur cum lumine gloriae et visione beata cui subordinatur*.

○

*n. 391, 393

*n. 331

*n. 322, 342

*n. 300, 312

*n. 436

*n. 1218

389 XXXVIII. — **Nec repugnat** eumdem habitum utramque habere evidentiam, et modo explicare unam, modo aliam, quia motio Spiritus Sancti ita universalis est quod ad utramque se extendit, et hoc donum perficit et quasi acuit* intellectum ad clare videndum eo modo quo videri potest, aliquando perfecte, aliquando imperfecte*: sicut eadem potentia visiva aliquando videt imperfecte et confuse, a longe, aliquando clare et distinete, prope, et tamen est eadem vis* et acuties videndi.

*n. 302, 334

*n. 328 sq., 385 sq.

*n. 387

390 XXXIX. — Melius explicatur utraque evidencia in eodem habitu exemplo scientiæ subalternatæ*, quando aliquando continuatur cum subalternante quando existit in eodem subjecto, aliquando non.

*n. 1216 sq.

¹ II Cor. 5, 7.² Cf. *Moral.*, Lib. I, cap. 32, n. 44, PL 75, 547.

391 Et quando non¹ continuatur cum subalternante, non habet evidentiam de principiis, sed fidem, et consequenter non potest de conclusionibus evidentiam habere ex parte scientis, sed solum ex ipsa ratione scientiæ quæ de se illam postulat*, eamque de facto et exercebit habeat quando sibi adjungitur scientia subalternans, quæ sibi principia præbet.

*n. 388

392 Sic similiter donum intellectus ex motione et illustratione Spiritus Sancti perficit et acuit* intellectum ad perceptionem et penetrationem eorum quæ sibi proponuntur, et sic omnia illa conjungit et adjuvat in una* ratione formalis, scilicet in modo penetrandi et capiendo res superiores et ea quæ ordinantur ad ipsas, nempe ex spiritu* et affectu† et quasi experimentalis cognitione circa res illas: has enim non experimur nisi per affectum et rectam ac debitam* aestimationem et ordinationem erga illas.

*n. 302, 334, 414

*n. 396

*n. 178-179
fn. 385, 584

*n. 359, 454

393 Et iste modus intelligendi et cognoscendi res spirituales ex quadam experimentalis affectu illarum tendit* de se ad evidentiam quasi experimentalem, et hæc est unica* et specifica ratio ejus formalis, scilicet intellectum perficere et illustrare, ut ex quadam connaturalitate et experientia circa res spirituales intelligat et penetret et discernat ipsas: connaturalitas* autem non habetur ad res istas nisi per affectum: *Qui enim adhæret Deo, unus spiritus est*, ut dicitur (I Cor. 6, 17).

*n. 388

*n. 407

*n. 128

394 Sed iste affectus sic connaturalizans et uniens nos Deo in patria regulatur et nascitur ex pleno lumine, quando indicat ipse Deus dilectæ suæ ubi pascit et

¹ Cf. Joan. a Sto Thoma, *Curs. Theol.*, In Iam, q. 1, disp. 2, a. 5, n. 19.

cubat in meridie¹, et tunc etiam ex illa connaturalitate affectuosa* nascitur plena et consummata evidenter circa penetrationem et intelligentiam mysteriorum extra* Verbum.

*n. 179

*n. 129, 170,
508

395 XL. — In via autem nascitur et regulatur iste affectus ex lumine imperfecto et ænigmatico², et habente umbram fidei, juxta quod sponsa dicit (*Cant.* 2, 3): *Sub umbra illius quem desideraveram, sed: et fructus ejus dulcis gutturi meo, ubi ex sessione et requie in umbra, id est, in fide dilecti** et desiderati (haec est fides quæ per dilectionem operatur³) oritur experimentalis quædam dulcedo fructus illius, quod pertinet ad hanc mysticam et affectuosam cognitionem.

396 Convenit ergo donum intellectus tam quam in patria in hoc* quod est illustrare intellectum in cognoscendo spiritualia ex quadam connaturalitate affectuosa et experimentalis illius dulcedinis.

*n. 392

397 Et quia experimentalis cognitio de se semper petit evidenter, ideo donum intellectus ex sua formalis et specifica ratione evidens est*. Sed haec evidenter experimentalis hic in statu fidei fit imperfecta et sicut qui videt montem a longe, juxta quod Paulus dicit (*Heb.* 11, 13): *A longe aspicientes et salutantes eas, et ideo magis experimur quid non** sint illa gaudia et promissiones et quomodo a corporalibus discernantur quam quid sint; in patria autem fit experimentalis evidenter de eo quod sunt et quid sunt ex pleno affectu circa illa ut præsentia.

*n. 388

*n. 300

¹ Cf. *Cant.* 1, 6.² Cf. *I Cor.* 13, 12.³ Cf. *Gal.* 5, 6.

398 XLI. — Ex quibus colligitur efficacia rationis S. Thomæ¹ etiam ut applicatæ* ad donum intellectus.

*n. 382

399 Nam mens hominis movetur per dona Spiritus Sancti ad sequendum motionem ipsius; sed motio Spiritus Sancti ad cognoscendum et intelligendum ea quæ spiritualia sunt modo mystico, id est, ex affectu connaturalizante et uniente nos Deo et rebus spiritualibus, est motio tendens* ad experiendum intime istas res divinas in proprio genere; ergo tendit ad evidentiam mysticam et experimentalem seu affectuosam, quæ tam hic quam in patria haberi potest, quia imperfectionem de se non dicit; ergo est unius et ejusdem speciei, distinguiturque tam a fide in via quam a lumine gloriæ in patria, quia separatur a fide quando est in patria, et separatur a lumine gloriæ quando est in via; ergo distinguitur* ab utroque.

*n. 400

*n. 366

400 XLII. — Quod vero talis motio sit ejusdem speciei, probatur quia tendit* sub motivo ejusdem † speciei tam hic quam in patria, nempe sub motivo intelligendi res spirituales modo affectivo et experimentali, prout scilicet experimur in nobis quid sint aut quid non sint ex affectu quo eis unimur.

*n. 399

†n. 393

401 Quæ experientia affectiva et interna non importat distinctam rationem formalem et motivum quando est via et in patria, sicut nec affectus ipse et charitas diversa est quando est in via et in patria, licet ibi abundantissimam experientiam et suavitatem suam exprimat præ illa quam habet in via.

402 Utrobique tamen ad experimentalem evidentiam tendit juxta illud saepius repetitum (*Ps.* 33, 9): *Gustate,*

¹ Cf. Iam-IIæ, q. 68, a. 6.

et videte quoniam suavis est Dominus, sed variatur hic et ibi materia experiendi.*

*n. 380, 503

403 Cum enim hic non sit in plena luce, solum experitur et ponit affectum in rebus spiritualibus discernendo quid non sint, quomodo discernenda sint spiritualia a corporalibus et a phantasmatisbus et ab erroribus, sicut qui non potest videre, et palpando ac tangendo discernit de illa re, et in hoc habet suam experimentalem cognitionem, aut qui videt a longe et non cognoscit quid unumquodque sit, tamen in confuso videt quod illi sunt homines et non arbores, illi sunt montes et non arbores, illi sunt montes et non planities, et tamen videt saltem illam confusionem.

404 In patria autem ponit affectum in rebus spiritualibus sicut in se sunt, et ita habet experientiam affectivam de rebus in se, et torrente voluptatis¹ potatur apud fontem vitae.

405 XLIII. — **Non est autem inconveniens** quod idem lumen et idem motivum et virtus evidentiam habeat sub diversis statibus et modis juxta diversas* materias quibus applicatur, et in una comparative ad aliam videatur obscuritas, sicut lux candelæ aut lux lunæ comparatione ad solem videtur obscuritas, et tamen sub utraque luce fit evidentia, et est lux et visio ejusdem speciei, licet sub diverso modo et statu, et diversa perfectione vel imperfectione, eo quod materia et modus quo versatur in hac vita non compatitur plus evidentiæ quam illam negativam et extrinsecam*, in patria autem quidditativam et propriam. Et sic non* mutatur substantialis et specifica ratio et lux doni in-

¹ Cf. Ps. 35, 9.

*n. 380
*n. 331
*n. 371

tellectus cum transit ex hac via ad patriam, sed solum crescit illa lux, uti *Lux lunæ sicut lux solis*, ut dicitur (*Is. 30, 26*), *et splendor ejus ut lux erit*, ut dicit Habacuc (*Hab. 3, 4*).

406 Utrobique tamen eadem specie lux est, scilicet lux affectiva et experimentalis ex unione ad divina (ut distinguitur* a luce de veritate, sive studio, sive infusione habita), sive affectu et gustu spirituali qui est intellectus mysticus.

*n. 178, 524

407 XLIV. — **Et ad rationem dubitandi a principio* motam**, dicitur verum esse quod idem habitus non potest esse modo obscurus, modo evidens, ex sua ratione formalis, sed potest idem habitus, qui circa unam materiam vel in uno statu habet imperfectam evidentiam et experientiam, in alio statu vel circa aliam* materiam habere evidentiam perfectam, licet una evidentia comparatione ad aliam videatur obscura, sicut lux lunæ respectu lucis solis, vere tamen utraque est evidentia et ejusdem rationis formalis specificæ, quia sub ratione unica* intelligendi tendit, id est, sub ratione simplicis intelligentiæ ortæ ex quadam experimentalis et affectuosa connaturalitate et unione ad divina, quæ solum est in his qui sunt in gratia¹.

*n. 367 sq.

*n. 380

*n. 393

408 Et vocamus simplicem intelligentiam ad differentiam intelligentiæ quæ est ex causis et per causas*, ut sapientia, et scientia, et consilium. Unde dicit S. Thomas (In III Sent., dist. 35, q. 2, a. 2, qla 3) quod “Intellectus videtur nominare simplicem apprehensionem; sed sapientia nominat quamdam plenitudinem certitudinis ad judicandum de apprehensionis”.

*n. 317 sq.

¹ Cf. IIam-IIæ, q. 8, a. 4.

409 Tota autem hæc ratio motiva et formalis eviden-
tiam dicit (licet non semper perfectam et consumma-
tam), non* obscuritatem credendi, quia non pertinet
ad donum intellectus assentiri ex testimonio dicentis,
sed intelligere* ac discernere seu penetrare ex connat-
urali quadam experientia spiritualium, hic experiendo
saltem quid non sint, in patria videndo quid sint.

*n. 386

*n. 385 sq.

410 Quomodo* autem dicat S. Thomas¹ donum intel-
lectus pertingere ad visionem essentiæ in patria, dice-
mus infra* quod intelligitur de attingentia antecedenti
et regulativa, non formali et elicita.

*n. 479

*n. 483 sq.

● ● ●

**QUOMODO DISTINGUITUR ACTUS DONI
INTELLECTUS, ET QUÆNAM SUNT
EJUS OBJECTA*.**

*n. 443 sqq.

411 XLV. — Respondetur hæc omnia fere ex dictis
constare.

412 De hoc tamen agit D. Thomas (IIa-IIæ, q. 45, a. 2),
et supponenda est doctrina quam postea tradit (IIa-
IIæ, q. 45, a. 2), quod dupliciter* potest contingere
habere cognitionem et judicium ferre de aliqua re:
uno modo, per inquisitionem seu studium, *alio modo*,
per experientiam et quasi connaturalitatem ad rem
aliquam, sicut de castitate aliter judicat philosophus ex
disciplina ethica et disputatione de virtutibus, tem-
peratus aliter ex connaturalitate ad ipsam continentiam
et castitatem.

*n. 508 sq.

¹ Cf. IIam-IIæ, q. 8, a. 7.

413 Sic de spiritualibus et supernaturalibus possumus
habere* cognitionem et judicium, *vel* ex studio et dispu-
tatione circa res illas (sive ex præcisa* illustratione
veritatis), *vel* ex quadam connaturalitate et affectu* seu
experiencia divinorum, sicut de Hierotheo dicit S.
Dionysius (*De Div. Nom.*, cap. 2, 9)¹ quod erat “non
solum discens, sed patiens divina”. Patitur autem quis
divina, quando in affectu agitur² et movetur a Spiritu
Sancto supra id quod modus et regula humana possunt
mensurare: quod enim operatur aliquis ex obedientia et
subjectione ad motionem alterius, dicitur quasi pa-
tiens seu recipiens, quia obediens et subjectus.

*n. 178, 518,

524

*n. 424, 524

*n. 584

414 XLVI. — Donum ergo intellectus non acuit* nec
perficit mentem ad intelligendam veritatem quasi ex
studio et disputatione et quasi metaphysice*, sed ex
connaturalitate quadam et unione ad divina et mystice,
quia hæc unio et connaturalitas ad spiritualia non fit in
nobis entitative, sed affective et per affectum seu spirationem
voluntatis; et quod affectivum et spirativum
est, vocatur *mysticum**, ad differentiam cognitionis
philosophicæ, et quæ studio et disputatione acquiritur,
quia puræ et meræ speculations parum movent³ volun-
tatem, nisi ad vanitatem*: *scientia enim inflat*⁴; sed
illa cognitio quæ movet ad affectum rectificandum, et
rurus ex affectu* recto majorem sumit experientiam
divinorum, hoc pertinet ad donum intellectus.

*n. 392, 444

*n. 418, 675

*n. 178-179,
510

*n. 472

*n. 584

415 XLVII. — Sumitur hoc ex D. Thoma (IIa-IIæ,
q. 8, a. 5), ubi dicit quod “Nisi usque ad hoc moveatur
a Spiritu Sancto intellectus humanus ut rectam* æsti-

*n. 181, 359,
454, 517

¹ PG 3, 648.

² Cf. Rom. 8, 14.

³ Cf. Iam-IIæ, q. 9, a. 1 ad 2.

⁴ I Cor. 8, 1.

mationem de fine habeat, nondum consecutus est donum intellectus; quantumcumque ex illustratione Spiritus Sancti alia quædam præambula cognoscatur". Rectam autem æstimationem de fine non habet nisi ille qui circa finem non errat, sed ei firmiter inhæret tamquam optimo, quod est solum habentis gratiam gratum facientem: sicut* etiam in moralibus rectam æstimationem de fine habet homo per habitum virtutis. Cui adjungo doctrinam supra* allatam (IIa-IIæ, q. 45, a. 2) *n. 412 de dono sapientiæ.

- 416 Constat* apud D. Thomam ista dona quæ ad intellectum pertinent ipsum perficere mystice*, et ratione alicujus experimentalis cognitionis et judicii de rebus divinis, quæ experientia* sine affectu et gustu quo nobis uniuntur et quasi connaturalizantur stare non potest. *n. 181
*n. 414
*n. 418

◎

- 417 XLVIII. — **Et ratio hujus est**, quia de his donis non* possumus philosophari nisi prout nobis tradit Scriptura, quæ cognitionem istorum donorum in aliquo affectu et gustu interno fundat*, ut cum dicitur (*Ps. 33, 9*): *Gustate, et videte*, et iterum (*Ps. 110, 10*): *Intellectus bonus omnibus facientibus eum*, et (*Apoc. 2, 17*): *Quod nemo scit, nisi qui accipit*, et iterum (*Is. 11, 2*) dicitur requiescere *Spiritum Domini: spiritum sapientiæ et intellectus*, etc. Ergo fundantur* istæ cognitiones in spiritu seu affectu non quomodocumque, sed requiescente et unito* nobiscum. *n. 22, 155,
1040, 1153
*n. 385, 584
*n. 521
*n. 651, 974,
1163, 1171

- 418 Constat etiam multoties inveniri istam mysticam et affectivam cognitionem in hominibus simplicibus et

idiotis, qui tamen optime sentiunt* de spiritualibus; *n. 333, 362,
ergo ista cognitio fundatur non in studio et quasi 629
metaphysico discursu, sed in experientia*. *n. 416

- 419 Nec est ratio quod ex virtutibus* sumatur experi- *n. 415
mentalis cognitio in hominibus virtuosis, et non ex supernaturali communicatione qua quis movetur a Spiritu Sancto: si enim potest aliquis temperatus judicare de castitate ex ejus exercitio et professione, non minus quam philosophus ex disputatione, cur non poterit quis ex affectu* et experimentali quadam unione ad *n. 584
divina de eis cognoscere et judicare ?

◎

- 420 XLIX. — **Si dicas*** hoc non probare quod debet dari specialis habitus et donum ad istam cognitionem vel judicium, sicut non datur specialis habitus ad judicandum vel cognoscendum ea quæ sunt virtutis ex ejus exercitio et experientia, *respondeatur* esse valde disparem rationem, quia virtutes acquisitæ earumque operationes sunt nostro modo connaturales et experimentales; imo et exercitia ipsa virtutum infusarum, licet ex objec- *n. 428
to habeant elevationem* supra naturam, tamen quia in modo operandi et mensurandi procedunt juxta modum et mensuram proprii subjecti et discursus, ideo non est necessarius specialis habitus aut virtus ad earum experimentalem cognitionem habendam. *n. 1114

- 421 At vero ad sumendam cognitionem et intelligentiam de supernaturalibus et divinis mysteriis ultra modum et mensuram humanam, et in ea discernenda ab erroribus, sic necesse est peculiarem habitum apponere propter specialem difficultatem, quæ non intervenit

in experimentali cognitione operationum connaturalium aut connaturali modo factarum.

* * *

- 422 L. — **QUO POSITO**, *facile deducitur* quomodo actus doni intellectus distinguatur a quacumque alia cognitione ab alio habitu proveniente.

◎

- 423 Nam **habitus intellectuales**, qui respiciunt et attingunt cognitionem veritatis proprio studio vel industria, sive sint pure ordinis naturalis, ut scientiae philosophicæ, sive fundatæ in fide, ut theologia, quæ discursu proprio ducuntur, distinguuntur a dono intellectus, quia donum intellectus penetrat et cognoscit res fidei ex instinctu et motione Spiritus Sancti, non ex proprio studio, nec ex notitia naturali terminorum, sicut habitus primorum principiorum.

◎

- 424 Ab aliis autem habitibus vel **illustrationibus^{*}** infusis, ut a prophetia et aliis similibus, quæ etiam in peccatoribus dari possunt^{*} et ante fidem etiam dantur ut quis convertatur ad fidem, distinguitur donum intellectus et ejus actus, ut inquit S. Thomas (IIa-IIæ, q. 8, a. 6 ad 2), quia intelligentia prophetica est illustratio quædam mentis circa ea quæ revelantur, id est, circa esse vel non esse talis rei prout est *extra nos* et in se.

^{*}n. 413*n. 127, 358,
454, 559

- 425 Ad donum autem intellectus pertinet illustratio mentis circa æstimationem rectam^{*} de ultimo fine, id

^{*}n. 415

est, illustratur mens circa divina secundum quod sentiuntur *intra nos* et secundum connaturalitatem et unionem quamdam affectivam^{*} erga divina, et hoc pertinet ad experimentalem cognitionem eorum, quæ longe differt^{*} a cognitione veritatis solum prout est in se et quasi quidditativa, non affectiva.

^{*}n. 441, 584^{*}n. 524

- 426 Differt autem **ab aliis donis Spiritus Sancti**, ut sapientia, scientia, consilio, quia ista procedunt circa res divinas vel circa operationes nostras judicio quodam resolutivo^{*} et analyticō, sicut nostræ scientiæ et prudentiæ (licet diverso modo, ut postea^{*} dicetur), donum autem intellectus simplici judicio et intuitu ex penetratione terminorum, sicut habitus primorum principiorum.

^{*}n. 318 sq.^{*}n. 596, 734

- 427 LI. — **Ab actu autem fidei^{*}**, quæ etiam versatur circa prima principia et res divinas, differt actus doni intellectus, quia, ut dicit S. Thomas (IIa-IIæ, q. 8, a. 6 ad 2), donum intellectus est^{*} circa prima principia cognitionis gratuitæ, aliter tamen quam fides. Nam ad fidem pertinet eis assentiri, ad donum vero intellectus pertinet mente penetrare ea quæ dicuntur.

^{*}n. 269^{*}n. 295, 345

- 428 Ubi iterum redit similis difficultas, sicut supra^{*} de judicio, cur^{*} non idem habitus penetrat et assentitur, sed ponitur differentia inter donum intellectus et fidem, quod illud penetrat mente quæ dicuntur, hæc assentitur?

^{*}n. 420, 274^{*}n. 433

- 429 Et dicimus etiam donum intellectus assentiri^{*} veritati quam penetrat, non credendo formaliter, sed

^{*}n. 436

aliqualiter experiendo saltem quid non sit (pro ista vita*) et quomodo a sensibilibus distet et erroribus non misceatur; fidem autem assentiri veritati credendo.

430 *Et differt* assentiri credendo, vel experiendo aut penetrando, quia credens* tantum adhibito testimonio adhæret et præcise assentitur, nec aliud quaerit, neque investigat, neque discutit; intellectus interiora penetrat, investigat occulta, ad priora extendit seipsum, nititur velata detegere et umbrata illustrare.

431 Sic nimirum per donum intellectus revelat Dominus condensa¹, per fidem venit de monte umbroso et condenso, et per fidem captivatur intellectus², et quasi caligat³ oculus et ambulat per viam deserti usque ad montem Dei, denique in terra deserta et invia et inaquosa⁴, sic in sancto apparet Deo: quod frequenter experiuntur* qui nuda et sicca fide orationi insistunt, quod quasi siccatur anima et fauibus⁵ adhæret lingua dum credit tantum, nec penetrat ad interiora mysteriorum Dei.

432 At vero, ubi Spiritus Sanctus incipit intus flare spiritu suo ut fluant aquæ⁶ et per donum intellectus aperit⁷ nobis sensum et reserat interiora austri⁸, id est, calidiorem auram suæ charitatis immittit ut sentiamus et gystemus intus quam suavis est⁹ Dominus, tunc

¹ Cf. Ps. 28, 9.

² Cf. II Cor. 10, 5.

³ Cf. Is. 32, 3.

⁴ Cf. Ps. 62, 3.

⁵ Cf. Ps. 21, 16.

⁶ Cf. Ps. 147, 18.

⁷ Cf. Luc. 24, 45.

⁸ Cf. Job 9, 9.

⁹ Cf. Ps. 33, 9.

*n. 352

*n. 196, 321,
386, 438, 731

*n. 174

*n. 62 sq.,
304

plane, tunc convertit captitatem intellectus nostri¹, sicut torrens in austro², id est, ad modum quo torrens acutiori gelu concretus solvitur aspirante austro: tunc fugantur nubila et surgente aquilone venit auster, et perflat aromata mysteriorum fidei ut mittant odorem suum, sicut odorem agri pleni³; tunc fiunt oculi nostri sicut columbæ⁴ et non jam in terra arenti et inaquosa⁵, sed plane resident juxta fluenta plenissima; tunc denique non exsiccatur anima, neque arescit in siti, sed sicut adipe et pinguedine repletur⁶ inundante lumine, et dirigitur⁷ oratio ejus sicut incensum in conspectu Domini. — Hæc præstat donum intellectus.

433 LII. — Quorsum hæc omnia? Ut videlicet ex Scripturis ipsis, unde nobis innotescunt* dona Spiritus Sancti, hauriamus differentiam inter fidem et donum intellectus, et rationem cur* non sufficit idem habitus assentiri credendis et penetrare ipsa per intelligentiam (sufficit autem in naturalibus* idem habitus et assentiri principiis et penetrare illa, seu cuilibet alii veritati).

*n. 22, 155,
417, 1040,
1153

*n. 428, 440

*n. 442

434 *Et differentia* stat in duobus.*

*n. 433

435 *Primo*, quod assensus fidei nititur* testimonio extrinseco, non autem circa ea quæ rei intrinseca sunt quidquam investigat aut cognoscit, quia non ex via cognitionis intrinsecorum objecti assentit veritati, sed ex puro testimonio dicentis, quod extrinsecum objecto est.

*n. 430, 438

¹ Cf. II Cor. 10, 5.

² Cf. Ps. 125, 4.

³ Cf. Gen. 27, 27.

⁴ Cf. Cant. 5, 12.

⁵ Cf. Ps. 62, 3.

⁶ Cf. Ps. 62, 6.

⁷ Cf. Ps. 140, 2.

436 Donum autem intellectus assentit* quidem veritati, sed intrinseca objecti penetrando et quasi intus legendo, sive negativa* evidentia et per viam remotionis, sive positiva*, ut in patria, non extrinsecum tantum attin-
gendo.

437 Unde respectu fidei omnia objecti prædicata et quidditas clausa* manent, et solum extrinsece testi-
monio nititur, ideoque dicitur caligare¹ oculus et cap-
tivari² intellectus et arenti siti manere circa intelligentiam et penetrationem objecti et prædicatorum ejus.

438 Et ideo recte dixit³ D. Thomas quod ad fidem pertinet assentiri principiis, ad donum autem intellectus penetrare. Hoc enim intelligitur *valde formaliter* quod ad fidem* pertinet assentiri pure et præcise sine alia dis-
cussione vel investigatione aut intelligentia de intrin-
secis ipsius objecti, sed omnia interiora objecti ita occlusa* ipsi manent quod solum ratione extrinseci testimonii adhæret seu assentitur propositæ veritati, et sic non facit aliud quam assentiri.

439 Donum autem intellectus conatur ingredi et pene-
trare interiora rei, sicut cum Beata Virgo interrogabat Angelum (*Luc. 1, 34*): *Quomodo fiet istud, quoniam virum non cognosco?* Hoc enim non procedebat ex diffidentia⁴ aut hæsitatione, sed ex dono intellectus conantis ad plenam et interiorem* intelligentiam mysterii, eo modo quo in hac vita intelligi potest.

*n. 386, 429

*n. 331

*n. 333, 388,
475

*n. 61, 333,
438

*n. 430, 555,
731

*n. 437

*n. 336

¹ Cf. *Is. 32, 3.*

² Cf. *II Cor. 10, 5.*

³ Cf. *IIam-IIæ, q. 8, a. 6 ad 2.*

⁴ Sicut accidit Zachariae (*Luc. 1, 18*).

440 Et ideo necesse est ponere distinctos* habitus ad fidem et ad donum intellectus, quia procedunt ex distinctis motivis et rationibus formalibus: fides ex motivo ita extrinseco quod nihil de interioribus objecti penetra; donum autem intellectus conatur interiora rei penetrare, et ad hoc tendit in hac vita imperfecte, in patria perfecte, et sub tali penetratione etiam assentitur et judicat, sed non ita sicut fides.

441 LIII. — **Et secundo***, differentia ista sumitur ex eo quod donum intellectus tendit ad intelligentiam et penetrationem veritatis, non quomodocumque, sed ex quadam experientia affectiva* circa res divinas; fides autem non procedit ex tali experientia, sed ex nudo testimonio dicentis, unde et datur in peccatore* sine gratia, sine qua tamen non datur donum intellectus.

442 In naturalibus* autem idem habitus primorum principiorum et penetrat veritates et assentitur, quia ibi assensus solum fundatur in penetratione et evidentia, non autem est alius assensus fundatus in nudo testimonio dicentis et solum extrinsece se habentis ad objectum, sicut est in habitu fidei.

* * *

443 **LIV. — QUOD VERO ATTINET AD OBJECTA**
ad quæ se extendit donum intellectus, respondet S. Thomas (*IIa-IIæ, q. 8, a. 1*) objectum doni intellectus esse quodcumque latens objectum, quod lumine naturali sufficienter penetrari non potest.

444 Et hoc comprehendit ibi D. Thomas sub sex speciebus, ut bene notat Cajetanus (*In IIam-IIæ, q. 8, a. 1*).

*n. 433

*n. 425

*n. 454, 597

*n. 274, 340,
433, 604

Etenim objecta quæ latere possunt et ad quæ penetranda oportet uti dono et acutie* intellectus sunt sex. ^{*n. 392}
Nam res latent, *vel* sub accidentibus, *vel* sub verbis, *vel* sub figuris seu similitudinibus, *vel* sub sensibilibus, *vel* sub causis, *vel* sub effectibus.

445 Quidquid sub istis sex velaminibus latere potest, totum hoc est objectum doni intellectus et ad illud se potest extendere, principaliter quidem si objecta supernaturalia sint ad quæ directe ducit illud lumen supernaturale, secundario vero etiam ad naturalia*, quatenus ^{*n. 255}

supernaturalibus deserviunt et quatenus ex vivacitate circa supernaturalia discretioneque eorum ab erroribus et sensibilibus etiam naturalia ipsa magis illustrantur.

446 Igitur **sub accidentibus** latent substantiæ aut alia latentiora accidentia, sicque pertinet ad donum intellectus ista rimari, et sub accidentibus panis cognoscit quomodo absit substantia panis, et quomodo sit totum corpus Christi modo substantiali, non quantitativo, in Sacramento; quomodo etiam in mysterio Incarnationis sit natura humana sine propria subsistentia; et multa alia similia investigat donum intellectus.

447 LV. — **Sub verbis** latent diversi sensus, et sic intelligere proprium et litteralem sensum Scripturæ pertinet ad donum intellectus. Unde dicitur (*Luc. 24, 45*) quod *Dominus aperuit discipulis sensum ut intellegent Scripturas*.

448 **Sub figuris seu ænigmatibus** latent sensus mystici, ut moralis, anagogicus, allegoricus, sicut etiam parabolicus sub similitudinibus.

449 **Sub sensibilibus** latent intelligibilia et spiritualia omnia quæ per viam remotionis* cognoscuntur a nobis, ^{*n. 309} ut angeli et Deus.

450 **Sub causis** latent effectus, ut sub sacramentis gratia, sub passione Christi redemptio et omnes effectus redemptionis.

451 **Sub effectibus** latent causæ, ut sub effectibus prædestinationis vel reprobationis infinita abyssus¹ judiciorum Dei.

452 Ad omnia ista se extendit donum intellectus, in aliis plus, in aliis minus, prout vult² Spiritus Sanctus dividere.

453 LVI. — **Nec obstat** quod multa ex his disciplina et studio attingatur, præsertim theologicis discursibus. *Nam* in primis, ut dicit S. Thomas (*IIa-IIæ*, q. 8, a. 1): “Lumen naturale nostri intellectus est finitæ virtutis; unde usque ad terminatum^{*} aliquid pertingere potest. ^{*n. 225, 814} Et sic indiget homo supernaturali lumine ut ulterius penetret ad cognoscendum aliqua quæ per lumen naturale cognoscere non valet”.

454 Itaque dicimus *plura* ex his non attingere nostrum intellectum naturali lumine, etiam fide superaddita, sine illustratione doni intellectus; *plura* intelligere subobscuræ et mille phantasias aut erroribus subjecta*, ^{*n. 227} quæ nisi peculiari dono intellectus discernantur obruunt mentem; *plura*, etsi intelligantur peculiari illustratione sed non pertingente ad rectam^{*} æstimationem ^{*n. 359, 415}

¹ Cf. *Rom. 11, 33; Job 11, 7.*

² Cf. *I Cor. 12, 11.*

et adhæsionem ad ultimum finem (qualiter etiam in peccatoribus* fidem mortuam habentibus illustrations inveniuntur), ideoque oportet perfici dono intellectus discernente errores istos et phantasias, et experiente debitam* adhæsionem ad finem ultimum Deum.

★ *

455

LVII. — **Quod si inquiras** quomodo ista munditia* et limpiditas cordis sit effectus doni intellectus et similiter certitudo* fidei, cum in multis vigeant† passiones malæ et immoderatæ, qui tamen multa penetrant et intelligunt* de Scripturis; multi etiam certissimi et firmissimi sunt in fide, et sunt peccatores nec habent donum intellectus; multi* denique sunt in gratia, et multam intellectus hebetudinem patiuntur et plures fluctuationes et tentamenta circa fidem.

◎

456

LVIII. — **Respondetur** duplicum* esse munditiam cordis, ut dicit S. Thomas (IIa-IIæ, q. 8, a. 7; In III Sent., dist. 34, q. 1, a. 4).

457

Una per modum dispositionis præambulæ, quæ est depuratio cordis ab inordinatis affectibus, et hanc non facit donum intellectus, sed fit per virtutes pertinentes ad vitam activam et per dona pertinentia ad vim appetitivam*.

458

Alia est munditia cordis in intellectu*, scilicet ab erroribus et a formis sensibilibus, non quia eis carere omnino possimus in intelligendo, sed quia non secundum eas debemus judicare res spirituales, sed ab eis

*n. 127, 424,
597

*n. 359, 415

*n. 303
*n. 299, 333,471
fn. 462

*n. 470

*n. 472

*n. 303

*n. 303, 459

*n. 300,
307 sq.

removeri et eas denegare spiritualibus conceptibus, sicut docet S. Dionysius (*De Myst. Theol.*, cap. 2)¹ debere ab eis abscedere tendentes in divinam contemplationem. Imo in hoc est tota lucta meditationum et contemplationum cœlestium, scilicet in removendo et separando ab his quæ spiritualia sunt quidquid corporalis formæ est, ut juxta Apostolum dicere possimus (*II Cor. 5, 16*): *Et si novimus Christum secundum carnem: sed nunc jam non novimus*².

459

Igitur donum intellectus formaliter per se ipsum facit munditiam seu puritatem cordis in intellectu, quatenus eliciendo rectam intelligentiam spiritualium, purgat errores et removet a formis sensibilibus: munditiam autem ab affectibus pravis in voluntate et appetitu non facit per seipsum, sed per virtutes et dona pertinencia ad vim appetitivam*.

*n. 303, 457

460

LIX. — **Sed tamen oportet duo advertere.** *Primum est* quod aliud est habere passiones sedatas, aliud purgatas; *secundum est* quod donum intellectus, licet prærequirat purgationem seu depurationem affectuum inordinatorum quantum ad culpam, tamen etiam dirigit* et causat in vi appetitiva purgationem abundantiorum, et luctatur contra affectus istos ad sedandum eos.

*n. 130, 165,
771, 773

461

Nam et Christus Dominus dicit (*Joan. 15, 2*): *Omnem palmitem qui fert fructum, purgabit eum, ut fructum plus afferat.* Palmes enim qui fert fructum jam habet dona Spiritus Sancti quorum effectus sunt fructus Spiritus. Si ergo palmitem jam fructum

¹ PG 3, 1026.² Cf. D. Thomam, *In Joan. 20, 17*, lect. 3.

ferentem et habentem hæc dona Christus purgat, ergo bene compatiuntur hæc dona cum affectibus purgatione ulteriori indigentibus, et isti sunt affectus fomitis¹ erumpentes quidem et fatigantes, sed non vincentes usque ad consensum.

462 LX. — Sic ergo dicimus quod purgatio affectuum et passionum quantum ad culpam mortalem necessario requiritur ad donum intellectus, et sic negamus quod in habentibus donum intellectus vigeant* passiones deducentes affectum usque ad culpam mortalem.

463 Purgatio autem affectuum etiam quantum ad quietationem et sedationem, ita quod non erumpant nec fatigent, non requiritur ad donum intellectus, nec nisi in paucis et valde exercitatis post longum tempus reperitur, sed stat bene multa lucta passionum cum dono intellectus et contemplatione divinorum et illustratione divina, etsi diminuta, quia Lux ista etiam *in tenebris lucet, et tenebræ eam non comprehendunt* (*Joan. 1, 5*).

464 Et non carebat dono intellectus propheta qui dicebat (*Ps. 31, 4, 7-8*): *Conversus sum in ærumna mea, dum configitur spina. . . Tu es refugium meum a tribulatione, quæ circumdedit me: exultatio mea, erue me a circumdantibus me. Intellectum tibi dabo, et instruam te in via hac, qua gradieris.*

465 Quasi donum intellectus præbeatur contra circumdantes inimicos, contra tribulationem et pressuram passionum ebullientium, contra spinas affectuum insurgentium quæ etiam dum convertimur in ærumna nostra spiculis suis configunt, ut plane tunc sit anima dilecta

¹ Cf. Iam-IIæ, q. 82, a. 3; IIIam, q. 15, a. 2; q. 27, a. 3.

*n. 455

Deo *Quasi lilyum inter spinas*¹, ut vix tangi possit quin spinæ cruentent.

466 In patria autem erunt lilia ista non jam inter spinas, sed inter plenitudinem fructuum qui in illis horreis colligentur, paleis combustis², sicut scriptum est (*Cant. 7, 2*): *Venter tuus* (id est, mens tua, quæ est venter animæ) *sicut acervus tritici, vallatus liliis*, non paleis, nec spinis.

467 LXI. — Pulchre Augustinus (*Contra Julian.*, Lib. IV, cap. 2, n. 10-11)³: “Quid agit, inquit, in carne sanctorum continentium ista concupiscentia, nisi peccandi desideria; quibus non consentientes exercent gloriosa certamina? Neque enim saltem connubii desiderium in illa continentiae professione potest esse non malum. Quid ergo illic agit, ubi malum est quidquid agit; ac si ei consentiatur, et peragit? . . . In sanctis virginibus et continentibus quid agit, obsecro te; quid agit tua ista suscepta libido, cum desipis; adversaria, si sapis; quid agit, ubi nihil boni agit ipsa, ubi nihil boni agitur de ipsa? Quid agit in eis, in quibus quidquid secundum ipsam concupiscitur, malum est? Quid agit in eis, quos contra se compellit vigilare atque pugnare; et si quando ab eis ullum vel in somnis furatur assensum, cum evigilaverint, gemere atque inter gemitus dicere: *Quomodo impleta est anima mea illusionibus* (*Ps. 37, 8*)? Quia cum sopitos deludunt somnia sensus, nescio quomodo etiam castæ animæ in turpes labuntur assensus; quæ si imputaret Altissimus, quis viveret castus? Hoc ergo malum, . . . cur non extirpatur de

¹ Cf. *Cant. 2, 2*.

² Cf. *Mat. 13, 30*; *Luc. 3, 17*; *Mat. 3, 12*.

³ PL 44, 741-742.

continentium carne sanctorum? Cur non totum opere mentis aufertur? Hoc enim dicis fieri debuisse, si malum esset. Et quia non fit in conjugatis, ubi ejus modus est necessarius, ideo putas bonum: cum videas, nec ibi fieri ubi modus ejus nullus est necessarius, et in quantum inest nocet, et si non ad perdendum de sorte sanctorum, si non ei consentiatur, tamen ad minuendam spiritualem delectationem sanctarum mentium; illam scilicet de qua dicit Apostolus (*Rom. 7, 22*): *Condelector enim legi Dei secundum interiorum hominem.* Hæc delectatio profecto minuitur, quando etsi non ad explendam, certe ad oppugnandam carnalis concupiscentiam voluptatis, bellantis animus occupatur, et ita exerceat gloriosa certamina, ut a delectatione intelligibilis pulchritudinis ipsis certaminibus avocetur”.

468

LXII. — Quapropter non impedit inundatio passionum (si non eis consentiatur) doni intellectus operationem, sed avocat abundantiam contemplationis intelligibilis ad exercitia et fatigationem præliorum Domini, in quibus gloriosa certamina etiam victrici mente per gratiam superantur, resistendo concupiscentiæ inundationi et statum superbiæ¹ cohibendo.

469

Sequitur enim in Augustino²: “Sed quia in ista humana miseria peior hostis cavenda est superbia, ideo nimis non penitus extinguitur in carne continentium sanctorum ista concupiscentia, ut dum pugnatur adversus eam, periculorum suorum animus admoneatur, ne securus infletur; donec humana fragilitas ad tantam perfectionem perveniat sanitatis, ubi nulla putredo lasciviae, nullus tumor superbiæ formidetur. Sic *virtus*

¹ Cf. Iam-IIæ, q. 79, a. 4; q. 87, a. 2 ad 1.

² *Contra Julian.*, Lib. IV, cap. 2, n. 11, PL 44, 742.

*in infirmitate perficitur*¹: quia et pugnare infirmitatis est. Quanto enim quisque vincit facilius, tanto pugnat minus”. Sic Augustinus.



470

LXIII. — Ad id quod dicitur* quod multi non ^{*n. 455} habentes donum intellectus, sed existentes in peccato, multa intelligunt de Scripturis et de mysteriis fidei, multam quoque certitudinem habent de fide, *respondeatur*^{*} quod hæc omnia habere possunt, sed alia via et ^{*n. 1200} alio modo, nempe intelligentiam Scripturarum studio aut lectione aliorum acquisitam, vel ab alieno ore dictatam, non instinctu illo interiori haustam, de quo dicitur (*I Joan. 2, 27*): *Unctio docet vos de omnibus*, et iterum Christus (*Joan. 16, 13*): *Ille docebit vos omnem veritatem*, scilicet Spiritus Sanctus. Ad habendam autem multam scientiæ et certitudinis paraturam sine charitate Dei sed ex propria industria, lectio sufficit, et studium ac humanus labor, ex quibus tamen solis non possumus nobis regnum cælorum polliceri².

471

Certitudinem autem fidei etiam multam habere possunt peccatores sine dono intellectus ex³ divinæ veritatis testimonio cui adhærent, et quod de se firmissum est, sed hoc non tollit quod donum intellectus ex meliori penetratione illarum veritatum fidei et terminorum quibus proponuntur habeat etiam aliud præsidium, quod non* habent peccatores, ad sedandas tentationes et fluctuationes circa fidem, quod est

¹ II Cor. 12, 9.

² Cf. I Joan. 2, 25.

³ Cf. Joan. a Sto Thoma, *Curs. Theol.*, In IIam-IIæ, *De Fide*, disp. 2, a. 4, n. 15-16.

habere earum certitudinem,* id est, quietationem firmam, scilicet ex interiori illustratione et experimentalis gustu rerum spiritualium præ sensibilibus formis.



- 472 LXIV. — **Quod vero dicunt*** multos esse in gratia et habere hebetudinem intellectus, pati quoque fluctuationes in fide, *respondetur** juxta D. Thomam (IIa-IIæ, q. 8, a. 4 ad 1 et 3), pati quidem hebetudinem circa aliqua quæ sunt præter* necessitatem salutis, quod etiam ad magnam utilitatem et scientiam pertinet, scilicet ut sciant fugere tentationes occultissimas superbiæ, dum in aliquorum nescientia humilantur*, et hæc nescientia est summa cognitio, juxta quod dicit Apostolus (I Cor. 3, 18): *Stultus fiat, ut sapiens sit.*
- *n. 455
*n. 1187 sq.
*n. 474
*n. 414
- 473 Et patiuntur justi fluctuationes* aliquando in fide, sed docentur a Deo superare illas, et hoc donum Spiritus Sancti est.
- *n. 198
- 474 Circa ea vero quæ sunt* de necessitate salutis, nullam hebetudinem mentis patiuntur justi, quia *Uncio docet eos de omnibus*¹, scilicet de omnibus necessariis ad salutem.
- *n. 472
*n. 366
- • •

DONUM INTELLECTUS DISTINCTUM IN PATRIA A LUMINE GLORIÆ*

*n. 366

- 475 LXV. — Licet ex præcedentibus* constet donum intellectus manere in patria, quia constat ex Scriptura

¹ I Joan. 2, 27.

fuisse in Christo Domino qui erat beatus et non habebat fidem, tamen quis sit actus* ejus in patria, et an distinguatur ibi a lumine gloriæ, **valde difficile est expōnere**, eo quod D. Thomas* perpetuo illi assignat pro actu* in patria ipsam visionem Dei et evidentiam divinorum seu mysteriorum fidei perfectam et positivam*; visio autem Dei et mysteriorum fidei non fit nisi a lumine gloriæ.

*n. 506

*n. 515 sq.
*n. 490

*n. 333, 436

- 476 Quod autem attribuat S. Thomas dono intellectus in patria visionem perfectam Dei, constat ex his quæ docet (IIa-IIæ, q. 8, a. 7):* “*Duplic, inquit, est Dei visio. Una quidem perfecta, per quam videtur Dei essentia. Alia vero imperfecta, per quam, etsi non videamus de Deo quid est, videmus tamen quid non est... Et utraque Dei visio pertinet* ad donum intellectus,... consummatum*, secundum quod erit in patria; secunda vero ad donum intellectus inchoatum, secundum quod habetur in via”.*
- *n. 516 sq.
*n. 519
*n. 314, 527
- 477 Quid clarius? Vel qua indiget ponderatione, cum expresse loquatur de visione per quam videtur Dei essentia, et hanc dicit pertinere ad donum intellectus in patria, imperfectam vero cognitionem ad donum intellectus in via; sed in via pertinet ad donum intellectus proprie et elicitive; ergo et in patria pertinebit visio illa ad donum intellectus elicitive; ergo tale donum est lumen gloriæ, siquidem ab hoc solo elici potest visio divinæ essentiæ.
- 478 Clarius (In III Sent., dist. 34, q. 1, a. 4)*: “*Donum, inquit, intellectus cuius est spiritualia apprehendere,*
- *n. 526 sq.

in patria ad ipsam divinam essentiam pertinget, eam intuendo**". Ergo donum intellectus in patria erit ipsum lumen gloriæ, quia hoc solum tangit divinam essentiam intuendo.

479 Quod si ita est, validum fit argumentum ad probandum quod donum intellectus quod habetur in via non* manet idem in patria, quia illud quod est in via non est lumen gloriæ, quod autem est in patria est lumen gloriæ, quia intuetur divinam essentiam*.

480 LXVI. — Ratio* etiam id confirmare videtur, *n. 528 sq.
quia donum intellectus datur ad cognoscenda et penetranda spiritualia ex instinctu Spiritus Sancti per experimentalem cognitionem ipsius Dei et mysteriorum ejus. Sed summa experientia* et clarissima est ipsa visio Dei; ergo per ipsam movet Spiritus Sanctus ad cognoscendum et penetrandum divina intime et per positivam evidentiam; ergo non* est ibi necessaria alia motio inferiori modo penetrans ea quæ divina sunt, et experientiam de divinis accipiens minori et inferiori modo quam per evidentiam. Si autem per evidentiam fit ibi experientia de divinis, utique donum intellectus evidentiam habet de divinis, et sic non distinguitur ab habitu faciente visionem divinorum, qui est habitus luminis gloriæ.

481 Unde tandem* D. Thomas hoc fatetur, cum dicit (In III Sent., dist. 34, q. 1, a. 3 ad 6) quod "Dona illa quæ communicant cum virtutibus in objecto quod in patria remanebit non remanebunt in patria a virtutibus illis distincta, a quibus non distinguuntur nisi ex imper-

*n. 487, 501

*n. 366

*n. 410, 478

*n. 533

*n. 532 sq.

*n. 537 sq.,
546

fectione et perfectione in modo* operationis: quod patet *n. 546 de intellectu et fide, quia visio, quæ fidei succedit, ad intellectus donum perfectum pertinet". Ergo donum intellectus in patria non est aliquid distinctum a virtute attingente Deum in se, qui est habitus luminis gloriæ.

* * *

482 LXVII. — NIHIL MINUS DICENDUM EST donum intellectus manere in patria etiam distinctum a lumine gloriæ, licet regulatum ab ipso et a visione beatifica.

* *

483 Et sic distinguendum* est in donis istis intellectuibus id quod se habet **regulative**, et quod se habet **formaliter**.

*n. 410, 516

484 **Regulative** se habet in via fides, in patria visio*, *n. 507, 519
quatenus hic per fidem* et ibi per visionem mens unitur
et conjungitur Deo, postea per donum Spiritus Sancti
mens sic illi unita et subjecta movetur ad varios actus
ex præsentia et impulsu Spiritus agente filios Dei¹ et
spirante quocumque voluerit².

*n. 125, 172,
512, 591, 594

485 Unde D. Thomas (Ia-IIæ, q. 68, a. 8) dicit virtutes theologicas præferendas* esse donis Spiritus Sancti, quia per eas unitur mens Deo et subjicitur illi, et sicut virtutes intellectuales præferuntur³ moralibus

*n. 244,
1229 sq.¹ Cf. Rom. 8, 14.² Cf. Joan. 3, 8.³ Cf. Iam-IIæ, q. 66, a. 3.

et regulant eas, ita virtutes theologicæ præferuntur donis et regulant ea.

- 486 Si ergo dona regulantur* a virtutibus theologicis, ^{*n. 125} ergo et donum intellectus regulatur ab illis, et maxime a fide, quia per hanc unitur mens veritati et testimonio divino, et circa veritates creditas movetur et illustratur mens dono intellectus ut penetret et intelligat quæ credit et ab erroribus discernat. Unde et Gregorius (*Moral.*, Lib. I, cap. 32)¹ docet quod donum intellectus de auditis mentem illustrat. Hoc facit in via, in qua regulatur per fidem. Succedit in patria fidei visio: quæ enim hic credimus, ibi videbimus.

- 487 Et sic donum intellectus ibi regulatur per visionem, et pertingit ad intuendam* et videndam divinam essentiam ex parte sui regulativi, sicut hic de auditis* mentem illustrat et pertingit ad id quod tenet se ex parte auditus, scilicet ad credendum cum quadam certitudine speciali*. ^{*n. 478} ^{*n. 234, 376} ^{*n. 333}

- 488 Cæterum **formaliter*** donum intellectus neque hic elicit actum credendi, neque ibi visionem, licet ab ea reguletur et derivetur, quia donum intellectus supponit mentem unitam Deo, ut reddat illam mobilem a Spiritu Sancto ad intelligentiam mysteriorum, siquidem proprium est donorum Spiritus Sancti reddere mentem bene mobilem ab ipso ad opera quæ vult, et sic debent supponere* mentem Deo unitam et subjectam ut ab ipso Spiritu Sancto bene mobilis sit, ideoque supponunt virtutes theologicas, ut docet S. Thomas². Non ergo

¹ PL 75, 547.

² Cf. Iam-IIæ, q. 68, a. 8.

dona formaliter faciunt hanc unionem, sed supponunt et ab ea regulantur*. Unio autem mentis ad Deum ^{*n. 527, 584} fit* in hoc statu per fidem, in patria per visionem. ^{*n. 599} Ergo dona ista non formaliter eliciunt visionem, sicut neque hic fidem, sed supponunt.

★ ★

- 489 LXVIII. — Et hæc quidem **ratio** convincit hoc intentum **quasi a priori**, et ex propriis et intrinsecis ipsius doni intellectus.

- 490 Ex eadem enim ratione probat D. Thomas (Ia-IIæ, q. 68, a. 6) dona Spiritus Sancti manere in patria, quia dona dantur ut mens humana sequatur motionem Spiritus Sancti quod præcipue erit in patria, ubi Deus erit *omnia in omnibus*¹. Ergo et donum intellectus datur ad sequendam aliquam motionem Spiritus Sancti in patria; sed ipsa visio divina non est qua sequimur instinctum et motionem Spiritus Sancti, sed qua possidemus illum et unimur illi per æternam et immutabilem operationem; non ergo ipsa potest esse operatio et actus* illius doni, quod nobis datur ad obediendum et ^{*n. 475, 506} sequendum instinctum et motionem Spiritus Sancti nobis uniti et conjuncti per visionem. Et sic *vel* tale donum non* datur in beatis, *vel* ejus operatio non ^{*n. 373-410} potest esse visio Dei.

○

- 491 LXIX. — Ex qua præsuppositione gradum facimus ad formandam efficacem rationem **a posteriori** pro hac parte.

¹ Cf. I Cor. 15, 28.

- 492 Nam in Christo Domino fuit donum intellectus, ut dicitur (*Is. 11, 2*), et cum eo fiunt septem dona quæ fuerunt in Christo, ut constat de fide*. Et illa septem quæ fuerunt in Christo inveniuntur etiam* in aliis hominibus, ut ex patribus et communi theologorum sensu constat* et D. Thomas admittit¹; sed si donum intellectus in Christo fuit lumen gloriæ et ejus actus visio beata, tale donum non invenitur in nobis pro ista vita; ergo in nobis non sunt septem dona Spiritus Sancti, nec est sufficiens fundamentum ad dicendum esse in nobis septem dona, quæ fuerunt in Christo.
- 493 **Major, quantum ad primam partem**, quod in Christo fuerint septem dona, est de fide ex loco citato (*Is. 11, 2-3*); **et quantum ad secundam**, quod in nobis talia dona inveniantur, est communis* sensus Ecclesiæ. Nec habemus alium locum unde probemus dari ista septem dona quam ex illo loco Isaiæ; ergo omnia illa dona quæ Isaías dicit fuisse in Christo sunt in nobis.
- 494 LXX. — **Minor** vero probatur clare, quia in nobis non datur visio beata, qui *ambulamus per fidem*²; ergo si donum intellectus in beatis (qualis fuit Christus) est ipsum lumen gloriæ et habet pro actu visionem beatam, tale donum intellectus in nobis non datur.
- 495 **Consequentia** vero etiam est certa, quia ideo in nobis ponimus septem dona Spiritus Sancti quia in Christo fuerunt, et ita illa quæ ponuntur in Christo debent poni et dari in nobis. Alias fuit præcipuum fundamentum* unde constat in Scriptura dari in nobis septem dona Spiritus Sancti, scilicet quia ponuntur in

¹ Cf. Iam-IIæ, q. 68, a. 1.

² Cf. II Cor. 5, 7.

*n. 104, 365

*n. 99, 153

*n. 104 sq.

Christo (*Is. 11, 2-3*). Ergo si in Christo, qui beatus est, donum intellectus est lumen gloriæ, illud donum deest nobis qui caremus lumine gloriæ, et sic solum erunt in nobis sex dona Spiritus Sancti, non septem.

- 496 **LXXI. — Dices:** Fuit in Christo donum intellectus distinctum a lumine gloriæ, quia Christus non solum erat beatus, sed etiam viator: et sic remanet sufficiens fundamentum* ut in nobis viatoribus sint septem dona, tamen in beatis non erit pro dono intellectus nisi lumen gloriæ, quia jam non sunt viatores.

*n. 495

- 497 **LXXII. — Sed contra**, quia si in Christo fuit donum intellectus quale in nobis est pro eo statu quo fuit viator, *vel* tale donum erat lumen obscurum et repugnans statui comprehensoris, *vel* erat evidens et non repugnans illi, sicut nec scientia infusa et quæ Christus cognovit clare in proprio genere repugnant statui comprehensoris, et modo dantur in Christo.

- 498 **Si primum**, tale donum non potest poni in Christo sicut nec fides, quia nihil obscurum est in intellectu Christi qui plenissime est beatus, utpote *plenus gratiæ et veritatis*¹.

- 499 **Si secundum**, non est cur illud donum non maneat in patria et in Christo, etiam remoto statu viatoris, eo quod si illud donum est evidens et clarum et non repugnans lumini gloriæ, non est cur non remaneat semper cum ipso, etiam cessante statu viatoris, quia quod non repugnat illi et alias est perfectius in se, utpote evidens lumen, non est quod cesseret et destruatur destructo

¹ Joan. 1, 14.

statu viatoris: sicut remanet modo in Christo scientia infusa etiam remoto statu viatoris.



- 500 LXXIII. — **Denique** in patria manent alia dona pertinentia ad intellectum, ut sapientia, scientia et consilium, nec confunduntur cum lumine gloriæ, etiam apud ipsum D. Thomam*; ergo idem dicendum est de dono intellectus. *n. 475-479

- 501 *Consequentia patet*, quia eadem ratio currit, siquidem lumen gloriæ et visio beata attingit Deum, et in Deo creaturas et rationes causasque earum, et dirigit voluntatem in agendis secundum plenam unionem et indeficientiam a regula divina; ergo si ex eo donum intellectus est lumen gloriæ quia intuetur* et videt divinam essentiam, eadem ratione donum sapientiæ et scientiæ erunt lumen gloriæ, quæ considerant res per suas causas ex unione ad Deum, et dictamen seu consilium præstat de agendis. *n. 478

- 502 LXXIV. — *Antecedens vero probatur*, nam D. Thomas (In III Sent., dist. 35, q. 2, a. 4, qla 3) dicit quod donum scientiæ et consilii manebunt in patria sicut dona quæ versantur circa vitam activam, scilicet non* circa eamdem materiam, scilicet circa operabilia dubia, sicut nunc, sed actus scientiæ erit circa Deum secundum quod est regula ad judicandum, actus vero consilii secundum quod est illuminans ad inveniendum. *n. 380, 540

- 503 Eodem ergo modo poterint manere dona intellectus et sapientiæ, licet diverso modo, quia intellectus et sapientia cum versentur principaliter circa divina, in-

tellectus quidem penetrando et apprehendendo simpli-
citer, sapientia autem ex causis judicando et resolvendo*, *n. 318, 320
non indigent ista dona mutare materiam* in patria *n. 402, 539
quam habent hic, sed solum modum* cognoscendi, *n. 545
scilicet ut perfecto et evidenti modo attingant Deum,
saltem præsuppositive et regulative, ut mox* explica- *n. 506 sq.,
bitur. 519

- 504 LXXV. — *Et ratio hujus est*, quia scientia infusa* *n. 520

qua cognoscuntur res extra Verbum ex divina revela-
tione et lumine supernaturali datur in beatis, et fuit
atque est in Christo; ergo etiam scientiæ donum quod
pertinet ad scientiam supernaturalem ex instinctu
Spiritus Sancti.

- 505 Et eodem modo poterit dari sapientiæ et intellectus
donum, quia dona ista sunt connexa inter se, ut docet
S. Thomas (Ia-IIæ, q. 68, a. 5). Et circa quod habetur
scientia et sapientia debet præsupponi intellectus, qui
penetrat principia talis sapientiæ et scientiæ modo
illis proprio* et connaturali. *n. 319, 338

★ ★

- 506 LXXVI. — **Quod si inquiras:** Per quam forma-
lem rationem distinguitur in patria donum intellectus
et sapientiæ a lumine gloriæ, et quem actum* distinc- *n. 270, 475,
tum excent ab ipsa visione, cum versetur utrumque 490
circa Deum evidenter et non obscure cognitum.



- 507 LXXVII. — **Respondetur** unico verbo id posse
explicari dicendo quod lumen gloriæ elicit visionem Dei

beatificam *antecedenter* ad amorem, quia regulat* et *n. 484 sq.
excitat ad ipsum; donum vero intellectus et sapientiae
est cognitio *fundata** et *consequens* post ipsum amorem *n. 599
et gustum habitum de Deo amato et unito animae, et
connaturalizato per affectum et amorem.

508 Itaque cognitio Dei in beatis quantum ad visio-
nem* beatificam est de ipso Deo immediate in se, et *n. 694

haec antecedit amorem charitatis beatificum, qui ex
visione illa oritur; quantum autem ad cognitionem
Dei extra* Verbum et secundum quod ex effectibus et
in effectibus cognoscitur, etiam beatus multiplicem co-
gnitionem habet, *tum* supernaturalis ordinis et infusam,
tum ordinis naturalis et acquisitam.

509 Et inter supernaturales, prima et potissima* est *n. 656

quae nascitur ex ipso affectu et gustu et fruitione interna,
qua anima inhæret Deo eique connaturalizatur et
unitur*: hic enim effectus aliquid creatum† est. Ex
hac ergo connaturalitate et unione ad Deum atque
experimentalı ejus præsentia* et gustu penetrare et
apprehendere ea quae divina sunt, atque etiam ra-
tiones mysteriorum judicare et resolvare, pertinet ad
lumen et habitum donorum intellectus et sapientiae.

510 Cognoscere autem ea quae divina sunt prout relu-
cent in aliis effectibus, sive supernaturalibus, sive

naturalibus, pertinebit ad alias scientias; vel infusas,
vel naturales, quae non sunt dona Spiritus Sancti, quia
non procedunt* ex adhæsione et connaturalitate ipsa
affectiva ad Deum, et sic non sunt cognitiones mysti-
cae* quae per dona Spiritus Sancti dantur, sed pure in-
tellectuales*, quae veritatem rerum in se ad extra res-
piciunt.

*n. 178 sq.,
412 sq.

*n. 414

*n. 524

511 LXXVIII. — Ad hanc autem experimentalem et
affectivam seu mysticam divinorum cognitionem in
patria præsupponitur Dei visio regulans* amorem seu *n. 484 sq.,
affectum ad Deum, et consequenter experimentalem
ejus gustum unde intellectus redditur capacissimus
divinorum quantum ad mysticam et affectuosam ejus
cognitionem extra Verbum, et in illo effectu creato* *n. 509
quem in se sentit anima per affectum.

512 Non* tamen formaliter ista mystica cognitio pa-
triae est ipsa Dei visio beatifica, licet ab ea derivetur*, *n. 483, 488
sicut in via continuatur et regulatur per fidem. Ibi
ergo ita absorbetur in ipsa præsentia* divinitatis per
visionem quod etiam in spiritu et affectu quo ipsi ad-
hæret et de eo gustat tangit et cognoscit mystice
Deum, non quomodocumque, sed ita quod Deus ipse
sit omnia¹ in nobis, et quidquid in se et extra se videt
in omnibus Deum tangit, Deum sapit.

513 Hæc est summa* totius mysticæ cognitionis de Deo, *n. 531
sed non est ipsa formalis visio beatifica Dei, sed est
motio Spiritus Sancti ex visione illa regulationem* *n. 484 sq.,
accipiens, ut vere in omni re quam tangit et in eo quod
intra se experitur Deum sapiat et Deum gustet, quasi ine-
briata* a vino² et musto plenissimæ divinitatis inun-
dans, ubi *Fluminis impetus lœtificat civitatem Dei*³. *n. 91, 534

514 Unde S. Ambrosius (*De Spir. Sancto*, Lib. I, cap.
16, n. 158)⁴: "Ex vitæ fonte, inquit, procedens Spiritus
Sanctus, cuius nos brevi satiamur haustu, in illis cæles-

¹ Cf. I Cor. 15, 28.

² Cf. Act. 2, 13.

³ Ps. 45, 5.

⁴ PL 16, 740.

tibus spiritibus redundantius videtur effluere, pleno septem virtutum spiritualium fervens meatu".

* * *

- 515 LXXIX. — **Ad rationes dubitandi a principio***, *n. 475 sq.
respondetur.

**

- 516 **Ad primam** D. Thomæ auctoritatem*, *dicimus* *n. 476
quod sanctus Doctor ponit visionem divinæ essentiae
pertinere ad donum consummatum intellectus, non* *n. 488, 527
elicitive, sed regulative*. *n. 483 sq.

- 517 Ista enim dona, ut sæpe dicit S. Thomas,¹ præsupponunt* virtutes theologicas quibus Deus nobis unitur in intellectu et voluntate, et in intellectu unitur per fidem* *n. 181, 359,
415, 488
*n. 125, 599
in via, in patria autem per visionem beatam.

- 518 Et circa Deum sic unitum et connaturalizatum* *n. 126, 221,
in nobis movetur intellectus a Spiritu Sancto ut penetret 584, 676
et apprehendat ipsum Deum et res divinas ac
mysteria ejus, non solum in se et ut pure ac præcise* *n. 178,
412 sq., 524
veritas est in se intelligibilis, et quasi speculative et
quidditative* cognita in Verbo et visione beata, sed
etiam ut affective et mystice cognoscibilis extra* *n. 522
Verbum et in aliquo effectu, id est, in ipso affectu* *n. 511
interno et fruitione atque gustu, quo Deus connaturali- *n. 575
zatur et intime unitur animæ illi per effectum* et inha- *n. 163, 591,
bitationem in ea. 599

- 519 Hoc enim aliquid creatum* est, quia est effectus et *n. 509, 511
affectus in anima relictus* ex præsentia divinitatis. *n. 522, 527,
536, 594

¹ Cf. Iam-IIæ, q. 68, a. 8; In III Sent., dist. 34, q. 1, a. 1 ad 5.

Ex vi ergo talis effectus et unionis atque connaturalitatis ad Deum, penetrare ipsum et apprehendere quæ divina sunt est affectiva et mystica cognitio, quæ ex visione quidem beatifica resultat et inferior est illa (dona enim inferiora* sunt virtutibus theologicis), atque adeo et visione divina, ut docet S. Thomas (Ia-IIæ, q. 68, a. 8), et hæc pertinet ad donum intellectus. Sed quia regulatur* et dirigitur a visione beata, dicitur ad ipsum donum pertinere* visionem divinæ essentiae quasi præsuppositive* et regulative, non elicitive, quia ex visione sequitur amor seu affectus intimus et fruitivus Dei, et ex ipsa fruitione sequitur affectiva et experimentalis quædam cognitio non solum de Deo in se (quod facit visio), sed de Deo ut in nobis gustato et experto et attacto.

*n. 1229 sq.

- 520 LXXX. — **Dices:** Totum hoc non videtur esse aliud quam quædam reflexa cognitio de ipso actu visionis et fruitionis Dei, et ad hoc non requiritur donum Spiritus Sancti, sed scientia infusa* qua cognoscuntur *n. 504, 525
gratia et dona spiritualia, quorum unum est visio* et *n. 370
fruitio Dei.

*n. 476

*n. 503, 527

- 521 LXXXI. — **Respondeatur** gustum et experientiam internam divinæ dulcedinis¹ super quam fundatur* mystica cognitio divinorum non dari sine aliqua reflexione super ipsum actum gustandi et fruendi Deo.

*n. 417

- 522 Cæterum reflexio illa seu cognitio talis actus potest dupliciter considerari. *Uno modo*, quod sit reflexio tendens ad cognoscendum illum actum entitative et physice et quoad suam quidditatem*; *alio* *n. 518

¹ Cf. Ps. 67, 11.

modo, quod sit cognoscitiva illius quoad suum exercitium et affectum quem relinquit in subjecto gustandi de Deo et sentiendi experimentum ejus.*

523 Hoc secundo* modo fundatur cognitio affectiva in illa cognitione seu reflexione ad actum quo beatus fruitur Deo, non primo modo.

524 **Longe enim differt*** cognoscere aliquod objectum vel actum *quidditative** et entitative etiam per actum reflexionis, et cognoscere ipsum *experimentaliter et affective*¹. Nam Christus Dominus perfectissime cognoscebat obedientiam et passionem suam per scientiam beatam et infusam, et tamen *Didicit ex his quæ passus est obedientiam*², ut Apostolus inquit (*Heb. 5, 8*).

525 Sic ergo licet beati per visionem beatam perfectissime Deum videant et actum visionis cognoscant per scientiam infusam*, tamen adhuc ex his quæ experiuntur in gaudio et fruitione et invisceratione illa intima, cum inundantia et impetu totius fontis* vitæ in se, discunt (per donum intellectus) quam suavis sit Dominus³.

○

526 LXXXII. — **Ad alium* locum D. Thomæ,** *n. 478 *respondeatur* non habere majorem vim quam præcedentem.

527 Dicitur enim donum intellectus pertingere ad divinam essentiam eam intuendo, non* formaliter quasi

¹ Cf. IIam-IIæ, q. 162, a. 3 ad 1.

² Cf. Joan. a Sto Thoma, *Curs. Theol.*, In IIIam, q. 7, disp. 8, a. 3, n. 23.

³ Cf. Ps. 33, 9; 99, 5.

ab ipso dono intellectus eliciatur visio, sed præsuppositive* et regulative, quia ex visione beata qua unimur in patria Deo resultat* fruitio et affectus intimus experimentalis et gustativus Dei, quo regulatur* affectiva ejus cognitio quæ pertinet ad donum intellectus, quod quia ibi consummatum* et plenum est pertingit ad divinam essentiam eam intuendo, non elicitive et formaliter, sed regulative* et præsuppositive, ut ex verbis S. Thomæ¹ statim colligemus*.

*n. 503, 519

*n. 522, 577

*n. 488, 531,
537

*n. 314, 369,
476

*n. 503

*n. 538 sq.

528 LXXXIII. — **Ad rationem*, respondeatur** donum intellectus penetrare et apprehendere divina mysteria per evidentiam experimentalis affectivam*, non quiditativam* rerum divinarum, loquendo de formali elicentia actus doni intellectus. Nam regulative et præsuppositive supponit et innititur experimentalis cognitioni quidditativæ Dei. Itaque visio beata est cognitio quidditativa et intuitiva* Dei, et pro ea parte qua est intuitiva est etiam* experimentalis de Deo *per modum visionis*.

*n. 480

*n. 531, 548,
649

*n. 524, 533

529 Exinde vero originatur* affectus et fruitio Dei qua anima habet aliam* experientiam de Deo affectivam quasi *per modum tactus*, quo tangitur anima in interiori potentia voluntatis fruendo ipsa præsentia* Spiritus et plenitudine divinitatis tangentis et inflammantis voluntatem, sicut dicitur (*Cant. 5, 4 et 6*): *Dilectus meus misit manum suam per foramen, et venter meus intremuit ad tactum ejus... Anima mea liquefacta est, ut locutus est.*

*n. 512

*n. 533

*n. 512, 536

¹ Cf. In III Sent., dist. 34, q. 1, a. 3 ad 6.

530 Ubi loquitur de experientia dilecti sub ratione dilecti*, sic enim habet quasi tactum in anima et in ventre seu visceribus amoris, ubi ad talem et suavem actum anima quasi liquefacta redditur et totaliter dilecto suo connaturalizata¹ et unita, qualem tactum nunquam in hac vita sentire potest, licet aliquam illius umbram aliquando attingat, nam *In lectulo per noctes* (utique umbras hujus vitæ) *quærit anima quem diligit: et non invenit*². Sed et surgens aliquando post varia exercitia invenit eum, sed foris in affectibus suis suspirat donec introducat illum in domum matris et in cubiculum genitricis, utique in interiora gaudia Domini sui³.

531 Igitur ex ista experimentali et affectiva unione (quæ summa* et maxima est cum regulatur a visione beata) oritur* illa cognitio doni Spiritus Sancti modo experimentali affectivo* attingens ea quæ divina sunt, fundaturque* in ipsa experientia fruitionis divinæ et suavitatis ejus, præsupponitque quidditativam visionem beatificam.

◎

532 LXXXIV. — Nec* est superflua ista cognitio doni intellectus per experientiam affectivam ubi datur* experientia intuitiva.

533 Nam ad hoc dicitur quod sicut non est inconveniens et superfluum multis modis Deum cognosci ab eodem intellectu, scilicet visione beata, scientia infusa et acquisita, ita non est inconveniens **duplicem*** experientiam de Deo et de divinis habere, aliam quiddita-

¹ Cf. *Gen.* 2, 24; *I Cor.* 6, 17.

² *Cant.* 3, 1.

³ Cf. *Mat.* 25, 21; *Cant.* 3, 2-4.

*n. 395, 584

*n. 513

*n. 527

*n. 528 sq.

*n. 523

*n. 480, 528

tivam et intuitivam quasi per visum, cum *Videbunt regem in decore suo*¹; **aliam*** affectivam et fruitivam quasi per tactum* Dei, cum *Dextera illius amplexabitur*² nos, cum dabit nobis ubera sua, cum *Exultabimus et lætabimur in te, memores uberum tuorum super vinum*³.

534 Hæc enim uberum divinorum conjunctio super illud vinum totius suavitatis, quo inebriabitur* anima ipsa fruitione ubertatis divinæ, erit experimentalis cognitio affectiva*, quasi per modum tactus, minor quidem quidditativa et intuitiva visione, cum fundetur super aliquo creato*, scilicet super fruitione† divina, non tamen superflua, quia alio modo et alia ratione cognoscit Deum.

535 Nec erit inevidens aut obscura, licet non sit intuitio ipsa formalis Dei, sed ex illa consecuta*. Sicut nec cognitio Dei quæ habetur per scientiam infusam, aut demonstrativa quæ habetur per naturalem cognitionem, sunt obscuræ, licet non sint ipsa intuitio Dei.

536 Sufficit quod fundetur illa cognitio in aliquo effectu derivato* ex visione divina, et sic quasi ab effectu experiente et monstrante Dei præsentiam* in affectu animæ.

★ ★

537 LXXXV. — **Et ad locum ultimum*** D. Thomæ,⁴ quando dicit quod dona ista non remanebunt in patria distincta ab illis virtutibus, etc., *respondeatur* quod ibi

¹ *Is.* 33, 17.

² *Cant.* 2, 6; 8, 3.

³ *Cant.* 1, 3.

*n. 171, 529
560, 584, 676
*n. 529, 563

*n. 533
*n. 509, 519,
548
†n. 529

*n. 531

*n. 519, 522
*n. 512, 529

*n. 481

loquitur de donis non ratione sui et quantum ad substantiam et speciem actus quem eliciunt, sed quantum ad modum et regulationem* quam habent ex visione divina et lumine gloriæ. Itaque manent indistincta a virtutibus regulative et quoad modum, non specificative et quoad quidditatem seu substantiam.

*n. 527

538 Et hujus expressionis ratio est desumpta ex ipso textu¹. Distinguit enim S. Thomas* triplex genus *n. 527
donorum.

539 **Alia*** sunt quæ communicant in objecto seu materia cum virtutibus theologicis, et in patria cum visione beata, quia versantur circa Deum et divina mysteria, sicut est donum intellectus et sapientiæ, quæ versantur circa Deum et divina penetranda aut judicanda.

*n. 503, 544,
547

540 **Alia** dona non* communicant in materia cum virtutibus theologicis, ut donum scientiæ et consilii, quæ sunt circa res creatas.

*n. 502

541 **Alia** communicant in materia cum virtutibus moralibus, ut fortitudo, pietas et timor.

542 **Ista ultima** non operabuntur in patria circa materiam virtutum, sicut hic in via, sed circa illam mensuram in qua excedunt dona istas virtutes.

543 **Dona secundi* generis** non est difficultas quod *n. 540 possint remanere distincta a visione beatifica, cum versentur circa distinctam materiam.

¹ Cf. In III Sent., dist. 34, q. 1, a. 3 ad 6.

544 LXXXVI. — **De donis primi* generis** est tota *n. 539 difficultas, *quomodo* remaneant distincta, cum circa eamdem materiam versentur, scilicet circa Deum.

545 Et dicit D. Thomas (In III Sent., dist. 34, q. 1, a. 3) quod dona illa quæ perficiunt in vita contemplativa remanebunt in patria quantum ad actus quos habent circa propriam materiam, et quantum ad actus quos habent circa propriam mensuram, sed perficiuntur quantum ad modum*, quia quantumcumque dona ad altiorem *n. 503 modum elevent quam sit communis hominis modus, nunquam tamen in via ad modum patriæ pertingere possunt.

546 Ergo quando postea dicit* (In III Sent., dist. 34, q. 1, a. 3 ad 6) quod “Dona illa quæ communicant cum virtutibus in objecto quod in patria remanebit non remanebunt in patria distincta ab illis virtutibus”, etc., intelligitur quod non remanebunt distincta quantum ad modum* in quo perficiuntur in patria, et quantum ad regulationem quam habent a visione (ut dixerat¹ in corpore articuli), non quantum ad specificationem et quidditatem formalem et elicientiam.

*n. 481

*n. 481

547 LXXXVII. — **Dices:** Ergo donum intellectus et sapientiæ sunt virtutes theologicæ, quia habent pro materia* et objecto proximo ipsum Deum.

*n. 503, 539

548 **Negatur consequentia**, quia non habent pro materia ipsum Deum immediate in se, sed ut expertum* *n. 528 sq.

¹ Cf. In III Sent., dist. 34, q. 1, a. 3.

et connaturalizatum et unitum nobis in aliquo creato*, *n. 509, 534 scilicet in ipso affectu et experimentalis unione charitatis ad Deum. Unde istae cognitiones sunt affectivæ* et *n. 528 mysticæ, non quidditativæ et intuitivæ rei in se. Virtus autem theologica habet pro materia Deum in seipso immediate, non ratione alicujus creati¹ quod formaliter tangatur.

¹ Cf. Joan. a Sto Thoma, *Curs. Theol.*, In IIam-IIæ, *De Fide*, disp. 1, a. 1, n. 12; *De Spe*, disp. 4, a. 1, n. 16 et 32; *De Caritate*, disp. 8, a. 1, n. 6.

ARTICULUS IV

DE DONO SAPIENTIÆ ET SCIENTIÆ

549 I. — Dona ista (ut ex articulo præcedenti constat) distinguuntur a dono intellectus in doctrina S. Thomæ, quia donum intellectus est apprehensivum seu penetrativum veritatis, ista autem dona sunt judicativa, quod ibi explicavimus* distinguendo de judicio simplici, quale fit per habitum principiorum ex simplici terminorum penetratione, et de judicio resolutivo seu analytico, quale fit per habitus scientificos qui reddunt rationem et causam ejus quod intelligunt.

550 Et ideo de ipsis omnibus in hoc articulo ea attin-
gemus quæ conducunt ad explicandum quomodo* dis-
tinguantur dona ista a virtutibus non solum moralibus,
quæ pertinent ad vim appetitivam, sed etiam intellec-
tualibus et theologicis et visione beatifica, quæ perti-
nent ad intellectum.

*n. 317 sq.,
338

*n. 697 sqq.

DISTINCTIO DONI SAPIENTIÆ A FIDE, ET AB ALIIIS DONIS ET HABITIBUS EX SUA FOR- MALI RATIONE

551 II. — In distinguendo habitus seu virtutes ali-
quas, possumus duo attendere.

552 **Primum**, ipsam rationem* formalem sub qua pro-
cedit, quæ proprie specificat actum et habitum.

*n. 561

553 **Secundum**, ipsum objectum quod tamquam materiam* attingit, circa quam versatur per tale medium *n. 562,
seu rationem formalem. 658 sq.

* * *

554 III. — Igitur D. Thomas ad explicandum¹ rationem formalem doni sapientiae processit ex proportione et similitudine* sapientiae quae est virtus intellectu- *n. 571, 698
lis, et non donum. Est enim sapientia illa quae de rebus judicat per altissimas seu supremas causas, sicut in disciplinis philosophicis, metaphysica. Et ex hac ratione frequenter D. Thomas attribuit² dono sapientiae judicare, dono autem intellectus apprehendere seu penetrare veritates divinas.

555 Nec tamen D. Thomas posuit propriam, specificam et adæquatam rationem sapientiae in hoc solum quod est judicare de rebus divinis aut supernaturalibus. Judicium enim etiam ad alios habitus pertinet præter donum sapientiae. *Fides** enim judicium habet credendo cum habeat determinatum assensum circa res divinas. *Prophetia* etiam judicat de rebus sibi revelatis, ut saepe affirmit S. Thomas (IIa-IIæ, q. 171 passim). *Scientia infusa* in Christo, *donum scientiæ* in nobis, cognitio³ præcedens et regulans piam affectionem* ante fidem, et sexcenta alia quae ex infusione aut instinctu Spiritus Sancti a nobis cognoscuntur, judicio aliquo cognoscuntur. *n. 678

¹ Cf. IIam-IIæ, q. 45, a. 1.

² Cf. Iam-IIæ, q. 68, a. 4.

³ Cf. Joan. a Sto Thoma, *Curs. Theol.*, In IIam-IIæ, *De Fide*, disp. 3, a. 2, n. 5-15.

556 Et sic si solum velimus explicare donum sapientiae per hoc quod est judicare de rebus divinis ex instinctu Spiritus Sancti, non explicatur adæquate et quoad propria et specificam rationem.

557 IV. — **Quod autem Suarez** (*De Gratia*, Lib. II, cap. 18, n. 2)¹ objicit contra D. Thomam qui (Ia-IIæ, q. 68, a. 4) absolute dixit donum sapientiae dari ut perficiat intellectum speculativum judicando ex motione peculiari Spiritus Sancti, et affert contra illum instantias propositas, solvitque illas dicendo non contineri in illa explicatione adæquatam descriptionem doni sapientiae, nihil in hoc contra D. Thomam obtinetur.

558 Quia sanctus Doctor in illo articulo præsupponit in principio *corporis* quod dona perficiunt hominem ad hoc quod prompte sequatur instinctum Spiritus Sancti, inde vero colligit quomodo distribuantur et multiplacentur hæc dona per vires apprehensivas et appetitivas, inter quas ponit quod ad recte judicandum in parte speculativa ponitur sapientia, quod intelligitur non quomodocumque, sed ad recte judicandum ex motione illa peculiari qua elevatur mens ad sequendum prompte instinctum Spiritus Sancti, qui utique movet aliquando ad judicandum ex quadam promptitudine qua unimur et subjecimus Deo quasi ex connaturalitate* *n. 570 et experientia seu gustu quodam divinorum, et hæc est adæquata ratio doni sapientiae.

559 Hoc enim non facit prophetia, neque fides, cum inveniri possint in peccatoribus* non unitis Deo per *n. 127, 424,
gratiam. Imo et scientia infusa non judicat ex hac 597

¹ *Opera Omnia*, VII (Vives), p. 675-676.

experiencia et unione, sed absolute ex veritate rei *n. 524, 575
in se clare* cognita, non solum affective attacta.

- 560 Quod autem donum sapientiae judicet de divinis non ex cognitione causarum studio et discursu acquisita, vel infuso lumine manifestata in se, sed ex ipsa connaturalitate et unione ad causam supremam quasi per experimentum* habita, postea latius explicat S. Thomas *n. 171, 533,
(IIa-IIæ, q. 45, a. 2 et 4), ubi specialiter de hoc dono 563, 584, 592
agit tamquam in proprio loco.

○

- 561 V.—**Supposito** ergo quod donum sapientiae ordinatur ad judicandum de divinis non* quomodo cumque, sed judicio resolutivo et analytico (non simplici sicut intellectus principiorum), idque per causas easque supremas et altissimas, **restat explicare** quomodo cognoscat istas causas et judicet donum sapientiae, seu sub qua formalitate*. *n. 317 sq.

- 562 Et deinde, id quod pertinet ad secundum* punctum, quæ veritates divinæ sint istæ de quibus judicat donum sapientiae: hoc enim pertinet ad declarationem objecti ad quod se extendit*. *n. 553,
658 sqq.
*n. 658 sqq.

* *

- 563 VI.—**DICIMUS ERGO** quod ratio formalis qua cognoscit istas causas est experimentum* *n. 560, 671
quoddam internum, quod habetur de Deo et rebus divinis in ipso gustu seu affectu et delectatione seu tactu* voluntatis interno de istis rebus *n. 529, 533
spiritualibus.

- 564 Ex hac enim unione quasi connaturalizatur anima ad res divinas, et per gustum ipsum discernit* eas a rebus sensibilibus et creatis in hac vita imperfecte et per viam remotionis*, in alia vita perfecte et per positivam* evidentiam, indeque movetur ad reddendum *n. 624
causam et rationem eorum quæ cognoscere intendit per *n. 309, 322
sapientiam. *n. 333

- 565 Sic sumitur ex D. Thoma (IIa-IIæ, q. 45, a. 2), ubi inquit quod "Rectitudo judicii potest contingere dupliciter. Uno modo, secundum perfectum usum rationis; alio modo propter connaturalitatem quamdam ad ea de quibus judicandum est. Sicut de his quæ ad castitatem pertinent per rationis inquisitionem recte judicat ille qui didicit scientiam moralem, sed per quamdam connaturalitatem ad ipsam recte judicat de eis ille qui habet habitum castitatis. Sic ergo circa res divinas ex rationis inquisitione rectum judicium habere pertinet ad sapientiam quæ est virtus intellectualis; sed rectum judicium habere de eis secundum quamdam connaturalitatem ad ipsas pertinet ad sapientiam secundum quod donum est Spiritus Sancti, sicut Dionysius dicit (*De Div. Nom.*, cap 2, 9)¹ quod Hierotheus est perfectus in divinis 'non solum discens, sed et patiens* divina'". *n. 413

- 566 Videndum est etiam D. Thomas (In III Sent., dist. 35, q. 2, a. 1, qla 1), ubi docet sapientiam importare eminentem² quamdam sufficientiam in cognoscendo, ut etiam in seipso quis certitudinem habeat de magnis et mirabilibus quæ aliis ignota sunt, et possit de omnibus *n. 572

¹ PG 3, 648.² Cf. *Ecli.* 6, 23.

judicare, possit etiam et alios ordinare per dictam eminentiam.

567 VII. — Hæc est descriptio sapientiæ loquendo in generali et in communi.

568 Subdit autem distinguendo quod “Hæc sufficientia in quibusdam est per studium et doctrinam, adjuncta vivacitati intellectus. Et talis sapientia a Philosopho ponitur virtus intellectualis in *sesto Ethicorum*¹. Sed in quibusdam talis sufficientia accidit per quamdam affinitatem ad divina, sicut dicit² Dionysius quod Hierotheus patiendo^{*} divina, didicit divina”.

*n. 413

569 Rursus vero distinguens³ sapientiam a fide in solutione ad primum dicit^{*} quod “Fides est cognitio simplex articulorum, quæ sunt principia^{*} totius christianæ sapientiæ. Procedit autem sapientiæ donum ad quamdam deiformem contemplationem et quodammodo explicitam articulorum quos fides sub quodam modo involuto^{*} tenet secundum humanum modum. Et ideo sapientia est donum, fides autem virtus”.

*n. 615

*n. 672

*n. 589, 615,
668

◎

570 VIII. — Quapropter ratio formalis sapientiæ est procedere ex causis et rationibus divinis (quæ sunt causæ altissimæ) ad indagandas veritates sive divinas, sive creatas^{*}: *Spiritualis enim omnia judicat* (I Cor. 2, 15); sed tamen istæ causæ divinæ et altissimæ per quas procedit sapientia ad reddendam rationem non sunt

*n. 666 sq.

¹ *Eth.*, VI, 6–7 (1141 a 5 sq.).

² *De Div. Nom.*, cap. 2, 9, PG 3, 648.

³ In III *Sent.*, dist. 35, q. 2, a. 1, q1a 1 ad 1.

notæ quasi quidditative^{*} per sapientiæ donum, sed quasi affective et mystice ex connaturalitate quadam et unione seu experientia interiori divinorum.

571 **Et ratio hujus est**, quia donum sapientiæ debet esse simile^{*} sapientiæ quæ est virtus (sicut et alia dona proportionantur virtutibus sibi correspondentibus), quantum ad hoc quod debet procedere circa veritates quas attingit ex causis supremis et altissimis, sicut ipsa sapientia quæ est virtus.

*n. 524, 558

*n. 554, 698

572 *In hoc enim convenire debent* sapientia donum et sapientia virtus. Utraque enim designat habitum intellectivum et inter intellectivos summum seu supremum in genere scientifico, ita quod non sit quælibet scientia, sed suprema^{*}. Non esset autem suprema scientia si non haberet eminentiam^{*} respectu aliarum scientiarum. Cum autem proprium scientiæ sit rerum causas cognoscere, illa erit suprema inter scientias et eminentiam habebit, quæ considerat res per supremas^{*} et eminentes causas, et hæc debet esse sapientia tam quæ est virtus quam quæ est donum.

*n. 598, 606,
626, 698

*n. 566

*n. 682

573 IX. — *Differentia ergo sapientiæ doni et sapientiæ virtutis* debet esse in modo cognoscendi istas supremas causas, et per eas attingendi suas veritates quas cognoscit. Et sic sapientia donum est quæ modo affectivo et mystico attingit divina, quæ sunt causæ supremæ. Hoc enim est proprie attingere ex dono^{*} Dei, quia licet omnes habitus et virtutes supernaturales dona Dei sint, tamen aliud est *dono* attingere aliquod objectum, aliud *ex dono*, quasi ipsa etiam donatio Dei qua nobis se donat¹ pertineat ad rationem attingendi objectum.

*n. 574, 584

¹ Cf. *Rom.* 5, 5.

574 Nobis autem donat* se Deus per Spiritum suum et voluntatem, quatenus apponit¹ erga nos cor suum, si quidem primum quod in aliqua donatione attenditur est quod ipse donans apponat cor suum et seipsum, seu voluntatem suam alteri donet, eique corde conjugatur seu spiritu et affectu, juxta illud quod dixit David (I Par. 12, 17): *Si pacifice venistis ad me, . . . cor meum jungatur vobis.*

575 Cum ergo donum sapientiae non* quælibet sapientia sit, sed spiritus* sapientiae, id est, ex affectu et spiritu et donatione ipsa qua experimur in nobis quæ sit voluntas Dei bona et beneplacens² et perfecte judicans de ipsis rebus divinis, oportet quod ratio formalis qua donum sapientiae attingit causam altissimam, id est, causam divinam, sit ipsa notitia quæ habetur experimentaliter de Deo, quatenus unitur* nobis et inviceratur et donat seipsum nobis: hoc enim est ex spiritu scire, et non* solum ex lumine aut discursu monstrante quidditatem, sed ex affectu* experiente unionem.

*n. 637

*n. 179

*n. 509, 584,
671*n. 178, 518,
559*n. 518,
634 sq.

★ ★

576 X.—**Dices***: Affectus iste et spiritus est in voluntate, cognitio autem sapientiae in intellectu*; ex voluntate autem non redditur intellectus magis illuminatus, neque crescit* lumen in ipso; ergo neque potest crescere judicium aut sapientia ex tali dono pertinente ad affectum.

*n. 578 sq.

*n. 161

*n. 592

577 **Confirmatur***, quia ista experientia et unio affectiva est aliquid naturaliter consecutum* ad actum

*n. 594

*n. 527

¹ Cf. *Job* 7, 17; *Eccle.* 8, 16; *Joan.* 14, 17.

² Cf. *Rom.* 12, 2.

amoris in voluntate; ergo non est aliquid supernaturaliter additum ad virtutem charitatis; ergo donum sapientiae ex hac parte non est aliquid supernaturale præter virtutem charitatis.

◎

578 **Respondetur*** quod Suarez (*De Gratia*, Lib. II, cap. 18, n. 17)¹ sentit quod amor transfert amatum in amantem per singularem unionem, et inde facile oritur judicium per quamdam connaturalitatem ad illud, sicut dixit Augustinus (*De Trin.*, Lib. VIII, cap. 9)² quod “Quanto flagrantius Deum diligimus, tanto certius sereniusque videamus”. Nam qui amat, magis attendit* et considerat ea quæ amat, et facilius illi placent. Quod confirmant verba Christi (*Joan.* 7, 17)*: *Si quis voluerit voluntatem ejus facere: cognoscet de doctrina, utrum ex Deo sit.*

*n. 576

*n. 664

*n. 598

579 Cæterum hæc sola ratio non sufficit ad explicandam propriam et formalem rationem sapientiae doni.

580 Nam si solum supponit amorem divinum et unionem et connaturalitatem illam affectivam ad hoc ut magis attendat et consideret ea quæ amat et facilius illi placeant, hoc solum pertinebit ad quoddam genus causæ efficientis* seu applicantis, quatenus voluntas ex amore facit magis attendere et considerare, quod utique facit voluntas non majus* lumen præbendo aut augendo in intellectu, sed magis applicando, ut cum majori attendentia et consideratione procedat intra idem lumen et speciem cognitionis, non illam mutando: sicut

*n. 583

*n. 576

¹ *Opera Omnia*, VII (Vives), p. 680.

² PL 42, 960.

cum voluntas applicat visum aut auditum ut magis attendat, non perfectiorem virtutem ei dat aut acutiorem visum, sed magis applicat ad videndum.

581 Si ergo hoc solum facit amor in dono sapientiae, quod applicat ad considerandum attentius, **restat explicare** quod lumen et quae ratio formalis sit ex parte intellectus diversa specie a fide et virtute seu habitu sapientiae quae non est donum, quam applicat amor ad judicandum per sapientiam. Et hoc est quod inquirimus.

582 **XI. — QUARE DICENDUM EST** quod amor et affectus potest duplē considerationem habere.

583 **Primo**, ut applicat se et alias potentias ad operandum, et sic solum se habet effective* et executive *n. 580 in ordine ad illas operationes, scilicet per modum applicantis ad agendum.

584 **Secundo**, ut applicat sibi objectum et illud unit, et inviserat* sibi per quamdam fruitionem et quasi connaturalitatem et proportionem* cum tali objecto, et quasi experitur illud experientia affectiva, juxta illud (*Ps. 33, 9*): *Gustate, et videte.* Et sic affectus transit* in conditionem objecti, quatenus ex tali experientia affectiva* redditur objectum magis conforme et proportionatum et unitum personae eique magis conveniens, et sic fertur intellectus in illud ut expertum et contractum sibi, et hoc modo se habet amor ut praeceps movens in genere causae objectivae*, quatenus per tale experimentum* diversimode proportionatur et conveniens redditur objectum.

*n. 125, 171,
199

*n. 592

*n. 170, 488,
518, 530, 591,
671

*n. 528 sq.,
533, 575, 592

*n. 1200 sq.

*n. 533, 560

585 **XII. — Quod si dicas***: Nam affectus et amor *n. 589 non potest plus experiri et tangere in objecto quam de ipso demonstrat et manifestat cognitio; ergo ante illam unionem amoris et intimam experientiam affectivam* *n. 533, 584 jam supponitur cognitum objectum experiendum et amandum. Quid ergo est illa cognitio, sapientiane, an fides, vel quid aliud?

586 Si sapientia, jam antecedit amorem, non in ejus gustu et experientia fundatur.

587 Si fides, ergo nihil amplius cognoscit sapientia quam fides: totum enim quod nos ponimus attingi et experiri per affectum jam praecedit in cognitione per fidem.

588 Si est aliud praeter fidem et sapientiam, quid est?

589 **XIII. — Respondeatur*** quod amor et affectus *n. 585 licet ex parte rei amatae non possit aliud experiri et attingere quam quod sibi proponitur, quia non potest ferri in incognitum et non propositum, tamen ex parte modi* attingendi potest plus et meliori modo experiri et uniri objecto quam per intellectum sibi proponatur, quia stat bene quod per intellectum sibi proponatur obscure et involute*, et ex hac parte imperfecte, et tamen voluntas feratur in ipsum objectum immediate et in se. Sicut facit charitas, etiamsi per fidem sibi proponatur Deus obscure, imo voluntas aliquando solet¹ tanto ardenter desiderare rem in seipsa videre et frui quanto sibi per velamina occultatur, quia licet non proponatur sibi res ut est in se, seu sub testimonio

¹ Cf. Joan. a Sto Thoma, *Curs. Theol.*, In Iam-IIæ, q. 17, disp. 7, a. 3, n. 5. — Iam-IIæ, q. 22, a. 2 ad 2.

*n. 569, 615,
668

extrinseco, tamen hoc in illo velamine proponitur quod plus* latet de re quam cognoscatur et manifestetur; et illud plus quod latet etiam desiderat voluntas, illique unitur affectus, quod nescit proponere intellectus.

590 XIV. — Et hac ratione D. Thomas (Ia-IIæ, q. 66, a. 6; IIa-IIæ, q. 23, a. 6) ostendit charitatem esse excellentiorem¹ fide, quia fides sua obscuritate attingit Deum secundum quamdam distantiam ab ipso, quatenus fides est de non visis, charitas autem attingit Deum immediate in se, intime se uniens ei quod occultatur in fide.

591 Et sic licet fides regulet* amorem et unionem ad Deum quatenus objectum proponit, tamen ex* ista unione qua tangitur ab affectu Deus immediate eique unitur, movetur intellectus sicut a quadam experientia* affectiva ad judicandum altiori* modo de divinis quam illa obscuritas fidei patiatur, quia penetrat et cognoscit plus latere in rebus fidei quam fides manifestat, quia plus ibi amat et plus gustat in affectu*, et ex illo plus† quod cognoscit judicat altius de ipsis rebus divinis, innitens affectui experimentali (priusquam nudo testimonio* creditis) cum instinctu Spiritus Sancti sic altiori modo certificantis et moventis intellectum.

592 XV. — **Quare ad argumentum*** quod dicit voluntatem seu affectum non addere majus lumen intellectui, *manet responsum ex dictis**, quod voluntas formaliter non illuminat intellectum, sed tamen potest causaliter* majus lumen præbere seu perficere, quatenus reddit objectum magis unitum sibi per amorem et

¹ Cf. Joan. a Sto Thoma, *Curs. Theol.*, In Iam-IIæ, q. 5, disp. 2, a. 4, n. 33.—Iam, q. 82, a. 3.

*n. 591

*n. 125, 172,

484

*n. 163, 518

*n. 533

*n. 1114

*n. 584

tn. 589

*n. 178

*n. 576

*n. 582 sq.

*n. 593

immediatus in se attatum et gustatum, et sic representatur de novo intellectui cum diversa convenientia et proportione* ad affectum quo quasi experimentaliter sentitur, et inde fit intelligentia quod illud quod sic sentitur in affectu est altius et excellentius omni consideratione fidei, vel alterius veritatis cognoscitivæ, et sic procedit ad judicandum de rebus istis et veritatis divinis juxta quod de illis cognoscit secundum illud experimentum* affectivum†, quo altius sentit de Deo quam ex quolibet studio humano.

*n. 584

*n. 533, 560

tn. 528 sq., 598

593 Talis ergo experientia de divinis per unionem et affectum diverso modo reddit objectum cognoscibile quam ex alio lumine aut ex testimonio fidei, et hoc modo sumitur causaliter* ex affectu sic uniente diversitas formalis objecti, scilicet ut uniti et experti.

*n. 592

594 XVI. — **Ad confirmationem***, *respondeatur* quod licet ex amore resultet ille gustus et fruitio et invisceratio ad Deum naturaliter, id est, necessario, non tamen naturaliter, id est, per modum naturalis ordinis, cum supernaturalis fruitio et gustus sit, utpote consecutus* ex amore supernaturali et regulatus* cognitione supernaturali fidei in via, visionis in patria. Unde non repugnat super hoc fundari cognitionem doni supernaturalis cum ex Spiritu seu spirituali illa unione experimentum* supernaturale de Deo sumatur, atque adeo mystica* seu affectiva sapientia, quæ ex tali spirituali unione sumitur.

*n. 519, 522

*n. 125, 484

*n. 533, 560

tn. 171

595 XVII. — **Ex his colligitur** distinctio quantum ad rationem formalem doni sapientiæ a fide et a reliquis donis*.

*n. 617 sq.

◎

- 596 Nam a virtutibus intellectualibus acquisitatis distinctio est manifesta, quia donum sapientiae procedit ex motione et instinctu supernaturali Spiritus Sancti, et consequenter ex ratione formalis supernaturali et ex connaturalitate quadam et experientia affectiva divinorum; virtus autem* sapientiae ex naturali discursu et studio.

*n. 426

◎

- 597 XVIII. — Distinctio ergo doni sapientiae a fide a posteriori* bene colligitur, quia contingit ista duo separari, siquidem fides invenitur in peccatore* sine gratia, donum autem sapientiae non nisi in justo, quia, ut dicitur (*Sap. 1, 4*): *In malevolam animam non introibit sapientia, nec habitabit in corpore subdilio peccatis.* Invenitur etiam donum sapientiae in beatis, quia de sapientia dicitur (*Eccli. 24, 16*): *In plenitudine sanctorum detentio mea, et tamen ibi non¹ est fides.*

*n. 730

*n. 441, 454,
559

- 598 XIX. — A priori* autem sumitur ista distinctio ex diversa ratione formalis, quia fides* habet simplicem assensum per modum credendi assentiens auctoritati et testimonio dicentis, sine hoc quod inquirat neque intelligat rem quam credit per causas; sapientia vero intelligit rem per causas et judicat resolvendo* et analytice procedendo: est enim sapientia summa seu suprema* scientia, et ideo habet scire rem per causas, easque altissimas, et donum sapientiae habet cognitionem istarum causarum non per quidditatem* ipsarum, sed per experimentalem quamdam unionem et

*n. 731

*n. 143, 321,
604, 613

*n. 320

*n. 572, 606

*n. 524, 719

¹ Cf. Iam-IIæ, q. 67, a. 3.

affectivam*, juxta quod dicit Christus Dominus (*Joan. 7, 17*): *Si quis voluerit voluntatem ejus facere: cognoscat doctrina utrum ex Deo sit**, et (*Eccli. 1, 14–15*) dicitur: *Dilectio Dei honorabilis sapientia. Quibus autem apparuerit in visu, diligunt eam in visione, et in agnitione magnalium suorum.*

*n. 533, 592

*n. 578

*n. 488, 507,
518

*n. 125, 591

*n. 484 sq.

- 599 Quare donum sapientiae dilectionem Dei supponit, et in ea fundatur*, quia est mystica et affectiva scientia divinorum, et consequenter supponit fidem, quæ antecedit et regulat* dilectionem, et in patria supponit visionem* beatam a qua oritur dilectio et fruitio. Ergo ex propria et intrinseca ratione sua donum sapientiae, hoc ipso quod est cognitio mystica et affectiva, presupponit fidem et distinguitur ab illa.

*n. 607, 613,
614

- 600 XX. — Et hinc facile intelliguntur verba D. Thomæ (IIa-IIæ, q. 45, a. 1 ad 2), ubi inquit* quod “Sapientiae donum differt a fide, quia fides assentit veritati secundum seipsam, sed judicium quod est secundum veritatem divinam pertinet ad donum sapientiae. Et ideo donum sapientiae presupponit fidem, ‘quia unusquisque bene judicat quæ cognoscit’, ut dicitur¹ *primo Ethicorum*”.

*n. 609, 616

*n. 609, 662

- 601 In quibus verbis, mirum est quantum exaggerat* Suarez obscuritatem et difficultatem (*De Gratia*, Lib. II, cap. 18, n. 11 sq.)², eo quod non* appetit differentia inter assentiri veritati divinæ et judicare secundum veritatem divinam, supponendo quod videtur negasse Cajetanus (In IIam-IIæ, q. 45, a. 1), et Suarez multis ibidem impugnat.

¹ Cf. *Eth.*, I, 3 (1094b 27).

² *Opera Omnia*, VII (Vives), p. 678 sq.

602 Si autem judicium est assensus, non appareat qua ratione distinguat S. Thomas fidem a sapientia, quia fides assentit veritati divinæ secundum seipsam, sapientia autem habet judicium secundum veritatem divinam, hoc enim omnino est idem, assentiri enim veritati divinæ est assentiri secundum veritatem divinam et propter ipsam; assentiri autem et judicare idem sunt, et tam late patet judicare quam assentiri, sicut enim datur assensus evidens et inevidens, certum et incertum, ita et judicium. Quidquid ergo facit fides assentiendo, facit sapientia judicando. Ex parte enim rei cognitæ, utraque agit de eisdem veritatibus; ex parte autem modi^{*} cognoscendi seu rationis formalis, non appareat in quo differant assentiri et judicare secundum veritatem.

*n. 589

603 XXI. — Sed respondetur juxta doctrinam articulo præcedenti^{*} traditam quod judicare potest sumi dupliciter.

*n. 317 sq.

604 Uno modo, ratione simplicis assensus, quemadmodum de primis principiis judicamus^{*} et assentimur illis ex terminorum evidentia, et fide assentimur et judicamus^{*} rem ita esse, non inquirendo per causas, sed testimonio et auctoritati dicentis assentiendo.

*n. 442, 616

*n. 598, 618,
731

605 Alio modo, datur judicium per modum resolutionis, quod est judicium analyticum, id est, resolutiorum et scientificum, quando non solum homo assentit et judicat veritatem, sed etiam reddit rationem de eo quod judicat, et discernit ac defendit illud, et sic non solum cognoscit rem, sed fundamentum et causam propter quam sic cognoscit.

606 Et hoc proprie est scire, et quando per eminentes et supremas^{*} causas judicat, est sapere et non solum scire. Itaque judicium aliud est scientificum et resolutiorum, aliud non scientificum et simplex.

*n. 572, 598

607 Ad fidem ergo pertinet^{*} assensus simplex sine discussione et inquisitione causarum, et hoc vocat[†] D. Thomas assensum secundum se.

*n. 321, 613

*n. 600

608 Ad sapientiam vero pertinet judicium scientificum et resolutiorum, et hoc vocatur judicium absolute.

609 Nec aliud mysterium continent verba D. Thomæ^{*}, nec tanta exaggeratione^{*} obscuritatis et difficultatis indigent, sicut facit Suarez[‡].

*n. 600

*n. 601, 616

610 XXII. — Et hoc ipsa verba D. Thomæ insinuant[§]. Dixerat enim in *corpore* articuli quod “Ad sapientem pertinet considerare causam altissimam, per quam certissime de aliis judicatur, et secundum quam omnia ordinari oportet”. Ubi ly “secundum quam” et “per quam” significant rationem propter quam et resolutiorum judicium quod fit de aliqua re per suas causas et secundum illas.

611 Cum ergo postea (IIa-IIæ, q. 45, a. 1 ad 2) dicit quod “judicium secundum veritatem divinam pertinet ad donum sapientiæ”, loquitur de judicio resolutivo, quo secundum veritatem tamquam secundum causam et per causam judicatur, de hac enim locutus fuerat in *corpore* articuli. Hoc autem judicium non habet fides,

¹ Cf. IIam-IIæ, q. 45, a. 1 ad 2.

² Cf. *De Gratia*, Lib. II, cap. 18, n. 11 sq., *Opera Omnia*, VII (Vivès), p. 678 sq.

³ Cf. IIam-IIæ, q. 45, a. 1.

quia qui credit solum attendit ad auctoritatem et testimonium dicentis, non* ad causas per quas illa veritas fundatur aut subsistit.

*n. 62, 196,
321

612 Quare sicut non est insolitum nec obscurum aut difficile duos assensus seu judicia distinguere, alterum scientificum et resolutorium, alterum non scientificum sed simplex, ita non debet difficile reputari in D. Thoma* quod unum assensum seu judicium dederit fidei, scilicet simplex, aliud dono sapientiae, scilicet scientificum.

*n. 600

613 XXIII. — **Nec est facienda vis** in eo quod ad fidem dicit* pertinere quod assentit veritati divinæ secundum seipsam, ad donum vero sapientiae, judicium secundum divinam veritatem, quasi aliud sit assensus, aliud judicium. — **Non est in hoc difficultas:** sed esto sit idem assensus et judicium generaliter loquendo, tamen differentia stat in hoc quod assensus fidei est simplex* non scientificus, et sapientiae judicium est resolutorium et scientificum. Et hæc duo judicia et assensus valde differunt.

*n. 600

*n. 598, 607

614 Hoc autem significavit* compendio D. Thomas dicens¹ quod fides assentit veritati secundum seipsam, judicium vero secundum veritatem divinam est doni sapientiae. Nam assentiri veritati secundum seipsam est immediate et simplici modo assentiri; assentiri autem alicui veritati secundum aliam est quasi ex causa procedere ad judicium, præsertim cum paulo ante in *corpo* articuli id expressisset D. Thomas dicens quod "Pertinet ad sapientem per causam altissimam judicare, et secundum illam de aliis ordinare".

*n. 600

¹ Cf. IIam-IIæ, q. 45, a. 1 ad 2.

615 Quod si tandem hoc volumus expressius in D. Thoma videre, legatur (In III Sent., dist. 35, q. 2, a. 1, q1a 1 ad 1), ubi inquit* quod "Fides est cognitio simplex articulorum, quæ sunt principia totius christianæ sapientiae. Procedit autem sapientiae donum secundum deiformem contemplationem et quodammodo explicitam articulorum quos fides sub quodam modo involuto* tenet secundum humanum modum". Sic S. Thomas.

*n. 569

*n. 589

616 Distinguueret¹ ergo Suarez in fide judicium seu assensum simplicem (sicut est assensus* principiorum) ab assensu seu judicio scientifico in dono sapientiae, quod quasi explicat et evolvit ipsa principia ac defendit, et sic cessaret ejus exaggeratio*. *n. 604

*n. 601, 609

○

617 XXIV. — De distinctione* vero sapientiae a dono intellectus et consilii, patet.

*n. 595

618 **A dono intellectus**, quia non* procedit resolute, sicut nec fides*, nec tradendo causas, sed simplicem terminorum notitiam et penetrationem modo affectivo et mystico, ut explicatum* est.

*n. 317 sq.

*n. 604

*n. 515-525,
528-536

619 **A dono consilii***, quia hoc procedit circa agibilia regulando ea, non contemplando divina et per altissimas causas, sicut procedit sapientia.

*n. 632, 733,
781 sq.

620 XXV. — **A dono denique scientiæ*** distinguitur, quia hoc etsi resolute procedat*, sed per causas creatas et inferiores, non per altissimas, ut docet S.

*n. 727

*n. 320

¹ Cf. *De Gratia*, Lib. II, cap. 18, n. 11 sq., *Opera Omnia*, VII (Vivès), p. 678 sq.

Thomas (IIa-IIæ, q. 9, a. 2; q. 45, a. 2 ad 3; In III Sent., dist. 35, q. 2, a. 3, q1a 1).

621 **Sed tamen**, cum donum scientiæ sit *scientia sanctorum*¹, et solum conveniat his qui existunt in gratia, et ex unione ad Deum per charitatem procedat, **difficile videtur** quod sapientia sit per altissimas causas quia isti unioni ad Deum innititur, scientia vero non, cum eidem unioni innitatur.

622 XXVI. — *Sed respondeatur** quod fides etsi pri-
mario cognoscat Deum, tamen secundario etiam multa
creata cognoscit, et unum potest esse ratio et causa
alterius, et ipsamet fides ejusque exercitium aliquid
temporale* et creatum est.

*n. 621

*n. 711, 714,
717

623 Ex fide autem nascitur amor et unio ad Deum primario et per se, et secundario amor ad proximum et ad res creatas, quatenus aliquid sunt Dei. Unde fit quod homo unitus Deo per amorem fiat bene mobilis a Spiritu Sancto, tum ad intelligendum et judicandum de divinis, tum ad judicandum de creatis.

624 Et de divinis judicat secundum affectum et unionem, et quasi experimentum ad ipsa intra se; de *creatis* autem judicat per experimentum etiam quod habet de illis, vel in ipso affectu ordinante charitatem et amorem creaturarum ad Deum, vel in ipso actu fidei et virtutum, vel in ipso modo tendendi ad Deum per viam remotionis* creaturarum, quod fieri non potest sine discretione* inter creaturas et Deum: atque adeo cum sufficienti ratione ut de creaturis judicet et per rationes

*n. 309, 671,
723
*n. 564, 671

¹ Cf. *Prov.* 9, 10.

creatæ de Deo: utrumque enim attingit per rationes creatas.

625 XXVII. — Sufficienter ergo in ipsa unione gratiæ et charitatis ad Deum fundatur duplex via procedendi ad intelligendum et judicandum de divinis: *tum* per causam ipsam primam cui primo et per se charitas unitur, *tum* per causas humanas et creatas quibus unitur secundario, et per quas etiam inducitur ad intelligendum primam.

626 Et *primo modo*, fundatur scientia summa* quæ est sapientia; *secundo modo*, fundatur ordinaria¹ et inferior, quæ est scientia. Utraque autem supponit unionem hominis cum Deo per affectum charitatis*, et cum proximo seu creaturis secundario per eamdem charitatem; et ex primo movetur a Spiritu Sancto ad intelligendum et judicandum de divinis, ex secundo ad judicandum ex causis creatis.

*n. 572, 671

*n. 720, 769

627 Et in Scriptura* frequenter redduntur causas et rationes eorum quæ dicuntur, quod maxime pertinet ad sapientiam et scientiam: aliquando quidem tangendo causas inferiores, aliquando supremas.

*n. 631

628 Verbi gratia, cum (*Joan.* 9, 2) Apostoli interroga-
verunt Christum Dominum de causa cæcitatis in
cæco nato et voluerunt id scire quantum ad causam
creatam et inferiorem, videlicet ex parte peccatorum,
quæ sunt causa talium poenitatum: *Rabbi, quis pecca-
vit, hic aut parentes ejus, ut cæcus nasceretur?* Dominus
autem respondit per sapientiam reddendo causam illius
cæcitatis ex parte causæ supremæ, scilicet gloriæ
divinæ (*Joan.* 9, 3): *Neque hic peccavit, neque parentes
ejus: sed ut manifestentur opera Dei.*

¹ Cf. In III Sent., dist. 35, q. 2, a. 3, q1a 1.

629 Sic et propheta judicabat per donum sapientiae de mirabilibus Dei, cum dicebat (*Ps. 70, 15-17*): *Quoniam non cognovi litteraturam introibo in potentias Domini: Domine memorabor justitiae tuæ solius. Deus docuisti me a juventute mea: et usque nunc pronuntiabo omnia mirabilia tua.* Ecce enim sine* litteratura humani studii ingreditur anima in potentias Domini et solum justitiae ejus recordatur, ut docetur a Deo a juventute, utique quia *unctio docet nos de omnibus*¹. Et sic ex potentiis Domini et ratione justitiae ejus (quae sunt causae supremæ et altissimæ) reddit rationem et causam mirabilium Dei, quae pronuntiat, quod utique ad sapientiam pertinet.

630 Et rursum, per donum scientiae idem propheta causam perditionis aliquorum reddit ex causis proximis suorum peccatorum (*Ps. 72, 19*): *Quomodo, inquit, facti sunt in desolationem, subito defecerunt; perierunt propter iniquitatem suam.*

631 Et sic passim plura inveniuntur exempla in Scriptura* tam doni sapientiae quam scientiae in causis redendis diversarum veritatum. Et qui diversas causales in Scriptura penetraret, multum in donis sapientiae et scientiae proficeret.

632 XXVIII. — Denique, **a dono consilii differt*** *n. 619, 733 donum sapientiae, quia etsi sapientia sit directiva agendorum in quantum agenda regulantur per regulas æternas quas contemplatur sapientia, ut docet S. Thomas (IIa-IIæ, q. 45, a. 5), tamen requiritur præter hoc donum consilii correspondens* prudentiae qua diriguntur virtutes morales.

¹ Cf. I Joan. 2, 27.

*n. 362, 418,
679

633 Quia *sicut* prudentia virtus distinguitur a sapientia virtute in hoc quod prudentia juxta regulas humanas dirigit ea quæ agenda sunt in particulari hic et nunc, sapientia vero non est immediate regulativa actionum, sed contemplativa et cognoscitiva superiorum causarum, ex quibus dependet illarum regularum et actionum cognitio in sua quidditate et natura, et disputat ac defendit universalia principia a quibus dependent tales regulæ, *ita* donum consilii et donum sapientiae se habent quod a dono consilii dirigimur immediate in agendis quasi a divino Spiritu acti, ut bene et recte eligamus et medium accipiamus etiam in rebus valde dubiis, sicut dicitur (I Mac. 4, 45) quod *Incidit illis bonum consilium;* a sapientia autem non dirigimur immediate in agendis, sed contemplatur divina non solum in se, sed ut sunt eminentior regula agendorum, non immediata: agibilia enim nostra immediate per regulas humanas diriguntur, de quo amplius infra* dicemus.

*n. 781 sq.

★ ★

634 XXIX. — **Sed objicies***: Nam impossibile est *n. 643 sq. quod donum sapientiae, in quo quis exercetur per multum tempus, ad unum* actum peccati mortalis omnino extinguitur et cessen; ergo remanere potest etiam in non habente charitatem; ergo non potest esse quod formalis ejus ratio sit cognitio affectiva fundata* in *n. 575 unione charitatis, siquidem remanere potest cessante charitate.

635 **Antecedens* probatur**, quia sapientiae donum exerce- *n. 644 sq. tur mediantibus aliquibus speciebus repræsentantibus objecta secundum ordinationem illius luminis, quod sapientiam vocamus; sed istæ species earumque re-

præsentatio et ordinatio non abolentur per peccatum mortale, quia hoc solum est mortalis aversio voluntatis, non specierum intellectus destructio; ergo manent species ordinatæ sicut antea, et consequenter sapientia quæ erat antea.

636 XXX. — **Confirmatur***, quia etiam post pecca- *n. 648 sq.

tum mortale videmus quod aliquis elicit actus sapientiæ quos antea eliciebat, et eodem modo intelligit ac discurrit seu judicat circa divina sicut antea; ergo sapientiæ donum manet in peccatore circa divina sicut ante.

637 **Quod si dicatur** cum D. Thoma (IIa-IIæ, q. 8, a. 5 ad 2) quod non* quælibet illustratio mentis cons- *n. 575

tituit donum sapientiæ, sed illa quæ facit rectam* *n. 359

æstimationem de ultimo fine, et hæc solum invenitur in habente gratiam, **contra est**, quia ista recta æstima-
tio, *vel* est recta æstimatio speculativa, qualis habetur de quidditate et ratione ultimi finis, *vel* est recta æstimatio practica, qua quis dirigit seipsum in directione cordis ad ultimum finem.

638 **Prima æstimatio** etiam remanet in peccatore: potest enim etiam peccator optime judicare de ultimo fine secundum speculationem.

639 **Secunda æstimatio** pertinet ad prudentiam qua practice dirigimur in recta æstimatione circa agibilia, et sic sapientia erit per se primo et directe practica, confundeturque cum dono consilii.

640 XXXI. — **Confirmatur secundo***, quia *vel* do- *n. 652 sq.

nun sapientiæ cognoscit veritates per discursum, *vel* sine illo.

641 *Si cum discrusu*, nititur studio et industria propria, potestque manere etiam sine gratia in peccatore, sicut manet theologia, quia peccatum non lædit discrusum nec tollit illum.

642 *Si sine discrusu*, non distinguetur a dono intellectus quod veritates penetrat simplici* modo sine discrusu: *n. 319,
scientificus enim processus sine¹ discrusu* non est *n. 322 sq.
accommodatus capacitiæ humanæ, neque nos experimur *n. 654
talem modum scientificum sine discrusu.



643 XXXII. — **Respondetur*** esse certissimum quod *n. 634 sq.

recedente gratia per peccatum mortale cessat sapientia quæ est donum Spiritus Sancti. Dicitur enim (*Sap. 1, 4-5*): *In malevolam animam non introbit sapientia, nec habitat in corpore subdito peccatis. Spiritus enim Sanctus disciplinæ effugiet factum, et auferet se a cogitationibus, quæ sunt sine intellectu, et corripietur a superveniente iniquitate.* Ergo per supervenientem iniquitatem aufertur a cogitationibus motio Spiritus Sancti qui disciplinæ factum effugiet, et sic non habitat, nec manet ibi sapientia. Et cum hic non possit intelligi de sapientia quæ est studio acquisita quam experimur manere etiam sine gratia, nec de sapientia quæ est gratia gratis data, aut prophetia quæ etiam in peccatoribus* esse potest, restat ut intelligatur de sapientia *n. 358 quæ est donum.

644 **Ad probationem ergo antecedentis*, dicitur** *n. 635
quod remota charitate manent quidem species quæ

¹ Cf. Joan. a Sto Thoma, *Curs. Theol.*, In Iam, q. 1, disp. 2, a. 3, n. 4;
In Iam-IIæ, q. 6, disp. 3, a. 2, n. 5.

deserviebant antea dono sapientiæ, sed non manent subjectæ instinctui et motioni Spiritus Sancti sicut antea, nec deserviunt illi interno gustui et experimento quo gustatur et videtur quam suavis¹ sit Dominus.

645 Et sic manent species ut deservientes fidei aut sapientiæ acquisitæ, si eam habet subjectum, aut alteri illustrationi interiori, si detur; tamen illa ordinatio specierum, quæ specialiter fit a dono sapientiæ et a motione Spiritus Sancti deducente animam ad gustandum et experiendum affective de Deo, aufertur a cogitationibus quæ sunt sine intellectu et corripitur a superveniente iniquitate, ut dicitur in verbis relatis Sapientiæ², quia non amplius per illas species gustat et experitur de suavitate Dei per affectum.

646 Quæ sunt autem cogitationes sine intellectu nisi brutales³ illæ cogitationes quas habet peccator, qui fit (*Ps. 31, 9*) *Sicut equus et mulus, quibus non est intellectus*, et qui *Cum in honore esset, non intellexit: comparatus est jumentis insipientibus*⁴. Si ergo homo habet cogitationes sine intellectu, quid mirum quod habeat species sine sapientia et ordinatione?

647 Et licet peccatum solum sit moralis aversio, habet⁵ tamen plures effectus physicos saltem demeritorie, tollit gratiam, destruit charitatem, vulnerat intellectum, effugat Spiritum Sanctum et omnem ejus motionem amicabilem impedit, sive hanc stragem faciat physice,

¹ Cf. *Ps. 33, 9*.

² *Sap. 1, 4-5*.

³ Cf. *I Cor. 2, 14*.

⁴ *Ps. 48, 13 et 21*.

⁵ Cf. Joan. a Sto Thoma, *Curs. Theol.*, In Iam-IIæ, q. 113, disp. 27, a. 3, n. 1-4.

sive demeritorie (de quo modo non dispuo), sufficit quod ex positione peccati omnia ista destruantur et cessent.

★ ★

648 XXXIII. — **Ad primam* confirmationem**, *n. 636 sq.

respondeatur quod qui post peccatum discurrit et judicat de divinis sicut ante, non hoc facit per donum sapientiæ, sed per sapientiam acquisitam quæ est virtus intellectualis, aut per aliquam illustrationem quæ est gratia gratis data, vel solum est recordatio quædam eorum quæ ante faciebat, quia istæ species manere possunt in memoria, sicut recordatur se fecisse opera bona.

649 Cæterum quod ex gustu et interna experientia

divinorum tunc contempletur et judicet est impossibile, quia illam internam suavitatem, illam pacem quæ exsuperat¹ omnem sensum, illam ebrietatem* Spiritus et tactum divinæ unionis nemo scit nisi qui accipit².

*n. 91, 513

Itaque cessante experientia affectiva* divinæ unionis cessat motio Spiritus Sancti ad intelligendum et judicandum de veritatibus divinis experimentaliter et affective, et sic cessat donum sapientiæ, licet non cessent species quibus illa utebatur, sicut remota et destructa fide per peccatum infidelitatis remanent³ species quibus fides utebatur et memoria actus credendi quem exercebat et exercitium credendi circa alios articulos, et nihilominus hæc omnia non⁴ eliciuntur a fide superna-

*n. 528 sq., 584

¹ Cf. *Philip. 4, 7*.

² Cf. *Apoc. 2, 17*.

³ Cf. Joan. a Sto Thoma, *Curs. Theol.*, In Iam, q. 1, disp. 2, a. 2, n. 7-8; In Iam-IIæ, q. 57, disp. 16, a. 1, n. 6-10.

⁴ Cf. Joan. a Sto Thoma, *Curs. Theol.*, In IIam-IIæ, *De Fide*, disp. 5, a. 1, n. 5-10.

turali, sed vel ab acquisita, vel ex memoria præteriti actus credendi.

650 XXXIV. — Sicut ergo non est inconveniens uno actu infidelitatis ruere fidem, nec elicere actus qui vere sint fidei supernaturalis, licet videantur nobis permanere et credere sicut ante, ita non est inconveniens ad unum* actum et ictum peccati mortalis corruere donum sapientiæ, nec amplius cognoscere sub illa formalitate doni, licet discurrat et cognoscatur homo in actibus similibus sapientiæ, **vel** ex sapientia studio acquisita, **vel** ex sapientia quæ est gratia gratis data et ordinatur ad eruditionem aliorum, non ad internam experientiam et unionem, de qua dicit Apostolus (*I Cor. 12, 8*): *Alii datur per Spiritum sermo sapientiæ: alii sermo scientiæ in eodem Spiritu.* Et D. Thomas (*IIa-IIæ, q. 45, a. 5*) recognoscit hanc eminentiam sapientiæ ad instruendum alios non¹ esse in omnibus habentibus gratiam, sed nec etiam est quod sit cum gratia, quia gratiæ gratis datæ etiam in peccatoribus* esse solent. **Vel** denique manent illi actus sapientiæ quasi in memoria præteritæ cognitionis, non in gustu et experientia peccatoris.

*n. 634

651 Nec tamen potest ex hoc inferri quod qui sentiunt istum actum doni sapientiæ evidenter² cognoscant se esse in gratia, quia non evidenter* cognoscunt illam motionem esse ex Spiritu Sancto inhabitante*, quæ pertinet ad donum, licet valde probabiliter id suspicentur.

*n. 358

*n. 43 sq.
*n. 417, 974,
1171

652 XXXV. — **Ad secundam* confirmationem,** *n. 640 sq. respondetur quod D. Thomas (*IIa-IIæ, q. 9, a. 1 ad 1*)

¹ Cf. Joan. a Sto Thoma, *Curs. Theol.*, In Iam, q. 1, disp. 2, a. 8, n. 10.

² Cf. Iam-IIæ, q. 112, a. 5.—Joan. a Sto Thoma, *Curs. Theol.*, In Iam-IIæ, q. 112, disp. 25, a. 3.

significat donum scientiæ non esse discursivum (et eadem ratio est doni sapientiæ), eo quod est quædam participatio divinæ scientiæ: “Divina, inquit, scientia non est discursiva vel ratiocinativa, sed simplex et absoluta. Cui similis* est scientia quæ ponitur donum Spiritus Sancti, cum sit quædam participata similitudo ipsius”.

*n. 656

653 Et sic admisso quod scientiæ et sapientiæ donum non sit discursivum, manet differentia inter sapientiam et intellectum quod intellectus non* est donum discursivum tam ex parte rei cognitæ quam ex parte modi cognoscendi seu ex parte cognoscentis, quia procedit circa ipsa principia penetrando et apprehendendo illa ex cognitione terminorum, et sic ipsæ res cognitæ non sunt discursibiles; ex modo etiam cognoscendi non procedit modo resolutivo, sed simplici judicio apprehendit veritatem.

*n. 322 sq.

654 At vero scientia et sapientia procedunt* modo resolutivo*, saltem ex parte rei cognitæ¹, quia procedunt per causas, vel supremas, vel inferiores, et reddendo rationem veritatis quam sciunt; licet ex parte cognoscentis² sine discursu procedant, sicut angeli³ etiam habent scientiam resolutivam quatenus ex parte objecti cognoscunt rem per suas causas, licet ex parte cognoscentis non pluribus actibus forment discursum, sed unico actu causam et effectum cognoscant.

*n. 320

*n. 642

655 XXXVI. — **An vero ita fit** quod donum scientiæ et sapientiæ ita careant discursu quod neque secundum

¹ Est discursus, ut aiunt, eminentialis.

² Est discursus formalis.

³ Cf. Joan. a Sto Thoma, *Curs. Theol.*, In Iam-IIæ, q. 6, disp. 3, a. 2, n. 5.

se et ex sua ratione formali, neque ex imperfectione subjecti in hac vita saltem discursiva non sint, *non omnino constat*, nec absurdum videri potest quod ista dona de se non sint discursiva, possint tamen permittere discursum saltem* ex imperfectione¹ nostra in hac vita, cui se accommodant* ista dona.

*n. 760, 762
*n. 642

656 Certe D. Thomas² solum dicit quod donum scientiæ est simile* scientiæ divinæ in hoc quod sit simplex et non discursivum: quod sufficienter intelligitur si non sit discursivum quantum est de se et ex sua formali ratione, licet ratione imperfectionis subjecti id permittat, quia de scientia infusa animæ Christi idem dicit (IIIa, q. 11, a. 3), scilicet quod possit illa uti cum discursu et sine discursu, et Christus Dominus aliquando usus est illa cum discursu, ut cum a Petro quæsivit a quibus reges terræ tributa exigenter, a filiis, an ab alienis. Et respondentे Petro quod ab alienis, intulit³ per discursum: *Ergo liberi sunt filii*. Constat autem quod scientia infusa etiam est participatio divinæ scientiæ, quæ discursiva non est, et sub scientia infusa comprehenditur* etiam donum sapientiæ, quia ad omnia se extendit scientia infusa quæ cognoscuntur extra* Verbum.

*n. 652

*n. 509
*n. 508 sq.

657 Quare non videtur inconveniens quod ad utrumque se extendat donum sapientiæ et scientiæ, scilicet quod ex sua formali ratione elevare possit mentem ad intelligendum sine discursu formali et ex parte cognoscentis, per accidens tamen ex dispositione subjecti imperfecte* participantis illud lumen potest uti modo discursivo.

*n. 655, 760,
762

¹ Cf. IIam-IIæ, q. 180, a. 6 ad 2 et 3.

² Cf. IIam-IIæ, q. 9, a. 1 ad 1.

³ Mat. 17, 25.

* * *

658 XXXVII. — Multum in hac parte* laborat Suarez ^{*n. 553, 562} (*De Gratia*, Lib. II, cap. 18, n. 5 sq.)¹.

659 Et ponit duplē modū dicendi: *alterum*, quod sapientia versetur circa conclusiones* deductas ex principiis fidei, ita quod fides tradat ipsa principia, sapientia vero circa conclusiones versetur; *alterum*, quod sapientia versetur circa ipsa dogmata* fidei circa quæ versatur fides, et maxime circa illa quæ ad ipsum Deum pertinent, et ita in hoc parificetur fidei. ^{*n. 681} ^{*n. 672}

○

660 XXXVIII. — In utroque modo invenit Suarez difficultates.

661 *In primo**, quia sic non differret sapientia a theologia, nisi forte quia donum sapientiæ est infusum, theologia est acquisita, quæ est accidentalis differentia et ex parte causæ extrinsecæ*, non in ipsa substantia et specie ^{*n. 673 sq.} ^{*n. 674} sapientiæ.

662 *In secundo*, quia sic non differret a fide quæ etiam assentitur veritatibus divinis credendo et obscure; sapientiæ autem donum in nobis non assentitur clare, nec enim talem evidentiam experimur. Differentia autem illa quam Cajetanus invenit² inter assentiri et judicare rejicitur a Suarez³ ut impossibilis, sicut supra* ^{*n. 601 sq.} ponderavimus.

¹ *Opera Omnia*, VII (Vivès), p. 676-679.

² Cf. In IIam-IIæ, q. 45, a. 1.

³ *De Gratia*, Lib. II, cap. 18, n. 12-15, *Opera Omnia*, VII (Vivès), p. 678-679.

663 XXXIX. — Quare ipse sentit¹ sapientiam et fidem convenire in ratione assensus et judicii, sed differre quod fides simpliciter judicat esse verum quod revelatum est, et ideo quia revelatum est. Sapientia vero non judicat de ipsa re revelata an vera vel falsa sit, sed de ipsis rebus divinis judicat quatenus convenientiam* habent ut amentur et credantur.

664 **Et objiciens** quod etiam fides judicat² res fidei esse dignas creditu et mysteria supernaturalia convenientia esse, *respondebat* directe hoc non facere fidem, sed tantum credere illis rebus quia dictæ sunt a Deo. Sed sapientia judicat intuendo in illis rebus, vel in earum effectibus rationes convenientiae vel amabilitatis et aliarum proprietatum. Et hoc judicium est secundum quamdam connaturalitatem ad amorem quem hoc donum supponit, et quasi experimentum capit de rebus illis, quia amor facit magis attendere* et considerare ea quæ amat et facilius illi placent.

665 Et sic tandem distinguit actum sapientiae ab actu fidei, quia sapientia non est credulitas veritatis, sed supponit illam, et consistit veluti in quadam experimental scientia veritatis creditæ.

★ ★

666 **XL. — DICENDUM NIHIL OMNIS EST DONUM SAPIENTIAE JUDICARE DE OMNIBUS DE QIBUS EST FIDES.**

667 Nam *Spiritualis omnia judicat*, ut dicit Apostolus (*I Cor. 2, 15*), quod de sapientiae dono (per quod homo

¹ *De Gratia*, Lib. II, cap. 18, n. 16, *Opera Omnia*, VII (Vivès), p. 679.

² Cf. Joan. a Sto Thoma, *Curs. Theol.*, In IIam-IIæ, *De Fide*, disp. 2, a. 3, n. 15-16.

*n. 677 sq.,
708 sq.

*n. 578 sq.

maxime a Spiritu movetur et spiritualis* fit) intelligit *n. 24 sq.
S. Thomas (IIa-IIæ, q. 45, a. 1; In III Sent., dist. 35, q. 2, a. 1, q1a 1).

668 Unde ipse D. Thomas sentit quod de eisdem veritatis agit sapientia de quibus fides, in locis citatis*, et quasi attingit explicitam contemplationem articulorum quos fides involuto* modo tangit. Unde concludit (In III Sent., dist. 35, q. 2, a. 1, q1a 2) quod hoc donum est “Principaliter* de divinis, et in quantum per ea de omnibus aliis judicare potest”. Et (IIa-IIæ, q. 45, a. 3) dicit quod sapientia se extendit ad divina et humana, et sic est speculativa et practica.

669 Ergo secundum D. Thomam sapientiae donum judicat de omnibus tam divinis quam humanis seu creatis*, licet principaliter de divinis, et sic ad omnia se extendit ad quæ fides et theologia.

*n. 570

◎

670 **XLI. — Ratio hujus sumitur, tum ex formaliatione hujus doni, tum ex proportione et similitudine ad sapientiam quæ est virtus.**

671 *Nam formalis* ratio* qua sapientia procedit et judicat de veritatibus est ex causa suprema et altissima quæ est Deus, quatenus cognoscitur ex quadam experimental et affectiva unione* et interiori gusto: Deus autem sic cognitus est ratio* cognoscendi res ipsas divinas et mysteria, atque ipsas res creatas* quarum Deus est causa, et de quibus fides ipsa docet et causat amorem seu affectum charitatis non solum unientem nos Deo sed et creaturem diligentem propter Deum, nec potest

*n. 563 sq.

*n. 533, 575

*n. 584

*n. 626, 720,
769

judicare de Deo in hac vita nisi per viam remotionis*, scilicet removendo a Deo quidquid imperfectionis creatæ est et cum connotatione et respectu ad creaturem, atque adeo cum discretione* et judicio inter Deum et creaturem. Ergo oportet quod donum sapientiæ non solum attingat et judicet de divinis, sed etiam de creatis* secundum quod ad illa se extendit ipsa ratio divinorum.

*n. 309, 624,
721

*n. 624, 726

*n. 626

672 *Ex ipsa autem proportione** cum sapientia quæ est virtus idem probatur, quia sapientia quæ est virtus deducit conclusiones ex causis supremis et reflectit ad judicandum de principiis defendendo illa; ergo similiter donum sapientiæ, quod pro principiis* habet veritates fidei, non solum debet circa conclusiones versari et circa veritates creatas, sed etiam principia ipsa fidei defendere debet et super ea reflectere, et sic judicare debet de dogmatibus* fidei.

*n. 670

*n. 569

*n. 659, 696

◎

673 XLII. — **Nec sequitur*** ex hoc quod donum sapientiæ non distinguatur a theologia acquisita in substantia et specie sua, ut inferebat¹ Suarez contra illum primum* modum dicendi, sed solum in modo acquirendi, quia theologia nostra humano studio acquiritur, donum autem sapientiæ est ex instinctu Spiritus Sancti.

*n. 661

*n. 659, 661

674 **Nam contra est**, quia donum sapientiæ non est theologia per accidens infusa et ejusdem speciei cum theologia quam sudore et studio scholarum addiscimus, sed est mystica* et affectiva sapientia, quæ interna

*n. 178, 179

¹ Cf. *De Gratia*, Lib. II, cap. 18, n. 5–10, *Opera Omnia*, VII (Vives), p. 676–678.

experientia et gustu divinorum de divinis judicat. Distinguit autem S. Thomas (IIa-IIæ, q. 45, a. 2) sapientiam quæ est virtus intellectualis (sicut est theologia) a sapientia quæ est donum, non ratione causæ efficientis extrinsecæ*, quia una sit ex infusione, alia ex inquisitione nostra et studio: hoc enim non distinguit specie istos habitus, ita quod unus sit virtus, aliis sit donum, sed habebunt se sicut virtus acquisita aut eadem per accidens infusa.

*n. 661

675 Distinctio ergo inter theogiam nostram et donum sapientiæ est quod theologia respicit veritates ut virtualiter revelatas, et ex principiis fidei modo metaphysico* et quidditativo cognitas et deductas. Unde frequenter utitur præmissis naturalibus* et metaphysica, solumque nititur apprehendere et judicare veritates juxta quidditatem* et naturam suam, ideoque indifferenter potest inveniri in justo et in peccatore.

*n. 414, 418

*n. 227

*n. 524, 734

676 At vero donum sapientiæ non respicit virtualiter revelatum aut quidditative cognitum ex discursu metaphysico, sed experimentaliter cognitum in affectu* et juxta experientiam et gustum internum cognoscibile et judicabile. Unde dicitur ista scientia *scientia sanctorum*¹, quia non est nisi in eo qui accipit a Deo, et sapientia ista non* est in malevola anima². Et sic non³ solum est infusa* sicut aliæ virtutes per se infusæ ratione objecti supernaturalis de quo tractat, sed etiam ratione experimentalis affectus* supernaturalis in quo fundatur, et motionis seu instinctus Spiritus Sancti

*n. 584

*n. 643

*n. 95, 1114

*n. 533

¹ *Prov.* 9, 10.

² *Sap.* 1, 4.

³ Cf. Joan. a Sto Thoma, *Curs. Theol.*, In Iam, q. 1, disp. 2, a. 8, n. 10–11; In IIam-IIæ, *De Spe*, disp. 6, a. 1, n. 6.

quo ducitur ex* ista interiori unione et experientia ad *n. 518
judicandum de divinis.

○

- 677 XLIII. — Nec est verum quod dicit* Suarez *n. 663
donum sapientiae solum judicare de ipsis veritatibus
divinis quoad convenientiam*, scilicet quod conve- *n. 663, 710
nienter sint dignae credi et amari.

- 678 Habet quidem hoc attingere sapientia, sed magis
videtur hoc ad judicium practicum pertinere quo res
divinæ judicantur dignæ ut amentur. Hoc enim prac-
ticum est, quia est motivum affectus, unde et pia
affectio quæ antecedit fidem regulatur¹ a tali cogni-
tione* qua res judicantur dignæ ut amentur. *n. 555

- 679 Sapientia autem etiam contemplativa* est, et *n. 161
maxime, utpote cum dicat Apostolus (II Cor. 3, 18):
*Nos autem omnes revelata facie gloriam Domini specu-
lantes, in eamdem imaginem transformamur a claritate
in claritatem, tamquam a Domini Spiritu.* Per trans-
formationem et unionem animæ ad Deum et experien-
tiā divinorum agitur a Spiritu Domini de claritate in
claritatem et ipsam gloriam speculator, cum non* *n. 629
cognoscens litteraturam (hoc est studium humanæ sa-
pientiae) intrat in potentias Domini et memoratur
justitiae Dei solius². An hoc est cognoscere solum
quod res divinæ sunt dignæ* credi et amari, et non *n. 663
potius intrare in ipsas veritates* divinas, et adipē³ fru- *n. 681
menti pasci ac saginari?

¹ Cf. Joan. a Sto Thoma, *Curs. Theol.*, In IIam-IIa, *De Fide*, disp. 3, a. 2,
n. 13-15.

² Cf. Ps. 70, 15-16.

³ Cf. Ps. 147, 14; Ps. 80, 17; Deut. 32, 13-14.

- 680 Et dicebat Dominus (*Joan. 7, 17*) Judæis: *Qui
fecerit voluntatem ejus qui misit me, cognoscet de doctrina
utrum ex Deo sit.* Ex ipsa ergo charitate divina im-
plente Dei voluntatem cognoscitur et probatur doctrinam esse divinam et veram, non solum credi et amari
dignam*, sed vere ex Deo esse. Nec enim experientia *n. 663
divinorum est solum de amabilitate et credibilitate,
sed de hoc quod in se sit divina.

★ ★

- 681 XLIV. — **Objicies***: Sapientia judicat de verita- *n. 685 sq.
tibus ut deductis ex aliquibus principiis; ergo non habet
pro objecto ipsas veritates* divinas in se, quia istæ se *n. 679, 696
habent ut principia fidei; ergo solum versatur circa
virtualiter* revelata, sicut nostra theologia, aut non *n. 659
omnes veritates divinæ se habent ut objectum illius.

- 682 **Antecedens est certum**, quia judicium sapientiae *n. 320
non* est simplex, sed resolutivum et per causas, easque *n. 572
supremas*; ergo ex aliquibus principiis procedit.

- 683 **Consequentia patet**, quia causæ supremæ ex quibus
judicat sapientia sunt res divinæ; ergo non judicat de
illis, nec habet illas pro objecto, sed pro causis et princi-
piis.

- 684 XLV. — **Confirmatur***, quia sapientiae donum *n. 694 sq.
manet in patria, et ibi non potest judicare de rebus
divinis, aut eas defendere et super eas reflectere, quia
res divinæ cognoscuntur ibi visione beatifica super
quam non potest reflectere* donum sapientiae, nec de ea *n. 696
judicare aut defendere quæ ibi clare videntur, cum
visio beata sit super omnia; ergo saltem in patria non
versatur donum sapientiae circa res divinas.

◎

685 XLVI. — **Respondeatur*** hoc argumentum etiam *n. 681 et
versari circa sapientiam quæ est virtus, et circa ipsam
351 theologiam acquisitam.

686 Nam sapientia ita¹ procedit ex principiis quod
etiam super ipsa principia reflectit, non quidem pro-
bando illa, sed explicando et defendendo ab argumentis
contrariis.

687 Et ipsa theologia versatur circa divina, et ex qui-
busdam veritatibus alias probat etiam de ipso Deo,
alias explicat et defendit. Nam mysterium Trinitatis,
Incarnationis, Eucharistiae et similium quæ se habent
ut prima principia, non probat sapientia, sed explicat et
defendit contra errores. Aliqua vero attributa divina
et rationes circa illa etiam probat*, ut cum ostendit
æternitatem ex immutabilitate, scientiam ex imma-
terialitate, voluntatem ex intellectu, et similia.

*n. 688 sq.

688 XLVII. — **Neque huic obstat** quod omnes illæ ve-
ritates et attributa, cum divina sint, pertinent ad ob-
jectum primarium fidei, sicut et ad primarium objectum
visionis, et sic non videtur posse de illis fieri proba-
tiones* per sapientiam, quia primarium objectum alicu-
jus scientiæ probari non potest.

*n. 687

689 Sed respondetur non² repugnare quod multa quæ
immediate sunt de fide possint etiam probari aut expli-

¹ Cf. Joan. a Sto Thoma, *Curs. Theol.*, In Iam-IIæ, q. 64, disp. 17, a. 3,
n. 30-33.

² Cf. Joan. a Sto Thoma, *Curs. Theol.*, In Iam-IIæ, q. 57, disp. 16, a. 3,
Quæritur secundo, n. 3-7; In IIam-IIæ, *De Auct. Sum. Pont.*, disp. 1,
a. 1, n. 25.

cari per aliquam consequentiam ex aliis veritatibus et
principiis fidei, sicut probavit Apostolus (*I Cor.* 15, 12)
resurrectionem nostram ex resurrectione Christi, et
tamen utrumque immediate est de fide.

690 In ipso etiam objecto primario quod est Deus non
repugnat unam veritatem divinam probari ex alia, licet
utraque sit immediate de fide, sicut ex eo quod Deus
est unus probatur quod Filius debeat esse consub-
stantialis et ejusdem naturæ cum Patre ne sit divisio
in natura, et ex eo quod sit infinitus quod sit omnipo-
tent, et quia est sciens quod est volens, eo quod licet
omnia ista sint de primario objecto fidei quod est Deus
(illud enim est primarium in fide quo primario et im-
mediate fruendum est in visione beata), tamen sunt
veritates seu rationes inter se connexæ, et sic una potest
alteram inferre vel etiam explicare, sicut ex uno mira-
culo et mysterio explicamus aliud, ut nativitatem¹
Christi illæsa matris integritate quia clauso lapide
exivit de sepulchro.

691 Et hoc modo non repugnat intra idem objectum
primarium concurrere plures veritates et rationes
quarum una inferat alteram, aut saltem explicit et ma-
nifestet.

692 Qua ratione etiam unum principium probat alterum,
non quidem probatione a priori et per medium intrin-
secum, quia principia sunt propositiones per se notæ et
vacantes medio, ut dicitur (*Post. An.*, I, 2)², sed per
medium extrinsecum et per modum explicationis ex
alio simili principio vel exemplo, aut etiam quando in

¹ Cf. S. Gregorium, *In Evang.*, Lib. II, hom. XXVI, 1, PL 76, 1197.

² Aristoteles, *Post. An.*, I, 2 (72 a 8).

eadem natura et essentia plures inadæquatæ rationes concurrunt inter se connexæ et una infert aliam, licet utraque ad eamdem essentiam integrandam pertineat et ad rationem definitionis et principii, sicut si inferatur animam esse spiritualem et immortalem, quia est rationalis.

693 Sic ergo sapientia reflectit supra sua principia non quidem ea probando ex mediis aut principiis intrinsecis, sicut probantur conclusiones, sed explicando ex aliis principiis tamquam ex mediis extrinsecis aut similibus, vel ex una ratione inadæquata ejusdem naturæ aliam inferendo.

694 XLVIII. — Ad confirmationem*, respondetur *n. 684
quod in patria Deus et res divinæ non solum cognoscuntur in* Verbo per cognitionem matutinam¹, sed *n. 508
etiam per effectus et illuminationes extra Verbum, per cognitionem vespertinam.

695 Nec enim amittunt beati cognitionem rerum in proprio genere et illustrations de divinis mysteriis, sicut modo superiores angeli inferiores illuminant et docent, nec tamen in visione beatifica illuminant, quia in hac visione crescere non possunt² nec magis illuminari, cum sit æterna et immutabilis visio. Illuminantur ergo de divinis mysteriis extra* Verbum in proprio genere.

696 Et sic habet locum sapientiæ donum ut judicare possit de divinis* extra visionem per effectus, et reflectere super ea ac defendere ex connaturalitate et unione

¹ Cf. Iam, q. 58, a. 6 et 7; De Ver., q. 8, a. 16 et 17.

² Cf. Jer. 31, 34.—Iam, q. 106, a. 1 ad 1.

ad ipsas, sicut in via, sine hoc quod judicet aut defendat vel reflectat* super visionem beatam.

*n. 684

• • •

QUID DE DISTINCTIONE DONI SCIENTIÆ AB ALIIS VIRTUTIBUS ET DONIS?

697 XLIX. — Ex his quæ de dono intellectus et sapientiæ hucusque disputavimus, fere omnia quæ de dono scientiæ tractari possunt colliguntur, nempe quid sit donum scientiæ ejusque ratio formalis; secundo*, quomodo a reliquis donis distinguatur†, et quis sit proprius ejus actus; tertio*, ad quæ objecta se extendat.

*n. 726 sq.
fn. 550
*n. 735 sq.

* * *

698 L. — CIRCA PRIMUM, donum scientiæ (sicut et alia dona) debet considerari ex proportione et similitudine* ad scientiam quæ est virtus. Hæc autem est habitus judicativus evidenter veritatum scibilium per causas vel effectus (ut comprehendamus scientiam propter quid et quia, a priori et a posteriori), ita tamen quod quando fit hoc judicium per causas inferiores et creatas est scientia, quando per supremas, est summa* scientia, quæ sapientia dicitur, juxta quod etiam Augustinus dicit (*De Trin.*, Lib. XIII, cap. 19)¹: “Sapientia divinis et æternis, scientia humanis et temporalibus attributa est rebus”.

*n. 554, 571,
734

*n. 572

699 Quod non tam de ipsa materia et de re intellecta quam de ipsa formali ratione intelligendi accipiendum

¹ PL 42, 1033.

est, ut S. Thomas advertit (IIa-IIæ, q. 9, a. 2 ad 3). Nam loquendo de rebus ipsis, non repugnat quod etiam sapientia ad res inferiores^{*} descendat ex ipsis causis supremis, nec quod scientia etiam ex effectibus aut causis inferioribus usque ad Deum^{*} ascendat, ut facit Physica.

700 LI. — Hinc sumitur distinctio scientiæ quæ est donum a sapientia.

701 Nam, ut inquit Augustinus (*De Trin.*, Lib. XIV, cap. 1)¹: "Secundum distinctionem qua dixit Apostolus (*I Cor.* 12, 8): *Alii datur sermo sapientiæ, alii sermo scientiæ*; ista definitio dividenda est, ut rerum divinarum scientia proprie sapientia nuncupetur, humana- rum autem proprie scientiæ nomen obtineat".

702 Sicut ergo sapientia virtus et scientia virtus distinguntur² ex diversa ratione formalí, quia una procedit ex causis proximis et inferioribus, alia ex supremis ad cognoscendas veritates, ita eodem modo donum sapientiæ et scientiæ distinguere debemus, supponendo quod utrumque judicativum est et procedit modo scientifico et resolutivo*.

★ ★

703 LII. — Sed tamen **specialis difficultas*** est circa donum scientiæ, quomodo cognoscat istas causas creatas et inferiores ex quibus procedit ad judicandum de suis veritatibus.

¹ PL 42, 1037.

² Cf. In III *Sent.*, dist. 35, q. 2, a. 3, q1a 1.

*n. 736, 739

*n. 737

*n. 320

*n. 711 sq.,
718 sq.

704 Nam supernaturaliter eas cognoscere certum est, cum sit donum Spiritus Sancti ex ejus supernaturali motione et instinctu procedens, ratione cuius elevatur supra virtutes etiam infusas et peculiari* modo dicitur donum Spiritus Sancti; supernaturale autem lumen quo istæ causæ cognoscuntur, **vel** est sola fides qua creduntur, **vel** experientia aliqua ex interno affectu, sicut sapientia experitur et ex rebus divinis sic per experimentum gustatis et attactis procedit, **vel** est aliquod speciale lumen infusum quo veritates ipsæ cognoscuntur, sicut scientia infusa in Christo.

*n. 53, 140,
223

705 Hoc **tertium** bene constat non infundi nobis, nec ejus experientiam et notitiam habemus.

706 **Primum*** non sufficit, quia sic scientia solum tenderet ad veritates ut virtualiter revelatas et contentas in rebus fidei et ex eis deducibiles per processum scientificum. Et sic non differret a theologia nostra quæ respicit veritates virtualiter revelatas et deducibles ex fide, solumque esset differentia quod scientia quæ est donum haberetur per infusionem, theologia vero acquisita per studium. Revera tamen quicumque existens in gratia esset theologus, quia haberet scientiam theologiæ, cum haberet donum scientiæ eodem modo cognoscens sicut theologia.

*n. 704

707 **Secundum*** vero non datur, quia licet anima per affectum et unionem ad Deum patiatur divina et sensitiat internum gustum et experientiam divinorum quod conductit ad sapientiam quæ est donum, non* tamen habet experientiam et unionem supernaturalem ad res creatas et causas inferiores ex quibus procedit donum scientiæ, sicut sapientia ex divinis. Nam gustus iste

*n. 704

*n. 718,
720 sq.

et experientia rerum creatarum et humanarum sine supernaturalitate haberi potest (imo non appareat quomodo supernaturaliter fiat), et tamen non causat donum scientiæ; ergo ille affectus et experientia de causis creatis, ex quibus procedit donum scientiæ, supernaturalitatem non requirit.

- 708 LIII. — In hac re Suarez (*De Gratia*, Lib. II, cap. 18, n. 16)¹, conformiter ad ea quæ tradidit^{*} de dono sapientiæ, existimat etiam donum scientiæ non^{*} judicare de rebus revelatis per fidem an ita sint vel non sint, sed judicare de convenientia rei revelatae, *vel* respectu Dei, *vel* respectu nostri, *vel* respectu ipsius fidei quatenus judicatur digna fide, *vel* respectu amoris quatenus amabilis reputatur.

- 709 **Cæterum in hoc non appareat** quam differentiam ponat Suarez inter sapientiæ et scientiæ donum, quia hoc est ipsum quod dicit de sapientia², scilicet quod non judicat de veritate revelata per fidem an sit vera vel falsa, sed de rebus ipsis divinis (quæ utique sunt veritates revelatae), quatenus convenientiam habent et dignæ sunt ut credantur vel amentur. — Quæ ergo differentia est inter sapientiam et scientiam in judicando, non de ipsa re revelata, sed de ejus convenientia, *vel* respectu Dei, *vel* respectu nostri, quatenus judicatur digna fide, *vel* quatenus amabilis a nobis reputatur?

- 710 **Nisi forte dicat** quod sapientia judicat res divinas esse dignas credi et amari per causas superiores et divi-

¹ *Opera Omnia*, VII (Vivès), p. 679.

² Cf. *De Gratia*, Lib. II, cap. 18, n. 16–19, *Opera Omnia*, VII (Vivès), p. 679–680.

nas, scientia autem judicat hoc ipsum per causas inferiores et creatas. Et hoc quidem verum est, *sed non evacuat difficultatem*, quia restat explicare quomodo cognoscantur et uniantur nobis supernaturaliter res creatæ ut per illas judicare possimus. Et rursus cur tali modo non^{*} poterit ad ipsas metas veritates penetrare, et non solum ad illam extrinsecam convenientiam, ut supra^{*} de sapientiæ dono ponderavimus.

*n. 708

*n. 677 sq.

- 711 LIV. — D. Thomas (IIa-IIæ, q. 9, a. 2 ad 1) difficultatem^{*} istam resolvens, inquit quod “Licet ea de quibus est fides sint res divinæ et æternæ, tamen ipsa fides est quoddam temporale in animo credentis. Et ideo scire quid credendum sit pertinet ad donum scientiæ. Scire autem ipsas res creditas secundum se ipsas per quamdam unionem ad ipsas pertinet ad donum sapientiæ”.

*n. 703

- 712 Respondens vero D. Thomas eidemmet difficultati^{*} et argumento quod in loco citato ex *Secunda Secundæ*¹ proposuerat (scilicet quod secundum Augustinum per scientiam “Fides saluberrima. . . gignitur, nutritur, defenditur”²; fides autem est de rebus divinis; ergo et scientia), inquit³ D. Thomas quod “Etiam ex humanis cognitionis divinorum et nutritur et defenditur, quia (*Rom. 1, 20*) *invisibilia Dei per ea quæ facta sunt, intellecta, conspiciuntur*”.

*n. 703

- 713 Unde in hac solutione ultima videtur D. Thomas magis^{*} ampliare cognitionem doni scientiæ, scilicet ad

*n. 716

¹ Cf. IIam-IIæ, q. 9, a. 2, obj. 1.

² Cf. *De Trin.*, Lib. XIV, cap. 1, PL 42, 1037.

³ In III Sent., dist. 35, q. 2, a. 3, q1a 1 ad 1.

omnem cognitionem ex humanis et ex his quæ facta sunt ad invisibilia Dei; cum tamen in prima solutione (IIa-IIæ, q. 9, a. 2 ad 1) videatur restringere istam cognitionem ad illud creatum quod est fides secundum quod ponitur in subjecto seu animo credentis, non ad id quod ex parte objecti fides attingit.

- 714 Hoc autem est nimis* restringere objectum ipsum scientiæ et reducere illam ad quemdam actum reflexum, scilicet ad cognitionem ipsius fidei quæ est quoddam temporale* in animo credentis. *n. 716, 740
*n. 622, 717

- 715 LV. — Non est autem verisimile ad hoc tantum restringi cognitionem scientiæ.

- 716 *Tum quia* (IIa-IIæ, q. 9, a. 2) D. Thomas dixerat quod “Donum scientiæ est circa res humanas, vel circa res creatas”, quod majorem* amplitudinem significat; et docet (IIa-IIæ, q. 9, a. 4 ad 1) quod “Dono scientiæ respondet quidem primo luctus de præteritis erratis; et consequenter consolatio, dum homo per rectum judicium scientiæ creaturem ordinat in bonum divinum”. Quod utique plus* dicit quam solum cognoscere ipsam fidem prout quoddam temporale* est in animo credentis. *n. 713 sq.
*n. 714
*n. 711

- 717 *Tum etiam quia* ad cognoscendam ipsam fidem prout exercetur in animo credentis non oportet esse in gratia et charitate, cum etiam in peccatore exerceatur. Donum autem scientiæ solum est in habentibus gratiam. Non ergo restringitur donum scientiæ ad cognoscendum solum ipsam fidem prout est quoddam temporale in anima credentis, sed ad quacumque rem creatam quæ potest cognosci per fidem. Licet exemplum illud de cognitione fidei, prout est quoddam temporale* in *n. 714

animo audientis, posuerit S. Thomas, ut ex ipsis verbis argumenti contrarii ei responderet¹, ostendens quod etsi per scientiam fides saluberrima gignitur, adhuc ibi datur locus ut ex causis creatis seu humanis procedatur, quia ipsam fides et ipsum credere aliquid temporale est et circa ipsum etiam scientia procedit.



- 718 LVI. — **Quare ad difficultatem* propositam,** *n. 703 sq.
respondeatur ex supradictis quod scientiæ donum etiam* *n. 707 pertinet ad scientiam mysticam et affectivam, nec enim in Scriptura nominatur scientia quomodo cumque, sed *spiritus** *scientiæ*², et *scientia sanctorum*³, quia solum est in habentibus gratiam. *n. 51,
56 sqq., 179

- 719 Et sic fundari debet in aliqua motione Spiritus Sancti quæ movet mentem non* puro et nudo lumine manifestante veritatem prout est extra, sed* prout interna experientia et quasi connaturalitate affectiva et supernaturali fertur et attingit res de quibus judicat. *n. 598
*n. 763

- 720 LVII. — **Et cum fit instantia*** quomodo de rebus humanis habetur experientia et gustus aliquis internus supernaturalis, *respondeatur* quod, ut supra* diximus, charitas qua affectus noster unitur Deo primario fertur in Deum et res divinas, et secundario in creatas propter Deum. Unde affectus ille connaturalizatur atque unitur Deo et experimentalem gustum de Deo *n. 707
*n. 626, 671,
722, 727

¹ Cf. IIam-IIæ, q. 9, a. 2 ad 1.

² Cf. Is. 11, 2.

³ Cf. Prov. 30, 3; Sap. 10, 10.

habet, sed simul etiam* habet gustum et experientiam de creaturis, formatque judicium rectum de illis, *tum ad contemnendum, ne ab illis inordinate¹ ducatur, tum ad diligendum moderate** ordinando illas in Deum.

*n. 727, 770

*n. 732

721 Et sic ille qui dicebat (*II Cor. 13, 3*): *An experientum quæritis ejus, qui in me loquitur Christus?* etiam dicebat (*Philip. 3, 8*): *Omnia detrimentum feci, et arbitror ut stercora, ut Christum lucrifaciam*, quia videlicet ad habendam perfectam unionem cum Deo et experientiam de illius immensa bonitate valde conductit denu-datio a creaturis et cognitio de illarum paupertate* et limitatione et amaritudine: et sic consideratio illarum etiam juvare solet ad inhærendum firmius Deo, quia a nobis per viam remotionis* creaturarum cognoscitur.

*n. 727

*n. 309, 671,
734

722 Bene enim judicium de creaturis habebat Apostolus, qui dicebat (*Rom. 8, 38–39*): *Certus sum quod neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare a charitate Dei, quæ est in Christo Jesu Domino nostro.* Ubi satis ostendit quale judicium feratur de creaturis ex charitate* ipsa Dei, ne propter illarum commoditatem aut timorem² separari quis debeat a charitate Dei.

*n. 720

723 Hanc ergo experientiam et gustum atque sensum de creaturis ut sic illas gustomus quod propter illas non³ hæreamus eis sed transeamus ad Deum, nec de illis finem nobis ultimum faciamus, solum habet ille

¹ Cf. *Sap. 14, 11.*² Cf. Aristotelem, *Rhet.*, II, V²¹ (1383 b 5).³ Cf. *Sap. 14, 11.*

qui rectam* æstimationem et judicium habet de ultimo fine, et potest comparationem* et collationem faciendo inter Deum et creaturas scire et videre quam malum et amarum est reliquise¹ Dominum Deum suum.

*n. 359

*n. 624, 671,
739

724 Hoc enim proprie pertinet ad donum scientiæ, dum dicitur (*Jer. 2, 19*): *Scito (id est, per scientiam), et vide quia malum... est dereliquisse te Dominum Deum tuum;* — et rursus alias propheta dicit (*Ps. 118, 85*): *Narraverunt mihi iniqui fabulationes: sed non sicut lex tua;* — et dicit (*Os. 2, 7*) anima quæ ad Deum convertitur: *Revertar ad virum meum priorem: quia bene mihi erat tunc magis quam nunc;* — et iterum (*Jer. 3, 22–23*): *Ecce nos venimus ad te: tu enim es Dominus Deus noster. Vere mendaces erant colles, et multitudo montium: vere in Domino Deo salus Israel.*

725 Hæc est cognitio creaturarum per donum scientiæ transire nos faciens ad Deum.

* * *

726 LVIII. — EX QUIBUS OMNIBUS DEDUCITUR* dari ex motione Spiritus Sancti et affectu ordinato circa Deum et creaturas judicium discretivum* inter illum et istas quantum ad rectam æstimationem de creaturis, ne fiant *In odium et muscipulam pedibus insipientium*².

*n. 697

*n. 624, 671

727 Et hoc recte judicare de creaturis scientiæ sanctorum³ est, et fundatur in illo spirituali gustu et affectu

¹ Cf. *Jer. 2, 19.*² *Sap. 14, 11.*³ Cf. *Sap. 10, 10.*

charitatis qui non* sistit solum in Deo, sed etiam ad *n. 720
 creaturas transit propter Deum et ordinat ad Deum,
 et sic format judicium de ipsis secundum earum pro-
 prietas*, quod pertinet ad causas inferiores et creatas,
 sive distinguitur **a sapientia**, quæ procedit* ex ipsa
 causa suprema et altissima, cui primo et per se unitur
 per charitatem*.

* *

728 LIX. — Et ex his etiam dignoscitur distinctio
 doni scientiæ a fide, a consilio, a scientia acquisita.

729 Nam **a fide** distinguitur eo modo quo diximus* *n. 597 sq.
 de sapientia.

730 *Tum a posteriori**, quia donum scientiæ, sicut et *n. 597
 sapientiæ, manere potest sine fide in patria, et fides
 sine dono scientiæ in peccatore.

731 *Tum a priori** et ex propriis et intrinsecis, quia *n. 598
 donum scientiæ est judicativum de veritatibus reso-
 lutive et per causas non supremas sed inferiores, fides
 autem pure* credit testimonio dicentis, non causas *n. 321, 430,
 inquirit. 604

732 *Tum denique*, quia scientia procedit ex affectu et
 unione ad Deum, non quatenus unimur ipsi Deo* in se
 et experimur ipsum, sed quatenus est ratio diligendi
 ordinata* creaturas et æstimationem rectam faciendi
 de illis.

○

733 **A consilio** vero distinguitur*, quia judicium scien- *n. 619, 632,
 tiæ non est pure practicum*, sed speculativum et reso- 781 sq.
 *n. 287-288

lutive in causas, non vero proxime et præcise direc-
 tivum de agendis, sicut prudentia et consilium.

○

734 **A scientia vero acquisita** distinguitur*, quia do- *n. 426,
 num scientiæ est supernaturale et fundatum in inter- 698 sq.
 riori experientia et gustu rerum spiritualium, et sic est
 scientia affectiva et mystica*, non studio et industria
 acquisita, neque solum quidditates* rerum nudo dis-
 cursu aut lumine indagatur, sed affectu ipso earum
 differentias* a Deo experitur. *n. 178-179
 *n. 524
 *n. 721

* * *

735 LX. — **QUANTUM AD TERTIUM***, scilicet ad *n. 697
 quæ objecta se extendat donum scientiæ, **dico** quod
 quantum ad objecta materialia circa quæ versatur fides
 versari potest donum intellectus, sapientiæ et scientiæ:
 diversificantur autem in rationibus formalibus seu
 motivis.

736 Nam **sapientia** licet principaliter* sit de divinis, *n. 668
 tamen etiam de creatis* seu humanis judicat (*Spiri- *n. 699*
*tualis*¹ enim *judicat omnia*), licet hoc faciat per altis-
 simam causam et inhærendo rebus divinis*, ut tradit *n. 732
 S. Thomas (IIa-IIæ, q. 45, a. 1).

○

737 **Scientia** etiam licet ex causis creatis procedat,
 tamen etiam per eas ad ea quæ divina* sunt potest attin- *n. 699

¹ Cf. I Cor. 2, 15.

gere, quatenus *Invisibilia Dei... per ea quæ facta sunt, intellecta conspiciuntur*¹.

738 Unde etiam D. Thomas (IIa-IIæ, q. 9, a. 2 ad 3) inquit quod "Cum homo per res creatas Deum cognoscit, magis videtur hoc pertinere ad scientiam, ad quam pertinet formaliter, quam ad sapientiam, ad quam pertinet materialiter. Et e converso, cum secundum res divinas judicamus de rebus creatis, magis hoc ad sapientiam quam ad scientiam pertinet".

739 Ergo circa divina potest procedere scientia ex causis creatis ad Deum assurgendo et comparationem faciendo inter Deum et creaturem, ut vidimus*; et circa humana potest sapientia procedere ab altissima causa quæ est Deus ad hæc inferiora* descendendo.

740 Unde etiam colligitur non* restringi donum scientiæ ad cognoscendum solum id quod temporale est in actu fidei, etiam in doctrina D. Thomæ*.

*n. 624, 671,
723

*n. 699

*n. 714

*n. 711 sq.

741 **Donum vero intellectus*** circa hæc omnia potest procedere simplici judicio ex terminis penetrando et apprehendendo quid unumquodque sit, saltem per viam remotionis, non resolutive ex causis judicando, ut disputatione præcedenti late explicavimus*.

*n. 316, 618

*n. 322 sq

¹ Rom. 1, 20.

ARTICULUS V

DE DONO CONSILII

742 I.— Certum est donum consilii correspondere* *n. 632, 807 virtuti prudentiæ, quia proprie ad prudentem pertinet consiliari.

743 Appellatur autem potius donum consilii quam donum prudentiæ, ut magis per hoc insinuetur divina motio et instinctus quo proprie movet homo per dona Spiritus Sancti, nam ut dicit S. Thomas (IIa-IIæ, q. 52, a. 2 ad 1): "Quia in donis Spiritus Sancti mens humana non se habet ut movens, sed magis ut mota... inde est quod donum correspondens prudentiæ non fuit conveniens quod præceptum diceretur vel judicium, sed consilium, per quod potest significari motio mentis consiliatæ ab alio consiliante".

★ ★

744 II.— **Difficultas ergo prima*** est in distinguendo *n. 757 sq. hoc dono a fide et a dono scientiæ atque a prudentia infusa. Videtur enim per has virtutes præstari posse quidquid per donum consilii; ergo non distinguitur ab illis, aut est superfluum hoc donum consilii.

745 *Antecedens probatur.*

746 Nam fides* est eminenter practica, quatenus se *n. 775 sq. extendit ad agibilia, siquidem fides per dilectionem

operatur¹; ergo potens est fides dirigere operationes; ergo facit officium prudentiæ, licet eminentiori modo.

- 747 Et similiter dona* sapientiæ et scientiæ etiam se extendunt ad dirigendas operationes, quia practica sunt et simul speculativa, ut docet S. Thomas (IIa-IIæ, q. 9, a. 3; q. 45, a. 3); ergo sufficenter dirigere et regulare possunt operationes nostras, etiam in his quæ excedunt regulas communes, quia etiam ipsa dona sapientiæ et scientiæ ex motione Spiritus Sancti procedunt; ergo sufficienter regulare tales actus excedentes regulas communes in dirigendo et cognoscendo.

- 748 Et dato quod præter ista dona scientiæ et sapientiæ requiratur speciale consilium, cur non sufficiet* prudentia infusa, quæ est virtus præsertim regulata a fide* et donis scientiæ et sapientiæ, ad operandum ea quæ dono consilii fieri possunt, præsertim cum prudentia infusa supernaturaliter* procedat quia infusa est, et pro extraordinariis casibus et qui communes regulas excedunt habeat adjunctam gnome², quæ est una ex virtutibus prudentiæ adjunctis, quæ dirigit actiones extraordinarias et communem regulam excedentes, et in prudentia infusa seu supernaturali dirigit ex supernaturali et speciali motione Spiritus Sancti.

- 749 Ad quid ergo necessarium est ultra hæc omnia ponere speciale donum Spiritus Sancti, quod sit donum consilii?

◎

- 750 III. — Secundo*, est difficultas circa objecta consilii, an se extendat donum consilii ad omnia agibilia,

¹ Cf. Gal. 5, 6.

² Cf. IIam-IIæ, q. 51, a. 4.

an solum ad illa quæ exercentur in voluntate per dona partis appetitivæ, scilicet per pietatem, fortitudinem et timorem, ita quod omnes operationes istorum donorum requirant speciale consilium, quod sit donum Spiritus Sancti.

- 751 Videntur enim saepius exerceri isti actus sine speciali dono et instinctu Spiritus Sancti, siquidem* ista dona sunt necessaria ad salutem et in omnibus justis reperiuntur, ut docet S. Thomas (Ia-IIæ, q. 68, a. 2 et 5), et tamen non omnes sortiuntur donum consilii a Spiritu Sancto.

*n. 791 sq.

- 752 Quin potius plures indigent* petere ab aliis consilium nec possunt a seipsis dirigi et gubernari, præsertim in arduis et extraordinariis; ergo signum est non habere in se donum consilii ex instinctu speciali Spiritus Sancti, siquidem si intus regeretur ab ipso non indigeret ab aliis consilium petere.

*n. 794 sq.

◎

- 753 IV. — Tertio*, est difficultas circa actum doni consilii, quia consilium ordinatur ad tollendam dubitationem et ambiguitatem in his quæ agenda sunt.

*n. 799 sq.

- 754 Si autem consilium hoc est donum Spiritus Sancti, vel cognoscitur esse ab ipso cum aliqua interiori certitudine, vel non.

- 755 Si non cognoscitur esse a Spiritu Sancto, manet homo æque incertus ac dubius quam cum illo instinctu et motione, oportebitque ad vincendam ambiguitatem recurrere ad regulas prudentiæ humanæ quæ est virtus,

et sic ad nihil deserviet donum consilii, quia ultima resolutio prudentialis sumenda erit a virtute prudentiae, quod est tale donum non esse superius* et perfectius virtute prudentiae, sed ei subordinari.

*n. 813

756 *Si autem certificatur quis in dono consilii de instinctu interiori Spiritus Sancti, non indigebit consulere alios in rebus extraordinariis et difficilibus ad quas præcipue dantur dona Spiritus Sancti, nec debebit in his illustrationibus spiritualibus Ecclesiam consulere ac ministros, sed poterit privato spiritu ferri, etiam in exterioribus agendis, quod est contra* universalem Ecclesiæ morem et stylum, aperitque viam hæresibus hujus temporis quæ docent posse quempiam privato spiritu in rebus spiritualibus et credendis duci.*

*n. 809

★ ★

757 V.—**Ad primum***, *respondetur* aliquos sentire *n. 744 sq.
quod donum consilii differt a prudentia virtute quia donum consilii procedit sine discursu et inquisitione rationis, sed sola illustratione et instinctu Spiritus Sancti, qua posita non indiget homo discursu ad rem illam cognoscendam; virtus autem prudentiae discursu et inquisitione nititur.

758 Et hoc inde confirmant, quia in prudentia quæ est virtus respiciuntur media quæ proportionem habent cum fine ex natura rei; unde in discernenda ista proportione, discussio necessaria est propter infirmitatem nostræ cognitionis in discernendis naturis rerum et propter contingentiam applicationis earum ad finem. Donum autem consilii non respicit medium proportionatum ex natura rei, sed ex divina potentia*, unde *n. 762

cessat collatio et comparatio atque adeo discursus ad determinandam proportionem ejus ad finem.— Ita Gregorius Martinez (In Iam-IIæ, q. 68, a. 4).

◎

759 VI.—Cæterum res hæc non est certa, nec aliquo solido nititur fundamento quod videlicet donum consilii solum detur in nobis sine discursu et inquisitione per simplicem illustrationem rationis.

760 Nec enim plus debemus attribuere dono consilii in practicis quam sapientiae et scientiae in speculativis, de quibus supra* ostendimus non procedere semper sine discursu et collatione, *tum quia* iste est modus operandi connaturalis homini in quantum rationalis est, quem dona Spiritus Sancti non solvunt sed adimplent¹ et perficiunt; *tum quia* etiam in scientia infusa Christi admittitur a D. Thoma (IIIa, q. 11, a. 3); *tum quia* non experimur in nobis communiter tale lumen quod faciat intelligere veritates sine discursu et collatione.

*n. 655, 657

761 Idem autem dicendum est de dono consilii. Licet enim aliquando detur subita aliqua illustratio et apertio dubitationis ex insperato prorumpat sine prævio discursu et inquisitione, tamen hoc etiam invenitur aliquando in prudentia virtute et in prudentia acquisita, nam etiam in naturalibus aliquando incidit quasi fortuito aliqua cogitatio bene directiva sine prævio discursu, neque hoc frequentius experimur in supernaturalibus ut propter hoc debeamus ponere speciale donum consilii solum pro illis paucis vicibus quibus istas subi-

¹ Cf. Mat. 5, 17.

taneas cogitationes et consilia sentimus. Dona autem Spiritus Sancti præsertim in parte appetitiva frequenter actus habent, et consequenter etiam in consilio quod est talium regulativum*.

*n. 130, 165,
460, 773, 786

- 762 Nec est inconveniens quod etiam in eligendis mediis (non ex natura sua sed ex divina potentia*) ordinatis ad finem indigeamus discursu et collatione, quia hoc ipsum quod est cognoscere talia media ex divina potentia ordinari, et quomodo et quantum et in qua mensura ordinentur ad talem finem magna discussione indiget, nec sine discursu (illustrato tamen et deducto a Spiritu Sancto) cognosci a nobis potest modo connaturali rationis, sicut etiam scientia infusa et donum scientiæ et sapientiæ uti possunt* discursu.

*n. 758

*n. 655, 657

* * *

- 763 VII. — **Quapropter inhærentes semper fundamento supra* posito** (quod hic agimus de non quocumque consilio, scientia aut sapientia, sed de his in genere mystico et affectivo, seu de spiritu ipso consilii ut prudentes simus eloquii* mystici¹, sicut agimus de spiritu scientiæ et sapientiæ, scilicet quæ ex spiritu et affectu oritur), **DICENDUM EST quod donum consilii dirigit ea quæ agenda sunt non ex rationibus humanis præcise, sed ex divinis non præcise cognitis a fide, aut prophetia, qualiter potest esse in peccatore, sed ex affectu* et experientia divinorum interna, ex qua docetur et inspiratur de omnibus necessariis ad salutem, etiam cum discursu et inquisitione aut consultatione* aliorum, quia totum**

*n. 178 sq.,
385, 575

*n. 814

*n. 533, 592,
719

*n. 794 sq.,
812

¹ Cf. Is. 3, 3.

hoc inspiratur et docetur a Spiritu qui, ut Christus promisit (*Joan. 16, 13*): *Docebit vos omnem veritatem*, et (*I Joan. 2, 27*): *Unctio ipsa docet vos de omnibus*, utique etiam de discurrentis et inquirendis et sic agendis.

* *

- 764 VIII. — De hoc* modo consiliandi seu habendi consilium a Deo sæpe loquitur **Scriptura** ipsumque nobis insinuat, ut (*Eccli. 24, 39–40*) loquens de sapientia et disciplina Dei dicit: *A mari abundavit cogitatio ejus, et consilium illius ab abyso magna. Ego sapientia effudi flumina.*

*n. 763

- 765 Sumit enim similitudinem a nubibus quæ ex aqua maris surgunt elevantque vapores, quibus ingrossatae effundunt imbrum flumina. Sic consilium Dei seu donum consilii crescit et desumitur ab abyso magna divinitatis seu finis ultimi, et ab illo mari immenso Spiritus Sancti abundat cogitatio ejus quasi non exilis aut tenuis cogitatio, sicut sunt incertæ cogitationes¹ et providentiae nostræ quae humanis rationibus ducuntur, sed incrassatae a mari et ab abyso magna, scilicet a rationibus divinis quæ tunc fœcundant cor quasi nubes segregantes nobis pluviam voluntariam², quando ita considerantur rationes abyssi istius magnæ quod imprimitur cordi usque ad rectam* æstimationem de fine ultimo ita quod ex affectu ad Deum ut ad finem ultimum abundat cogitatio et consilium ab illa abyso magna, ita ut vere possit dicere cum propheta (*Ps. 118, 24*): *Et consilium meum justificationes tuæ.*

*n. 359, 517

¹ Cf. *Sap. 9, 14.*

² Cf. *Ps. 67, 10.*

766 Qui enim in omnibus agendis sic strenue et dextere se gerit ut solum attendat ad justificationes Dei et componat in omnibus etiam arduis et difficillimis id quod pertinet ad divinas justificationes, certe hic verificare potest quod consilium ejus justificationes Dei sunt, nec potest ut homo et ex humanis rationibus solum operari, sed ut magni consilii Angelus¹, vel potius ut motus et ductus a spiritu Angeli magni consilii abundat in cogitatione, et consilium sumit ab abyso magna.

767 IX.— Idem deducitur ex illo (*Eccli.* 39, 9–10), ubi loquens de vero sapiente inquit: *Ipse in oratione confitebitur Domino; et ipse diriget consilium ejus, et disciplinam, et in absconditis suis consiliabitur.*

768 Ecce directio consilii a Deo, quod utique pertinet ad donum consilii seu ad spiritum consilii, quod tunc præstatur quando consiliatur in absconditis. Quid autem occultius² aut magis absconditum quam interior voluntatis affectus? Nam quod ad nudum intellectum pertinet, magis ad manifestationem spectat quam ad absconsoniem (*Eph.* 5, 13): *Omne enim quod manifestatur, lumen est.* Qui ergo in absconditis consiliatur sumens ex ipso spiritu et affectu* et unione ad Deum consilium, utique adimpleret ea quæ sunt doni consilii et participat consilium ab illo *Qui operatur omnia secundum consilium voluntatis suæ* (*Eph.* 1, 11).

★ ★

769 X.— **Ratio autem et fundamentum** hujus* sumitur ex dictis, quia ex affectu et unione ad Deum

¹ Cf. *Is.* 9, 6: LXX.

² Cf. *I Cor.* 2, 11; *Jer.* 17, 9.

sumitur sapientia et scientia affectiva et mystica, quibus illustratur intellectus ad judicandum de divinis et creatis ex notitia experimentalis de Deo, et gustu illius interno quo charitas* tangit primo Deum et secundario creaturem; ergo ex eadem radice poterit etiam illustrari et perfici practice prudentialiter circa agenda.

*n. 626, 671,
720

770 *Patet consequentia*, quia prudentia et consilium maximam vim sumunt ex affectu ad finem et recta æstimatione de illo et de adhæsione ad ipsum et de discretione mediorum, ne per illa divertamus a fine; et cum creaturis utendum sit tamquam mediis quibus tendimus ad Deum, ex cognitione earum quæ habetur* per donum scientiæ etiam haberi potest directio prudentialis et secundum consilium Spiritus Sancti de talibus mediis et de his quæ agenda sunt. Dabitur ergo donum consilii fundatum* in mystico affectu et unione ad Deum.

*n. 720 sq.

*n. 763

771 In summa, ubi est pars speculativa perfecta etiam* ^{n. 130, 460} et practica perfici potest, quia practicum fundatur in speculativo¹, et prudentia dirigitur a sapientia et scientia.

772 Si ergo datur pars speculativa affectiva et mystica secundum cognitionem et judicium fundatum in experimentalis et interno gusto Dei et in quadam connaturalitate et invisceratione ad divina, etiam pars practica poterit perfici mystice et affective ex eadem unione et connaturalitate ad Deum, ex quo redditur habilior et perfectior ad judicandum de agendis pars practica, quia judicat de mediis et consiliatur de illis non* secundum rationes et modum humanum etiam ordinatum

*n. 763

¹ Cf. *Iam-IIæ*, q. 67, a. 3 ad 2.

ad finem supernaturalem*, sed secundum sapientiæ et scientiæ donum et confidentiam divinam et fiduciam in Deo, qui potens est omnia media disponere et omnes difficultates superare.

773

Et ita consilium donum maxime nititur spei divinæ, quia disponit de multis mediis quæ solum ex divino auxilio et omnipotentia Dei possunt eligi, cui omnipotentiae maxime innititur spes. Sed tamen spes ista minus efficax est quando est informis et in peccatore. Sed quando est in justo qui experientiam habet de voluntate et potentia Dei ad auxiliandum et benignitatem¹ ejus in se experitur, tunc efficaciter movetur et tunc est spiritus donumque consilii movens ad strenue se habendum et vincendum quæcumque ardua etiam valde extraordinaria, sicut est sustinentia mortis, dolorum et afflictionum, sicut est contemptus divitiarum et nuda Christi sequela, aliaque similia, et in summa ad faciendum ea opera* quæ exigunt donum fortitudinis, pietatis et timoris, quæ ab isto dono consilii regulantur*.

* * *

774 XI. — AD OBJECTIONES* autem in oppositum contra istam primam difficultatem, respondetur.

○

775 Ad id quod dicitur* sufficere fidem quæ etiam practica est et per dilectionem operatur², dicimus non sufficere, quia fides solum est practica eminenter et per

¹ Cf. *Tit.* 3, 4.

² Cf. *Gal.* 5, 6.

modum regulæ altioris et universalis, non proximæ et applicativæ ad opus prout hic et nunc et secundum judicium quod ferendum est de ipsis mediis ut eligantur: ad hoc enim exigitur virtus magis determinata et particularis, quæ non solum credat quid debeamus scire et operari, sed etiam discernat et judicet de mediis et modo operandi, et de circumstantiis quibus hic et nunc operandum est, quanta intentione et conatu, quanto tempore, quanta mensura, etc. De his enim omnibus in particulari non tractat fides, sed virtus prudentiæ, quia hoc arbitrarium est, non credibile.

776

Licet enim doceat et ostendat Deum esse diligendum et sperandum et alia principia practica supernaturalia cognoscat et credat, et sic per dilectionem operetur¹, tamen de arbitrariis in singulari non discernit nec judicat, sed ad hoc ponitur virtus prudentiæ quantum ad modum et regulas humanas, et ad id quod ultra* humanas regulas est, donum consilii.

*n. 787

777

XII. — Nec obstat si dicas quod donum consilii non potest tradere ista per lumen clarum et evidens, nec enim illud in supernaturalibus experimur; ergo per obscurum; ergo per fidem, et sic magis ad fidem pertinebit ista dirigere quam ad aliud donum.

778

XIII. — Respondetur enim in primis instari hoc in ipsa prudentia infusa quæ est virtus. Nam hæc etiam non est lumen clarum et evidens, cum non experiamur evidentiam in supernaturalibus; ergo non est ponenda prudentia infusa, sed reducendum est totum ad fidem. — Consequentia non valet. Idem ergo dicemus de dono consilii.

¹ Cf. *Gal.* 5, 6.

779 Quare dato quod sit inevidens, non sequitur quod sit ipsa fides, sed aliquid originatum et derivatum a fide, sicut prudentia a principiis practicis et a synderesi, et sic erit obscurum practice propter dependentiam a fide, nec^{*} tamen erit ipsa fides: sicut theologia in hac vita est obscura propter dependentiam a fide, non tamen est ipsa fides, sed scientia derivata a fide; sic prudentia est quasi scientia practica derivata a fide obscura, non fides ipsa. Et idem est de dono consilii, quod est sicut prudentia donum, non prudentia virtus, consilium enim prudentia est.

780 Veritas tamen est quod donum consilii regulatur^{*} et innititur dono scientiae et sapientiae et intellectus, quae sicut ex se petunt evidentiam, quia fundantur in experimentali unione affectiva ad Deum et claritate quae de se postulat regulari visione, licet per accidens in hac vita utatur fide, ita prudentia de se petit evidentiam practicam fundatam in illa experimentali unione affectiva, licet per accidens in hac vita innitatur fidei, sicut facit theologia et aliæ scientiae subalternatae quamdiu carent actuali influxu subalternantis, quae dat illis evidentiam principiorum, ut diximus¹.

781 XIV.—Ad id quod dicitur^{*} de dono sapientiae et scientiae, respondeatur^{*} quod licet etiam practicæ sint et non puræ speculativæ, adhuc requirunt donum consilii ut distinctum a se per modum prudentiæ regulantis et imperantis opera virtutum. Nam sapientia et scientia, licet eminenter sint practicæ, tractant tamen de agibilibus et de principiis practicis solum in communi et scientifice, non in singulari et arbitrarie sicut prudentia et sicut necesse est pro exercendis actionibus.

¹ Joan. a Sto Thoma, *Curs. Theol.*, In Iam, q. 1, disp. 2, a. 5.

*n. 164

*n. 130, 165,
761, 773

*n. 747

*n. 619, 633,
733

Nam scientia non est de singularibus contingentibus, sicut est prudentia et arbitrium.

782 Unde praeter dona scientiæ et sapientiæ, etiam si practica sint et agant de practicis in communi et scientifice, necesse est aliud judicium et talis virtus seu donum agens de ipsis in singulari et de circumstantiis operationum modo arbitrario, et non scientifico.

783 XV.—Ad id quod dicitur^{*} de prudentia infusa, *n. 748 respondeatur quod prudentia infusa non sufficit consiliari pro omnibus ad quæ potest nos movere instinctus Spiritus Sancti. Prudentia enim infusa, licet supernaturalis sit et infusa, quia tractat de materiis supernaturalibus dirigendo virtutes infusas in suis operationibus, tamen non cognoscit nec attingit de istis agendis supernaturalibus nisi juxta modum humanum et communes regulas virtutum.

784 Licet enim fides^{*} attingat revelata per testimonium divinum, tamen judicium de his quæ in particulari agenda sunt etiam fides in particulari non attingit, sed relinquit humano arbitrio, quod in supernaturalibus actionibus, verbi gratia, cultu religionis, poenitentia et similibus, non dictat juxta fidem regulatum. Humanum autem arbitrium etiam supposita fide potest moveri ad judicium ferendum, vel studio et industria propria, vel instinctu et motione divina in his in quibus deficit humana diligentia.

785 Et pro primo, servit prudentia quæ est virtus; pro secundo, consilium quod est donum: licet utrumque procedat ex fide et in materiis supernaturalibus isto diverso modo.

* *

- 786 XVI. — **Ad secundam difficultatem** supra* positam circa objecta materialia ad quæ se extendit* donum consilii, *respondeatur* directe ad omnia* illa agibilia se extendere quæ per alia dona appetitivæ partis operanda sunt, scilicet per fortitudinem, pietatem et timorem. *n. 750 sq.
 *n. 1084
 *n. 761, 773
- 787 Sicut enim prudentia virtus respicit pro objecto et materia suæ directionis omnia agibilia virtutum cardinalium quæ prudentiæ regulis aguntur, ita prudentia donum seu donum consilii **directe** respicit regulare* ea quæ a donis Spiritus Sancti in appetitiva parte exercenda sunt, quia si donum consilii per se datur ad supplendum* id in quo prudentia et communes regulæ deficiunt, per se etiam dirigere debet ea opera quæ ultra communes regulas appetuntur et exercentur, et hæc sunt quæ fiunt a donis Spiritus Sancti. **Indirecte** tamen et secundario* etiam potest dirigere et regulare ea quæ ad communes regulas humanas pertinent, quatenus supponi et subordinari debent divinis. *n. 773
 *n. 776
 *n. 790
- 788 Nec enim solum ea quæ sunt de consilio, sed etiam quæ de præcepto a dono consilii dirigi possunt. Unde dicit S. Thomas (IIa-IIæ, q. 52, a. 4 ad 1 et 2) quod donum consilii dirigit nos in omnibus actibus virtutum, et in omnibus quæ ordinantur in finem vitæ æternæ, sive sint de necessitate salutis, sive non.
- 789 Et hoc ideo quia motio Spiritus Sancti, cum sit universalissimi motoris, ad omnia se extendit. Et indigentia atque infirmitas creaturæ rationalis non solum in his quæ ex natura sua supernaturalia sunt et vires creatas excedunt indiget motione Spiritus

Sancti, sed etiam in his quæ sui ordinis sunt indiget speciali adjutorio firmari et dirigi, quia multis erroribus et periculis et contingentiis est subjecta, nec potest sola ratione humana omnia prævenire.

- 790 Ac denique, ut ad æternam beatitudinem perveniat et dirigatur per temporalia quæ sunt media ad illum finem, indiget temporalibus illis tanta dexteritate uti, eaque moderari, ut neque ad dexteram neque ad sinistram declinet¹, atque adeo oportet etiam ea quæ naturalis* ordinis sunt et quidquid actionis humanæ est *n. 255, 445 attingere et moderari saltem imperative et secundario*, *n. 787 quia omnia ista ad illum finem ordinantur, et propter suam incertitudinem oportet ab altiori instructione Spiritus Sancti accipere firmitatem, sicut fides in multis corrigit² rationem et discursum naturalem.

- 791 XVII. — **Et cum instatur*** quod omnes debent *n. 751 exercere actus donorum quæ sunt necessaria ad salutem, nec tamen omnes habent donum consilii, *dico* quod omnes electi habent donum consilii, etsi non omnes in excellenti gradu neque quantum ad discretionem et judicium in naturalibus et temporalibus secundum se, bene tamen quantum necessarium est ad consequendam salutem et ad despicienda terrena, ne pro his implicentur³ et devient a cœlestibus.

- 792 Eleganter Gregorius (*Moral.*, Lib. I, cap. 25)⁴
 “Unusquisque, inquit, electorum adhuc in mundo... positus, mente jam extra mundum surgit, ærumnam

¹ Cf. *Jos.* 1, 7.

² Cf. *Joan. a Sto Thoma, Curs. Theol.*, In IIam-IIæ, *De Fide*, q. 1, disp. 2, a. 1, n. 24.

³ Cf. *Sap.* 14, 11.

⁴ PL 75, 543.

exilii, quam tolerat, deplorat, et ad sublimem patriam incessantibus se amoris stimulis excitat. . . Unde invenit salubre consilium, temporale hoc despicere quod percurrit; et quo magis crescit consilii scientia, ut peritura deserat, eo augetur dolor, quod necdum ad mansura (sive æterna) pertingat. . . Et ideo solerti consilio infigit mentem, et caute se in omni actione circumspectando considerat; et ne ex re quæ agitur repentinus finis et adversus surripiat, hunc prius molliter posito pede cogitationis palpat; pensat ne ab his quæ agenda sunt formido præpediat; ne in his quæ differenda sunt præcipitatio impellat; ne prava per concupiscentiam aperto bello superent; ne recta per inanem gloriam insidiando supplantent. . . Et mens electi cujuslibet quo magis per consilium vivere nititur, eo angusti itineris dolore fatigatur".

- 793 Ecce omnia quæ operatur donum consilii etiam generaliter loquendo pro quolibet electorum.

◎

- 794 XVIII. — Ad id quod adducitur* ad probandum multos carere dono consilii quia indigent petere ab aliis consilium, nec a se ipsis habere possunt, *dico* et hoc ipsum divini esse consilii ad alios pro consilio recurrere* in quibus ipse non possis satis te expedire. Nec enim Spiritus Sanctus ita omnibus manifestam sui copiam facit ut aliorum communicatione non indigeant, sed per quosdam alios instruit, et per maiores minores illuminat, sicut per superiores angelos inferiores, et dona sua communicat dependenter ab aliorum instructione.

*n. 752

*n. 763, 800

795 Unde Augustinus (*Confess.*, Lib. X, cap. 26)¹: "Domine, inquit, omnibus consulentibus te simulque audientibus et diversa consulentibus liquide tu respondes, sed non liquide omnes audiunt. Omnes unde volunt consulunt, sed non semper quod volunt audiunt. Optimus minister tuus est, qui non magis intuetur hoc audire quod ipse voluerit, sed potius hoc velle quod a te audierit".

796 Oportet ergo pro his quæ non liquide audimus nec penitus percipimus a Deo ire ad consulendos alios qui instructiores sunt, sicut Cornelius licet ab angelo visitaretur et revelationem Dei acciperet, tamen consilium illi datur ut quærat Petrum et instruatur (*Act. 10, 5-6*): *Mitte, inquit, et accersi Simonem, qui cognominatur Petrus: . . . hic dicet tibi quid te oporteat facere.* Hoc fecit actus dono consilii ut pro Petro mitteret ad sui instructionem.

797 Et Saulo ipsi cum appareret Christus Dominus (*Act. 9, 7*), mittit ipsum ad civitatem ut ibi instructionem accipiat: *Surge, inquit, et ingredere civitatem, et ibi dicetur tibi quid te oporteat facere.*

798 Unde S. Bonaventura (*De Septem Donis Spiritus Sancti*, de dono consilii, cap. 2 in fine)²: "Optimum est consilium surgere ad sponsum quærendum, et efficaciter inveniendum in plateis præceptorum, et in vicis spiritualibus consiliorum. Unde in eis instructa, et excitata ab angelis invenit quem diligebat. . . Surge igitur et ad consilium ingredere* civitatem, ibi tibi dicetur quid te oporteat facere".

¹ PL 32, 795.² *Opuscula*, I (Lugduni, 1619), p. 256.

★ ★

799 XIX. — **Ad tertiam difficultatem** supra* positi- *n. 753 sq.
tam de dubitatione quæ potest in agendis occurtere,
respondeatur quod licet absolute possit esse consilium
quantum ad id quod determinationis et resolutionis est
in consiliando et non quantum ad id quod dubitationis
est in inquirendo, qua ratione invenitur consilium in
Deo, in Christo et in beatis, juxta quod dicit propheta
(Is. 46, 10): *Consilium meum stabit, et omnis voluntas
mea fiet*, et Apostolus (Eph. 1, 11): *Qui operatur omnia
secundum consilium voluntatis suæ*, tamen revera donum
consilii etiam pro hac vita datur ad tollendam dubitationem.
Imo quia tam magnæ dubitationes et diffi-
cultates sunt in hac vita ut non erremus in invio et non
in via¹ et pervenire possimus in civitatem habitatio-
nis², ideo specialiter indigemus dono consilii ut aga-
mur a spiritu bono qui solus potest nos deducere³ in
terram rectam.

800 Et ideo oportet quod donum consilii aliquam nobis
certitudinem et securitatem impartiatur, **sive** occulta
inspiratione et instinctu, quatenus (Rom. 8, 16) *Spiri-
tus ipse testimonium perhibet spiritui nostro quod filii Dei
sumus, sive* aliorum* instructione manifesta et ex- *n. 763, 794
• emplo quorum opera mediante* Deus nos illuminat. *n. 804, 805

801 Unde in istis agibilibus distinguendum est quod
aliquando* incertitudo et dubitatio potest esse de *n. 810-814,
ipsa re seu objecto an sit faciendum, et de ipsa illumina- 816
tione et instinctu an sit a Deo, **aliquando*** vero non *n. 804-809

¹ Cf. Ps. 106, 40.

² Cf. Ps. 106, 7.

³ Cf. Ps. 142, 10.

est dubitatio de ipsa re secundum se, quia est bona
et justa sicut pati martyrium pro fide, de cuius bonitate
constat, nec oportet consultare de hac re, sicut S.
Cyprianus judici dicenti: “*Consule tibi*”, respondit¹:
“*Fac quod tibi præceptum est. In re tam justa nulla
est consultatio*”.

802 Et sicut de ingrediendo religionem in homine non
legitime impedito non est dubitatio neque consiliari
oportet de ipsa re, ut docet S. Thomas (IIa-IIæ, q. 189,
a. 10), licet de modo ingrediendi religionem possit esse
quæstio et consultatio.

803 Requiri tamen potest donum consilii ad ista bona
exequenda, non propter ipsam materiam seu objectum,
de qua est consilium, sed propter ipsum subjectum*, *n. 806, 808
quod infirmitate sua retrahitur et indiget consilio su-
perioris instinctus moveri atque impelli.

◎

804 XX. — **Dicimus** ergo quod quando* est certitudo *n. 801
et securitas de ipsa re et objecto de quo tractatur, tunc
bene potest aliquis duci a Spiritu interius movente,
nisi obstet aliquod impedimentum legitimum, de quo
non velit Spiritus Sanctus immediate per se resolutio-
nen dare, sed mediantibus* aliis cum quibus consulatur. *n. 800
Et tunc donum consilii ad hoc movet ut consulamus
alios et surgamus et ingrediamur* civitatem² (id est, *n. 798, 820
non maneamus in solitudine et singularitate nostra,
sed communitatem consulamus), ut ibi dicatur nobis
quid facere oporteat³.

¹ Cf. *Acta Proconsularia S. Cypriani*, PL 3, 1503.

² Cf. Act. 9, 7.

³ Cf. Act. 10, 6.

805 Est enim considerandum quod donum consilii semper est ab instinctu Spiritus Sancti, sed resolutio agendorum non* semper traditur immediate cuilibet a Spiritu Sancto, sed mediantibus aliis quibus vult ut communicemus et conferamus agenda, sicut Paulus¹ contulit Evangelium cum his qui videbantur esse aliquid, ne forte in vacuum curreret aut cururisset. Et tunc donum consilii movet² nos a Spiritu Sancto ad consulendum cum aliis, et hic est actus ipsius, et deinde ad acceptandum et agendum quod bene fuerit visum.

806 Si autem in re certa et justa et de se bona, licet ardua et difficili, nullum appareat legitimum impedimentum, tunc donum consilii interius movet ad acceptandum et determinandum quod fiat, non propter tollendam dubitationem vel incertitudinem rei (quæ non datur), sed propter* vincendam difficultatem et infirmitatem subjecti quod non debite applicatur.

807 Non enim solum pertinet ad prudentiam et rectum consilium judicare aut consiliari de re (quod pertinet ad synesim et eubuliam, virtutes adjunctas³ prudentiæ), sed etiam imperare et applicare ad operandum, quod est maxime difficile in virtute prudentiæ. Unde cum donum consilii operetur loco prudentiæ ipsoque correspondeat*, pertinebit ad ipsum non solum bene consiliari et judicare de agendis, sed etiam bene imperare et applicare ad exequendum judicata.

808 XXI. — Unde facto judicio recto et certo sublataque dubitatione ex parte rei consiliandæ et agendæ

¹ Cf. Gal. 2, 2.

² Cf. In III Sent., dist. 35, q. 2, a. 4, qla 1 ad 1.

³ Cf. IIam-IIæ, q. 51, a. 1-3.

*n. 800

*n. 803

*n. 742

(in quo aliquando est necesse alios consulere, et ad id movet donum consilii), restat difficultas pro imperando et applicando ex parte subjecti*, et ad hoc ipse homo se debet voluntarie movere, sicque interiori spiritu potest sufficienter duci, duciturque a dono consilii.

809 Neque* hoc est proprio spiritu duci contra stylum Ecclesiæ, quia hoc intelligitur et procedit in his* quæ credenda sunt, et dijudicandis veritatibus quæ proponendæ sunt aliis, seu in doctrinis approbandis et aliis similibus dubitationibus, quæ tenent se ex parte ipsarum rerum. Cæterum in applicando se et imperando executionem eorum quæ certa sunt et in quibus soluta est dubitatio, non est contra stylum Ecclesiæ, sed juxta ipsum quod aliquis interiori instinctu moveatur, quia non* potest a malo spiritu esse quod instigat ad bonum quod certo et indubitate bonum est, saltem certitudine morali.

*n. 756, 816

*n. 823

*n. 84-86



810 XXII. — At vero si dubitatio incidat **primo* modo**, scilicet circa ipsam rem faciendam, an sit debitum et bonum eam facere et an debitæ circumstantiæ concurrant, et quando de ipsomet interiori instinctu et spiritu dubitari potest an ex Deo sit, tunc donum consilii non movet immediate ad judicandum de re illa et ad determinandum in alteram partem et multo minus ad exequendum (id enim temerarium esset, stante illa dubitatione), sed movet ad examinandum et probandum an illud ex Deo sit, necne.

*n. 801

811 Hæc enim est apostolica regula (I Joan, 4, 1): *Nolite credere omni spiritui, sed probate spiritus si ex Deo*

sint; et iterum (I Thess. 5, 20-21): Prophetias nolite spernere. Omnia autem probate: quod bonum est tenete.

- 812 At hoc examen et probatio regulariter debet fieri cum communicatione* et probatione aliorum, quia communiter illuminatio Dei fit dependenter ab aliis: inferiores enim illuminantur per superiores.

*n. 763, 794

- 813 Neque hoc est donum Spiritus Sancti subjici virtuti prudentiae, aut esse illi inferius*, aut ab ea resolvi, quia qui judicant de istis revelationibus aut veritatis non judicare debent secundum humanas rationes prudentiae, sed secundum regulas fidei cui subditur donum Spiritus Sancti, a qua regulari* debet. Possunt etiam regulari secundum aliud donum Spiritus Sancti, quod in uno excellentius invenitur quam in alio.

*n. 755

*n. 125, 591

- 814 Si quae vero rationes humanae aut theologicae adhucientur ad istorum examen, sunt minus principaliter consideratae et solum deservientes ministerialiter ad melius explicandas res fidei vel instinctum Spiritus Sancti. Unde pro istis spiritualibus et mysticis rebus examinandis, non* solum¹ scholastici adhiberi debent, sed etiam viri spirituales et prudentes² eloquii* mystici, qui sciant de viis spiritus judicare et discernere possint spirituum differentias³.

*n. 26, 196,
227, 255
*n. 763

- 815 XXIII. — **Et sic ad argumentum** in tertia* difficultate factum, *pater solutio*, quod donum consilii

*n. 753

¹ Cf. Joan. a Sto Thoma, *Curs. Theol.*, In Iam-IIæ, q. 21, *De Conscientia*, disp. 12, a. 5, n. 65.

² Cf. Is. 3, 3.

³ Cf. Joan. a Sto Thoma, *Curs. Theol.*, In IIam-IIæ, *De Spe*, disp. 6, a. 1, n. 6. — IIam-IIæ, q. 189, a. 10.

habet a Spiritu Sancto certitudinem non quidem fidei, sed certitudinem prudentiale, licet fundatam in motione Spiritus Sancti.

- 816 De ratione autem hujus prudentialis certitudinis est quod quando* res ipsæ in se sunt dubiae et obscuræ, fiat probatio et examen per alios*, qui habent excellentius donum aut melius penetrant et intelligunt regulas fidei, quibus spirituales illæ viæ ac motions examinandæ* sunt, et ad hoc ipsum examen movet donum consilii, quia in his dubiis regulariter Spiritus Sanctus non dat consilium et certitudinem interius sine dependentia ab aliorum* examine, quia vult probari¹ spiritus si ex Deo sint, et hoc ipsum velle probari et examinari et humiliter procedere et non præsumere de se quod potest de omnibus disponere, ad donum consilii spectat*, et maxime Dei consilium est humilitatis atque examinationis consilium. Unde non dicitur privato* spiritu, sed examinato.

*n. 801

*n. 812

*n. 813

*n. 800

†n. 811

*n. 763

*n. 809

- 817 XXIV. — Verum quidem est aliquando extra regulas ordinarias Spiritum Sanctum movere aliquorum mentes ad aliquid agendum quod humanam superat prudentiam etiam sine aliorum consilio, sicut quod Samson* se occiderit², et quod aliquæ sanctæ virgines³ aut martyres sponte in mortem irruerint.

*n. 257

- 818 Sed hoc non potest certis regulis definiri: ipse enim Spiritus Sanctus, qui movet ad id faciendum, etiam dat interiorem securitatem et certitudinem de

¹ Cf. I Joan. 4, 1.

² Cf. *Judic.* 16, 30.

³ Cf. Euseb., *Hist. Eccl.*, Lib. 6, cap. 41, PG 20, 607. — IIam-IIæ, q. 124, a. 1 ad 2.

modo faciendi, sed valde oportet in hoc esse cautum, nec facile potest quis ductum proprium sequi ne pro Spiritu veritatis præcipitetur¹ a spiritu erroris.

819

Sequenda est ergo regula Augustini (*De Civit. Dei*, Lib. I, cap. 26)²: "Qui audit non licere se occidere, faciat, si jussit cuius non licet jussa contemnere: tantummodo videat utrum divina jussio nullo nutet incerto".

820

Itaque ad sequendum interiorem spiritum et consilium sine examine et approbatione et communicatione cum aliis (ordinarius enim modus quo nos movet Spiritus Sanctus est per consilium cum examine et communicatione* aliorum), oportet perpendere an mens quæ a Spiritu efflatur sit serenata et pacificata sine ullo nubilo passionis aut furoris, eo quod (*Jac. 3, 17*) *Sapientia quæ desursum est, primum quidem pudica est, deinde pacifica, modesta, etc.*

821

Et ex his effectibus discernitur an ex Deo sit. Et tunc tali pace et serenitate fruens perpendat si relinquitur ei aliqua nutatio aut obscuritas aut fluctuatio circa illum spiritum an ex Deo sit. Nam si aliquid nutationis aut dubitationis cernit cum est in sano vigilante judicio, est signum quod Deus non vult statim fieri, sed prius examinari. Ut autem sine examine fiat, debet Deus se solo supplere quidquid per examen deberet approbari, et ita debet relinquere mentem sic securam et certam quod nullo nutet incerto* ut possit id committi sine examine aliorum.

*n. 804

*n. 819

¹ Cf. II Cor. 11, 14.

² PL 41, 39.

822 XXV. — Si tamen aliquis velit persuadere aliis se habere spiritum Dei et ex tali spiritu loqui, non facile est credendus, sed semper omnia debent subjici examini sapientium et spiritualium virorum, nec aliter acceptanda sunt in re gravi præsertim et extraordinaria.

823

Et quidem, si agitur* de doctrina publica aut de re proponenda et docenda in Ecclesia, non debet admitti quod aliquis doceat dicens se esse missum a Deo (aut habere revelationem Dei) nisi per miraculum, aut expressum testimonium Scripturæ id probet, ut dicitur in capite *Cum ex injuncto*¹.

824

Si autem agitur non de doctrina aut de aliquo quod publice proponatur ad credendum, sed de aliqua re particulari et privata, ut si aliquis admoneatur a viro probatæ vitæ quod hoc vel illud ei succedit, aut quod Deus hoc vel illud jubet, tunc licet non obliget ad credendum, potest tamen deservire ad formandam prudentiam et prudentialiter operandum attenta bonitate morali et decentia rei quæ proponitur, et attenta qualitate vitæ et morum ejus qui proponit, et multo magis si plures in idem conspirent tamquam dictum a Deo sine hoc quod se communicent, et sint probatæ vitæ.

825

Sic enim legimus a pluribus sanctis viris aliquos esse admonitos de his quæ debebant agere aut quod placebat Deo ut agerent per revelationes a Deo factas, sicut S. Benedictus² plura prædixit Tobiæ spiritu propheticō,

¹ C. 12, X, *de hæreticis*, V, 7, RF II, 786.

² *Acta SS.*, Mart. XXI, T. IX (Ed. Carnandet, Parisiis, 1865), pp. 305–306.

et S. Catharina Senensis¹, S. Brigitta², S. Vincentius Ferrerius³, S. Franciscus de Paula⁴, aliquie plurimi, quæ in ædificationem aliorum profecerunt, neque tunc quando dicebantur prius examini plurium subjiciebantur.

826 Et antiqui prophetæ etiam sine miraculis multa dicebant regibus ut facerent ex divina jussione, quæ tamen attenta personæ qualitate et rei dictæ bonitate statim sine alio examine acceptabantur, ut cum rex Sedecias tulit Jeremiam abscondite (et sic sine examine prævio) in domum suam, et dixit (*Jer. 37, 16*): *Putasne est sermo a Domino? Et dixit Jeremias: Est. Et ait: In manus regis Babylonis traderis.* — Et cum ad vocem unius prophetæ, Roboam et omnis exercitus ejus omiserunt prælrium facere cum filiis Israel (*II Par. 11, 1-4*). — Et alia multa passim occurrunt in Scriptura, quæ etiam sine miraculis prophetabantur⁵ et acceptabantur.

827 Sed de his latius agere non est præsentis loci, sed in materia de fide et de prophetia.

¹ *Acta SS.*, Apr. XXX, T. XII (Ed. Carnandet, Parisiis, 1866), pp. 882-885.

² *Acta SS.*, Oct. VIII, T.LII (Ed. Carnandet, Parisiis, 1867), p. 383.

³ *Acta SS.*, Apr. V, T.X (Ed. Carnandet, Parisiis, 1865), pp. 498-500.

⁴ *Acta SS.*, Apr. II, T.X (Ed. Carnandet, Parisiis, 1865), p. 120.

⁵ Cf. *Deut. 13, 1-3; 18, 22; Jer. 28, 9.*

ARTICULUS VI

QUID DE DONIS PIETATIS, FORTITUDINIS ET TIMORIS?

828 I. — Ista dona correspondent parti appetitivæ, et correspondent* virtutibus cardinalibus quæ ad voluntatem et partem appetitivam pertinent. ^{*n. 275, 964}

829 Sicut enim donum consilii correspondent prudentiæ, ita pietas religioni et toti* materiae justitiae, quæ est in voluntate; donum fortitudinis virtuti fortitudinis, quæ est in irascibili; donum timoris virtuti temperantiæ, quatenus ex timore Dei retrahitur homo a concupisciendiis carnalibus, juxta illud (*Ps. 118, 120*): *Confige timore tuo carnes meas: a judiciis enim tuis timui.* ^{*n. 880, 883, 897, 908 sq.}

830 Licet etiam donum timoris correspondent* virtuti spei, quatenus primo et per se intendit reverentiam Dei ad vitandam ejus offensam, et reprimendam præsumptionem quæ opponitur spei. Unde dicit S. Thomas (IIa-IIæ, q. 141, a. 1 ad 3) quod “*Donum timoris principaliter quidem respicit Deum, cuius offensam vitat: et secundum hoc correspondent virtuti spei, ut supra¹ dictum est. Secundario** autem potest recipere quæcumque aliquis refugit ad vitandam Dei offensam. Maxime autem homo indiget timore divino ad fugiendum ea quæ maxime alliciunt, circa quæ est ^{*n. 963} ^{*n. 964}

¹ Cf. IIam-IIæ, q. 19, a. 9 ad 1.

temperantia. Et ideo temperantiæ etiam correspondet donum timoris".



831 Sic ergo circa ista dona explicare oportet **duo**.

832 **Primum**, quæ sit ratio eorum formalis, in qua distinguantur a virtutibus moralibus etiam infusis sibi correspondentibus.

833 **Secundum**, ad quæ objecta se extendat et quam habeat materiam quodlibet ex his donis.



DE DONO PIETATIS

834 II. — Incipimus ab isto dono, licet in Isaia¹ prius ponatur donum fortitudinis ut subordinatum dono consilii quam pietas quæ subordinatur dono scientiæ, eo quod materia pietatis quæ est circa religionem et justitiam prior est in nobilitate materia fortitudinis, pertinetque ad voluntatem in qua est religio et justitia.



835 Verum² quidem est aliquos in Isaia non legere pietatem distinctam a timore, quia eodem vocabulo³ dicunt in Hebræo nominari spiritum pietatis et spiritum timoris.

¹ Cf. *Is.* 11, 2-3.

² Cf. Suarez, *De Gratia*, Lib. II, cap. 21, n. 13, *Opera Omnia*, VII (Vivès), p. 692.

³ Yir'at.

836 Cæterum quidquid sit de Hebraicis codicibus, quos modo obtainemus vel translationibus aliis privatis, certe in Vulgata, quæ auctoritate Ecclesiæ approbata¹ est, constat nominari spiritum pietatis distinctum a spiritu timoris, quam distinctionem probat etiam antiquissima Patrum traditio, et Ecclesiæ usus communiter septiformem spiritum confitentis propter septem dona Spiritus Sancti nominata ab Isaia, ut supra* ostendimus, quæ non essent septem, si donum pietatis et timoris confunderentur.

*n. 100 sqq.

837 Certe, licet cultus quem respicit pietas et reverentia quam timor exhibet multum symbolizent, tamen differunt ex parte materiæ et rationis formalis circa ipsam, quia pietas et religio respiciunt pro materia cultum ut exhibendum Deo, in quem respiciunt per modum cujusdam prosecutionis, in quantum respicitur Deus ut beneficus^{*} et principium† omnis boni in nos. At vero timor reveretur Deum resiliendo ab ipso in propriam parvitatem, ut a principio summæ majestatis et potens infligere malum. Timor enim etiam reverentialis non respicit personam quam timet ut beneficam (sic enim potius erga illam demulcetur quam terretur), sed ut habentem potestatem infligendi malum, etsi nolit de facto unquam infligere. Et sic omnino differt a pietate.

*n. 857
†n. 890, 903

838 III. — **Hoc ergo supposito**, explicanda sunt illa duo supra* posita de istis donis, quomodo intelligenda sint in dono pietatis, scilicet, quæ sit ejus formalis ratio qua a cæteris virtutibus distinguitur; et secundo, quæ sit ejus materia* ad quam se extendit.

*n. 832-3

*n. 882 sqq.

¹ Cf. *Conc. Trident.*, sess. IV, Ms. XXXIII, 22.

839 IV. — Et quidem **circa rationem ejus formalem**,
difficultas* est in distinguendo hoc donum pietatis a

*n. 870 sq.

religione infusa, cui maxime videtur correspondere.

840 Nam quod dicit* D. Thomas (IIa-IIæ, q. 121, a. 1) *n. 857

quod donum pietatis respicit Deum ut Patrem, quod non faciunt aliæ virtutes, ut religio quæ respicit illum ut Dominum: proprium autem pietatis est exhibere observantiam parentibus; quod autem aliquis sic elevetur ut Deum pro Patre habeat, nec solum pro Domino, et sic affectu pietatis ipsum colat, quod proprium est eorum qui acceperunt *Spiritum adoptionis in quo clamamus: Abba (Pater)*, ut inquit Apostolus (*Rom. 8, 15*), — hoc inquam quod D. Thomas dicit non sufficit¹. Nam etiam religio infusa respicit Deum et exhibet illi cultum ut Patri, siquidem nihil aliud est respicere Deum ut Patrem quam respicere illum ut principium gratiæ quam nobis infundit et per quam nos adoptat in filios; sed religio infusa respicit Deum ut principium gratiæ, quia respicit illum ut auctorem supernaturalem, qui utique est auctor gratiæ; ergo respicit illum ut Patrem; ergo in hoc non differt a dono pietatis, si in hoc solum consistit pietas quod respiciat Deum ut Patrem. Licet religio acquisita* solum colat Deum ut Creatorem et principium totius naturæ, quia nihil dictat de auctore supernaturali, ut religio infusa.

*n. 871

○

841 V. — **Dices:** Religionem infusam respicere qui-dem Deum ut Patrem, sed communi modo, quatenus

¹ Scilicet, ad distinguendum donum pietatis a religione infusa.

dictatur a fide cognitio Dei ut Patris per gratiam in articulo salvatoris et glorificatoris; donum autem pietatis respicere Deum ut Patrem ex peculiari aliquo instinctu Spiritus Sancti, ut significat D. Thomas (IIa-IIæ, q. 121, a. 1).

842 VI. — **Sed contra**, quia iste peculiaris instinctus non* addit aliquid supra cognitionem et respicientiam ad Deum ut Patrem per gratiam, nisi forte secundum magis vel minus in isto genere, quæ non variant speciem et formalem rationem actus, sed intra eamdem magis vel minus perficiunt.

*n. 872 sq.

○

843 VII. — **Nec valet dicere** quod iste peculiaris instinctus pro dono pietatis quo distinguitur a religione infusa est instinctus pro casibus extraordinariis, in quibus prudentia etiam infusa dictare non potest, ut si quis ex instinctu divino permaneat in oratione usque ad continuationem mortis, vel si quis petat a Deo miraculum ut melius defendatur respublica, talis instinctus non est a prudentia infusa, nec illum sequitur religio, sed donum pietatis.

844 Sic aliqui explicant distinctionem istius doni a religione infusa, ut Gregorius Martinez (In Iam-IIæ, q. 68, a. 6).

845 **Cæterum**, hoc est configere ad casus extraordinarios qui non pertinent ad omnes existentes in gratia, sed potius ad gratias gratis datas, ut ad gratiam miraculorum quæ etiam potest reperiri in peccatore¹; dona

¹ Cf. IIam-IIæ, q. 178, a. 2.

autem Spiritus Sancti sunt solum in habentibus gratiam, et universaliter in omnibus habentibus gratiam: qui tamen omnes non faciunt miracula aut illa extraordinaria opera; ergo non sufficienter per hoc explicatur ille specialis instinctus requisitus ad donum pietatis.

- 846 Unde nec D. Thomas explicavit donum pietatis per conformitatem ad talem instinctum extraordinarium, nec posuit differentiam inter pietatem et religionem nisi quia religio respicit Deum ut Creatorem; pietatis autem donum respicit illum ut Patrem, et ideo tale donum est excellentius religione, ut patet (IIa-IIæ, q. 121, a. 1). Nusquam vero comparavit hoc donum cum religione infusa, quæ respicit Deum ut auctorem supernaturalem, atque adeo ut Patrem per gratiam. Et ideo in hoc manet integra difficultas.

◎

- 847 VIII.—**Alii dicunt** distingui donum pietatis a religione etiam infusa ob extensionem* suæ materiæ. *n. 851, 877
Nam donum pietatis extendit se ad omnem materiam justitiæ, sic enim colit Deum ut Patrem ita quod homines* respicit ut fratres in communicatione gratiæ ac Spiritus, et sub hac ratione exhibit Deo cultum et hominibus justitiam ministrat; religio autem solo cultu Dei contenta est, nec ad alias materias justitiæ se extendit. *n. 892, 904
- 848 Denique* etiam addi potest quod donum pietatis versatur circa debitam reverentiam ad Scripturas non contradicendo illis, sive intelligentur, sive non, ut Augustinus* illi attribuit (*De Doctr. Christ.*, Lib. II, cap. 7, et *De Serm. Dom.*, Lib. I, cap. 4)¹. Imo gene-

¹ PL 34, 39, 1234.

raliter denominatur pia affectio illa qua afficimur ad res fidei, etiamsi non intelligamus eas, et inde movemur ad credendum.

- 849 Utrumque hoc refert Suarez (*De Gratia*, Lib. II, cap. 21, nn. 16–17)¹.

- 850 IX.—**Neutrum plane explicat** speciale formalitatem et rationem doni pietatis.

- 851 **Non primum***: *tum quia* non explicat formalem rationem hujus domi, sed extensionem materiæ, et oportet reddere rationem quare tantam extensionem petat donum pietatis et qualis sit formalis ejus ratio quæ totam illam materiam complectatur; *tum quia* non constat donum pietatis se extendere ad omnem illam materiam, aut ad eam non se extendere religionem infusam. *n. 847

- 852 Si enim ex eo extenditur ad omnem materiam justitiæ donum pietatis quia respicit Deum ut Patrem et consequenter debet respicere homines* ut fratres, cur non etiam religio infusa eodem modo se habebit, siquidem respicit Deum ut Patrem, quatenus respicit aut auctorem gratiæ (et consequenter poterit respicere homines ut fratres, quatenus communicant in eadem gratia), aut si religio infusa non potest sic respicere homines ut fratres sed solum Deum ut Patrem, quomodo pietas utrumque complectitur, et quæ est illa ratio formalis ita elevata quæ tantam materiam potest complecti cum ratio formalis religionis infusæ non possit. *n. 892, 904

- 853 **Nec illud secundum*** [argumentum] sufficienter explicat donum pietatis. *n. 848

¹ *Opera Omnia*, VII (Vivès), p. 692–693.

854 *Tum quia* habere reverentiam ad Scripturas non* *n. 880 potest esse adaequatus et totalis actus doni pietatis, cum versetur etiam circa cultum Dei, non solum circa Scripturarum reverentiam.

855 *Tum quia* in angelis et beatis est donum pietatis, nec tamen versatur circa Scripturas, cum illis careant.

856 *Tum denique quia* iste respectus et affectus ad Scripturas magis pertinet ad fidem vel ad piam affectionem* qua disponitur animus ad fidem quam ad religionem vel pietatem, quia testimonium Scripturæ fides accipit; ergo et illis reverentiam exhibet, nec illis contradicit. Certe si hæc reverentia attribuitur pietati, utique et religioni infusæ potest attribui, nec est cur illi denegetur; ergo per hoc solum non distinguitur pietas a religione. Et S. Thomas (In III Sent., dist. 34, q. 3, a. 2, q1a 2 ad 1) dicit quod "Exhibere reverentiam Sacræ Scripturæ... ad latriam pertinere videtur".

★ ★

857 X. — Quare persistendo in dicto* D. Thomæ¹, *n. 840 oportet ejus mentem venari ex his quæ alibi etiam tradit loquens de dono pietatis, scilicet (In III Sent., dist. 34, q. 3, a. 2, q1a 1 ad 1), ubi distinguit pietatis donum a pietate virtute quæ reddit cultum Deo, quæ utique est religio infusa quæ respicit Deum ut auctorem gratiæ, et sic etiam pietas appellari potest. Et dicit D. Thomas quod "quamvis pietas virtus, quæ latria dicitur, ipsi Deo exhibetur; in hoc tamen accipit aliquid humanum pro mensura, scilicet beneficium* a Deo acceptum, ratione cuius est debitor ei; sed pietas quæ est donum

*n. 859, 891

¹ Cf. IIam-IIæ, q. 121, a. 1.

accipit in hoc aliquid divinum pro mensura, ut scilicet Deo honorem impendat, non quia sit ei debitus, sed* *n. 860, 866, 876 quia Deus honore dignus est, per quem modum etiam ipse Deus sibi honori est".

858 Itaque formaliter et specifice differunt pietas donum et religio infusa seu latræ quæ est pietas virtus ex diversa ratione debiti*, quæ est id quod formalius et intimius attenditur in his virtutibus quæ sunt ad alterum: ex diversa enim ratione debiti originatur diversa virtus ad alterum.

*n. 893, 900

859 Invenit ergo D. Thomas quomodo ex intimis discerneret donum pietatis a latræ seu religione infusa, quia religio ita respicit rationem cultus in Deo quod fundat illud in ratione debiti mutui, scilicet respiciendo beneficia* Dei erga nos et retributionem quam debemus ei juxta modum talium beneficiorum, secundum illud (Ps. 115, 12–13): *Quid retribuam Domino, pro omnibus quæ retribuit mihi? Calicem salutaris accipiam: et nomen Domini invocabo.* Ubi invocatio Domini, quæ est actus religionis, fit per modum retributionis et debiti ad id quod Dominus retribuit et dat nobis.

*n. 891, 982

860 XI. — At vero donum pietatis relicta hac mensura retributionis* et largitionis bonorum honorat et magnificat Dominum ratione* sui, sive bona, sive mala nobis tribuat, sed in quadam nuditate et annihilatione* omnium solum attendit ad magnitudinem divinam in se et propter se, dicens cum propheta (Ps. 33, 4): *Magnificate Dominum mecum: et exalteamus nomen ejus in idipsum,* hoc est, non in his quæ nobis tribuit nec juxta mensuram beneficiorum colamus, sed propter ipsum et in idipsum; et iterum (Ps. 72, 22–23, 25–26,

*n. 869

*n. 857

*n. 861

28) : *Ad nihilum redactus sum, et nescivi. Ut jumentum factus sum apud te: et ego semper tecum. . . Quid enim mihi est in cælo? et a te quid volui super terram? Deficit caro mea, et cor meum: Deus cordis mei, et pars mea Deus in aeternum. . . Mihi adhærere Deo bonum est: ponere in Domino spem meam.*

861 Ecce perfectum pietatis donum et cultus Dei ultra mensuram et modum humanum, quando anima quasi nihilum et inane quoddam se reputat et quasi omni creato beneficio exuta, imo quasi sine intellectu stultus quoad mundum, et jumentum quoddam soli oneri aptum et motioni qua agitur a Deo et quæ semper cum ipso est, quando nec in cælo nec in terra aliquid proprium agnoscit, quando ipsa caro deficit et consumitur et ipsa substantia¹ tamquam nihil ponitur ante Deum, tunc in tali vacuitate et annihilatione* positus nulla beneficiorum divinorum mensura ductus, sed recordatus justitiae ejus solius², respicit Deum in se tamquam hæreditatem³ suam æternam et ipsi immediate adhæret et colit ac veneratur in se.

862 Iste honorat Deum dono pietatis solum honorem et magnitudinem ejus spectans (nam adhærere Deo ponitur ut mensura ad quam attendit donum pietatis, ut docet S. Thomas (In III Sent., dist. 34, q. 3, a. 2, qla 3), etiam nullo ejus attento beneficio, sed sive per famam, sive per infamiam, sive per gloriam, sive per ignobilitem, et ut tandem ipse Apostolus fatetur de se (*Philip. 1, 20*): *Magnificabitur Christus in corpore meo, sive per vitam, sive per mortem*: hoc est honorabitur

*n. 860

¹ Cf. *Ps. 38, 6.*² Cf. *Ps. 70, 16.*³ Cf. *Ps. 15, 5.*

et coletur, non attento beneficio vel damno, sed propter solam magnificentiam suam.

863 Qua etiam ratione dicit in suo Canticō Beatissima Virgo (*Luc. 1, 46-48*): *Magnificat anima mea Dominum: et exultavit spiritus meus in Deo salutari meo. Quia respexit humilitatem ancillæ suæ*: quasi magnificandi et exultandi in Deo motivum et ratio non sit aliud quam ipsa Dei celsitudo respiciens illam profundissimam humilitatem et servilem conditionem potius quam sublimissima beneficia sibi collata, etiam maternitatis divinæ.

864 XII. — Sic ergo differt clare pietatis donum in ipso modo honorandi et colendi Deum ratione honoris qui in ipso est, et non solum ex consideratione et mensura beneficiorum quæ nobis confert. Et qui gratias agit et venerationem et cultum reddit Deo propter beneficia nobis collata præsertim creationis operatur ex motivo religionis, quæ est virtus, sive acquisita, sive infusa, ut cum dicitur (*Apoc. 4, 11*): *Dignus es, Domine Deus noster, accipere gloriam et honorem et virtutem: quia tu creasti omnia.* Ecce motivum religionis honorantis Deum quia creavit nos et est auctor naturæ, quod pertinet ad religionem acquisitam.

865 Iterum, quia redemptor est et auctor supernaturalis, redduntur gratiæ et cultus honoris a religione infusa, ut cum dicitur (*Apoc. 5, 9-10*): *Dignus es, Domine, accipere librum, et aperire signacula ejus: quoniam occisus es, et redemisti nos Deo in sanguine tuo. . . et fecisti nos Deo nostro regnum et sacerdotes.* Ecce motivum religionis infusæ, scilicet ex beneficio supernaturali redemptionis, et quia nos facti sumus regnum Dei per gratiam.

- 866 At vero donum pietatis relictis* his omnibus moti- *n. 860
vis beneficiorum Dei gratias agit Deo et colit ipsum
solum quia* in se magnus et pius est, ut cum dicitur *n. 857, 896
(Apoc. 11, 17): *Gratias agimus tibi, Domine Deus omni-
potens, qui es, et qui eras, et qui venturus es: quia accepisti
virtutem tuam magnam, et regnasti;* et iterum (Apoc. 15,
4): *Quis non timebit te, Domine, et magnificabit nomen
tuum? quia solus pius es.* Et Ecclesia canit in Hymno
Angelico¹: “*Gratias agimus tibi propter magnam
gloriam tuam*”.
- 867 Ubi iste cultus et gratiarum actio non redditur propter hæc aut illa beneficia nobis collata, nec magnificatur Deus propter ea quæ nobis contulit, sed quia in se *n. 903
pius est, propter gloriam* suam quam habet in se, quia
acceptit virtutem et regnavit.
- 868 XIII. — Videndus est Bernardus (*In Cant.*, serm.
LXXXIII, n. 5)², ubi late et pulchre discernit differen- *n. 906
tiam amoris in servo qui ducitur spe mercedis, et in
filio qui ad hæreditatem oculum injicit; in sponsa quæ
solum amat sponsum quia in se sponsus est. Primi
respiciunt Deum cum connotatione beneficiorum, spon-
sa immediate in se amat. “*Sponsæ autem, inquit, res
et spes unus est amor. Hoc sponsa abundat, hoc
sponsus contentus est. Purus amor mercenarius non
est. Purus amor de spe vires non* sumit, nec tamen
diffidentiæ damna sentit*”.

- 869 Hoc est altius et sublimius motivum, et sic petit aliquid altius humana virtute quæ mensurat cultum Dei *n. 860
juxta retributiones* et beneficia ejus; hæc autem etiam

¹ *Gloria in excelsis Deo.*

² PL 183, 1183.

nullo attento beneficio* sed quia in se magnus est et *n. 906
laudabilis nimis¹ honorat*, et sic affectu paterno super- *n. 857
excellentissimo ipsum colit.

★ ★

- 870 XIV. — **Ad rationes ergo dubitandi supra*** po- *n. 839 sqq.
sitas pro distinctione istius doni a virtute religionis
etiam infusa, patet ex dictis*.

◎

- 871 **De religione enim acquisita***, facilis est respon- *n. 840
sio, quia hæc est naturalis ordinis et respicit Deum ut
Creatorem et auctorem naturæ; donum autem pietatis
respicit objectum et rationem supernaturalem in Deo,
colendo ipsum ut Patrem et auctorem gratiæ, et non
solum ut Dominum.

◎

- 872 **De religione autem infusa**, dicimus quod etiam *n. 842, 899
respicit Deum ut auctorem gratiæ et Patrem, sed aliter* quam donum pietatis.

- 873 Nam religio infusa respicit Deum ut auctorem *n. 900
gratiæ et identice* etiam ut Patrem, sed non in se et
ratione sui, sed ratione effectum quos in nobis operatur,
ita quod mensuramus cultum et obsequium illius juxta
modum beneficiorum* ejus erga nos in ordine et linea *n. 857
supernaturali.

- 874 Donum autem pietatis respicit* Deum ut Patrem *n. 857
formaliter prout in se et ratione gloriæ et majestatis

¹ Cf. Ps. 95, 4.

propriæ, etiamsi nullum beneficium nobis daret, etiamsi inferat pœnam vel mortem, et sicut Apostolus (*Philip.* 1, 20) magnificat Christum *Sive per vitam, sive per mortem*; non solum se habet sicut Jacob (*Gen. 28, 20-21*), cum dixit: *Si fuerit Deus mecum, et custodierit me in via per quam ego ambulo, et dederit mihi panem ad vescendum et vestimentum ad induendum, . . . erit mihi Dominus in Deum.* Ubi juxta beneficiorum mensuram acceptatur veneratio et cultus Deo exhibendus, et promittitur ipsi quod habebitur in Deum: *Et decimas, inquit¹, omnium quæ dederis mihi, offeram tibi:* omnium, inquit, quæ dederis, utique juxta beneficiorum mensuram offens redditionem cultus.

875 Altior ergo erit virtus quæ offert cultum Deo, etsi non dederit quidquam, quæ relinquit² omnia ut sequatur Christum, quæ magnificat ipsum non solum per vitam sed etiam per mortem; et cum Petro dicit (*Luc. 22, 33*): *Tecum paratus sum et in carcerem, et in mortem ire;* et cum propheta cantat (*Ps. 22, 4*): *Et si ambulavero in medio umbræ mortis, non timebo mala, quoniam tu tecum es.*

876 Hæc ergo formalis ratio altior^{*} est, et respicit *n. 880 Deum ut Patrem, quatenus^{*} in se pius et misericors et *n. 857 dives est, non solum ratione beneficiorum quæ mihi confert.

◎

877 XV. — **Ad id vero quod dicitur*** de his quæ at- *n. 847 tribuuntur dono pietatis et non religioni infusæ, scilicet

¹ *Gen. 28, 22.*² Cf. *Mat. 19, 27; Marc. 10, 28.*

quod donum se extendit ad omnem materiam justitiæ et non religio, *verum quidem est*, sed tamen non sufficit hanc solum reddere rationem, quia hoc solum se tenet ex parte materiae quam ratio ipsa formalis et quidditativa afficit et distinguit.

878 Et ideo hanç ex dictis* explicavimus, quod scilicet religio infusa inclinet ad cultum Dei auctoris supernaturalis juxta mensuram et modum beneficiorum gratiæ ejus in nos; donum autem pietatis solum attendendo ad majestatem et gloriam Dei in se, sive nobis beneficia conferat, sive non. Inde vero extenditur^{*} ad observantiam et pietatem atque convictum humanum in omni materia justitiæ considerando in hominibus non quod homines sunt, sed quod sunt participes filiationis Dei aut capaces illius, ita quod sicut Deum colit ut Patrem, ita respicit homines ut fratres per gratiam.

^{*n. 857 sqq.}<sup>*n. 847,
888 sq.</sup>

879 Quomodo autem hoc faciat pietas, statim^{*} expli- *n. 892 sq. cabimus.

◎

880 XVI. — **Quod vero dicitur*** de actu doni pietatis, *n. 848 quem illi tribuit Augustinus¹, scilicet honorare sanctos et non contradicere Scripturæ, *respondebat* D. Thomas (In III Sent., dist. 34, q. 3, a. 2, qla 2 ad 1) quod exhibere reverentiam Sacrae Scripturæ pertinet ad latriam seu religionem, pertinet tamen etiam ad donum pietatis, licet altiori^{*} modo quam ad religionem; non tamen solum pertinet actus iste ad donum pietatis, sed etiam misericordiam exhibere aliis, unde beatitudo^{*} illa qua dicitur (*Mat. 5, 7*): *Beati misericordes, quoniam ipsi mi-*

<sup>*n. 876
†n. 854</sup>^{*n. 1265}¹ *De Doctr. Christ., Lib. II, cap. 7, PL 34, 39.*

sericordiam consequentur correspondet dono pietatis, ut ex Augustino¹ docet S. Thomas (IIa-IIæ, q. 121, a.2); imo generaliter in omni* materia justitiae tam erga Deum quam erga proximos versatur, ut statim* dice-^{*n. 829}
mus. ^{*n. 882 sq.}

- 881 Unde non potest ille actus solus esse adæquatus actus doni pietatis, nec* per illum distingui potest a religione, quia etiam ad religionem pertinet exhibere reverentiam Scripturis, ut dicit* S. Thomas, licet alio† modo quam ad donum pietatis. ^{*n. 848}
^{*n. 880}
^{fn. 872, 880}

* * *

- 882 XVII.— **Circa secundum supra* positum,** ^{*n. 838} scilicet de materia ad quam se extendit donum pietatis, *respondemus* quod materia ejus primaria et principalis est in ordine ad cultum Dei, respiciendo ipsum ut Patrem. Extenditur* tamen secundario et accessorio (sub eadem tamen ratione formalis* specifica) ad omnem communicationem et debitum erga alterum. ^{*n. 888, 904}
^{*n. 857}

- 883 Est D. Thomæ (In III Sent., dist. 34, q. 3, a. 2, q1a 2), ubi inquit: "Pietas donum uno et eodem modo dirigit in communicationibus omnibus quæ ad alterum sunt, aliam tamen mensuram accipiens quam virtutes: quæ mensura, quia simplex est et una, et ideo pietas unus habitus est; et ex comparatione ad hanc mensuram omnis actus ejus specificatur". Itaque pietas inter dona partis appetitivæ correspondet justitiae virtuti cardinali in omni sua materia* et latitudine, sub altiori ratione formalis complectens* omnia ad quæ se exten-^{*n. 829, 998}
dit justitia, tam erga Deum quam erga homines. ^{*n. 1101}

¹ *De Serm. Dom.*, Lib. I, cap 4, PL 34, 1234.

884 XVIII.— **Pro hujus intelligentia**, advertendum est quod inter virtutes quæ versantur ad alterum et sunt partes potentiales justitiae, illa quæ versatur erga Deum et reddit ei cultum debitum, vocatur religio seu latria; quæ vero reddit debitum cultum parentibus*, vocatur pietas; quæ vero superioribus et principibus, vocatur observantia. ^{*n. 887}

- 885 Donum autem Spiritus Sancti, quod altiori modo quam virtutes versatur circa istas materias, principali-
ter versatur erga Deum reddendo illi debitum cultum,
sed non respicit ipsum ut Dominum et Creatorem, sed
ut Patrem, juxta illud (*Rom. 8, 15*): *Accepistis spiritum adoptionis filiorum, in quo clamamus: Abba (Pater)*.
Et hoc ideo quia in ordine gratiæ Deus habet se erga nos sicut Pater: *Voluntarie enim genuit nos Verbo veritatis, ut simus initium aliquod creaturæ ejus*, ut dicitur (*Jac. 1, 18*).

- 886 Et ideo oportet in hoc ordine et genere gratiæ nos moveri erga ipsum ut erga Patrem, cum simus filii¹ adoptivi per gratiam, et sic non solum debemus reddere cultum ei debitum ut Domino, quod facit religio, sed etiam ut Patri, cuius hæreditatem in gloria expectamus².

- 887 Et hæc est ratio quare donum, quod in parte appetitiva respicit debitum ad alterum* seu erga Deum, non dicitur donum religionis seu latriæ, sed donum pietatis, quia cum pietas inter nos sit virtus quæ reddit honorem parentibus*, illa quæ in genere supernaturali respicit Deum ut Patrem (quia filii Dei³ sumus), ^{*n. 858}
^{*n. 884}

¹ Cf. Iam, q. 33, a. 3.

² Cf. Rom. 8, 23.

³ Cf. I Joan. 3, 1.

retinet nomen pietatis, quia erga Patrem cælestem versatur.



- 888 XIX. — Ex hac ergo ratione formalis **deducitur** quod petat donum pietatis extendi* ad omnes alias <sup>*n. 878, 882,
904</sup>
creaturas quibus in gratia communicat aut communica-
care potest, quod non habet religio quæ est virtus, sed
ipsa sola respicit Deum ut colendum: requiruntur vero
aliæ virtutes ad respiciendum homines in ratione
debiti*.

- 889 **Ratio disparitatis est** quia religio respicit cul-
tum debitum Deo sub ratione excellentiæ propriæ et
peculiaris ipsius Dei, in qua aliis non communicat,
quia *Gloriam meam*, dicit¹ ipse, *alteri non dabo*. Et
ideo vocatur latria, quo cultu nefas* est alium præter ^{*n. 905}
Deum colere. Et sic religio ex propria sua ratione, quia
respicit excellentiam divinam ut propriam et non com-
municabilem, sistit in Deo, nec extenditur ad honoran-
das creaturest formaliter et elicitive.

- 890 At vero pietas respicit* in parentibus ipsam ra- ^{*n. 884}
tionem originis, ratione cuius venerationem exhibit
patri ut habenti auctoritatem principii. Unde ubi-
cumque communicatur et invenitur hæc ratio originati-
va et participatio ejus, pertinet ad eamdem virtutem
pietatis totum id colere, sicut per pietatem non* solum
observamus parentes, sed alios qui communicant in
eadem stirpe sanguinis, quæ est ratio originis et gene-
rationis in his qui ex sanguinibus et ex voluntate viri
et ex voluntate carnis nati sunt². Eodem modo, in
^{*n. 892, 904}

¹ *Is. 48, 11.*

² *Cf. Joan. 1, 13.*

his qui ex Deo nati sunt et ex Spiritu regenerati¹,
oportet virtutem illam quæ respicit principium* talis ^{*n. 837, 903}
generationis, scilicet Deum ut Patrem, etiam respicere
secundario* omnes qui in tali generatione spirituali
communicant, et se habent ut fratres in communica-
tione gratiæ, sicut nos respectu Dei sumus sicut filii².

- 891 Ex ipsa ergo ratione formalis pietatis, qua respi-
cimus Deum ut Patrem, nascitur quod debeat istud
donum extendi* ad communicationem et observantiam ^{*n. 878}
habendam erga homines, quatenus etiam filii Dei sunt
et cives sanctorum et domestici* Dei³. Quod religio ^{*n. 910}
etiam infusa non facit, quia non respicit Deum for-
maliter sub communicatione Patris, sed sub excellentia
domini supreni per modum latræ colendi in genere
gratiæ, et secundum mensuram* beneficiorum ejus ^{*n. 857, 859,}
erga nos. ⁹⁸²



- 892 XX. — **Unde ulterius declaratur** quomodo* ^{*n. 847, 852,}
pietatis donum exigat ex sua propria ratione extendi
ad creaturest seu ad homines quatenus sunt filii Dei,
sicut pietas virtus extenditur non* solum ad parentes, ^{*n. 890}
sed etiam ad cognatos et fratres, quia pietas donum
respicit* gloriam et majestatem Dei in se ut colendam
et venerandam, non* juxta hanc vel illam mensuram ^{*n. 860 sqq.}
qua nobis beneficia confert, sed absolute propter ma-
gnam gloriam suam. Magnitudo autem gloriae Dei
attenditur non solum prout est in se infinita, sed etiam
prout in sui participatione invenitur in his qui filii ^{*n. 903}

¹ Cf. *Joan. 3, 5.*

² Cf. *I Joan. 3, 1.*

³ Cf. *Eph. 2, 19.*

Dei sunt et divinæ consortes naturæ¹: pertinet enim ad magnitudinem Dei ut Patris et auctoris gratiæ multos filios adducere in gloriam², sicut ad magnitudinem Dei ut Creatoris multas species rerum creare in universo.

893 Quare non potest virtus aliqua seu donum inclinare in venerationem et cultum Dei ut Patris, et sub ratione illa qua Pater est, et non inclinare ex consequenti* in omne illud quod Patris est et ad ejus filios pertinet in ea linea et ordine in quo est Pater. Et sic cum omnes creature intellectuales non damnatae sint³ filii Dei, aut potestatem habeant filios Dei fieri⁴, ad omnes ex consequenti se extendit donum pietatis: sicut charitas, quia respicit Deum ut bonum amabile, ex consequenti debet afficere et amare omne quod Dei est et ex illo bonum participat; sed charitas præcise* in ratione amoris, pietas in ratione debiti* et observantiæ.

★ ★

894 XXI. — **Dices***: Hac ratione etiam religio infusa se extendit non solum ad Deum, sed etiam ad omnes homines, et ad omnem materiam justitiae, quod nos negamus.

895 *Et sequela patet*, quia etiam respicit Deum ut Patrem*, siquidem respicit ut auctorem gratiæ in ordine supernaturali, quod etiam nos supra* concessimus; ergo si respicit ut Patrem, etiam debet respicere secundario omnes filios et quidquid Patris est, sicut ipsum donum pietatis.

¹ Cf. II Pet. 1, 4.

² Cf. Heb. 2, 10; Joan. 10, 16.

³ Cf. IIIam, q. 8, a. 3.

⁴ Cf. Joan. 1, 12.

*n. 878

*n. 907

*n. 858

*n. 898 sq.

*n. 899 sq.

*n. 872

896 Nec sufficit distinctio supra* posita, quod religio *n. 857, 866 respicit Deum secundum rationem alicujus beneficii nobis collati, pietas autem respicit Deum in se et ratione sui colendum. Nam si ita est, ergo pietas magis respicit in Deo de excellentia et minus de communicatione, religio vero e contra, siquidem pietas respicit excellentiam Patris in se et non ratione alicujus beneficii in nos; ergo non respicit illam ut communicativam ad nos, sed solum prout in se, religio vero e contra; ergo potius* ad religionem pertinebit respicere *n. 905 Deum in se et homines ut communicant beneficia Dei quam ad donum pietatis.

897 XXII. — **Confirmatur***, quia dato quod pietas *n. 908 respiciat non solum Deum sed etiam homines, tamen respiciet illos sub ratione alicujus observantiæ et cultus; inde vero non sequitur quod complecti possit omnem* materiam justitiae, quia multa alia pertinent *n. 829, 883 ad rationem justitiae in ratione debiti rigorosi et legalis aut etiam debiti moralis quæ non sunt cultus et veneratio; ergo non complectitur pietas omnem materiam justitiae, si solum respicit id quod est observantiæ et cultus in Deo et hominibus: sicut licet pietas erga parentes et cognatos respiciat* observantiam eis debitam, tamen si cum parentibus et cognatis concurrat aliqua ratio debiti rigorosi justitiae non a pietate exercetur, sed a justitia commutativa vel distributiva, aut ab aliqua simili.

◎

898 XXIII. — **Respondetur*** negando sequelam. *n. 894 sq.

899 **Ad probationem***, dicitur quod religio infusa respicit in Deo auctore supernaturali non* jus paternum *n. 895 *n. 872, 901

formaliter, sed jus dominativum seu supremi dominii in illo ordine.

- 900 Licet enim idem sit auctor supernaturalis in ordine gratiae, et Pater qui adoptat filios per gratiam, et sic virtus quæ respicit Deum auctorem supernaturalem identice* respiciat Patrem, tamen fundantur in hac eadem dignitate diversa jura quæ formaliter specificant diversas virtutes quæ sunt ad alterum in ratione debiti*, nam istæ formaliter respiciunt rationem justi seu juris, et secundum diversum jus seu diversam rationem justi quæ respicitur, fundatur diversa virtus seu diversa pars justitiae.

*n. 873, 902

- *n. 858

- 901 In auctore ergo supernaturali, et fundatur **jus dominativum*** seu supremi dominii Dei in ipsa dona gratiae, et fundatur **jus paternum***, quo respicit filios adoptivos ut hæredes Dei et cohæredes¹ et communicantes in eodem Spiritu, et fundatur **jus amicabile***, quatenus non dicit eos servos sed amicos², quod pertinet ad charitatem, non ad pietatem.

*n. 899

*n. 899, 903

*n. 906

- 902 Si attendamus ad **jus dominativum** Dei, etiam in ordine supernaturali, fundatur supremus cultus latriæ seu religionis infusæ, quæ respicit Deum ut supremum Dominum qui potest si vult³ dare gratiam aut tollere sive cum culpa sive sine illa, et sic in hoc debito fundatur latria, eo quod latria est summa servitus* cuius correlativum est summum dominium, atque adeo religio infusa respicit auctorem supernaturalem ut supremum Dominum et identice* Patrem. Ad hoc autem

*n. 905

*n. 873, 900

¹ Cf. Rom. 8, 17.

² Cf. Joan. 15, 15.

³ Cf. Rom. 9, 18.

requiritur quod honoret Deum et cultum servitutis ei offerat juxta mensuram* beneficiorum acceptorum, nec enim Deus dominatur nobis, nec nos Deo subjicimur nisi ratione alicujus rei operatae in nobis et acceptæ a Deo, quæ utique beneficium* aliquod est.

*n. 859, 891

*n. 857

- 903 XXIV. — Si vero attendamus ad **jus paternum*** quo Deus se gerit ut Pater per spiritum adoptionis *In quo clamamus: Abba (Pater)*¹, sic fundatur donum pietatis, quod observat et colit in Deo rationem principii* generativi per gratiam et gloriam illam immensam quæ est ipsa hæreditas² filiorum, non* attendendo pro mensura colendi et honorandi ipsum beneficium aliquod nobis collatum, sed* gloriam illam immensam qua in se est Pater et hæreditas ipsa filiorum Dei.

*n. 899, 901

*n. 837, 890

*n. 892

*n. 867

- 904 Et sic separat jus supremi dominii, et tantum attendit jus paternum summæ pietatis, et honorat seu magnificat Deum, quia* pius est, ut dicitur (*Apoc.* 15, 4). Et sub hac ratione et formalitate Patris ita respicit Deum primario et per se quod extenditur* secundario ad omnes filios Dei respectu quorum est Pater, et ad omne illud quod conjungitur ei ut Patri et ad ipsum ut ad Patrem pertinet, eo quod omnia ista per se conjuncta sunt, sicut qui colit et observat parentes virtute pietatis, ex consequenti* observat consanguineos et fratres ut aliquid patris.

*n. 866

*n. 847, 852,
882, 888

*n. 890

- 905 XXV. — **Ad id vero quod dicitur*** potius religionem infusam respicere Deum ut communicativum quia ut beneficium nobis, pietas autem respicit illum ut in se colendum et non ratione beneficiorum, et sic

*n. 896

¹ Rom. 8, 15.

² Cf. Ps. 15, 5.

minus debet extendi ad observantiam aliorum præter Deum quia non respicit illum ut communicativum ad nos, *respondetur* quod religio respicit Deum ut communicativum nobis in beneficiis per modum supremi Domini, ratione quorum constituit nos servos summa servitute*, et sic communicando beneficia supremi Domini non communicat nobis consortium honoris, sed inferioritatem servitutis; unde virtus quæ respicit ipsum ut supremum Dominum et reddit ei cultum summæ servitutis et latræ non* respicit alias personas præter Deum colendo et honorando simili latria.

*n. 902

*n. 889

906 At vero donum pietatis respicit Deum ut Patrem, non quidem attendendo ad beneficia* (licet illis non fraudetur), juxta illud Bernardi (*In Cant.*, serm. LXXXIII, n. 5)¹: "Purus amor de spe vires non* sumit, nec tamen diffidentiæ damna sentit", sed solum ad id quod Patris est in se. De ratione autem patris est ut habeat filios et eis per filiationem consortium honoris communicet, sicut de ratione charitatis, quæ est mutuus et amicabilis amor, est quod communicet se aliis ut amicis et non ut servis², sed hoc non ratione debiti* et observantiæ, sed solum amoris et **juris amicabilis***.

*n. 857, 869

*n. 868

*n. 858

*n. 901

907 Unde de ratione pietatis est quod ita honoret Deum quod etiam* se extendat ad alios qui consortium habent honoris divini, et sunt filii Dei, sicut charitas* ita amat Deum ut amicum quod etiam ad omnes Dei amicos et ad omnia quæ Dei sunt se extendit.

*n. 878

*n. 893

¹ PL 183, 1183.² Cf. *Joan.* 15, 15.

908 XXVI. — **Ad confirmationem***, *respondetur* quod pietas observantiam habendo erga alios homines tamquam erga filios Dei et fratres in gratia et domesticos¹ Dei, sub illa ratione potest exercere omnem* materiam justitiæ dupli via.

*n. 897

*n. 829, 880

909 **Primo imperative**, quia potest imperare justitiæ commutativæ et distributivæ, et aliis virtutibus quæ justitiæ aggregantur, ut exerceant suos actus erga alios homines ex hoc fine ut honorent debite ipsos quia* filii Dei sunt. Sed hac ratione etiam religio imperat aliis virtutibus ut propter cultum Dei faciant ea quæ de virtutibus sunt, quia virtutibus colitur Deus. Si hoc ergo sufficeret ut donum pietatis se extenderet ad omnem materiam justitiæ, etiam id haberet religio.

*n. 878, 892

910 XXVII. — **Secundo** ergo dici potest quod pietas se extendit ad omnem materiam justitiæ et dirigit in omnibus communicationibus, ut dicit S. Thomas (*In III Sent.*, dist. 34, q. 3, a. 2, qla 2), intelligendo quod id facit etiam **elicitive*** sub ratione tamen altiori pertinente ad ordinem supernaturalem et respiciente ea quæ sunt ad alterum, non quatenus pertinent ad convictum et modum humanum, sed quatenus pertinent ad convictum supernaturalem inter filios et domesticos¹ Dei². Et sic eminenter* facit et extendit se ad alias materias justitiæ, non formaliter illas exercet secundum suas peculiares rationes.

*n. 914

*n. 891

*n. 914, 1112

911 Nec est necesse quod si donum pietatis tractat et se extendit ad omnes materias justitiæ tractet illas sub omni particulari et propria ratione talium virtutum,

¹ Cf. *Eph.* 2, 19.² Cf. *Eph.* 2, 19.

verbi gratia, quod materiam justitiæ commutativæ aut distributivæ tractet sub ratione commutationis rigorosæ et debiti æqualis inter unum et alterum, aut si tractat materiam liberalitatis aut fidelitatis, de illis tractet secundum suas peculiares rationes et motiva, sed de omnibus istis tamquam de materiis inadæquatis tractat sub altiori ratione formalí, ita quod ad donum pietatis materialiter se habet quod in hoc exercetur justitia commutativa, in illo distributiva, in illo fidelitatis vel affabilitatis, etc.

912 Omnia ista materialiter se habent ad donum pietatis, formaliter autem habet respicere hæc omnia quatenus* sunt operationes filiorum et domesticorum Dei¹, atque adeo sub ratione observantiæ et cultus inter cognatos et fratres cognitione spiritus et gratiæ, et communione fidei et sanctorum quibus ista justitiæ debita reputantur pro minimis et materialiter tantum attactis, juxta quod dicit Apostolus (*I Cor. 6, 1-3*): *Audet aliquis vestrum habens negotium adversus alterum, judicari apud iniquos, et non apud sanctos? An nescitis quoniam sancti de hoc mundo judicabunt? Et si in vobis judicabitur mundus, indigni estis qui de minimis judicatis? Nescitis quoniam angelos judicabimus? quanto magis sæcularia!*

913 Itaque non negat Apostolus quod sancti in quantum sancti seu ut filii Dei ducti Spiritu ejus et dono isto pietatis judicent sæcularia, et communicationes sæculares et humani convictus tractent, et ad illas se extendant quæ sunt actus justitiæ commutativæ et distributivæ, sed tamquam de minimis et materialiter

¹ Cf. *Eph. 2, 19*.

*n. 878, 892

attactis, formaliter autem sub altiori ratione qua cum angelis communicant, imo de illis judicabunt.

914 Et hæc altior ratio est affectus pietatis quo se tractant et communicant ut filios Dei et spiritualiter cognatos et communicantes, et sic virtualiter seu eminenter* habent elicere actus justitiæ rigorosæ et aliarum virtutum quæ sunt ad alterum, non formaliter et inferiori modo, sicut justitia commutativa quæ operatur istas actiones ut convictus humani sunt, pietas, ut sunt communicationes filiorum Dei et fratum in Spiritu. Et hoc quod de justitia eminenter faciunt, elicitive* non imperative faciunt.

*n. 910, 1112

*n. 910

• • •

DE DONO FORTITUDINIS

915 XXVIII. — Eodem* modo de hoc dono tractanda nobis sunt duo, scilicet, quæ sit ejus formalis ratio qua distinguitur a fortitudine virtute; et secundo*, quæ sit ejus materia ad quam se extendit.

* * *

916 XXIX. — RESPONDEO ERGO ET DICO:
Donum fortitudinis ex parte formalis rationis differt a fortitudine quæ est virtus, quatenus ad vincenda pericula et difficultates non innititur solum viribus humanis aut humano modo mensuratis, sed virtuti et potentiae divinæ quasi indutum ipsa virtute ex alto¹. — Materia* autem ad quam se extendit donum fortitudinis est victoria

*n. 832-3, 838

*n. 950

*n. 950

¹ Cf. *Luc. 24, 49*.

cujuscumque difficilis et evasio omnium periculorum, sive in principali materia virtutis quæ est circa pericula mortis, sive in materiis accessoriis, quæ pertinent ad alias virtutes fortitudini adjunctas*, ut magnificentia, perseverantia, patientia.

*n. 952

917 Hæc conclusio sumitur ex D. Thoma (IIa-IIæ, q. 139, a. 1) et expressius (In III Sent., dist. 34, q. 3, a. 1, qla 1).

918 Et licet aliqui putent actum doni fortitudinis specie et substantia non differre ab actu fortitudinis quæ est virtus, quia putant actum fortitudinis doni fieri etiam ex virtute fortitudinis; quod Valentia¹ attribuit Suarez (*De Gratia*, Lib. II, cap. 21, n. 10)², tamen affirmandum est distingui specifice, supposito quod dona sunt habitus distincti* a virtutibus et superiores illis, sic enim oportet* et actus ipsos distingui: isti enim distinguuntur sicut et ipsi habitus.

*n. 135 sqq.

*n. 1002

★ ★

919 **Inquirimus** autem rationem formalem qua distinguitur* hoc donum a virtute fortitudinis, et affirmamus esse illam quam in conclusione retulimus*.

*n. 915

*n. 916

★ ★

920 XXX. — **Pro cuius intelligentia**, est advertendum quod fortitudo de se importat quamdam animi

¹ Verbotenus apud Suarez non nominatur.

² *Opera Omnia*, VII (Vives), p. 690.

firmitatem ad aggrediendum vel sustinendum gravia et difficultia mala, præsertim pericula mortis quæ sunt principaliora et terribilia aliis. Hæc autem firmitas non potest in animo consequi nisi attendendo et regulando vires et media quibus tali malo possit resisti illudque superare. Et cum humanæ vires sint valde limitatae et fragiles, præsertim ad perseverandum et vincendum in executione tantam periculorum multitudinem, sicut in hac vita occurrit pro consequendo quolibet fine arduo, et præsertim pro consequendo fine æterno in quo est omnium periculorum evasio et omnium malorum Victoria, non sufficit ad hæc communis virtus fortitudinis.

◎

921 Fortitudo ergo quæ est virtus tendit ad superandas difficultates et vincenda mala modo humano, et regulando istam fortitudinem et firmitatem juxta modum limitatum humanum seu proprium hominis ut homo est (licet supponendo auxilia divina nostro modo recepta et ad nostrum modum limitata), et sic dicit Philosophus (*Eth.* III, 10)¹ quod “Fortis est instupefactibilis ut homo”, scilicet in his periculis et terribilibus quæ sunt secundum hominem.

922 Et fortitudo infusa licet ordinet* actum fortitudinis ad finem supernaturalem charitatis, tamen de supernaturalibus viribus non accipit regulationem nisi modo humano et juxta capacitatem et limitationem recipientis, ita quod licet supernaturaliter judicet posse multo majora fieri, tamen propria infirmitas et

*n. 929

¹ *Eth.*, III, 10 (1115 b 12).

limitatio etiam detinet juxta quam metitur, et modifi-
cat etiam supernaturales actiones et vires.

923 At vero donum fortitudinis ita induit¹ virtutem ex alto quod virtutem ipsam Dei facit quasi propriam*, et depulsa infirmitate naturae sola divinitatis operatur virtute, juxta quod dicit propheta (*Ps. 17, 3*): *Diligam te, Domine, virtus mea: Dominus firmamentum meum, et refugium meum;* et iterum (*Ps. 17, 30*): *In Deo meo transgrediar murum,* hoc est, ut interpretatur D. Thomas (In III Sent., dist. 34, q. 3, a. 1, q1a 1): "Omne quod posset humanae infirmitati obviare", hoc enim nomine *muri* intelligitur.

924 XXXI. — Itaque differt fortitudo virtus et fortitudo donum sicut fortitudo ut humana, vel ut divina. Fortitudo enim regulata modo humano, et ut dictant regulae prudentiae, facit fortitudinem virtutem, regulata vero instinctu et regula divina et juxta vires divinas nobis assistentes est fortitudo donum.

925 Unde dicitur (*Ps. 43, 4*): *Nec enim in gladio suo possederunt terram, et brachium eorum non salvabit eos: sed dextera tua, et brachium tuum, et illuminatio vultus tui.* Gladius enim et brachium humanam fortitudinem indicat, quae utique virtus est. Quando autem operatur quis per ipsam dexteram et brachium Dei, non quidem secundum regulas ordinarias, sed secundum illuminationem vultus Dei et instinctum Spiritus non prudentialiter metientis vires proprias, sed operantis juxta vires et brachium Dei, non attendendo ad infirmitatem propriam, talis fortitudo est plus quam virtus, quia ultra omnes regulas prudentiales et ultra fortitu-

*n. 934, 940,
960

dinem humanam est, quasi fortitudo divina qua induimur¹.

926 Et sic fortitudo donum perficit et adjuvat fortitudinem virtutem in his in quibus ex parte subjecti* operantis deficere potest. Verum est enim quod D. Gregorius (*Moral.*, Lib. XXXV, cap. 8, n. 15)² dicit quod per dona juvantur virtutes.

*n. 204, 934,
938, 946, 960,
1183 sq.

★ ★

927 XXXII. — **Sed dices***: Fortitudo virtus versatur circa mala maxime terribilia, scilicet circa pericula mortis, ut docet S. Thomas (IIa-IIæ, q. 123, a. 4); ergo ad talia pericula superanda non oportet uti dono speciali; ergo ad nulla alia, quia si summa pericula et summæ difficultates vincuntur sine dono, a fortiori minores vincentur; ergo ad nulla indiget dono.

*n. 933 sq.

928 Imo etiam sine virtute fortitudinis multi sustinent* mortem et acerbissima tormenta, ut multi gentiles et infideles, et se ipsos occidunt; ergo nullæ sunt tam magnæ et arduæ difficultates quæ requirant donum fortitudinis præter virtutem fortitudinis.

*n. 941, 1142

929 XXXIII. — **Si dicatur** hanc esse virtutem ordinariam et procedere juxta regulas communes, ulterius autem debere ordinari* fortitudinem ad finem supernaturalem et secundum auxilia supernaturalia, et sic indigere dono, *contra est*, quia ad hoc sufficit* fortitudo infusa, hæc enim respicit finem supernaturalem et supernaturali nititur auxilio et regulatur a prudentia

*n. 922

*n. 945

¹ Cf. *Luc. 24, 49.*

² PL 76, 758.—Etiam *Moral.*, Lib. II, cap. 49, PL 75, 592.

infusa; ergo in substantia potest omnia illa facere quæ facit donum fortitudinis, scilicet opera fortia in ordine supernaturali. Quod autem sint opera magis vel minus insignia aut extraordinaria, ideoque petant specialem instinctum vel motionem Spiritus Sancti, hoc per accidens se habet et secundum magis vel minus intra eamdem substantiam et speciem actus supernaturalis.

930 XXXIV. — **Et confirmatur***, quia si virtus for-

*n. 947

titudinis inclinat ad sustinenda etiam pericula mortis propter honestatem virtutis et finem supernaturalem, quod id fiat instinctu et motione Spiritus Sancti non ponit nisi vel novam notitiam vel novum præceptum ut ita fiat; ad hoc autem non indiget nova virtute, licet sit novum præceptum, quia ex novo præcepto non mutatur specificatio et quidditas virtutis.

931 Quod exemplis* fit manifestum, nam temperantia,

*n. 947

etiam adveniente novo præcepto ecclesiastico, non mutat rationem formalem virtutis temperantiæ. — Et præceptum Dei ad Abraham¹ ut occideret filium, licet rem extraordinariam imperaverit et quæ solum ex præcepto Dei licita reddebatur, tamen ad virtutem obedientiæ* et religionis ille actus pertinebat. — Et actus heroici atque extraordinarii virtutum, licet requirant speciale auxilium et motionem divinam atque etiam instinctum, non* tamen ad diversam speciem virtutis spectant quam ad virtutem cardinalem cuius sunt actus. Et ad credendum revelationi* particulari Dei non requiritur alia fides quam fides theologica, quæ est virtus.

*n. 948

*n. 231

*n. 948

¹ Cf. Gen. 22, 2.

932 Ergo neque ad operandum opera fortitudinis extraordianria, licet fiant ex speciali impulsu et instinctu Dei, requiretur alia virtus quam virtus fortitudinis.

◎

933 XXXV. — **Respondeatur*** concedendo quod fortitudo virtus versatur circa pericula mortis, et si sit

*n. 927 sq.

fortitudo infusa versatur circa pericula mortis ex fine et auxilio supernaturali, neque ad hoc præcise requiritur donum fortitudinis distinctum a virtute. Sed requiritur hoc donum ad tendendum in pericula mortis et in alia terribilia et difficilia sic, id est, ultra modum virium humanarum et infirmitatis ejus.

934 Nam licet virtus fortitudinis tendat ad ea quæ

*n. 926

difficillima sunt ex objecto et genere suo, tamen cum quadam infirmitate et trepidatione ex parte operantis* et virium propriarum, quam trepidationem et contingentiam et infirmitatem ex parte operantis in ordine ad illud opus tollit* et sublevat donum fortitudinis, utens

*n. 938

divina virtute tamquam sua* et operans ex motione et instinctu Spiritus Sancti ut solidante infirmitatem nostram et induente¹ nos virtute ex alto, ut quasi petra solida operemur, juxta quod dicitur (Ps. 26, 6): *In petra exaltavit me: et nunc exaltavit caput meum super inimicos meos.*

*n. 923, 940

935 Et hæc est doctrina D. Thomæ (In III Sent., dist. 34, q. 3, a. 1, qla 1 ad 3), ubi inquit quod “Virtus fortitudinis respicit opus difficillimum ex genere suo, non tamen secundum comparationem ad operantem, quia

¹ Cf. Luc. 24, 49.

non excedunt vires ejus. Sed fortitudinis donum etiam est circa ea quæ excedunt humanam facultatem".

936 XXXVI. — **Quod sic explicandum est** ex ejusdem doctrina paulo ante ista verba, quia proprium fortitudinis est ponere in animo firmitatem contra pericula et mala imminentia quæ vincenda sunt. Firmitas autem hæc sumitur ex comparatione virium operantis in ordine ad opus difficile quod aggreditur vel sustinet, quæ quidem sunt vires fragiles et defectibiles ex infirmitate sua.

937 Et sic virtus fortitudinis humano modo procedens, etiamsi sit propter finem supernaturalem, intendit repellere malum ex genere suo arduum et facere opus difficillimum, viribus tamen defectilibus et infirmis, et sic ad substantiam illius operis sufficientibus, quarum defectum et infirmitatem non potest sufficienter* virtus fortitudinis reparare, quia etsi dat inclinationem ad superandum opus difficile, non tamen penitus ipsam infirmitatem et defectibilitatem virium solidare potest. Et sic plerumque deficit et frangitur etiam fortis et constans ex metu cadente in constantem virum.

938 Donum autem fortitudinis ita inclinat in ardua et difficultia opera ex genere suo quod etiam ex parte operantis* consolidet infirmitatem et depellit† trepidationem naturæ ex virtute assistentis Spiritus, et sic etiam circa difficillima pericula, qualia sunt pericula mortis, altiori motivo movetur quam fortitudo virtus.

939 Unde Christus Dominus¹, qui in passione sua primo trepidationem monstravit ad ostensionem in-

¹ Cf. Mat. 26, 39.

*n. 59 sq.

*n. 926
†n. 934

firmæ naturæ et quasi humano modo procedens ex virtute fortitudinis quæ trepidationes illas compatitur, statim rediit ex dono* fortitudinis in suam soliditatem, et, ut inquit S. Leo Papa (*Sermones*, serm. LIX (VIII *De Passione Dom.*), cap. 1) ¹: "Depulsa trepidatione infirmitatis, et confirmata magnanimitate virtutis, rediit in sententiam suæ dispositionis æternæ".

*n. 944

940 Itaque donum fortitudinis confirmat virtutem fortitudinis in his in quibus admittit defectibilitatem et trepidationem ex propria infirmitate in ordine ad pericula circa quæ versatur, quia virtus fortitudinis versatur ex specie sua circa illa cum similibus defectibus, donum autem fortitudinis ex specie sua tollit* illos, eo quod utitur virtute et viribus divinis quasi propriis* ex instinctu Spiritus Sancti.

*n. 949

*n. 923, 934

941 XXXVII. — **Quod vero dicitur*** plures subire mortem et pericula gravia, et tolerare illa etiam sine dono et virtute fortitudinis, imo cum peccato, ut qui ex desperatione aut vanitate se ipsos occidunt, *respondeatur** ² istos non subire illa pericula ex vera fortitudine, sed potius ex quadam animi defectione, pusillanimitate, temeritate aut vanitate, vel etiam ex aliqua ignorantia, quæ omnia vera fortitudo non admittit, quæ non tam in actionibus corporis² quam in animi affectibus demonstratur et perficitur.

*n. 928

*n. 1185

942 Non enim est fortis qui in animo est dejectus et pusillus, aut desperatus, aut vanus, licet opere externo exerceat ea quæ fortis, conjiciendo se in pericula aut

¹ PL 54, 337.

² Cf. S. Augustinum, *Enarr. in Psalm.*, Ps. XXXIV, serm. 2, 13, PL 36, 340.—IIam-IIæ, q. 123, a. 1 ad 2.

illa sustinendo, quia non ex animo forti et invicto, sed potius victo a pusillanimitate spiritus et tempestate¹ ea tolerat.

943 Nam qui, verbi gratia, ob molestiam temporalium calamitatum se occidit non est fortis, sed pusillanimis, quia non potest tolerare molestias temporales, sed vult illas finire per mortem. Et qui ex vanitate in pericula mortis se conjicit aut in alias poenitentes, ille non est fortis, sed victus a vanitate vel a passione audaciæ; unde non potest sustinere injuriam vel opprobrium, et ne sustineat, appetit mortem qua homines laudent.

944 Vere autem fortis non solum mortem sed etiam confusionem contemnit, sicut de Christo* dicit Apostolus (*Heb. 12, 2*): *Qui proposito sibi gaudio sustinuit crucem, confusione contempta*. Honoris quippe appetitus difficilime vincitur in corde humano, nec est fortis corde qui ab illo appetitu victus difficultia tolerat in corporalibus: donum ergo fortitudinis vincit exteriora mala, sed præcipue cordis interiora confirmat. *n. 939

945 XXXVIII. — **Quod vero dicitur*** sufficere fortitudinem infusam ad toleranda hæc propter finem supernaturalem, *dicimus* sufficere quidem in suo ordine et linea, sed non absolute et quoad omnia. Nam fortitudo infusa ex dictamine supernaturalis finis tendit in ardua et difficultia, sed juxta modum humanum et capacitatem subjecti, id est, cum defectibilitate et infirmitate virium et trepidatione ex parte operantis, unde frequenter deficit* non ratione virtutis (quæ non inclinat ad deficiendum), sed ex debilitate subjecti quod non potest perfecte corroborare. *n. 929
*n. 59 sq.

¹ Cf. *Ps. 54, 9.*

946 At vero donum fortitudinis fertur in ista difficultia et gravia non solum ex dictamine et motivo supernaturali, sed ex tali motione Spiritus quod omnem trepidationem tollit et infirmitatem* corrigit ad vincendas quascumque difficultates, sicut dicitur de Samsonе* (*Judic. 15, 14*) quod *Irruit super eum Spiritus Domini: et sicut solent ad ardorem ignis ligna consumi, ita vincula, quibus ligatus erat, dissipata sunt et soluta*. Quibus verbis designatur omnem difficultatem et impedimentum etiam extrinsecæ ligationis ex potenti illo Spiritu in se irruente Samsonem superasse. *n. 926
*n. 202

947 XXXIX. — **Ad confirmationem*, respondet** *n. 930
instinctum et motionem Spiritus Sancti, cui tamquam rationi formali donum fortitudinis innititur, non consistere solum in novo præcepto aut nova revelatione et luce vel notitia quæ sibi infundatur (et sic exempla allata* pro aliis virtutibus non quadrant), sed consistere in nova constantia et firmitate animi ex subministratioне Spiritus infusa, quæ vires humanas corrigit et infirmitatem adaptat ad quælibet difficultia superanda. *n. 931

948 Quamquam in illa obedientia Abraham* præter divinum præceptum, etiam donum pietatis quo religiose Deo obedivit in tam extraordinaria actione, et donum fortitudinis in depellenda omni trepidatione et hæsitatione ex paterni amoris teneritudine emolliente cor derivata, intervenisse par est credere. Et qui revelationes* accipiunt privatas, etiam lumen peculiare accipere ad eas intelligendas et assentiendas præter fidem theologicam multi probabiliter adstruunt¹. Sed dato quod credantur fide theologica, quæ est virtus, *n. 931
*n. 931

¹ Cf. Joan. a Sto Thoma, *Curs. Theol.*, In IIam-IIæ, *De Fide*, disp. 6, n. 4, VII (Vivès), p. 115.

ideo est quia credulitas talium revelationum non petit aliud motivum vel rationem formalem quam ipsius fidei.

- 949 Depulsio* vero infirmitatis et trepidationis propriae, quam facit donum fortitudinis, petit altiorem vim spiritus quam sit motivum virtutis fortitudinis, quæ illas imperfectiones permittit. ^{*n. 940}

★ ★

- 950 XL. — Quoad secundam* partem conclusionis, ^{*n. 915, 916} de materia ad quam se extendit donum fortitudinis, quidam distinguunt materiam doni fortitudinis a materia virtutis fortitudinis et aliarum virtutum ei adjunctarum*, quasi donum fortitudinis solum versetur ^{*n. 916} circa illas actiones quæ sunt omnino extraordinariæ* ^{*n. 959} et petunt specialem instinctum Spiritus Sancti ut fiant, sicut quando martyres se projiciebant* in ignem, aut ^{*n. 257} Jonathas cum uno armigero tantum invasit integrum exercitum¹, aut Samson interfecit² mille viros.

○

- 951 XLI. — Cæterum D. Thomas (In III Sent., dist: 34, q. 3, a. 1, q1a 2 ad 1) expresse dicit quod “Licet donum fortitudinis principaliter sit circa illa opera supererogationis, nihilominus etiam est circa alias difficultates, circa quas est etiam virtus communiter, sed non eodem modo sicut dictum est”.

- 952 Quod autem non solum versetur circa præcipuam materiam virtutis fortitudinis quæ sunt pericula mortis,

¹ Cf. I Reg. 14, 1-15.

² Cf. Judic. 15, 14-16.

sed etiam circa alias materias virtutum illi adjunctarum*, ut magnanimitatis, magnificentiæ, patientiæ, perseverantiæ, etc., docet ibi* D. Thomas in *corpone*, dum dicit quod “Unum donum fortitudinis se extendit ad omnes difficultates quæ in humanis rebus possunt accidere etiam supra facultatem humanam, sicut Apostolus dicebat¹: *Omnia possum in eo qui me confortat*. Et ideo oportet actum fortitudinis doni accipere circa omnia difficilia proportionabiliter actui fortitudinis circa quædam difficilia”.

*n. 916, 950

*n. 951

- 953 De ipsa autem virtute fortitudinis dicit quod “quia innititur facultati humanæ, non est respectu omnium difficultatum, sed respectu aliquarum quæ sunt maxime in genere humanarum...; ad alias autem difficultates sunt ordinatæ aliæ virtutes quæ sunt facultates quædam”.

- 954 Itaque sicut potentiae sensitivæ multiplicantur in homine propter limitationem et coarctationem cuiuslibet facultatis (nec ex eo quod unus sensus possit circa excellentius objectum, verbi gratia, visus, sequitur quod possit circa inferius objectum, verbi gratia, odoratus, vel gustus), ita multiplicantur virtutes quæ humano modo innituntur, quia unaquæque circa limitatum* et determinatum objectum versatur, et licet illud sit principalius aut difficilior, non sequitur quod possit operari circa minus difficile, quia extra sphæram illius limitationis est. ^{*n. 1094}

- 955 At vero sicut intellectus qui eminentior est omnibus sensibus versatur circa omnia objecta sensus modo

¹ Philip. 4, 13.

altiori, unus et idem existens, ita donum fortitudinis
versatur circa omnia* difficilia circa quæ diversæ vir- *n. 961, 1109
tutes versantur, unum* et idem existens. *n. 961

956 XLII. — **E**t ratio hujus sumitur, tum a priori,
 tum a posteriori.

957 **A priori quidem**, quia motivum et ratio formalis
qua innititur donum est universalior et altior omni mo-
tivo virtutum quæ versantur circa difficile; ergo debet
complecti plures materias, et ad plura se extendere
quam quælibet ex illis virtutibus.

958 *Paret consequentia*, quia quanto motivum est uni-
versalius et efficacius, tanto magis potest se extendere
pluraque complecti; ergo extensior materia debet corres-
pondere altiori et universaliori motivo. Ergo cum
motivum doni fortitudinis innitatur viribus divinis
et virtuti Spiritus moventis quæ ad omnia se potest
extendere, omnium virtutum fortitudinis materias com-
pleteetur, quia *Omnia*, inquit¹, *possum in eo qui me con-
fortat*.

959 XLIII. — **A posteriori** autem deducitur, quia si
solum serviret donum fortitudinis pro extraordinariis* *n. 950
actionibus quæ vix aliquando accidunt, non esset ne-
cessarium donum fortitudinis ad salutem, nec in omni-
bus habentibus gratiam oporteret poni. Constat enim
extraordinarias illas actiones non esse necessarias ad
salutem, nec in omnibus reperiri. Ergo si donum forti-
tudinis sicut et cætera dona in omnibus justis invenitur,
et necessarium est ad salutem sicut alia dona, ut docet

S. Thomas (Ia-IIæ, q. 68, a. 5 et a. 2), oportet quod
donum fortitudinis deserviat de se etiam ad alias ac-
tiones, sicut et potest deservire ad extraordinarias,
licet per accidens* ex defectu occasionis aut materiæ
non semper se offerat eas exercere.

*n. 207, 208,
1136

960 Et veritas est quod ad vincendas omnes difficul-
tates quæ homini se offerunt in consequendo tam arduo
fine, sicut est vita æterna, et in evadendis tot periculis,
sicut pro illius consecutione se offerunt, et ad consoli-
dandam infirmitatem et trepidationem nostram, quæ
ex parte subjecti* se offerunt, si sola virtute modo hu-
mano mensurata inniteretur, plerumque ratione infir-
mitatis subjecti deficeret. Necessarium est igitur do-
num aliquod altiori vi et firmitate innixum, quale est
donum fortitudinis, quod utitur divina virtute ut pro-
pria*.

*n. 926

*n. 923, 940

961 Talis autem virtus propter suam infinitatem* ad *n. 955
omnem materiam difficultem potest se extendere, et in
omni materia dare totalem fiduciam et firmitatem
etiam ex parte subjecti*, et sic donum fortitudinis
unum* existens omnes virtutes quæ circa difficile sunt
potest complecti, sicut una spes omnia sperabilia in-
tendere quæ ad vitam æternam conducunt.

*n. 926

*n. 955

962 XLIV. — Nec tamen quia donum fortitudinis
potest infirmitatem omnem ex parte subjecti corrigere
sequitur quod habeat adjunctum efficax auxilium sicut
donum perseverantiæ, quia etsi potest ex parte motionis
Spiritus omnem infirmitatem solidare, non tamen de
facto semper facit obsidente mutabilitate voluntatis.

¹ Philip. 4, 13.



DE DONO TIMORIS

963 XLV. — Non possumus in præsenti explicare ea quæ ad hoc donum pertinent ut correspondet* virtuti spei, de quo tractatur (IIa-IIæ, q. 19), sed omnia ea illuc reservamus pro tractatu *De Spe*¹.

*n. 830, 992

964 Nunc autem solum agemus de timore quatenus correspondet secundario* virtuti cardinali temperantiae, ut supra ex D. Thoma² docuimus*, ut ex hoc appareat quomodo omnia dona corrispondent omnibus virtutibus*.

*n. 979, 983,
992, 1245

*n. 830

*n. 828, 1050,
1179

* * *

965 XLVI. — Suppono ex his quæ latius ad illam quæstionem (IIa-IIæ, q. 19) tractanda sunt varios esse timores, qui non* omnes pertinent ad donum Spiritus Sancti.

*n. 979

966 Est enim timor mundanus, timor servilis, timor initialis, timor filialis seu reverentialis.

967 Et nascitur ista divisio, ut optime notat S. Thomas (In III Sent., dist. 34, q. 2, a. 1, q1a 2), ex eo quod timor generaliter loquendo est fuga de malo. Malum autem est duplex, aliud est malum poenæ, aliud culpæ. Unde oportet duos timores dividi, alterum qui fugiat malum poenæ, alterum qui fugiat malum culpæ.

¹ Cf. Joan. a Sto Thoma, *Curs. Theol.*, In IIam-IIæ, *De Spe*, disp. 6.

² Cf. IIam-IIæ, q. 141, a. 1 ad 3.

968 Deinde dividuntur ex motivo, quia aliquis timor fugit malum poenæ quae vitari sine peccato non potest, ut qui ob metum poenarum negat fidem vel perdit virtutem aut timet reprehendere ne perdat honorem, et hic timor est mundanus seu humanus et malus. Alius est timor qui timet poenam quia debetur culpæ, præsertim poenam æternam, et talis fugiendo poenam vitat consequenter culpam quæ est causa poenæ. Et talis timor est servilis sed bonus: incipit enim a timore poenarum quas proprie servi timent, sed non sistit ibi, sed transit ad fugiendam culpam quatenus causa est poenæ, non sicut timor mundanus qui fugit poenam etiam cum commissione culpæ.

969 Similiter timor qui primo et per se fugit culpam non ratione poenæ sed ratione offensæ, quia contra Deum est et ab illo separari timet, filialis timor est, quia filiorum est timere patrem perdere et ab illo separari.

970 Sed tamen iste timor aliquando est imperfectus, et dicitur initialis*, quia adhuc miscet aliquid de timore poenæ, sic enim fugit malum culpæ quod etiam in illo timet incurrire poenam, et aliqualiter ab illa impellitur ad fugiendam culpam quia causa est poenæ, licet principaliter moveatur ex eo quia offensa est Dei.

*n. 977

971 Aliquando vero est perfectus, quia non miscet aliquid de timore poenæ (talem enim timorem perfecta charitas pellit¹ foras), sed solum timet culpam quia offensa est Dei, et talis timor est filialis, reverentialis et castus, qui manet² in sæculum sæculi.

¹ Cf. I Joan. 4, 18.

² Cf. Ps. 18, 10.

◎

972 XLVII. — Ex his ergo timoribus, neque mundanus, neque servilis donum timoris constituunt.

973 Non mundanus, quia malus est et peccatum. Dicitur enim mundanus, quia timet mundum amittere et ea quæ in mundo sunt potius quam Deum, quem præ mundi timore derelinquit.

974 Non servilis, quia licet malus non sit, tamen adhuc in peccatore esse potest, ut cum peccator per attritionem disponitur ad justificationem et utili poenarum timore concurritur, ut docet Concilium Tridentinum (sess. XIV, cap. 4)¹ [attritionem] et donum Dei esse et Spiritus Sancti impulsu[m] non* quidem adhuc inhabitantis, sed tantum moventis. Et loquitur de attritione ex gehennæ vel poenarum metu concepta. Ergo excluditur manifeste ab illis donis quæ sunt dona Spiritus Sancti inhabitantis, qualia sunt ista de quibus in præsenti agimus.

975 Et ita sentit D. Thomas (IIa-IIæ, q. 19, a. 9), ubi expresse utrumque* timorem a ratione doni excludit, et (In III Sent., dist. 34, q. 2, a. 1, q[uaestio]na 3). *n. 973, 974

976 Relinquitur ergo quod donum timoris solum* sit timor filialis* et castus, quia fundatur in charitate et reveretur Deum ut Patrem, timetque separari ab eo per culpam. *n. 965
*n. 969 sq.

977 Et timor iste non differt ab initiali* in substantia et specie, sed quoad statum et modum, ut docet S. Thomas (IIa-IIæ, q. 19, a. 8), quia initialis timor *n. 970

¹ Msi XXXIII, 93.

competit charitati imperfectæ et statui incipientium, in quibus adhuc remanet aliquid de timore servi, quatenus timor poenæ operatur in eis, licet non principaliter, sed tamen principaliter timent culpam et separationem a Deo, quod in substantia est timor filialis. Crescente vero charitate foras mittitur¹ timor, scilicet quantum ad illum modum servilitatis timentis poenam, quam non timet qui perfectus est, sed solum culpam et separationem a Deo, quæ amarissimum malum est, juxta illud (*Jer. 2, 19*): *Scito et vide quia malum et amarum est reliquise te Dominum Deum tuum, et non esse timorem Dei apud te.*

978 Et quia concipit anima in se et cognoscit quam grande malum sit culpæ, repletur amaritudine, nec dat locum ad concipiendum et æstimandum aliquid creatum pro bono videns se æterno bono privatam, et sic oblita bonorum pro nihilo æstimat poenas quæ his bonis privant, nec illas timet. Ut videoas ipsam magnitudinem amaritudinis timentis culpam excludere omnem servilitatem timentis poenas, juxta quod dicit propheta (*Thren. 3, 15-18*): *Replevit me amaritudinibus, inebriavit me absinthio. Et fregit ad numerum dentes meos, cibavit me cinere. Et repulsa est a pace anima mea, oblitus sum bonorum. Et dixi: Periit finis meus, et spes mea a Domino.* Qui enim recte æstimat quam amarum malum sit perdidisse finem ultimum et spem a Domino, omnium aliorum bonorum obliviscitur nec sentit eorum amissionem, quæ est malum poenæ.

* * *

979 XLVIII. — His suppositis, solum in præsenti inquirimus quomodo timor, qui est* donum, correspon-

*n. 965, 976,
986

¹ Cf. I Joan. 4, 18.

deat temperantiæ et effectus illius faciat altiori modo quam temperantia ipsa.

★ ★

980 Et quidem de ratione formalí qua procedit timor quod sit distincta a temperantia, non est difficultas, quia timor procedit ex reverentia ad Deum et fuga a culpa ad reprimendum et coercendum petulantiam passionum exorbitantium a ratione, quales præcipuæ sunt passiones lasciviae*; temperantia autem non per modum fugæ aut reverentiæ ad Deum, sed ex ipso amore honestatis procedit ad refrænandum passiones concupisibilis.

*n. 992

981 Et distinguitur etiam ab humilitate*, licet valde similis sit, quia etsi humilitas procedat ad refrænandum passiones audaciæ, et præsumptionem et superbiam ex subjectione et reverentia ad Deum, ut tradit S. Thomas (IIa-IIæ, q. 161, a. 2 ad 3), tamen formaliter et directe humilitas non facit ipsam reverentiam et motum fugæ, quem elicit timor, sed ex illius participatione humilitas reprimit et moderatur spem præsumptivam ne aliquis de se nimis magnifice præsumat, et sic directe moderatur passionem humilitas, scilicet motum spei qui est motus spiritus in magna tendentis, ut docet S. Thomas (IIa-IIæ, q. 161, a. 4).

*n. 998, 1001

982 Timor autem qui est donum non moderatur directe passiones, sed circa Deum versatur per modum reverentiæ resiliens* in se a magnitudine eminentiæ illius, quatenus non solum est beneficus et habet potestatem beneficiandi, quod respicit* religio, sed quatenus potest lädere et annihilare, quod incutit timorem et

*n. 249, 988

*n. 859, 891

reverentiam. Inde procedit humilitas ad reprimendam vim passionum in magna tendentium super se.

★ ★

983 **XLIX. — De extensione vero materiæ*** doni timoris pro ea parte qua tangit* temperantiam, **dici-mus** extendi ad omnem materiam quæ indiget moderatione et freno. Maxime enim timor coerget et detinet animum et declinare facit a malo, juxta illud (*Prov. 15, 27*): *Per timorem... declinat omnis a malo*, et iterum (*Ps. 31, 9*): *In camo et freno maxillas eorum constringe*, et (*Ps. 118, 120*): *Confige timore tuo carnes meas*.

*n. 833

*n. 964

984 **Et hoc patet**, quia timor habet de se universissimum motivum, scilicet in omnibus se Deo subjecere et reverentiam ad eum habere; ergo omnem materiam complecti potest quæ restrictione animi indiget ut passiones refrænentur.

985 Et hæc est omnis materia temperantiæ, sive in materia principali, quæ sunt delectationes tactus, sive in aliis adjunctis, quæ sunt minus principales, ut in moderanda ira, audacia, spe, præsumptione, etc. Omnis enim materia hæc, ex timore Domini habente pro effectu animum restringere et contrahere, refrænationem coarctationemque recipit.

○

986 **L. — Dices:** Hac ratione non sola temperantia sed omnis alterius virtutis materia attingi potest* a dono timoris, quia timor ab omni peccato retrahere potest, juxta auctoritatem allegatam (*Prov. 15, 27*): *Per timorem Domini declinat omnis a malo*; sed non aliter

*n. 992, 1026

materiam temperantiae attingit timor nisi quatenus reprimit peccatum seu passiones exuberantes; ergo timor non minus extenditur ad alias materias aliarum virtutum quam ad temperantiam, et sic non videtur correspondere* illi specialiter.

*n. 979

- 987 LI. — **Respondeatur** ita verum esse, quia, ut dicit S. Thomas (IIa-IIæ, q. 141, a. 1 ad 3): “Donum timoris principaliter quidem respicit Deum, cuius offensam vitat: et secundum hoc correspondet virtuti spei, ut supra¹ dictum est. Secundario* autem potest respicere quæcumque aliquis refugit ad vitandam Dei offensam. Maxime autem homo indiget timore divino ad fugiendum ea quæ maxime alliciunt, circa quæ est temperantia, et ideo temperantiae etiam* correspondet donum timoris”.

- 988 Itaque timor in tota sua universalitate, et *respicit** Deum per reverentiam et subjectionem resiliendo* et contrahendo se ab illa magnitudine in propriam parvitetem, et secundo* *respicit* separationem a Deo per culpam cuius malum fugit, et tertio *respicit* effectum* quem ponit in animo, quatenus illum constringit et coercet, et sic ab exuberantia et dilatatione concupiscentiæ et delectationis detinet.

- 989 Nam, ut docet S. Thomas (Ia-IIæ, q. 44, a. 1), timor facit contractionem, *tum* in ipso appetitu qui contrahitur, id est, ad pauciora se extendit ex debilitate virtutis orta ex imaginatione mali imminentis a quo opprimitur, *tum* in corpore quod ex retractione spirituum infrigidatur et contrahitur seu dissolvitur, juxta quod dicitur (*Is. 13, 7-8*): *Propter hoc, omnes manus*

¹ Cf. IIam-IIæ, q. 19, a. 9 ad 1.

*n. 1016

*n. 992

*n. 249, 982

*n. 992

*n. 991, 992

dissolventur, et omne cor hominis contabescet, et conteretur; et (*Luc. 21, 26*): *A resistentibus hominibus præ timore, et expectatione eorum quæ supervenient universo orbi.*

- 990 E contra vero proprius effectus delectationis est dilatare animum, ut docet D. Thomas (Ia-IIæ, q. 33, a. 1), ex illo (*Is. 60, 5*): *Videbis, et afflues, et mirabitur et dilatabitur cor tuum.*

- 991 Et sic ex parte effectuum* timor delectationi opponitur, quatenus ejus dilatationem et exuberantiam reprimit et contrahit.

*n. 988

- 992 LII. — **Dicimus** ergo quod donum timoris **ex ratione objecti*** quod reveretur et cui subjicitur correspondet* spei theologicæ, et præsumptionem ei positam reprimit; **ex parte vero culpæ** seu offensæ Dei quam fugit et vitat omni virtuti correspondere* ***n. 986, 1000,** 1026, 1112 potest, quia omne malum seu peccatum vitare¹ potest; **ex parte vero effectus** quem ponit in animo specialiter correspondet* temperantiae, quatenus delectatio quam temperantia reprimit dilatationem causat, cuius contrarium facit timor, scilicet contractionem* in appetitu ***n. 988, 1000** et corpore, et sic configit timore carnes² et exsiccat³ ossa facitque fugere lasciviam*.

*n. 983

*n. 989

*n. 988

*n. 980

- 993 LIII. — **Nec dici potest** quod ex vi hujus effectus* solum poterit donum timoris reprimere passiones delectationis quæ pertinent ad temperantiam virtutem cardinalem, non tamen eas passiones quæ pertinent ad alias virtutes ei accessorias et minus principales,

¹ Cf. *Eccle. 7, 19.*

² Cf. *Ps. 118, 120.*

³ Cf. *Prov. 17, 22.*

sicut clementia et mansuetudo refrænat iras, humilitas præsumptionem et superbiam, etc.: istæ enim passiones non mitigantur per contractionem animi, sicut delectationes.

994

Sed respondetur donum timoris per effectum contractionis directe et per se primo reprimere delectationem, ex consequenti autem omnem aliam passionem quæ indiget refrænari et coerceri ob suam dilatationem et nimietatem, quæcumque illa sit, sive in ira, sive in præsumptione et vanitate: hæc enim omnia habent aliquid de delectatione adjunctum, sicut in curiositate aut nimio cultu vestium est delectatio, non quidem naturalis, sed animalis. Et in vindicta quam exercet ira est etiam delectatio vindicantis, et in vanitate delectatio magna est.

995

Omnem ergo delectationem non tantum carnis, quæ naturalis est, sed etiam apprehensionis et æstimationis, quæ animalis est, reprimere potest timor, quantum causat non solum contractionem carnis, sed etiam spiritus. Ad quod etiam adjuvatur ex illa universa ratione fugiendi omne peccatum, quia offensa Dei est.

996

Et ideo timor non solum habet pro effectu paupertatem* spiritus, quæ est prima† beatitudo posita a Christo (*Mat. 5, 3*): *Beati pauperes spiritu*, sed etiam beatitudinem luctus* (*Mat. 5, 5*): *Beati qui lugent*, ut docet S. Thomas (IIa-IIæ, q. 19, a. 12 ad 2), quia spiritum contrahit et evacuat a propria præsumptione, faciendo recognoscere propriam parvitatem et paupertatem, et carnalia reprimit et configit, quod est lugere seu non delectari aut dilatari, sed flere et contrahi in se.

*n. 1009
†n. 1009,
1015, 1259
*n. 1015,
1261

★ ★

997

LIV. — **Quod si inquiras** per quem actum operatur timor in omni materia temperantiæ, *an solum* per actum fugæ, quia fugit malum culpæ, *an etiam* aliquo motu prosecutionis, quia humiliat cor et subjicit Deo reprimens magnificationem et tollens rationem ardui quam directe respicit timor: delectatio autem rationem ardui* non habet, ut docet S. Thomas (IIa-IIæ, *n. 1027 q. 19, a. 12 ad 2), et ideo non eget fuga timoris.

◎

998

LV. — **Respondetur** quod Suarez* (*De Gratia*, *n. 1002, 1025 Lib. II, cap. 21, n. 22)¹ censet hunc timorem esse actum humilitatis* et sub humilitate totam temperantiam intelligi debere, sicut de pietate respectu justitiae dictum* est. Pro qua sententia citat Richardum² et Scotum³, dicitque esse consentaneum* Augustino (*De Serm. Dom.*, Lib. I, cap. 4)⁴ dicenti: "Timor Dei congruit humilibus", et (*Serm. ad Popul.*, serm. CCCXLVII, cap. 2)⁵: "Quis est humilis, nisi timens Deum?" Et D. Gregorius (*Moral.*, Lib. II, cap. 49, n. 77)⁶ timorem hunc superbie opponit, quod humilitatis proprium est.

¹n. 981²n. 829, 883³n. 1008

999

Cum autem humilitas formaliter non sit actus fugæ sed prosecutionis quo nimiæ præsumptionis spiritum moderatur, sequitur quod timor motu prosecutionis reprimat delectationes.

¹ *Opera Omnia*, VII (Vivès), p. 694.

² Cf. In III Sent., dist. 34, a. 2, q. 4.

³ Cf. In III Sent., dist. 34, n. 20.

⁴ PL 34, 1234.

⁵ PL 39, 1525.

⁶ PL 75, 593.

◎

- 1000 LVI. — **Dicendum nihilominus est** timorem divinum differre ab humilitate*, nec formaliter et in specie esse actum humilitatis, sed longe diversum, operari vero effectus temperantiæ: *tum* generaliter* *n. 981
 per illam fugam qua vitat Deum offendere in quacumque culpa, *tum* specialiter per effectum* quem causat in passionibus delectabilibus et frænatione indigentibus, scilicet contrahere et configere dilatationem et vitium quo important.
- 1001 Et quidem quod distinguatur ab humilitate virtute, Suarez negare non potest, etiam consequenter ad sua principia secundum quæ admittit* dona esse distinctos habitus specifici a virtutibus; ergo donum timoris differre debet a virtute quæ est humilitas; ergo et actus doni timoris differre debet ab actu virtutis humilitatis.
- 1002 *Patet consequentia*, quia de actibus debemus loqui proportionaliter* ad habitus, siquidem habitus producunt actus sibi similes in specie; ergo si habitus doni timoris et virtutis humilitatis specie distinguuntur, etiam et actus, et non potest actus doni timoris esse actus humilitatis. — Hæc ad Suarez*. *n. 918
 *n. 998
- 1003 LVII. — Contra Scotum autem et alios qui non* *n. 138 sq.
 distinguunt dona a virtutibus, probatur actum timoris non posse esse actum virtutis humilitatis adæquate et præcise, quia timor, ut optime S. Thomas docet (IIa-IIæ, q. 19, a. 1), respicit duplex objectum, scilicet, et ipsum malum quod refugit ac timet, et illam personam seu principium a quo tale malum provenire potest vel permitti, et talem personam reveretur.

1004 Unde timor sub formalitate timoris non amat neque malum quod timet, neque personam a qua timet: timor enim non est amor, nec de bono, licet reveretur personam in se bonam ut tamen inflictivam mali aut potentem illud infligere, præsuppositive tamen aut comitanter etiam amorem talis personæ admittere potest.

1005 At vero humilitas nec refugit malum nec respicit personam superiorem ut potentem infligere malum, et sic proprie ejus actus nec est fuga malorum imminentium, nec reverentia aut trepidatio de potestate superiori, sed ordinata subjectio sui ad superiorem ex consideratione propriorum defectuum et superioris excellentia, quod utique formaliter non fit per respectum aliquem et considerationem mali quod infligi possit a superiori, sed omni consideratione mali sublata, etiam humilitas salvari potest solum per hoc quod aliquis recognoscat quis sit in se et quis sit alter cui se subjicit.

1006 In cujus signum, constat quod humiliari possumus etiam paribus aut subditis et his a quibus nihil timemus, sicut Christus humiliabat se etiam propriis discipulis lavando eorum pedes¹, a quibus nihil timebat. Et (I Pet. 2, 13) dicitur: *Subjecti estote omni humanæ creaturæ propter Deum*, nec tamen omnem humanam* *n. 1011 creaturam timemus.

1007 Formaliter ergo actus timoris non est actus humilitatis, quamvis humilitas a timore possit derivari* et regulari tamquam effectus ejus, quia ex eo quod aliquis reveretur Deum et ei subjicitur ut potenti infligere malum, nascitur quod non quærat magnificari in se nec

¹ Cf. Joan. 13, 5.

in alio præter¹ Deum, et sic abjiciat a se omnem propriam magnificationem quæ est superbia, etiam sine respectu ad inflictionem mali, et hæc est humilitas.

- 1008 Et propter hoc Augustinus (*De Serm. Dom.*, Lib. I, cap 4)² humilitatem, quam intelligit per paupertatem spiritus, attribuit^{*} dono timoris quo homo Deum reveretur, ut inquit S. Thomas (IIa-IIæ, q. 161, a. 2 ad 3), sed tamquam effectum consecutum*, non ut actum proprium.

*n. 998

*n. 1007

- 1009 Paupertas* enim spiritus est beatitudo correspondens dono timoris tamquam effectus illius, quia, ut dicit S. Thomas (IIa-IIæ, q. 19, a. 2): "Cum ad timorem filiale pertineat Deo reverentiam exhibere et ei subditum esse, id quod ex hujusmodi subjectione consequitur pertinet ad donum timoris. Ex hoc autem quod aliquis Deo se subjicit, desinit querere in se ipso... magnificari... Et ideo ex hoc quod aliquis perfecte timet Deum, consequens est quod non querat magnificari in se ipso per superbiam".

*n. 996, 1015

- 1010 Igitur humilitas seu paupertas spiritus et abjectio superbiæ est aliiquid consequens* ad actum reverendi Deum, et sic est effectus ejus consecutus et regulatus* ab eo, non actus formalis illius.

*n. 1012

*n. 1007

- 1011 Utraque ergo, scilicet humilitas et timor subjiciunt hominem Deo, sed diversa formalitate, timor respiendi in Deo potestatem inflictivam mali, et sic reveretur ipsum; humilitas abstrahendo a ratione inflictiva mali, et solum subordinando parvitatem suam Deo

¹ Cf. I Cor. 1, 31.
² PL 34, 1234.

et hominibus* etiam quos non timet nec malum ab *n. 1006 ipsis habet.

◎

- 1012 LVIII. — QUapropter DICENDUM EST quod timor non habet nisi unum actum formaliter et specificie, sed ex illo plures effectus* derivantur qui etiam attribuuntur timori, sed ut consecuti* et imperati vel regulati ab ipso, inter quos aliqui* pertinent ad temperantiam et materias ejus quarum una etiam est humilitas, et ideo quia istos effectus timor inducit, eminenter et virtualiter est temperantia et humilitas aliæque virtutes ei adjunctæ, eisque correspondet.

*n. 1279

*n. 1010, 1025

*n. 988, 992

- 1013 Actus proprius et elictus a dono timoris est illa reverentia ad Deum ut principium potens infligere malum, et fuga illius mali quod potest infligere si sit imminens, licet in Christo et in beatis non sit necesse ponere actum doni timoris pro hac secunda parte, quia respectu eorum nullum malum est imminens, sed solum est quoad primam partem, reverendo Deum ut habentem potestatem inflictivam mali, quod est respicere bonum (scilicet Deum) cum potestate ad malum.

- 1014 Unde dicit Augustinus (*De Civit. Dei*, Lib. XIV, cap. 9)¹: "Timor ille castus permanens in sæculum sæculi, si erit in futuro sæculo, non erit timor exiens a malo quod accidere potest; sed tenens in bono quod amitti non potest".

- 1015 Iste actus sic universaliter fugiens omne malum separativum a Deo eique se subjiciens ut summæ et

¹ PL 41, 416.

infinitæ eminentiæ habet ex hoc evacuare omnem magnificationem spiritus et omnem superbiam, quod est beatitudo illa prima* paupertatis spiritus¹; et secundo habet omnem delectationem corporis exuberantem compensare et pro illa tristitiam seu luctum inducere, quod pertinet ad tertiam* beatitudinem, quia dicitur (*Mat.* 5, 5): *Beati qui lugent.*

*n. 996, 1009

- 1016 LIX. — Utramque enim beatitudinem correspondere dono timoris, primam directe, aliam ex consequenti*, docet S. Thomas (*IIa-IIæ*, q. 19, a. 12 ad 2).

*n. 987

- 1017 Et hoc recte, nam anima debite in se concipiens illam beatitudinem cui universa subjiciuntur summa et omnimoda servitute et dependentia, in motu, in vita, in esse, quia (*Act. 17, 28*) *In ipso vivimus, et movemur, et sumus, et simul cogitans quam voluntarie² et libere omnia ista nobis a Deo donentur* (quibus pro sua mera voluntate³ potest nos privare vel non privare, concedere vel auferre), concutitur timore magno, et a facie vultus ejus expavescit, et omnia magnifica sua quæ quasi montes sublimantur in propria æstimatione deponit et evacuat, sicut propheta dicit (*Ps. 96, 4–5*): *Illuxerunt fulgura ejus* (id est, splendor seu fulgor potentiae vindicantis) *orbi terræ: vidit, et commota est terra. Montes sicut cera fluxerunt a facie Domini: a facie Domini omnis terra.*

- 1018 Quia videlicet quidquid altum et sublime est in terrenis (hoc est enim *omnis terra*) a facie divinæ potentiae diffliuit et dissolvitur præ timore, sicut cera a facie

¹ Cf. *Mat. 5, 3.*² Cf. *Jac. 1, 18.*³ Cf. *Rom. 9, 18.*

ignis, quia solus Dominus elevatur cum timetur, et omne quod sublime est in hominibus evanescit et depauperatur, juxta quod alia Scriptura dicit (*Is. 2, 17–19*): *Et incurvabitur sublimitas hominum, et humiliabitur altitudo virorum, et elevabitur Dominus solus in illa die: et idola penitus conterentur: et introibunt in speluncas petrarum, et in voraginiess terræ a facie formidinis Domini, et a gloria majestatis ejus, cum surrexerit percutere terram.*

- 1019 Quibus verbis significatur desolatio interior quam causat timor Domini, quasi carbo¹ desolatorius conterens omnem sublimitatem spiritus, ita ut anima eligat potius ingredi in speluncas et voraginiess terræ, potius quam in faciem et vultum potentis illius aspicere et gloriam iratæ majestatis contemplari.

- 1020 Hoc pertinet ad paupertatem interiorem spiritus, quia vere depauperatur in se qui omnem sublimitatem et altitudinem deponit et evacuat, et sic quasi denudatus ingreditur in speluncas et voraginiess terræ a facie formidinis Domini, hoc est, in vilitates et vacuitates suæ terrenæ substantiæ.

- 1021 LX. — Hinc nascitur aliis secundus* effectus qui pertinet ad tristitiam de rebus temporalibus et cessationem delectationum carnalium, et est beatitudo luctus, quia beati sunt qui lugent².

*n. 1015

- 1022 Nam qui est in timore Dei, et tali timore qui omnem spiritus altitudinem³ destruit et evacuat,

¹ Cf. *Ps. 119, 4.*² Cf. *Mat. 5, 5.*³ Cf. *II Cor. 10, 5.*

quomodo in delectationibus dilatari potest? Sed potius quasi mortuus a corde¹ sepultum se reputat et in fossam humum projectum a timore divino, sicut ipse propheta dicit (*Is. 2, 10*): *Ingredere in petram, et abscondere in fossa humo a facie timoris Domini, et a gloria majestatis ejus.*

1023 Et sic confixa caro a sagitta timoris omnem vi- gorem et quasi lascivientem et ebullientem libidinem detumescere et marcessere facit, quasi infirmata et conturbata ab illo priori effectu paupertatis spiritus, juxta quod dicit Psalmista (*Ps. 30, 11*): *Infirmata est in pauperitate virtus mea: et ossa mea conturbata sunt*, id est, conturbatio ossium in delectatione carnis ex pau- pertate virtutis et spiritus derivatur.

1024 Et iterum alia Scriptura² dicit: *Quoniam sagittæ tuæ infixæ sunt mihi: et confirmasti super me manum tuam. Non est sanitas in carne mea a facie iræ tuæ: non est pax ossibus meis a facie peccatorum meorum.* Sic timor carnem macerat, lasciviam reprimit, infirma- tam reddit et non sanam, ne in libidinem erumpat, sed quasi clavis configatur a timore Domini et a paupertate spiritus; et sic vere juxta verbum prophetæ (*Is. 40, 7*): *Exsiccatum est fænum, et cecidit flos (carnis), quia spiri- tus Domini sufflavit in eo.*

1025 LXI. — Ex quibus explicatur quomodo ratione horum effectuum qui consequuntur* ad actum timoris primo facit id quod humilitatis est eminentiori modo per paupertatem spiritus tollentem omnem super- biam. Et hoc modo loquuntur auctoritates supra*

allatæ in favorem Suarez quæ humilitatem tribuunt timori, scilicet consecutive, quasi effectum ab eo deri- vatum, non quasi actum formaliter elicatum.

1026

Secundo, facit* id quod castitatis est et tempe- rantiae et reliquarum virtutum ad temperantiam perti- nentium, quatenus delectationes configit et avertit per contractionem animi et pavorem divinæ justitiæ et potentiae, et inducit luctum seu tristitiam pro istis tem- poralibus miseriis.

1027

Nec fugit delectationem tamquam quid arduum* in se, sed facit avulsionem et séparationem a delecta- tionibus, quæ est ardua nobis et valde difficilis, ut patet in temptationibus superandis.

¹ Cf. *Ps. 30, 13.*

² *Ps. 37, 3-4.*

*n. 986, 992,
1000, 1112

*n. 997

ARTICULUS VII

UTRUM BENE CONSTITUATUR NUMERUS
SEPTEM DONORUM?

- 1028 I. — Non dubitari potest de numero donorum quod septem* sint, nisi forte ab aliquibus qui dona ista non † distinguunt a virtutibus eaque virtutibus adæquantur. Posset enim aliquis dicere dona esse aliquas virtutes, sed non omnes; si autem adæquantur inter se, oportet ea ad numerum virtutum adaptare.
- *n. 153
†n. 138 sq.
- 1029 Nec urguntur multum loco Isaiæ numerantis (*Is. 11, 2–3*) septem spiritus* seu dona Spiritus Sancti, quia dicunt non esse numerum præcimum et adæquatum, cum post numeratos septem spiritus etiam addit* fidem et justitiam, cum inquit paulo post (*Is. 11, 5*): *Et erit justitia cingulum lumborum ejus: et fides cinctorium renum ejus.* Ergo adjungit alia duo dona istis septem prioribus, et sic plus quam septem erunt.
- *n. 50 sqq.
*n. 1078, 1125
- 1030 A qua sententia non multum abhorret Lorca (In Iam-IIæ, q. 68, disp. 25, membr. 4), quatenus censem probabilititer posse defendi.
- 1031 Sed nihilominus fatetur oppositam sententiam esse communem nec ab ea recedendum esse propter auctoritatem patrum et theologorum, apud quos communiter est receptum esse septem dona Spiritus Sancti.
- 1032 II. — Cæterum numerus iste septenarius donorum

ita firmatus est in sensu Ecclesiæ, patrum et scholasticorum, ut nulla probabilitas relinqui possit in sententia opposita.

- 1033 Nam quæ probabilitas esse potest¹ in sententia quæ est contra concordem et communem sanctorum patrum et theologorum sensum, et sic videtur accepta esse ab Ecclesia.
- 1034 Nam ipsa in hymno *Veni Creator* canit de Spiritu Sancto: “Tu septiformis munere”, et iterum²: “Da tuis fidelibus in te confidentibus sacrum septenarium”. Sufficienterque patres et Ecclesia hunc numerum quasi determinatum et certum intellexerunt, non autem tropice et secundum figuram, sicut solet aliquando numero septenario universitas aliquarum rerum designari, eo quod Scriptura loquitur de his donis cum specificatione et secundum nomina propria, quod est signum loqui de ipsis tamquam de rebus determinatis et certis, quæ illum numerum efficiunt.
- 1035 Nam (*Is. 11, 2–3*) nominantur hæc septem dona suis nominibus, dicendo: *Requiescat super eum Spiritus Domini* (ubi loquitur de Spiritu in genere), deinde specificè dividit et suis nominibus vocat, dicendo: *Spiritus sapientiæ et intellectus, spiritus scientiæ et consilii...*
- 1036 Unde Tertullianus (*Adv. Marcionem*, Lib. V, cap. 8)³, expendens hunc locum, inquit: “*Requiescat super illum Spiritus Domini.* Dehinc species ejus enumerat: *Spiritus sapientiæ et intellectus, etc.*”

¹ Cf. *Conc. Trident.*, sess. IV, Msi XXXIII, 22 sq.

² Ex *Sequentia Veni Sancte Spiritus*.

³ PL 2, 489.

1037 Quando autem in Scriptura numerus aliquis ponitur, suis nominibus nominando quamlibet speciem seu rem quæ numeratur, non aliquem indeterminatum numerum generaliter vult accipere, sed determinatum et designatum. Et sic communiter Patres hunc numerum tradunt.

1038 Videndum est Hieronymus (*In Isaiam*, Lib. IV, super 11, 2)¹; Gregorius (*Moral.*, Lib. I, cap. 27)², (*In Ezech.*, Lib. II, hom. 7)³; Augustinus (*Serm. ad Popul.*, serm. CCXLVIII, cap. 5)⁴, (*Serm. ad Popul.*, serm. CCCXLVII, cap. 2-3)⁵, *De Doctr. Christ.*, Lib. II, cap. 7)⁶, (*De Serm. Dom.*, Lib. I, cap. 4)⁷; Ambrosius (*De Spir. Sancto*, Lib. I, cap. 16; *In Psalm. CXVIII*, serm. 5)⁸; Cyprianus (*De Cardinalibus Christi Operibus*, cap. De unctione chrismatis)⁹; Bernardus (*Serm. de Diversis*, serm. XIV; *Serm. in Annunt. B.M.V.*, serm. II)¹⁰; Tertullianus ubi supra* et (*Adv. Judæos*, cap. 9)¹¹; Origenes (*In Num.*, hom. VI, n. 3)¹² et (*In Isaiam*, hom. III, n. 1-2)¹³.

1039 Et sequuntur universi theologi et communis sensus fidelium. Atque ita res hæc* plus est quam probabilis, *n. 1031 et opposita plusquam improbabilis.

¹ PL 24, 144-145.

² PL 75, 544.

³ PL 76, 1016.

⁴ PL 38, 1161.

⁵ PL 39, 1524-25.

⁶ PL 34, 39-40.

⁷ PL 34, 1234.

⁸ PL 16, 740; 15, 1265.

⁹ Cf. *Opera D. Cypriani* (Parisiis, apud Sebastianum Nivellum, 1574), p. 476.

¹⁰ PL 183, 574-577; 390-392.

¹¹ PL 2, 623.

¹² PG 12, 608.

¹³ PG 13, 228-229.

* *

1040 Nec potest de hac re ratio aliqua naturalis reddi, cum de istis donis solum* ex revelatione fidei nobis constet, et ita solum potest hic numerus qui ex Scriptura et traditione Ecclesiæ nobis constat explicari et defendi, non demonstrari.

*n. 22, 155,
417, 433,
1082, 1106,
1153

* * *

1041 III. — Quapropter in ejus explicatione duo nobis facienda sunt.

1042 **Primum*** est rationem aliquam investigare, quæ saltem secundum aliquam proportionem et analogiam ostendat hunc numerum esse competentem, præsertim examinando rationem D. Thomæ¹.

*n. 1044 sq.

1043 **Secundum*** est inquirere an ista septem dona sint septem species infimæ, an subalternæ*, ita quod sub illis contineantur diversæ species atomæ, et ita simpli- citer sint plura dona quam septem.

*n. 1069 sq.

*n. 1101

* * *

1044 IV. — **Circa primum***, est advertendum quod D. Thomas (Ia-IIæ, q. 68, a. 4) probavit sufficientiam istorum donorum ex eo quod per ista septem dona suffi- cienter perficiuntur omnes vires rationales quæ natæ sunt obedire et moveri a divino instinctu.

*n. 1042

◎

1045 Istæ enim vires sunt ratio, et vis appetitiva.

¹ Cf. Iam-IIæ, q. 68, a. 4.

1046 Ratio autem et speculativa est et practica, et utraque ista pars perficitur duplice dono, nec amplius requiritur. Nam utraque pars tam practica quam speculativa non habet nisi duplex munus*, scilicet apprehendere seu invenire veritatem, et judicium resolutivum habere de illa.

*n. 1072

1047 Pars ergo speculativa quantum ad inventionem perficitur per donum intellectus, et quantum ad judicium per donum sapientiae, quae judicat per altissimas causas.

1048 Pars autem practica quantum ad inventionem perficitur per consilium, quantum ad judicium per scientiam quae judicat per causas inferiores.

1049 Altera* vero potentia, scilicet vis appetitiva, perfici debet quoad tria, scilicet *vel* in ordine ad alterum, quod proprie spectat ad voluntatem, sicut facit justitia, et hoc pertinet ad donum pietatis; *vel* in ordine ad se, et hoc solum fit dupliciter: — primo, perficiendo ea quae sunt irascibilis partis, et sic est donum fortitudinis; — secundo, perficiendo ea quae sunt concupiscibilis rethendo a noxiis cupiditatibus, et hoc facit donum timoris per contractionem animi ab omni dilatatione noxiæ cupiditatis, sicut dicitur (*Ps. 118, 120*): *Confige timore tuo carnes meas.*

*n. 1045, 1063

★ ★

1050 V. — Hæc D. Thomæ collectio* optima est, quia revera comprehenditur omne quod perfectibile est in potentias rationalibus a motione divina. Et quidquid per virtutes intellectuales et morales cardinales fit, totum hoc ostendit correspondere* in donis.

*n. 1058

*n. 964, 1057,
1179

◎

1051 Sicut enim sunt quatuor virtutes cardinales, prudentia, justitia, fortitudo, temperantia, ita correspondent eis quatuor dona, donum consilii, pietatis, fortitudinis, et timoris pro ea parte qua timor secundario* *n. 964, 987 reprimit delectationes.

◎

1052 Virtutes autem intellectuales* sunt habitus principiorum, qui etiam vocatur intellectus, sapientia et scientia; quibus correspondent donum intellectus, sapientiae et scientiae.

*n. 1064

1053 Pro parte vero practica* perficienda, sunt duæ virtutes, alia pro agibilibus, scilicet prudentia, et ad hanc pertinet donum consilii; alia pro factilibus, scilicet ars, et huic non correspondent donum Spiritus Sancti, ut docet S. Thomas (Ia-IIæ, q. 68, a. 4 ad 1), eo quod ista dona perficiunt hominem ut bene moveatur a Spiritu Sancto in his quae pertinent ad bene vivendum et componendum in ordine ad consecrationem vitæ æternæ. Quae vero ordinantur ad ea quae sunt factabilia, seu artefacta externa, non pertinent ad motionem Spiritus Sancti, nec enim Spiritus Sanctus supernaturali dono et particulari instinctu nos movet ad facendum vestes¹ vel ædificandum domos, sed ad tendendum in vitam æternam.

*n. 1063

1054 Et in uno verbo, artes solum versantur circa opera naturalis ordinis, non supernaturalis, nec enim dantur artefacta supernaturalia; ergo neque debet dari ars

¹ Cf. tamen *Ex. 28, 3.*

supernaturalis; dona autem Spiritus Sancti supernaturalia sunt; ergo non* correspondet aliquod donum *n. 1075 arti, nec motio artis est motio Spiritus.



- 1055 VI. — Quod vero attinet ad tres virtutes theologales, illæ supponuntur ad dona tamquam radix et fundatum*, quia per illas unimur Deo; præsupponi *n. 244, 245, 1119, 1229sq. autem debet unio hominis ad Deum ut ab ejus Spiritu possit recte moveri.

- 1056 Specialiter tamen deserviunt* fidei donum intellectus et scientiæ, ut recte apprehendi et judicari possint credibilia quatenus credenda sunt; spei deservit timor*, *n. 249, 963 quatenus præsumptionem nimiam coercet; charitati sapientia*, quatenus ex sapore et gustu amoris ipsum *n. 250 experitur in se et cognitione affectiva tenet.

- 1057 Et sic ex omni parte iste numerus donorum sufficiens* et adæquatus† est. *n. 1064
†n. 964, 1050,
1179

★ ★

- 1058 VII. — **Solum obstat** prædictæ* collectioni D. Thomæ id quod affirmat* donum intellectus et scientiæ perficere partem speculativam, consilium autem et scientiam partem practicam; cum tamen intellectus et sapientia etiam practica sint, sicut fides cui deserviunt simul est speculativa et practica, quia per charitatem operatur¹. Scientia non est solum practica, sed etiam* speculativa, quia non solum de agendis *n. 1240 judicat, sed etiam scientifice de veritatibus in se.

¹ Cf. Gal. 5, 6.

Unde hoc ipsum agnovit S. Thomas (IIa-IIæ, q. 8, a. 3 et 6) retractans* in dono intellectus id quod docuerat¹, quod non erat practicus. Et idem docet de dono scientiæ (IIa-IIæ, q. 9, a. 3).

- 1059 Cum ergo D. Thomas retractet id quod hic docuerat et super quod fundat suam consequentiam et doctrinam qua colligit istum numerum donorum, ruit tota collectio facta*, et sic frustra eam adducimus. *n. 1044 sq.



- 1060 VIII. — **Respondetur** verum esse quod hanc partem retractavit D. Thomas, et fatetur (sicut et nos concedimus) donum intellectus, scientiæ et sapientiæ occupare utramque partem mentis, scilicet speculativam et practicam.

- 1061 Et licet possemus sustinere adhuc præfatam* collectionem, dicendo quod intellectus et sapientia licet sint speculativa et practica magis eminent in parte speculativa et propterea connumerant illi, scientia autem quia procedit per causas inferiores et similiter donum consilii magis eminent in practica, licet etiam sint speculativa, tamen nolumus uti hac expeditione (quæ tamen non est insustentabilis), sed liquide cum D. Thoma eam retractare, eo quod ipse sanctus Doctor (IIa-IIæ, q. 8, a. 6) sic dicit: "Videtur autem quibusdam quod donum intellectus distinguatur a dono scientiæ et consilii per hoc quod illa duo pertineant ad practicam cognitionem, donum autem intellectus ad speculativam. A dono vero sapientiæ, quod etiam ad speculativam cognitionem pertinet, distinguitur in hoc quod ad sapientiam pertinet judicium, ad intellectum vero capa-

¹ Cf. Iam-IIæ, q. 68, a. 4.

citas intellectus eorum quæ proponuntur, seu penetratio ad intima eorum. Et secundum hoc supra numerum assignavimus¹. Sed diligenter intuenti donum intellectus non solum se habet circa speculanda, sed etiam circa operanda, ut dictum est; et similiter etiam donum scientiæ circa utrumque se habet, ut infra dicetur. Et ideo oportet aliter eorum distinctionem accipere”.

- 1062 Ita D. Thomas, ubi cum dicat hoc a quibusdam² sentiri illisque sic videri, omnino insinuat se in aliena sententia fuisse locutum (Ia-IIæ, q. 68, a. 4), licet ibi diligenter fuerit discussa, reservando id commodiori loco (IIa-IIæ, q. 8, a. 6; q. 9, a. 3; q. 45, a. 3).

- 1063 IX. — Quare cum ex propria D. Thomæ sententia aliter oporteat istorum donorum collectionem seu distinctionem accipere, dicimus quod conformiter ad eam tria dona pertinentia ad vim appetitivam*, scilicet *n. 1049 donum pietatis, fortitudinis et timoris recte hic discernuntur et distinguuntur a D. Thoma³, imo et donum consilii, quod solum ad partem practicam* pertinet in *n. 1053 agilibus correspondetque prudentiæ.

- 1064 Sed circa tria priora dona, scilicet intellectus, sapientiæ et scientiæ, quæ complectuntur vim speculativam et practicam, non debemus eorum sufficientiam* *n. 1057 colligere penes ordinem et correspondentiam ad virtutes *n. 1052 intellectuales*, quarum aliquæ speculativam partem, aliæ practicam perficiunt, propter limitationem sui et coarctatam rationem formalem quam habent, et sic

¹ Cf. Iam-IIæ, q. 68, a. 4.

² Cf. Guilelmum Altissiodorensis, *Summa Aurea*, P. III, tr. 8, q. 1.

³ Cf. Iam-IIæ, q. 68, a. 4.

non¹ potest una virtus simul informare et perficere potentiam secundum utramque rationem.

- 1065 At vero cum supernaturalia ita eleventur quod possint ad utrumque extendi, ut patet in fide quæ est simul practica et speculativa, sicut et visio beata, quia in his non² attenditur limitatio ad subjectum quod perficiunt, sed participatio divinæ scientiæ quam repräsentant et cuius vices gerunt, quæ simul utrumque complectitur, ideo formalior et verior est distinctio istorum donorum, quam (IIa-IIæ, q. 8, a. 6) ponit D. Thomas, ex correspondentia ad fidem et imitatione illius, quam ex correspondentia ad virtutes intellectuales* et *n. 1052 limitatione perficiendi partem speculativam seorsum a practica (Ia-IIæ, q. 68, a. 4).

- 1066 X. — Sic ergo probat D. Thomas sufficientiam donorum intellectualium (IIa-IIæ, q. 8, a. 6), quia ista dona ordinantur ad cognitionem supernaturalem quæ in nobis habetur per fidem. Fides autem primo est circa ipsam veritatem primam seu divinam, secundo, circa quædam pertinentia ad creaturas, tertio, circa directionem humanorum actuum ad quam se extendit, quia fides per dilectionem operatur³.

- 1067 Ut igitur recte se habeat homo circa ea quæ proponuntur credenda, oportet ex parte sua habilitari: *tum* ad capiendum et recte apprehendendum ea quæ proponuntur, *tum* ad judicandum et discernendum quænam sint credenda, quæ respuenda et quomodo inhærendum sit illis.

¹ Cf. Joan. a Sto Thoma, *Curs. Theol.*, In Iam, q. 1, disp. 2, a. 10, n. 6-7.

² Cf. Joan. a Sto Thoma, *Curs. Theol.*, In Iam, q. 1, disp. 2, a. 10, n. 18.

³ Cf. Gal. 5, 6.

- 1068 **Et circa rectam apprehensionem***, habilitat donum intellectus; circa rectum judicium, si sit per causas altissimas seu divinas, habilitat donum sapientiae; si sit per causas creatas, donum scientiae; si sit circa agibilia et directionem humanorum actuum, donum consilii.

*n. 126,
316 sq.

* * *

- 1069 **XI. — Circa istum vero discursum et collectionem*** tam donorum intellectualium quam appetitivorum, plures difficultates possunt se offerre: **tum ad probandum pauciorum numerum donorum sufficere**, **tum ad probandum plura* dari posse**.

*n. 1043,
1044 sq.

*n. 1073 sq.

* *

- 1070 **XII. — Ad probandum pauciora*** dona sufficere, oritur **in primis** dubitatio, quia omnia illa officia seu munera judicandi de objectis supernaturalibus et divinis possunt fieri ab eodem habitu seu principio; nec enim est ratio* cur illa omnia non possint ad eumdem habitum pertinere, præsertim tantæ elevationis et perfectionis, sicut sunt ista dona.

*n. 1069,
1080

*n. 1081

- 1071 **Secundo***, quia eadem fides unica existens omnia ista objecta comprehendit* et potest se extendere ad partem speculativam et practicam, quod etiam faciunt ista dona; ergo similiter poterit unum et idem donum extendi ad judicandum de omnibus illis superiori et eminentiori motivo.

*n. 1084

*n. 1088

- 1072 **Tertio***, quia non est ratio cur idem habitus non sufficiat ad apprehendendum* veritatem et simul judicandum de ea, cum unus actus ad alium ordinetur et sub eadem ratione formali possint attingi.

*n. 1099

*n. 1046

* *

- 1073 **XIII. — Ad probandum autem plura*** esse debere dona, urget ratio, quia, etsi septem dona Spiritus Sancti numerentur, non constat omnia esse species atomas, sufficit quod sint subalternæ, sicut dicuntur esse quatuor virtutes cardinales, sub quibus tamen plures continentur, vel quasi partes subjectivæ et species atomæ, ut sub justitia continetur commutativa, distributiva et legalis, tamquam species; religio, pietas, observantia, gratitudo et aliæ similes, ut potentiales partes justitiae. Et sub prudentia continentur regnativa, œconomica, militaris, ut species; synesis, eubulia et gnome, tamquam potentiales virtutes adjunctæ.

*n. 1069,
1101 sq.

- 1074 Cur ergo sub donis non continebuntur plures species pietatis, consilii, etc., aut cur ista dona sub diversis officiis omnia illa complecentur et non sub diversis specificationibus?

- 1075 **Secundo***, quia sunt plures virtutes intellectuales sub sapientia et scientia, cur ergo non plura dona intellectualia sub donis sapientiae et scientiae? Cur etiam non erit aliquod donum correspondens* arti?

*n. 1117

*n. 1053 sq.,
1118

- 1076 **Tertio***, dantur dona correspondentia virtutibus moralibus et intellectualibus, cur ergo non dabuntur alia correspondentia virtutibus theologicis?

*n. 1119

- 1077 **Quarto***, dona ita numerantur et disponuntur quod ponuntur bina et bina, scilicet regulativum cum regulato, ut sapientia et intellectus, quia sapientia regit* intellectum, scientia et pietas, consilium et

*n. 1121

*n. 1124

fortitudo¹: cur ergo non ponetur² aliud donum cum timore directivum ejus?

- 1078 **Quinto***, sicut (*Is. 11, 2–3*) ponuntur illa septem *n. 1125 dona simul, ita statim subjunguntur^{*} alia duo, scilicet *n. 1029 fides et justitia, dicendo (*Is. 11, 5*): *Et erit justitia cingulum lumborum ejus: et fides cinctorum renum ejus;* ergo præter illa septem dona dabuntur ista alia duo.

- 1079 **Tandem*** Paulus (*I Cor. 12, 4*) plura alia dona *n. 1128 Spiritus numerat dicens: *Et divisiones gratiarum sunt, idem autem Spiritus, et infra (*I Cor. 12, 8–10*): Alii datur per Spiritum sermo sapientiæ: alii autem sermo scientiæ in eodem Spiritu: alteri fides in eodem Spiritu: alii gratia sanitatum in uno Spiritu: alii operatio virtutum, alii prophetia, etc.* Cur ergo ista omnia non etiam numerabuntur inter dona Spiritus, et sic erunt plura quam septem?

★ *

CUR NON SINT PAUCIORA DONA QUAM SEPTEM

- 1080 **XIV. — Ad primum*** pro ista parte, *respondetur* *n. 1070 quod omnia illa officia seu munera judicandi de objectis possunt fieri ab eodem habitu, distinguo: ab eodem habitu alterius ordinis vel rationis quam sint ista dona (si forte sit possibilis*), transeat; ab eodem habitu qui sit ejusdem rationis et ordinis atque ista dona et de facto detur, nego.

¹ Cf. *Is. 11, 2.*

² Cf. *Is. 11, 3.*

- 1081 **Et cum dicitur*** quod non est ratio cur non possint fieri ab eodem habitu omnia illa munera seu officia, *respondetur* quod quidquid sit de possibili*, an possit dari aliquis habitus ita elevatus et eminens quod omnia illa munera præstare possit (de quo nunc non disputo), tamen quod de facto non fiant omnia illa per eundem habitum, manifestum est, quia Scriptura* ipsa assignat pluralitatem talium donorum, et non unum solum donum.

- 1082 Et sic D. Thomas non debuit probare, sed supponere¹ quod plura sint ista dona et non unum; et ob eamdem rationem, neque est unus tantum habitus in parte appetitiva fungens officio illorum trium, pietatis, fortitudinis et timoris, quia de facto plura esse Scriptura asserit, et sic non est id probandum, sed supponendum et congruentiæ quærendæ, quia sic docet fides per quam solum* nobis innotescunt ista dona, idque magis congruit* capacitat et limitationi nostræ cui quantum potest gratia se accommodat².

*n. 22, 155,
417, 1040,
1098
*n. 1096,
1114

- 1083 Hoc autem supposito quod in tali numero ponantur a Scriptura, recte D. Thomas discurrit* proportionem et convenientiam secundum quam talis numerus ponatur. Nec amplius ipse ejus discursus* et *n. 1044 sq.,
ratio probare intendit.

◎

- 1084 **XV. — Ad secundum***, *respondetur* eodem modo *n. 1071 extendi dona ista ad objecta sibi proportionata et

¹ Cf. Joan. a Sto Thoma, *Curs. Theol.*, In Iam-IIæ, *De Virtutibus*, disp. 16, a. 2, n. 9.

² Cf. Joan. a Sto Thoma, *Curs. Theol.*, In IIIam, *De Incarnatione*, disp. 13, a. 3, n. 10; disp. 14, a. 2, n. 5.—In IIam-IIæ, *De Caritate*, disp. 9, a. 2, n. 10.

debita sicut fides ad sua, licet unum possit esse universalius altero in extensione ad materialia objecta: plura enim attingit fides vel donum sapientiae quam donum consilii, quod solum ad operabilia humana se extendit*.

*n. 750 sq.,
786 sqq.

1085 Cæterum in formalis ratione et in modo operandi, neque fides facit id quod donum sapientiae vel intellectus, neque ista dona id quod fides, sed unumquodque operatur* juxta genus et ordinem suum.

*n. 1089

1086 Fides in credendo divino testimonio præcise sine hoc quod se immisceat in inquirendo* vel explicando aut judicando de rebus fidei, et ita sola fides unica existens non præstat omnia ista munera, sed præcise exercet munus credendi, licet circa plura vel pauciora objecta quam aliquod ex istis donis.

*n. 430, 555

1087 Et donum sapientiae exercet munus judicandi de istis virtutibus, sed non credendi; et donum intellectus exercet munus penetrandi et recte capiendi res fidei, sed non credendi. Itaque unumquodque ex his donis unicum existens se extendit ad omnia ista objecta, sed non ad operandum et exercendum munus alterius, et eo modo quo alterum.

1088 XVI. — Unde quando dicitur* quod fides unica existens sufficit ad complectendum omnia ista objecta et partem speculativam et practicam, *distinguo*: sufficit ad omnia ista objecta sub tali modo qui est proprius ipsius fidei*, et non sub alio qui est proprius donorum, scilicet credendo præcise et non judicando et resolvendo, vel non penetrando et apprehendendo intime ex parte terminorum, *transeat*; sufficit ad omnia ista objecta suo modo et ratione propria attingenda, et etiam sub modo et ratione aliorum, *nego*.

*n. 1071

*n. 442

1089 Et eodem modo dona ipsa ita se habent quod unumquodque sufficit ad attingenda omnia illa objecta suo modo et sub ratione sua formali, non* tamen modo et ratione formali alterius.

*n. 1085,
1099

1090 Distinctio autem donorum non sumitur solum ratione diversorum objectorum materialium ad quæ se extendant, sed ex diversitate rationis formalis et modi operandi circa talia objecta.

1091 Et loquendo de isto modo et ratione formali operandi, non se extendit fides ad omnia ad quæ se extendunt ista dona, nec unica existens facit omnia quæ faciunt ista dona sub omni ratione formali, sed unumquodque sua.

1092 Et sic nullum fit argumentum quod sufficiat unum donum, sicut sufficit una fides, quia fides non* sufficit ad omnia illa, sed solum sufficit ad credendum, alia vero requiruntur ad judicandum vel apprehendendum.

*n. 1093

1093 XVII. — Cur vero non* sufficiat una fides ad omnia illa munera, et unum donum ad omnia illa officia judicandi et apprehendendi?

*n. 1092

1094 *Dicimus* id provenire ex limitatione* specifica cuiuslibet virtutis, sicut etiam una scientia non sufficit ad id quod faciunt omnes scientiae, nec una potentia sensitiva ad exercendum munera omnium sensuum, quia unumquodque habet suam speciem limitatam.

*n. 954

1095 An vero de potentia absoluta possit fieri unus habitus seu unum donum quod omnia illa munera exerceat sub aliqua eminentissima ratione?

1096 *Dicimus* fortasse id esse possibile*, sed non esse conforme capacitat[i] et limitationi* nostræ, cui con-<sup>*n. 1081
1114</sup>veniens est per formas magis limitatas operari, et sic de facto non sunt data nobis dona tantæ eminentiæ.

1097 **Unde autem constat** nobis de facto sic non esse data?

1098 *Respondeo* ex Scriptura, quæ nobis* revelat ista dona tamquam distincta, et tres virtutes theologales ut distinctas (*I Cor. 13, 13*): *fides, spes, charitas: tria hæc.*

○

1099 XVIII. — **Ad tertium***, *jam supra† respondimus* quod ad apprehendendum et judicandum sub eadem forma et ratione judicii, sufficit unus habitus et una virtus quæ ad omnia ordinate se habentia sub una ratione se extendit. Ad judicandum autem et apprehendendum sub diversa forma judicii non sufficit una virtus nec idem habitus.

1100 Donum autem sapientiæ et scientiæ ordinantur ad judicandum sub diversa* forma judicii quam donum intellectus, quia illa judicio resolutorio judicant, quia per causas procedunt sive altissimas et primas, sive inferiores; hoc procedit judicio simplici et apprehensivo, sicut* habitus principiorum qui dicitur intellectus: non enim dicitur apprehendere donum intellectus quia nullo modo judicat, sed quia non judicat modo resolutivo sicut sapientia et scientia, sed simplici modo.

<sup>*n. 1072
fn. 1089</sup>

^{*n. 317 sqq.}

<sup>*n. 294-5,
1241</sup>

★ ★

CUR NON SINT PLURA DONA QUAM SEPTEM?
AN OMNIA SEPTEM DONA SINT
SPECIES ATOMÆ?

1101 XIX. — **Ad primum*** contra istam partem, quod inquirit an ista dona sint species subalternæ* vel atomæ, *respondeatur* sine dubio esse species atomas*, licet eminentioris et altioris rationis quam virtutes, et ideo una species atoma talium donorum æquivalat* pluribus speciebus virtutum, et hac ratione æquivalenter seu eminenter plures sunt species donorum, sed formaliter sunt septem species atomæ et infimæ, sicut una species infima solis* aut stellæ eminenter æquivalat pluribus corruptibilis; et una species atoma angeli pluribus corporalibus.

1102 Quod ergo dona sint species atomæ, **sumitur** ex D. Thoma (In III Sent., dist. 34, q. 3, a. 2, q1a 2), ubi loquens de dono pietatis (et eadem est ratio de aliis) inquit quod “Pietas donum uno et eodem modo dirigit in communicationibus omnibus quæ ad alterum sunt, aliam tamen mensuram accipiens quam virtutes: quæ mensura, quia simplex est et una, ideo pietas unus habitus est; et ex comparatione ad hanc mensuram omnis actus ejus specificatur”.

1103 Si autem pietas esset donum unum sola unitate subalternæ et non atoma, non diceretur quod uno et eodem modo dirigeret in omnibus communicationibus, sicut neque potest dici de virtute justitiæ quod uno et eodem modo dirigit in omnibus communicationibus ad alterum: aliter* enim dirigit in justitia commutativa,

^{*n. 1111}

aliter in distributiva, aliter in religione, aliter in obser-
vantia, etc., sed simpliciter diverso modo dirigeret.

- 1104 Nec diceretur* quod illa mensura esset una et sim- *n. 1102
plex, et quod habitus esset unus et omnis actus ejus
specificaretur in ordine ad unam mensuram: hæc enim
omnia indicant manifeste atomam specificationem.

- 1105 XX. — **Est etiam hoc conformius** Scripturæ et
sensui Ecclesiæ, quæ absolute et simpliciter ponunt* *n. 98 sq.,
septem dona Spiriti Sancti sine ullo addito. 1032 sq.

- 1106 Si autem sub quolibet dono essent plures species
atomæ, simpliciter plura dona essent quam septem.
Sicut non potest dici absolute quod sunt quatuor vir-
tutes morales, sed solum dicitur quod sunt quatuor
virtutes cardinales, non autem absolute solum quatuor
virtutes, sic dicerentur esse septem genera donorum,
non septem dona absolute. Et si darentur aliæ species
atomæ donorum, deberent utique nominari quales et
quot sint; hoc autem non invenitur; ergo non debent
poni. De istis enim donis, cum solum nobis constet* *n. 22, 155,
417, 1040,
1082

- 1107 XXI. — **Ratio denique suffragatur**, quia moti-
va et rationes formales istorum donorum sunt unius
speciei atomæ in quolibet dono; ergo et dona ipsa quæ
talibus motivis specificantur.

- 1108 *Consequentia* est nota, quia res specificatæ non* *n. 71
possunt excedere sua specificativa; ergo si rationes for-

¹ Cf. IIam-IIæ, q. 10, a. 12; IIIam, q. 1, a. 3.

males non sunt speciei subalternæ sed atomæ, neque
ipsa dona sunt nisi infimæ et atomæ speciei.

- 1109 *Antecedens* probatur, quia in quolibet genere in quo
dividuntur per varias species virtutes sive intellec-
tuales sive morales, dona operantur elevationi et altiori
motivo et regula valente comprehendere et unire sub
eminenteri motivo omnia illa quæ dividuntur in ipsis
motivis virtutum; ergo* illa motiva et rationes formales *n. 1113
donorum minus* divisibles sunt in illo genere virtutum
quam ipsa motiva virtutum. *n. 955, 1094

- 1110 *Consequentia patet*, quia illud motivum quod pro-
cedit altiori et elevationi motivo valente comprehen-
dere plures rationes inferiores minus dividitur specifice
quam illa inferiora motiva, alioquin si divideretur sicut
illa, non magis unite procederet. Sicut virtus solis*, *n. 1101
quia eminentior est, minus specifice dividitur quam
virtutes elementorum et mixtorum; et scientia angeli
superioris minus¹ quam scientiæ et species repræsen-
tativæ inferiorum; et scientiæ et artes architectonicæ
et superiores minus dividuntur quam ministeriales et
inferiores.

- 1111 *Antecedens* vero probatur, quia in uno genere, verbi
gratia, temperantiæ aut justitiæ, virtutes ad alterum
quæ sunt justitiæ, vel refrænativæ quæ sunt temperantiæ,
dividuntur in varias species, quia diverso modo seu
diversa* regulatione mensurat† ratio ea quæ sunt men-
suranda secundum justitiam commutativam quam quæ
secundum distributivam, aut in ordine ad Deum vel in
ordine ad propinquos, etc.

¹ Cf. Iam, q. 55, a. 3.—Joan. a Sto Thoma, *Curs. Theol.*, In Iam, q. 55,
disp. 21, a. 4, n. 1-30.

- 1112 At vero pietas donum, quæ mensuratur mensura divina et instinctu Spiritus Sancti, omnia ista valet comprehendere* sub una altiori mensura quasi architectonica, quatenus respicit Deum ut Patrem et omnes homines ut fratres in ordine gratiæ, et sic omnia debita* sub hac ratione illis reddit modo supernaturali istius communicationis gratiæ qui unus est, et subordinat sibi omnes communicationes ordinis naturalis. Et timor sub eadem ratione contractiva animi et refugitiva mali culpæ retrahit* ab omni illicita delectatione, et refrænat omnem excessum dilatationis noxiæ, quod virtus temperantiæ facit sub diversis mensurationibus rationis et honestatis propriæ.
- 1113 XXII. — **Dices:** Instari hoc totum in virtutibus moralibus infusis. Nam istæ procedunt sub altiori ratione quam virtutes acquisitæ, utpote sub motivo supernaturali, quod est altius et eminentius quam ordinis naturalis, et tamen tot* sunt virtutes infusæ quot acquisitæ; ergo non bene sequitur* ex altiori et elevatio- *n. 1115
ri motivo donorum quod sint pauciora quam virtutes. *n. 1109
- 1114 XXIII. — **Respondetur** esse diversam rationem in virtutibus infusis et in donis, quia virtutes infusæ¹ sunt elevationes* quam acquisitæ ex parte objecti et substantiæ actuum, non ex parte modi regulandi et movendi, sed potius virtutes infusæ proportionantur in modo operandi acquisitis, quia respiciunt quidem objectum finemque supernaturalem, et ratione hujus elevationes sunt et altioris ordinis quam acquisitæ, sed tamen regulatio et modus mensurandi actiones circa talia objecta et finem fit per prudentiam infusam, quæ regulatur juxta regulas communes et modum intelli-

¹ Cf. *De Ver.*, q. 12, a. 1 ad 7.

*n. 910, 914

*n. 858, 900

*n. 992, 1026

*n. 1115

*n. 1109

*n. 420, 676

gendi nostro discursu ductum, qui juxta limitationem suam elicit ex objectis supernaturalibus fide* cognitis tum conclusiones theologicas, tum regulas practicas et prudentiales. Sed in omnibus istis proceditur juxta limitationem* discursus et capacitatis naturalis, licet in materia supernaturali, ut ipsa experientia constat, tum in scientia theologica, tum in prudentia ordinaria.

*n. 125, 484,
591

*n. 1082,
1096

- 1115 Unde non mirum quod tales virtutes, etiamsi sint supernaturales et infusæ, non tamen sint pauciores* numero quam acquisitæ, quia licet in materia et objecto quod tractant eleventur super virtutes ordinis naturalis, tamen in ipso modo regulandi et mensurandi et cognoscendi non ita elevantur quod magis unite et indivisibiliter et eminentialiter id faciant quam virtutes acquisitæ.

*n. 1113

- 1116 Dona autem Spiritus Sancti respiciunt cognitionem et regulationem altiorem quam humanæ vires possint attingere, etiam in modo procedendi, et ita regulantur instinctu et motione Spiritus Sancti. Et ideo magis unite et eminentialiter procedunt quam virtutes infusæ, eo quod altiori modo et eminentiori regulatione mensurantur. Ergo non debent in numero sic dividi et multiplicari sicut virtutes, sed pauciori numero contineri et indivisibili modo unire unum integrum genus virtutum, quia motivum et formalis eorum ratio altior et elevatior est, etiam in modo procedendi.



- 1117 XXIV. — **Ad secundum***, *respondeatur* ex dictis, quod attinet ad sapientiam et scientiam, dicimus non multiplicari dona hæc sicut scientiæ naturales, quia

*n. 1075

procedunt sub altiori et simpliciori ratione, atque adeo magis unita minusque divisibili quam scientiæ naturales, sicut de virtutibus dictum* est.

*n. 1114 sq.

- 1118 Quod attinet ad artem*, dicimus non dari artem donum, quia non datur artificiale supernaturale circa quod talis ars veretur, sed omnia supernaturalia pertinent ad cognitionem et appetitum, quia pertinent ad bene vivendum in ordine ad vitam æternam, quod non fit per artem.

○

- 1119 XXV.—*Ad tertium*, jam supra respondimus* correspondere aliqua dona virtutibus theologicis, licet non* ut superiora ipsis, sed ut deservientia et præparantia circa id quod tenet se ex parte materialis* objecti, eo quod virtutes theologicæ uniunt nos ipsi fini ultimo, et sunt quasi fundamentum* et radix ipsorum donorum quibus nos movet Spiritus Sanctus ad tendentiam in consecutionem istius finis, cui supponere debent nos esse conjunctos per fidem, spem et charitatem.

*n. 1076
fn. 243 sq.

*n. 244, 245,
1055
*n. 251

*n. 1055,
1230

- 1120 Et sic omnia dona pertinent ad istas virtutes ut ad radices, ut docet S. Thomas (Ia-IIæ, q. 68, a. 4 ad 3). Specialiter vero fidei correspondet donum intellectus et scientiæ, spei donum timoris, charitatis, sapientia, ut docet S. Thomas (IIa-IIæ, q. 8 et 9, q. 19, q. 45); sed tamen non ut superiora his virtutibus, sed eis deservientia, ut supra* dictum est.

*n. 1055 sq.

- 1121 XXVI.—*Ad quartum*, respondetur ex D.* *n. 1077 Thoma dupliciter.

○

1122 *Primo respondetur* (In III Sent., dist. 34, q. 1, a. 2 ad 3) quod timor importat quemdam recessum a malo. Idem autem est directivum motus in accessu ad terminum ad quem et in recessu. Unde illa dona quæ dirigunt in accedendo ad Deum per spem, charitatem, pietatem, etc., etiam deserviunt directioni timoris in recedendo, sicque non oportet ei aliud directivum adjungere.

1123 *Secundo respondetur* ex eodem S. Thoma (Ia-IIæ, q. 68, a. 4 ad 5) quod dirigitur timor a sapientia, quia excellentia divina quam præcipue considerat sapientia est maxime ratio timendi Deum. Et ipse timor etiam præparat ad sapientiam, sicut dicitur (Ps. 110, 10) quod *Initium sapientiae est timor Domini*, et sic respicit sapientiam ut formam seu finem ad quem disponit; ergo ut regulam sui directivam et mensurativam.

1124 XXVII.—Nec est inconveniens quod donum etiam intellectus dirigatur et reguletur* per sapientiam, quia ipsa et perficit hominis intellectum et dirigit affectum et reflectitur¹ super ipsa principia quæ habitu intellectus cognoscuntur.

*n. 1077,
1242

○

1125 XXVIII.—*Ad quintum*, dicimus illa duo quæ numerantur ab Isaia (Is. 11, 5) post septem dona non ponni ab ipso per modum spiritus*, sicut alia septem quæ numeraverat, et sic non possunt comprehendi inter*

*n. 1078

*n. 50 sqq.

¹ Cf. Joan. a Sto Thoma, *Curs. Theol.*, In Iam-IIæ, *De Virtutibus in communi*, disp. 16, a. 3 per totum.

illa dona quæ specialiter nos reddunt bene mobiles a Spiritu.

1126 Et sic non dicit Isaías quod spiritus justitiae et fidei erit cingulum lumborum ejus, sed dicit* quod justitia et fides. Signum ergo est ista non pertinere ad dona quæ sunt spiritus sicut illa septem, sed esse virtutes specialiter pertinentes ad administrationem regni Messiæ seu Christi, qui in justitia et fidelitate (id designat fides, non fidem theologicam, quæ non fuit in Christo) regnaturus erat.

1127 Juxta Hebræum non significantur hic virtutes, sed homines fideles et justi, qui appropinquabunt et cingent latus Messiæ regnantis.



1128 XXIX. — **Ad ultimum***, respondeatur Paulum (I Cor. 12, 8–10) numerare dona Spiritus quæ pertinent* ad gratias gratis datas (ut est communis expositio) et non sunt omnibus communia, nec est necesse quod reperiantur solum in habentibus gratiam, sed etiam in peccatoribus, ut prophetia* et aliæ similes, quia dantur in ædificationem aliorum, non in propriam justificationem et bonum. Et sic notanter dicit Apostolus: *Alii datur per Spiritum sermo sapientiæ: alii sermo scientiæ, etc., quia non omnibus dantur, sed alii hoc, alii illud.*

1129 Dona autem Spiritus Sancti omnibus justis dantur, quia ordinantur ad hoc ut moveamur a Spiritu Sancto in vitam æternam, juxta illud (Ps. 142, 10): *Spiritus tuus bonus deducet me in terram rectam.*

*n. 1029

*n. 1079

*n. 99, 134

*n. 127

1130 Unde et (*Is. 11, 2–3*) declarantur esse ista septem dona in Christo, eo quod *Requiescit super eum Spiritus Domini, spiritus sapientiæ et intellectus, etc.* Non requiescit autem Spiritus Domini super peccatores, sed super justos: *Spiritus enim Sanctus disciplinæ effugie fictum, ... et corripetur a superveniente iniquitate, ut dicitur (Sap. 1, 5).*

ARTICULUS VIII

QUÆ SINT PROPRIETATES DONORUM
SPIRITUS SANCTI?

1131 I. — Tria numerari possunt tamquam proprietates donorum, scilicet connexio inter se et cum charitate et gratia, ita quod sine gratia non reperiantur; — secundo, duratio* eorum tam hic quam in patria; — tertio*, æqualitas vel inæqualitas, tam inter se quam cum virtutibus. Hæc enim etiam sunt proprietates¹ virtutum.

*n. 1203 sqq.

*n. 1227 sqq.

1132 Alia autem proprietas quæ virtutibus convenit, scilicet quod in medio consistat, solum convenit virtutibus moralibus, quæ mensurantur ratione in materia capaci excessus vel defectus; quæ vero instinctu ipso Spiritus Sancti ducuntur non habent determinatam regulationem in medio, sed ipsi Deo immediate uniuntur et ejus impulsu sequuntur.

• • •

CONNEXIO DONORUM INTER SE ET CUM CHARITATE

1133 II.— Dona Spiritus Sancti esse connexa probat S. Thomas (Ia-IIæ, q. 68, a. 5) eadem proportione qua probaverat supra² virtutes morales esse connexas.

¹ Cf. Iam-IIæ, q. 65, 66, 67.² Cf. Iam-IIæ, q. 65, a. 1.

1134 Sicut enim conjunguntur omnes virtutes ratione unius prudentiæ a qua regulantur, et hæc non potest haberi nisi supponendo intentionem^{*} rectificatam¹ per virtutes, ita connectuntur omnia dona Spiritus Sancti ratione^{*} charitatis, quæ haberi non potest nisi per inhabitantem^{*} Spiritum Sanctum, et hic habitare in nobis non potest nisi anima reddatur bene mobilis^{*} ab ipso et obediens in omnibus ad quæ velit illam agere (*Rom. 8, 14*): *Qui enim Spiritu Dei aguntur, ii sunt filii Dei.*

*n. 1138

*n. 1140 sq.

*n. 974, 1205

*n. 1139

1135 III.— **Et bene adverte** quod quando dicimus dona ista esse connexa, non intelligitur quantum ad actus et exercitium eorum, sed quoad habitus.

1136 Nec enim necesse est ut qui exerceatur in una virtute exerceatur in omnibus, sed necesse est quod sit dispositus et paratus exerceri in illa si occasio^{*} se obtulerit, quia si in materia virtutum aliquis habeat dictamen sequendi unam virtutem et operandi in illa, verbi gratia, in justitia vel religione, habeat autem dictamen corruptum circa materiam castitatis ita ut non sit paratus servare illam si occasio se obtulerit, manifestum est quod si concurrat occasio aut servandi castitatem aut non servandi justitiam, potius eligit abrumperre justitiam quam castitatem servare, quod est indicium dictamen illud de justitia servanda non fuisse firmum, atque adeo nec virtuosum.

*n. 207, 208,
959, 1273

1137 Eodem modo dicendum est de connexione donorum, quod non est necesse esse connexa ex parte ac-

¹ Cf. Joan. a Sto Thoma, *Curs. Theol.*, In Iam-IIæ, q. 57-62, disp. 16, a. 4, n. 7.

tuum ita ut qui se exercet in uno etiam se exerceat in alio, sed ex parte habitum, quia qui ex unione ad Deum per virtutes theologicas paratus est sequi ejus motionem et instinctum quo movetur ad consecutionem vitæ æternæ, debet esse paratus* sequi in omnibus quæ ad talem consecutionem et tendentiam conducunt, ita ut qui cognitione sequitur motionem Spiritus Sancti circa ea quæ ad fidem pertinent, sed non est paratus sequi in pietate vel firmitate aut timore retrahente a malo, non est sufficienter dispositus ad sequendum dictum Spiritus Sancti respectu consecutionis vitæ æternæ, nec cum propheta dicere potest (*Ps. 118, 60*): *Paratus sum, et non sum turbatus: ut custodiam mandata tua.*

*n. 80, 263

1138 IV. — Igitur circa connexionem istorum donorum inter se, supposito quod radicantur et connectuntur in charitate, sicut virtutes morales in prudentia, non est aliqua alia difficultas quam quæ offerri potest circa ipsarum virtutum moralium connexionem: sine prudentia enim nulla est virtus quæ vera virtus moralis sit, utpote deficiente regula ipsa moralitatis; posita autem prudentia, nulla deest, quia ad rectum judicium dictamenque prudentiæ omnes requiruntur, quia omnium recta* intentio requiritur ut prudenter procedatur, quæ intentio in materiis virtutum ab ipsis virtutibus fit.

*n. 1134

1139 Et sine charitate non est aliquod donum Spiritus Sancti movens nos efficaciter et recte in consecutionem vitæ æternæ. Et posita charitate, nullum* deest, quia non posset charitas manere nisi moveretur* quis debite in vitam æternam secundum Spiritus Sancti motionem.

*n. 1176,
1188

*n. 1134

* * *

1140 V. — **Solum difficultas esse potest** de ipso præsupposito, scilicet quod dona ista in charitate* uniantur et charitas cum ipsis, ita ut sine charitate dona non sint, neque charitas sine donis.

*n. 1134

1141 Et ratio difficultatis est ex differentia quæ in hac parte invenitur inter dona et virtutes, siquidem dona non* requiruntur ad communes et ordinarias operationes sicut virtutes, sed ad extraordinarias et quæ speciali motione et instinctu indigent. Tales autem operationes non sunt necessariae ad habendam charitatem, vel consequendam gloriam, quia sine extraordinariis operationibus per simplicem mandatorum* observantium potest quis salvari, nec enim est necessarium martyrium vel abdicatio rerum sacerdotalium, aut alia opera quæ non sunt in præcepto sed in consilio, ut possit consequi quis vitam æternam; et multo minus requiruntur aliæ extraordinariæ operationes quæ vix in paucissimis reperiuntur, ut fortitudo Samsonis vel aliorum martyrum, qui se ipsis morti tradiderunt* *n. 257, 817,
950 ex instinctu Spiritus Sancti. Ergo cum dona ponantur ad istas extraordinarias operationes, ad communes autem sufficient virtutes sine donis, non videtur conexio donorum necessaria ut charitas in nobis habeatur.

*n. 1180 sq.

*n. 192-3

1142 VI. — **Confirmatur***, quia etiam in multis qui *n. 1185 non sunt in gratia imo nec habent fidem inveniuntur aliquæ operationes valde extraordinariæ et mirabiles in fortitudine*, in pietate, in dexteritate consiliorum *n. 928 et in aliis multis admirandis et extraordinariis operibus

virtutum, quæ tamen sine donis exercuerunt; ergo non est necesse pro extraordinariis operibus virtutum ponere dona fundata in charitate.

○

- 1143 VII. — **Confirmatur secundo***, quia multi habent charitatem qui carent aliquibus donis ex istis, et sine ipsis salvari possunt; ergo neque sunt connexa inter se et cum charitate, neque necessaria ad salutem. *n. 1186

- 1144 *Consequentia est nota*, quia non potest esse necessaria connexio inter illa inter quæ invenitur separatio.

- 1145 *Antecedens vero probatur**, quia multi homines qui sunt in gratia sunt simplices et idiotæ, imo et rudes, ergo carent dono intellectus et sapientiæ et scientiæ, siquidem abundant opposito, videlicet hebetudine, ruditate, simplicitate, etc. — Unde loquens* Augustinus (*De Trin.*, Lib. XIV, cap. 1)¹ de hac scientia quæ est donum, ut admittit S. Thomas (IIa-IIæ, q. 9, a. 1 ad 2), inquit: “Qua scientia non pollent fideles plurimi, quamvis polleant ipsa fide plurimum”. *n. 1187 sq. *n. 1189 sq.

- 1146 Similiter* sine istis donis et eorum perfectione et vivacitate, multos fideles salvari docet idem Augustinus (*Contra Epist. Manich.*, cap. 4)²: “Quos non intelligendi vivacitas, sed credendi simplicitas tutissimos facit”. Donum autem intellectus datur ad vivacitatem intelligendi et ad perfectionem cognitionis; ergo si non vivacitas intelligendi sed credendi simplicitas facit plures fidelium tutissimos, utique sine dono intellectus tui

¹ PL 42, 1037.

² PL 42, 175.

sunt; ergo et salvi esse possunt cum sufficiat ad id fides cum prudentia et reliquis virtutibus.

★ ★

- 1147 VIII. — **Secundo est difficultas***, quia in peccatore est fides; ergo etiam possunt esse illa dona quæ deserviunt* fidei, tum ad percipiendas veritates, ad quod ordinatur* donum intellectus, tum ad judicandas, ad quod ordinatur sapientia et scientia. *n. 1195 sq. *n. 246 sq. *n. 1196

- 1148 *Consequentia patet*, quia quod ordinatur et deservit uni virtuti, ea manente potest etiam manere, quia ad eam ordinatur, præsertim cum ista dona perficiant intellectum qui de se antecedit charitatem quæ est in voluntate; ergo sicut fides præcedit charitatem, ita dona illa quæ ex parte intellectus deserviunt fidei præcedere possunt charitatem, et sic sine illa inveniri.

- 1149 **Nec sufficit dicere** quod dona ordinantur ad operationes quæ sunt bonæ simpliciter et uniuersitatem Deo, et istæ non possunt esse in peccatore.

- 1150 **Contra* enim est**, nam etiam fides ad idem ordinatur ex sua natura et ratione, siquidem est principium directivum charitatis et bonorum operum, quia fides per dilectionem operatur¹, et tamen manet in peccatore; ergo etiam manere possunt dona, licet sint directiva bonorum operum et tendentium ad vitam æternam quantum est de se, licet ex defectu operantis impedianter consequi illam. *n. 1199

- 1151 Denique, semper urget illud argumentum*, quod jam in superioribus* attigimus, quia videmus multos *n. 1200 sq. *n. 470 sq.

¹ Gal. 5, 6.

peccatores remota gratia acute intelligere, judicare et disputare de his quæ pertinent ad mysticam et affectivam theogiam, et de rebus ac veritatibus fidei eodem modo cognoscere et docere sicut quando erant in gratia, nec in hoc aliquam sentiunt mutationem*; ergo si ante ex dono intellectus et sapientiae intelligebant et judicabant, etiam post.

○

- 1152 IX. — Propter hæc aut aliqua ex his argumentis, Lorca (In Iam-IIæ, q. 68, disp. 25, membr. 5) utrumque assertum D. Thomæ negat, *et quod dona sint connexa cum charitate ita ut in peccatoribus non inveniantur, et quod sint necessaria* ad salutem ita quod in omnibus justis inveniantur.*

* * *

- 1153 X. — **Sed certe oppositum omnino tenendum est,** quia in ista materia donorum magis duci* debemus auctoritate Scripturæ et sanctorum quam difficultibus vinci, quæ facile tamen solvuntur.

★ ★

- 1154 Ex Scriptura* quippe habemus aliquam intellectum, sapientiam, scientiam et consilium, et alia dona dari quæ non nisi in justis et in gratia existentibus reperiuntur.

*n. 98 sqq.

- 1155 Nam de intellectu dicitur (Ps. 110, 10): *Intellectus bonus omnibus facientibus eum, et (Ps. 118, 144): Intellectum da mihi, et vivam, et iterum (Ps. 118, 73): Da mihi intellectum, ut discam mandata tua.*

*n. 1202

*n. 1176

*n. 22, 155,
417, 433,
1040, 1106

1156 De sapientia dicitur (*Sap. 1, 4*): *In malevolam animam non introibit sapientia, nec habitat in corpore subdito peccatis.* Et loquitur de sapientia participata in nobis, non de ipsa sapientia increata, quia subdit (*Sap. 1, 5*) quod *Auferet se a cogitationibus quæ sunt sine intellectu, et corripetur a superveniente iniquitate.* Non destruitur autem seu corripitur peccatum sapientia increata, sed creata. De qua etiam dicitur (*Bar. 3, 28*): *Et quoniam non habuerunt sapientiam, interierunt propter suam insipientiam.* Ergo deficiente ista sapientia non manet homo in gratia, et sic est connexa cum gratia. De qua etiam dicitur (*Sap. 7, 28*): *Neminem diligit Deus, nisi eum qui cum sapientia inhabitat.* Non autem inhabitat quis cum sapientia increata, nisi in se sapientiam habendo per quam sapiens reddatur, et sic diligatur a Deo.

- 1157 De scientia dicitur (*Sap. 10, 10*): *Dedit illi (scilicet justo) scientiam sanctorum;* ergo aliqua est scientia quæ non nisi in sanctis est.

- 1158 De consilio quod est donum dicitur (*Ps. 118, 24*): *Et consilium meum justificationes tuæ;* non ergo sine justificationibus est illud consilium.

- 1159 De pietate dicitur (*I Tim. 4, 8*): *Pietas ad omnia utilis est, promissionem habens vitæ, quæ nunc est et futuræ:* quod utique sine gratia stare non potest.

- 1160 De fortitudine dicitur (*Ps. 30, 25*): *Viriliter agite, et confortetur cor vestrum, omnes qui speratis in Domino;* et (*Prov. 31, 25*): *Fortitudo et decor indumentum ejus et ridebit in die novissimo;* et (*II Tim. 2, 12*): *Si sustinebimus, et conregnabimus.*

- 1161 Denique de dono timoris dicitur (*Eccli.* 1, 27-28):
Timor Domini expellit peccatum: nam qui sine timore est, non poterit justificari; et (*Ps. 18, 10*): *Timor Domini sanctus permanens in sæculum sæculi.*

○

- 1162 XI. — Ex auctoritatibus et aliis similibus concluditur aliqua dona dari quæ non nisi in habentibus gratiam reperiuntur, et sunt hæc septem dona Spiritus Sancti, quæ in istis locis* referuntur.

- 1163 Unde (*Is. 11, 2-3*) ubi omnia dona referuntur simul non attribuuntur nisi Spiritui inhabitanti*, quod utique non nisi in justis invenitur. Dicit enim: *Et requiescat super eum Spiritus Domini: spiritus sapientiae et intellectus, etc.* Ubi ergo Spiritus non requiescit, non est Spiritus sapientiae, intellectus, etc. Non requiescit autem Spiritus Domini in peccatore, quia *Spiritus Sanctus disciplinæ effugiet fictum... et corripietur a superveniente iniquitate*, ut dicitur (*Sap. 1, 5*). Non ergo dona ista inveniuntur sine gratia, quia non inveniuntur sine Spiritu requiescente* in homine.

*n. 1154 sq.

*n. 974, 1134,
1205

*n. 417, 1171

★ ★

- 1164 Et in hac consequentia loquuntur communiter **sancti Patres** in locis supra* citatis, in quibus sermonem faciunt de donis Spiritus Sancti.

*n. 110, 1038

- 1165 Præsertim D. Gregorius (*Moral.*, Lib. I, cap. 13-14, 27, 32)¹, et (*In Ezech.*, Lib. II, hom. 7, n. 7)² inquit:

¹ PL 75, 534-535, 544, 547.² PL 76, 1016-1017.

“Aditum nobis ad cælestè regnum aperiri per septiformem gratiam, quam Isaias in ipso nostro capite, vel in ejus corpore enumerat”.

- 1166 Et Hieronymus (*In Isaiam*, Lib. IV, super 11, 2)¹ dicit in Christo hæc dona fuisse ut intelligamus quod “Absque Christo, nec sapiens quis esse potest, nec intelligens, nec consiliarius, nec fortis, nec pius, nec plenus timoris Dei”.

- 1167 Et videri etiam potest Cyrus (*In Isaiam*, Lib. II, tom. I)², eadem verba exponens.

- 1168 Auctor (*De Cardinalibus Operibus Christi*, cap. De unctione chrismatis)³, loquens de unctione Spiritus Sancti quæ utique fit in nobis per gratiam, inquit: “Ex hujus unctionis beneficio et sapientia nobis et intellectus divinitus datur, consilium et fortitudo cælitus illabitur, scientia et pietas, et timor inspirationibus supernis infunditur”.

- 1169 Et multi alii Patres quos articulo præcedenti citavimus* videri possunt, qui eodem modo loquuntur.

*n. 1038

★ ★

- 1170 XII. — D. Thomas eam assignavit rationem⁴, quia sicut virtutes morales comparantur ad regimen rationis, ita dona ista comparantur ad Spiritum Sanctum mo-

¹ PL 24, 145.² PG 70, 314-315.³ Cf. *Opera D. Cypriani* (Parisiis, apud Sebastianum Nivellum, 1574), p. 476.⁴ Cf. Iam-IIæ, q. 68, a. 3 et 5.

ventem; sed Spiritus Sanctus habitat in nobis per charitatem; ergo dona sunt connexa per charitatem.

- 1171 **Ubi ratio ista videtur claudicare**, quia divertit a Spiritu movente ad Spiritum inhabitantem. Licet enim Spiritus non habitet in nobis nisi per charitatem, tamen etiam ante charitatem est in nobis ut movens: ut patet quando peccator habet attritionem* antequam justificetur, quæ est donum Spiritus Sancti nondum* inhabitantis, sed moventis cor, ut definit Tridentinum (sess. XIV, cap. 4) ¹.

- 1172 Quomodo ergo D. Thomas ex eo quod dona comparantur ad Spiritum Sanctum moventem infert* ² quod debent esse cum Spiritu Sancto ut inhabitante?

- 1173 **Sed respondetur** quod sanctus Doctor non loquitur de Spiritu Sancto ut movente ³ pure effective (sic enim non est necesse quod inhabitet animam, quia etiam cum movet disponendo ad hanc inhabitationem et justificationem movet effective), sed loquitur de Spiritu Sancto ut movente regulative* et directive, sicut prudentia movet et regulat virtutes*.

- 1174 In hac enim comparatione loquitur³ S. Thomas dicens quod "Sicut comparantur virtutes ad regimen rationis, ita dona ad Spiritum Sanctum moventem" scilicet per modum regiminis et directionis. Constat autem quod si prudentia movet animam dirigendo et gubernando, intus habitat in corde et mente; ergo si Spiritus Sanctus sic movet dirigendo et gubernando,

¹ Msi XXXIII, 93.

² Cf. Joan. a Sto Thoma, *Curs. Theol.*, In Iam, q. 43, disp. 37, a. 2, n. 16-21.

³ Cf. Iam-IIæ, q. 68, a. 5.

*n. 194, 974

*n. 417, 651,
974

*n. 217 sq.,
1230
*n. 220

intus debet inhabitare et rectificare hominem, quia dic-tamen Spiritus Sancti non potest esse defectuosum, et consequenter neque actiones.

- 1175 Unde recte ex motione Spiritus Sancti directiva et gubernativa ad modum prudentiæ dirigentis bene potuit inferre* inhabitationem Spiritus Sancti in anima, quæ sine charitate non est. ⁴

- 1176 XIII. — Ex quo etiam colligitur efficacia alterius* ⁵ consequentiæ D. Thomæ (Ia-IIæ, q. 68, a. 2), ubi probat dona necessaria* esse ad salutem, quia non sufficit informatio virtutum secundum imperfectum modum nostræ rationis nisi* adsit motio et instinctus ⁶ Spiritus Sancti deducentis¹ nos in vitam æternam; ergo ad illum finem consequendum necessarium est donum Spiritus Sancti.

- 1177 **Quam consequiam enervare** putat Lorca², quia non sequitur indigere influxu omnium donorum sicut nec indiget moveri a Spiritu Sancto omni modo possibili, ergo non sequitur omnia ista dona necessaria esse ad salutem. Et præsertim, quia si movetur homo circa judicandas res divinas per donum sapientiæ, quid necesse est moveri etiam per scientiam circa res easdem?

- 1178 **Sed respondetur** consequiam D. Thomæ esse efficacem, quia ex antecedente* suo immediate intulit unam propositionem indefinitam, scilicet, ergo ad consequendum illum finem necessarium est donum Spiritus Sancti, id est, aliquod donum superiori modo diri-

*n. 1179

¹ Cf. Ps. 142, 10.

² Cf. In Iam-IIæ, q. 68, disp. 25.

gens et regulans quam virtutes, et tollens defectus quos non sufficit regimen virtutum tollere.

1179 Quod vero omnia dona Spiritus Sancti necessaria sint ad salutem, non habuit necesse D. Thomas specificare et ex illo antecedente* inferre, sed relinquitur virtualiter manifestatum, ex eo quod in eodem antecedente assumit quod in ordine ad finem supernaturalem consequendum non potest sufficienter perfici homo per virtutes et motionem rationis, sed indiget perfici superiori instinctu Spiritus Sancti, ut etiam explicat (Ia-IIæ, q. 68, a. 2 ad 2). Virtutes autem necessariæ ad consequendum illum ultimum finem sunt virtutes theologicæ et morales cardinales, quarum impletio est de necessitate salutis secundum casus occurrentes. Omnes autem istæ virtutes non* possunt perfici aut adjuvari unico dono, sed omnibus septem donis, quæ illis virtutibus correspondent* et deserviunt. Ergo si est necessarium donum perficiens omnes virtutes quæ ducuntur motione rationis ut possint pervenire ad ultimum finem, virtualiter omnia dona comprehendit, quia ab omnibus donis et non solum ab uno possunt perfici ad consequendum finem ultimum omnes virtutes necessariæ ad salutem. Et quia supponebatur non posse omnes istas virtutes perfici nisi omnibus septem donis, hoc ipso quod dicitur requiri donum ad consequendum ultimum finem quia non sufficit motio rationis per virtutes, relinquebatur certum omnia dona requiri, sicut omnes virtutes requiruntur.

* * *

1180 XIV. — Ad primum* ergo in oppositum, respon- *n. 1141
det D. Thomas (Ia-IIæ, q. 68, a. 2 ad 1) quod dona non* *n. 202

*n. 1178

*n. 1080 sqq.

*n. 964, 1050

requiruntur solum ad operationes quæ excedunt communem perfectionem virtutum quantum ad genus ipsorum operum, sicut consilia excedunt præcepta, sed quantum ad modum operandi, secundum quod movetur homo ab altiori principio.

1181 Quod nos explicamus ex doctrina in superioribus* *n. 226 tradita, quod aliquæ operationes dicuntur extraordinariæ et speciales, *vel* ex parte objecti, *vel* ex parte subjecti.

1182 *Ex parte objecti**, quia materia de qua agunt est *n. 1276 extraordianaria et non communiter requisita ad salutem, ut ea quæ cadunt sub consilio et non sub præcepto.

1183 *Ex parte subjecti**, quando, licet materia sit com- *n. 1276 munis, tamen, vel ob subjecti imperfectionem et improportionem, vel propter modum operandi, non potest expedire omnia quæ ad talem finem requiruntur et difficultates superare.

1184 Dona ergo Spiritus Sancti non solum dantur ad movendum in operibus difficilibus et extraordinariis primo modo, sed etiam secundo. Et sic quia complectitur ista omnia, donum Spiritus Sancti dicitur esse necessarium ad salutem non ratione operum primo modo tantum, sed etiam secundo, quia in multis deficeret ratio in ordine ad consequendum finem ultimum propter infirmitatem* subjecti, nisi a Spiritu Sancto specia- liter ageretur, quia Spiritus ille bonus est qui ducit¹ nos in terram rectam.

*n. 204, 926,
946

¹ Cf. Ps. 142, 10.

◎

- 1185 XV. — **Ad primam confirmationem***, responde- *n. 1142
tur posse quidem a peccatore extra gratiam fieri aliquas actiones ordinatas ad fines particulares* quæ mirabiles *n. 941
et insolitæ sunt, sed tamen actiones ordinatæ ad consecutionem ultimi finis supernaturalis plene et perfecte fieri non possunt nisi Spiritus adjuvet¹ infirmitatem nostram: non enim qui faciunt illas mirabiles actiones, sed qui Spiritu Dei aguntur² (quod non in ambulando in magis, neque in mirabilibus³ consistit), hi sunt filii Dei. Imo etiam orare quid oporteat nescimus, sed ipse Spiritus postulat pro nobis gemitibus inenarrabilibus⁴.

◎

- 1186 XVI. — **Ad secundam confirmationem***, negatur antecedens.
- 1187 Ad probationem*, dicitur quod sunt multi simplices et idiotæ in gratia, qui nesciunt plura de his quæ ad sæculares scientias vel nostris studiis acquisitas pertinent, non* tamen qui nesciant et ignorent ea quæ ad salutem consequendam pertinent: in his enim (I Joan. 2, 27) *Unctio docet vos de omnibus*, et iterum (Joan. 16, 13): *Spiritus Sanctus docebit vos omnem veritatem*. *n. 1143
*n. 1145
*n. 472 sq.

- 1188 Imo ad directionem Spiritus Sancti pertinet ut in multis quæ ad istas scientias acquisitas pertinent stulti⁵ fiant ut sapientes sint: *Non enim multos sa-*

¹ Cf. Rom. 8, 26.² Cf. Rom. 8, 14.³ Cf. Ps. 130, 1.⁴ Cf. Rom. 8, 26.⁵ Cf. I Cor. 3, 18.

pientes, . . . nec multos nobiles elegit Deus: sed infirma et stulta mundi elegit, ut confundat fortia (I Cor. 1, 26–27). Cum enim scientia infletur¹, charitas autem ædificet, remotio scientiæ inflantis ad Spiritum Sanctum pertinet, qui tamen scientiam sanctorum² dat illis ut ducantur per vias rectas³, et hæc est donum scientiæ quod nulli* *n. 1139
sanctorum deest.

- 1189 XVII. — **Ad auctoritates* Augustini, respondet** *n. 1145 sq.
S. Thomas (Ia-IIæ, q. 68, a. 5 ad 2) quod Augustinus in præfata auctoritate loquitur de scientia gratis data, quæ utique non omnibus est communis; hæc enim scientia ordinatur ad defensionem doctrinæ fidei et aliorum instructionem, quod non de necessitate exigit gratiam, non autem ordinatur solum ad sciendum modo affectivo* et quasi experimentaliter ea quæ pertinent ad salutem et vitam spiritualem, quod facit scientiæ donum. *n. 584

- 1190 Et quod in illo sensu loquatur Augustinus, manifestat S. Thomas ex ejus verbis immediate post illa allegata subjunctis, in quibus has duas scientias distinguunt⁴: “Aliud enim, inquit, est scire tantummodo quid homo credere debeat propter adipiscendam vitam beatam, quæ non nisi æterna est (et hoc scire est scientia quæ est donum); aliud autem scire quemadmodum hoc ipsum et piis opituletur, et contra impios defendatur; quam proprio appellare vocabulo scientiam videtur Apostolus”. — Et hoc scire est scientia gratis data, vel theologia.

¹ Cf. I Cor. 8, 1.² Cf. Prov. 9, 10.³ Cf. Sap. 10, 10.⁴ S. Augustinus, *De Trin.*, Lib. XIV, cap. 1, PL 42, 1037.

1191 XVIII. — Quod vero objicit Lorca¹ S. Thomam intelligere hunc locum Augustini de dono scientiae (IIa-IIæ, q. 9, a. 2), dicimus non expendisse Lorcam verba quæ ibi allegat D. Thomas ex Augustino.

1192 Dicit² in argumento primo quod Augustinus (*De Trin.*, Lib. XIV, cap. 1)³ inquit quod “Per scientiam fides saluberrima gignitur, nutritur et robatur, sed fides est de rebus divinis, . . . ergo et donum scientiae”. Concedit D. Thomas auctoritatem Augustini, et dicit quod scientia donum est de ipsa fide quantum ad id quod temporale⁴ in fide est, non quantum ad res ipsas æternas. Solum ergo admittit D. Thomas quod in illis verbis citatis loquitur Augustinus de scientia dono, quatenus in nobis gignit, nutrit et robatur fidem: hoc enim non pertinet ad aliorum instructionem, sed ad proprium profectum, et sic pertinere potest ad scientiam quæ est donum.

1193 Inde autem quomodo inferri potest [Lorca] quod in aliis verbis, scilicet quando dicit⁵ quod “Aliud est scire quemadmodum hoc ipsum et piis opituletur et contra impios defendatur”, etiam de scientia dono loquatur Augustinus, et non potius de scientia gratis data, quam Apostolus⁶ nominat, ut ipse [Augustinus] clare exprimit.

1194 XIX. — Ad aliam replicam*, quod donum intellectus datur ad vivacitatem illius⁷, cum tamen sine hac vivacitate cum sola credendi simplicitate multi

¹ Cf. In Iam-IIæ, q. 68, disp. 25.

² Cf. IIam-IIæ, q. 9, a. 2 ad 1.

³ PL 42, 1037.

⁴ *De Trin.*, Lib. XIV, cap. 1, PL 42, 1037.

⁵ Cf. I Cor. 12, 8.

⁶ Illius, scilicet intellectus.

*n. 711 sqq.

*n. 1146

tutissimi reddantur, ut dicit Augustinus, *respondetur* quod sine vivacitate argumentativa et manifestativa discursus et rationum, tutissimi redduntur multi sola credendi simplicitate, sed sine vivacitate affectiva* et experimentalis motionis Spiritus Sancti (quæ ex ipsa simplicitate credendi fide viva oritur et derivatur sive actuali, sive habituali), nec tibi possunt esse in ipsa simplicitate animi, nec in charitate sincera et non ficta. Et hæc est scientia donum, seu scientia sanctorum⁸, sine qua (Ps. 81, 5): *Nescierunt, neque intellexerunt, in tenebris ambulant** quicumque illa carent.

*n. 62 sq.,
431, 584

*n. 196, 301,
348, 598

★ ★

1195 XX. — Ad secundam* difficultatem, responde- *n. 1147 sq.
tur negando consequentiam.

1196 Ad probationem*, dicitur quod donum intellectus et scientiae et sapientiae ordinantur ad fidem perfectam et consummatam et formatam, *concedo*; ad fidem informen tantum et imperfectam, *nego*.

1197 Licet enim apprehensio veritatis et judicium atque discretio illius ab erroribus aliquali et imperfecto modo facta præcedat et requiratur ad fidem, tamen spiritus judicii et intellectus seu intelligentia, et judicium affectivum et experimentale ex Spiritu ortum, non requiritur ad fidem introducendam, sed ad vivificandam, consummandam et formandam. Et licet fides pertineat ad intellectum et antecedat charitatem, tamen quia formatio ejus et vivificatio fit per charitatem, ideo dona quæ ordinantur et deserviunt fidei ut formatæ et vivificatæ non convenient nisi homini habenti charitatem.

* Cf. Prov. 9, 10.

1198

Et sic oportet semper præ oculis habere quod donum scientiæ et sapientiæ et intellectus non* sunt quodcumque scire aut intelligere etiam supernaturale et per illustrationem supernaturalem habita, sed sunt spiritus sciendi et intelligendi, etc. Plus autem est spiritus intelligentiæ quam supernaturalis quælibet intelligentia, quia ex Spiritu, ex affectu, ex quadam experimentali* notitia et contactu Spiritus orta. Hæc *n. 584
deservit fidei, sed formatæ, non informi, non in statu imperfecto.

1199

XXI. — **Et cum dicitur*** quod etiam fides ordinatur ad operationem perfectam et tendentem ad finem supernaturalem, *respondeatur* quod fides secundum se ordinatur ad operationes perfectas, distinguo: tamquam fundamentum et radix¹ illarum, sicut et justificationis, *concedo*; tamquam proximum et formale illarum principium, *nego*: hoc enim fit per charitatem, quæ est vinculum perfectionis², et consummat ac format fidem, et consequenter per dona Spiritus Sancti quæ charitatem sequuntur.

1200

XXII. — **Ad ultimam replicam***, *dicitur* quod *n. 1151 peccatores extra gratiam possunt* acute discernere et *n. 470 disputare atque tractare de rebus divinis, atque de ipsa mystica et affectiva intelligentia tamquam de objecto et materia de qua tractant et disputant; sed non possunt ea uti tamquam principio* et motivo cognoscendi. Sicut possum ego tractare de visione intuitiva Dei et de experimentali rerum sensibilium cognitione tamquam

¹ Cf. Joan. a Sto Thoma, *Curs. Theol.*, In Iam-IIæ, q. 64–67, disp. 17, a. 2, n. 49.—Iam-IIæ, q. 62, a. 4; q. 67, a. 3 ad 2.

² Cf. Col. 3, 14.

de objecto et materia de qua trago et dispuo, non tamen habeo per hoc experimentalem tactum illarum rerum, neque intuitivam Dei cognitionem, quia non utor experientia et intuitione ipsa tamquam principio aut ratione formalis cognoscendi.

1201

Sic qui est in peccato non potest uti cognitione illa experimentalis affectiva tamquam ratione et principio* formalis, quia hoc ipso quod decidit a gratia non potest connaturalitatem illam et unionem et experientiam Spiritus habere, quia hoc donum *Nemo scit, nisi qui accipit*, ut dicitur (*Apoc.* 2, 17). Potest tamen de illa tamquam de objecto vel materia disputare et tractare, vel etiam memoriam habere et de illa recordari. *n. 584

1202

Et quantum ad hoc non sentitur magna mutatio* *n. 1151 cum transitur de gratia ad peccatum. In ipsa vero experimentali et affectiva cognitione et tactu interno Spiritus magna mutatio aut etiam oblivio sentitur, quia (*Sap.* 1, 5) *Spiritus Sanctus disciplinæ effugiet factum, et auferet se a cogitationibus sine intellectu, et corripietur a superveniente iniquitate*, et sic auferuntur dona Spiritus a peccatore. E contra vero qui convertuntur ad cor¹, statim videntur quamdam serenitatem et tranquillitatem sentire et alleviari onere peccatorum, quod est magnum signum ibi habitare Spiritum Sanctum, qui est habitator quietis²: et hanc pacem et serenitatem esse effectum confessionis, docet Concilium Tridentinum (sess. XIV, cap. 3)³.

¹ Cf. *Ps.* 84, 9.

² Cf. *Is.* 38, 11.

³ Ms. XXXIII, 93.



DURATIO DONORUM SPIRITUS SANCTI ETIAM
IN PATRIA

- 1203 XXIII. — **Supposito*** quod ista dona fundantur *n. 1133 sqq.
in charitate et in affectiva et experimentali cognitione
et connaturalitate ad Spiritum, non est difficile cognos-
cere quod ista dona remanebunt* in patria, sicut et *n. 1131
ipsa charitas in qua fundantur, licet perfectiori modo
regulata, scilicet ab ipsa visione, a qua etiam regulatur* *n. 1218
charitas in patria.
- 1204 Et sicut virtutes intellectuales et cardinales mo-
rals manent in patria (ut disputatione præcedenti os-
tendimus¹), ita et dona illis correspondentia, et eleva-
tiori atque perfectiori regula, scilicet ipso Spiritus
Sancti instinctu, perficiantia istas virtutes, a fortiori
remanebunt.
- 1205 Et hinc sumit robur ratio D. Thomæ (Ia-IIæ, q.
68, a. 6), quia videlicet dona ad hoc dantur ut homo
fit bene mobilis a Spiritu Sancto non solum impellente
et agente, sed etiam regulante* et mensurante; sed in
patria multo felicius et perfectius movebitur anima et
subjicietur Spiritui Sancto quando erit Deus omnia in
omnibus²; ergo a fortiori manebunt* ibi dona Spiritus
Sancti.
- 1206 XXIV. — Hæc ratio probat permanentiam dono-
rum in patria attendendo præcise ad eorum rationem

¹ Joan. a Sto Thoma, *Curs. Theol.*, In Iam-IIæ, q. 67, disp. 17, a. 4.

² Cf. I Cor. 12, 6.

formalem, quæ est regulatio et motio Spiritus Sancti,
quod circa donum intellectus latius explicavimus*. *n. 475 sqq.



- 1207 **Restat vero difficultas**, an ex parte materiae vel
alicujus conditionis requisitæ importent aliquam imper-
fectionem quæ in patria compatibilis non sit.

* * *

- 1208 XXV. — **Et primo*** **objicitur**, quia materia ali- *n. 1212
quorum donorum non manebit in patria, ut fatetur S.
Thomas (Ia-IIæ, q. 68, a. 6), quia non erit ibi vita activa,
ad quam ordinatur pietas et fortitudo, non intelligentia
et penetratio rerum fidei, ad quam ordinatur donum in-
tellectus et scientiae, non tentationes superandæ, contra
quas ordinantur ista dona, ut dicit Gregorius (*Moral.*,
Lib. II, cap. 49, n. 77)¹. Deficiente autem materia
et objecto, non minus deficiunt virtutes quam defi-
ciente ratione formalis; ergo ibi non erunt dona Spiritus
Sancti qualia hic sunt.

★ ★

- 1209 XXVI. — **Secundo*** **arguitur**, quia saltem non *n. 1215
possunt eadem esse dona intellectualia in via et in pa-
tria; ergo non omnia dona manent ibi.

- 1210 *Antecedens probatur*, quia donum intellectus, sci-
entiae et sapientiae habent obscuritatem in hac vita, cum
regulentur per fidem et compatiantur cum illa; sed
habitus intrinsece obscurus non manet in patria ubi

¹ PL 75, 592.

nihil obscurum est in intellectu (hoc enim est imperfectio et defectus, qui non compatitur cum summa perfectione gloriae); ergo destruitur ille habitus. Non potest autem destrui obscuritas quae intrinsece convenit habitui, nisi tota entitas et fundamentum ejus destruantur, sicut nec obscuritas tolli potest a fide nisi ejus essentia destruatur; ergo dona illa quae sunt in via et habent obscuritatem sicut fides non possunt manere in patria, sed subrogari debent alia dona distincta quae obscura non sint.

* *

- 1211 **Tertio***, quia Apostolus (*I Cor. 13, 8*) dicit quod *n. 1225 scientia destruetur in alia vita, sicut et prophetiae evanescunt et linguæ cessabunt, et loquitur ibi de dono scientiæ: loquitur enim de donis supernaturalibus, sicut prophetia et donum linguarum; ergo etiam de scientia supernaturali quae utique donum est.

* * *

- 1212 XXVII. — **Ad primum***, *respondeatur* non destrui *n. 1208 in alia vita materiam quae primario et per se attingitur a donis, sed materiam aliquam accessoriæ et secundariæ, aut statum aliquem seu modum materiae vel conditionem, non absolute totam materiam donorum, sicut de virtutibus cardinalibus, quae remanent in patria, diximus¹ quod ibi non est materia istarum virtutum cum imperfectione quam habet hic, verbi gratia, cum lucta et resistantia passionum quam hic vincit, sed cum summa tranquillitate passionum qua ibi fruitur.

¹ Cf. Joan. a Sto Thoma, *Curs. Theol.*, In Iam-IIæ, q. 67, disp. 17, a. 4, n. 4 sq.

Et sic utrobique habent eamdem materiam, licet diverso modo et cum diversa conditione et statu.

- 1213 Et sic D. Thomas non dixit (Ia-IIæ, q. 68, a. 6) quod dona mutant et exuunt totalem materiam quam in hac vita habent, sed quod versantur hic circa “aliquam” materiam, circa quam ibi non versantur. Circa “aliquam” dixit, non circa omnem, et (Ia-IIæ, q. 68, a. 6 ad 2) late explicat* ex verbis D. Gregorii¹ quomodo aliquid de materia quam assignat pro donis transit cum hac vita, et aliquid non transit, sed remanet in alia. Et sic tota materia adæquata donorum non mutatur, sed aliquid pertinens ad imperfectum statum et materiam huic statui convenientem.

*n. 374 sq.

- 1214 Principalis enim et adæquata materia est id ad quod in tali genere potest moveri homo ex instinctu Spiritus Sancti, sive in hac vita, sive in alia, sive in militia, sive in triumpho, inter labores hujus vitæ, vel in contemplatione et fruitione alterius. Et sic licet vita activa hujus temporis et labores ejus cessent, non tamen cessant ea quae ex instinctu Spiritus Sancti in alia vita agenda et operanda sunt, ad quae etiam se extendunt dona Spiritus Sancti quae habent pro materia quidquid ex instinctu et motione Spiritus Sancti in tali genere operandum est, sive fruendo, sive laborando. Non cessante autem adæquata et primaria materia virtutum, non destruitur ipsa virtus.

○

- 1215 XXVIII. — **Ad secundum***, negatur antecedens. *n. 1209

¹ Cf. *Moral.*, Lib. I, cap. 32, PL 75, 547.

1216 **Ad probationem**, jam supra* diximus quod dona *n. 385 sq.
ista ex sua formali ratione petunt evidentiam ortam
ex affectiva et experimentalis notitia et contactu Spi-
ritus divini, licet non semper istam evidentiam in omni
materia exerceant ex parte cognoscentis sicut petunt ex
parte cognitionis. Sicut scientia subalternata semper
petit* evidentiam ex parte scientiae, potest tamen carere
exercitio illius ex parte cognoscentis, quando non conti-
nuatur cum sua subalternante quae dat illi evidentiam
principiorum, ut latius diximus¹.

1217 Unde dona ista remota fide manent eadem in subs-
tantia sicut hic in via, sed perfecta et depurata ab
imperfectione quam hic habent dum peregrinantur²
in fide, quia non possunt claritatem habere de ipsis
veritatibus creditis positive et in se, in his enim oculus
caligat³.

1218 Ista enim dona quasi subalternantur* visioni *n. 388
beatae, sicut charitas* in qua fundantur per se subor-
dinatur illi. In absentia autem visionis suppletur per
fidem illa subordinatio, et ratione illius non exercent evi-
dentialm circa illas veritates.

1219 Sed tamen adhuc exercent* aliquam evidentiam *n. 282, 299
quam possunt in hac vita, quia saltem circa ea quae
circumstant fidem evidentiam habere possunt, scilicet
circa credibilitatem, quia scire evidenter possunt quod
testimonia illa *credibilia facta sunt nimis*⁴.

¹ Cf. Joan. a Sto Thoma, *Curs. Theol.*, In Iam, disp. 2, a. 5; *Curs. Phil.*, Log., II P., q. 26, a. 2.

² Cf. II Cor. 5, 6.

³ Cf. II Par. 6, 1.

⁴ Ps. 92, 5.

1220 Similiter circa ipsas veritates creditas, licet pene-
trare non possint quid sint positive in se ex defectu
visionis beatificae, possunt tamen negativa et extrinseca
evidentialm cognoscere quid non sint*, scilicet separando *n. 300, 352
et segregando certitudinem illarum rerum ab erroribus
oppositis, et spiritualia a sensibilibus et phantasmatisbus,
per viam scilicet remotionis, quatenus discernunt spiri-
tualia non esse sicut illa sensibilia.

1221 Quare dona ista non procedunt credendo sicut
ipsa fides, sed circa credibilia intelligendo et penetrando
et judicando saltem evidentia extrinseca et negativa,
cognoscendo evidenter de rebus divinis quid non sint.

1222 Et sic non habent intrinsece et ex vi rationis suae
formalis obscuritatem, sed evidentiam hic imperfectam
et solum negativam circa res creditas, et positivam
circa credibilitatem*. Nihil enim ita evidenter ostendit
et assecurat* testimonium fidei esse bonum quam ille *n. 1219
instinctus et motio interna qua *Ipse Spiritus testimoni-*
num reddit spiritui nostro quod filii Dei sumus, ut inquit
Apostolus (*Rom. 8, 16*).

1223 In patria autem positivam et perfectam eviden-
tiam sentit circa res visas quibus continuantur* et a *n. 1218
quibus regulantur illa dona.

1224 Et sic non mutant rationem formalem hic et in
patria, sed solum mutatur applicatio et regulatio per
visionem beatificam, quae fit hic per fidem. Sicut
charitas non mutat motivum formale ex eo quod objec-
tum sit visum vel creditum, sed solum modum appli-
candi et regulandi perfectionem in patria; et sicut visus
qui de se est potentia evidenter et clare cognoscitiva
potest confuse et obscure videre ex defectu applica-

tionis objecti quia valde distat. Unde si appropinquet, fit clara et evidens, non per mutationem intrinsecam, sed per extrinsecam applicationem materiæ.

○

- 1225 XXIX. — **Ad tertium***, *respondeatur in primis* non esse certum quod ibi loquitur Apostolus de scientia quatenus est donum Spiritus Sancti, nec enim appellat eam nisi communi nomine scientiæ, non spiritum scientiæ vel scientiam sanctorum, ut solet* aliis locis appellari quando est sermo de scientiæ dono. *n. 1211
*n. 179

- 1226 *Vel secundo*, non dicit Apostolus quod absolute destruetur, sed quantum ad statum et imperfectum modum, quem hic habet dependendo a phantasmatibus* et sensibilibus. Ita D. Thomas (*In I Cor.*, cap. 13, lect. 3). *n. 159

● ● ●

ÆQUALITAS VEL INÆQUALITAS DONORUM

- 1227 XXX. — **Possunt comparari*** dona *vel* cum virtutibus, *vel* inter se, ut videamus quid sit perfectius, quid imperfectius inter illa. Virtutes autem vel sunt theologicæ, vel intellectuales, vel morales. *n. 1131

- 1228 Ipsa etiam dona inter se comparata, quædam pertinent ad intellectum, quædam ad partem appetitivam.

* * *

- 1229 XXXI. — Igitur si comparemus dona cum virtutibus theologicis, perfectiores sunt virtutes theologicæ quam dona, ut tradit S. Thomas (*Ia-IIæ*, q. 68, a. 8).

- 1230 **Et ratio* est**, quia virtutes theologicæ conjungunt nos Deo ut ultimo fini, dona vero perficiunt hominem ut subjiciamus* Deo nobis unito tamquam moventi et regulanti* nos, ut ad illum perveniamus. Perfectius autem est Deo uniri quam ei moventi subjici, quia propinquius se habet ad Deum unio et conjunctio immediata quam motio et subjectio ad ipsum ut moventem. *n. 244 sq.,
485, 519,
1055, 1119
*n. 263
*n. 217 sq.,
1173

★ ★

- 1231 XXXII. — Si vero comparentur dona virtutibus intellectualibus vel moralibus, clarum est quod dona perfectiora* sunt virtutibus, eo quod dona perficiunt nos supra virtutes, et in his in quibus virtutes ipsæ deficiunt dona perficiunt; ergo sunt virtutibus perfectiora. *n. 245

- 1232 Quod etiam ex ipsa propria ratione horum donorum deducitur, quia dona perficiunt nos ad obediendum altiori motori quam virtutes.

- 1233 Virtutes enim *vel* perficiunt ipsam rationem ex lumine ipso rationis, *vel* perficiunt voluntatem ad obediendum rationi vel naturaliter vel supernaturaliter perfectæ juxta modum suum.

- 1234 Dona autem perficiunt ad obediendum et secundum ductum Spiritus Sancti ejusque regulationem immediatam, juxta modum et mensuram quam partitur Spiritus Sanctus. Ex altiori autem regulante perfectior sequitur regulatio*, et ad secundum perfectiorem motorem perfectior dispositio* et impressio sequitur in mobili. Dona ergo perfectiora sunt virtutibus. *n. 165,
219 sq.
*n. 169

* * *

1235 XXXIII.—Quod si comparemus dona inter se, perfectiora* sunt intellectualia quam appetitiva, et ^{*n. 1238 sq.} inter intellectualia, sapientia præcedit intellectum, intellectus scientiam, scientia consilium; inter appetitiva*, pietas primum locum tenet in excellentia, deinde ^{*n. 1243} fortitudo, deinde timor.

1236 Et hoc intelligitur loquendo de excellentia et perfectione donorum simpliciter*, prout considerantur ^{*n. 1238 sq.} ex ordine ad actus quos in suis potentis exercent. Secundum quid* autem et ex parte materiæ quam ^{*n. 1244} dirigunt præfertur consilium scientiæ, et fortitudo pietati.

1237 Sumitur totum hoc ex D. Thoma (Ia-IIæ, q. 68, a. 7).

* *

1238 XXXIV.—Et **ratio primæ*** partis, scilicet ^{*n. 1235} quod intellectualia dona præferantur appetitivis, constat, quia dirigunt et regulant* illa et judicant de illis. ^{*n. 130}

1239 Nam consilium seu prudentia dirigit virtutes morales appetitivas et præstituit eis medium, et ideo inter virtutes morales prudentia est cæteris præstantior, similiter ergo consilium, quod correspondet prudentiæ, præstantius erit donis appetitivis, scilicet pietate, fortitudine et timore.

1240 Rursus scientia judicat de prudentia et illam format et præcedit, quia scientia non est pure practica, sed

speculativa*, et procedit per causas inquirendo et ^{*n. 1058} resolvendo: speculativum autem naturaliter præcedit et excellentius est practico, quia abstractius et immaterialius, et quia est fundamentum et ratio practici illudque defendit et resolvit speculando ejus naturam et causas; scientia ergo præcedit prudentiam.

1241 Rursus donum intellectus et sapientiæ præcedunt donum scientiæ, quia scientia versatur circa rationes causasque inferiores seu creatas, et ita intellectus versatur circa res divinas penetrando et apprehendendo per simplex judicium, sicut* habitus principiorum qui ^{*n. 1100} perfectior est scientia quæ versatur circa conclusiones.

1242 At vero sapientia, quia judicat et defendit tam scientias quam principia super quæ reflectit, ideo simpliciter donum sapientiæ reliqua præcedit* in nobilitate ^{*n. 1124} et perfectione, sicut etiam virtus sapientiæ præcedit¹ intellectum principiorum et scientias.

○

1243 XXXV.—De donis autem appetitivis*, sumitur ratio conclusionis a D. Thoma² ex eo quod pietas correspondet justitiæ, fortitudo virtuti fortitudinis, timor temperantiæ. Unde sicut justitia præeminet fortitudini et fortitudo temperantiæ ex parte objecti, ita debet esse in donis virtutibus istis correspondentibus quod tanto est præstantius donum quanto præstantior est virtus cui correspondet.

¹ Cf. Joan. a Sto Thoma, *Curs. Theol.*, In Iam-IIæ, *De Virtutibus*, disp. 17, a. 3, n. 30-33.

² Cf. Iam-IIæ, q. 68, a. 7.

* *

- 1244 XXXVI. — **Ultima* autem pars conclusionis,** *n. 1236 de perfectione secundum quid in aliquibus donis, explicatur¹ a D. Thoma, quia consilium numeratur ab Isaia² ante scientiam et præfertur illi, et fortitudo ante pietatem, quia materia quam exercet consilium et fortitudo est in rebus arduis et difficilibus: de his enim oportet consilium a Deo specialiter expectare et in his oportet fortitudinem exercere. Hæc autem materia, scilicet arduum, præcellit eam quam exercet pietas et scientia, quia utrumque salvari potest etiam in materia non ardua nec magna, sed communi et ordinaria, et sic per se loquendo pietas et scientia non petunt illam excellentiam et arduitatem in materia quam consilium et fortitudo, et ex hac parte sine ipsa salvantur, licet possint ad illam etiam extendi; et ideo simpliciter in sua ratione formali excellentiora dona sunt.

◎

- 1245 XXXVII. — **Solum potest quis hærere** in dono timoris, quod D. Thomas ponit in ultimo loco quia correspondet temperantiæ, quod tamen non convenit timori primario sed secundario, ut ex D. Thoma (IIa-IIæ, q. 141, a. 1 ad 3) supra* advertimus, cum tamen primario correspondeat spei, ut dicit³ sanctus Doctor. Perfectio autem et excellentia alicujus virtutis simpliciter considerari et desumi debet ex eo quod in tali dono et virtute primarium est, non ex eo quod secundarium.

¹ Cf. Iam-IIæ, q. 68, a. 7.

² Is. 11, 2.

³ IIa-IIæ, q. 141, a. 1 ad 3; q. 19, a. 9 ad 1.

- 1246 XXXVIII. — **Respondetur** tamen quod licet timor utriusque virtuti correspondeat, tamen quia non* *n. 1248 per modum prosecutionis boni, sed fugæ a malo id habet: respectu quidem culpæ, quia simpliciter illam fugit ut malum; respectu vero Dei quem reveretur, quia considerat illum ut inflictorem mali, ideoque retrahitur animus ex reverentia divina in propriam pusillitatem. Idcirco donum timoris non dicit majorem excellentiam inter dona, quia etsi correspondeat nobiliori virtuti, id est, spei, tamen correspondet illi modo minus* perfecto et excellenti quam alia dona inferioribus virtutibus, scilicet per modum retractionis et fugæ a malo.

- 1247 Recedere autem a malo non ita perfectum est sicut accedere ad bonum, licet via generationis sit prius, quia prior est recessus quam accessus ordine generationis et dispositionis; ideoque timor dicitur *Initium sapientiæ* (Ps. 110, 10), et (*Prov.* 15, 27) quod *In timore Dei declinat omnis a malo*.

- 1248 Habet ergo se timor ut donum initiale* et primum, *n. 1250 procedendo de imperfecto ad perfectum et via generationis, licet correspondeat perfectiori virtuti spei, sed modo quodam dispositivo et initiativo* per modum fugæ a malo, non consummativo et perfecto, proseguendo* bonum.

- 1249 Temperantiæ autem respondet ut donum magis perfectum et consummativum in retrahendo homines a delectationibus superfluis et configendo¹ timore carnes, quia licet hoc faciat etiam retrahendo et fugiendo,

¹ Cf. Ps. 118, 120.

tamen perfecta et consummata victoria in materia temperantiae consistit in fugiendo delectationes noxias, juxta illud Apostoli (*I Cor. 6, 18*): *Fugite fornicationem.* Et ideo in hac materia principalior est timor, quia plus illas fugit et abhorret.

- 1250 D. Thomas* autem loquendo de donis via perfectionis et consummationis solum consideravit in timore correspondentiam ad temperantiam in corpore articuli septimi¹, licet in ordine ad justificationem et virtutes theologicas, ut ad spem, solum se habeat per modum cujusdam initii* aut dispositionis, ut sumitur ex solutione ad primum².

¹ Ia-IIæ, q. 68, a. 7.

² Ia-IIæ, q. 68, a. 7 ad 1.

*n. 1245

*n. 1248

ARTICULUS IX

QUI SINT ACTUS ET EFFECTUS DONORUM

- 1251 I. — Quia proprium donorum est per ea reddi animum bene mobilem a Spiritu Sancto ad operandum ea quibus deducitur¹ et introducitur in vitam æternam, superando omnes difficultates quas sola humana ratio et virtutes per eam regulatæ superare non possunt nisi altiori Spiritus Sancti instinctu et regulatione perficiantur, ideo proprie actus donorum sunt illi quibus specialiter accedimus per instinctum Spiritus Sancti ad vitam æternam, ad quam tanto magis acceditur quanto magis a præsentis sæculi blandimentis et commoditatibus separaramur.

- 1252 Et sic quia elongatio ab hoc mundo ejusque voluptatibus, fastu et divitiis est accessio* ad veram beatitudinem quæ est vita æterna, ideo Christus Dominus (*Mat. 5, 3-10*) octo beatitudines numeravit, id est, octo præcipuas operationes quibus maxime elongamur ab hoc sæculo et accedimus ad veram beatitudinem, segregando nos a falsa et impeditiva illius: in quo multi homines errabant, quærentes beatitudinem in bonis hujus vitæ, cum potius ista sint valde impeditiva veræ beatitudinis, quia bona sensibilia sunt quæ maxime spiritualibus opponuntur, ideoque derelinqui debent.

*n. 1280

¹ Cf. *Ps. 142, 10.*

1253 Hæc autem derelictio bonorum hujus vitæ et dispositio qua accedimus ad veram beatitudinem fit quidem per regulam rationis et virtutes modo humano et secundum limitationem propriam, non vincendo omnes difficultates quæ se possunt offerre usque ad pervenientum in vitam æternam, et sic sufficientes non sunt ad pervenientum in beatitudinem, sicut sunt operations ab instinctu et motione seu regulatione Spiritus Sancti provenientes per dona, ideoque istæ donorum operationes simpliciter beatitudines nominantur, quia simpliciter ad beatitudinem nos faciunt pervenire, juxta quod dicitur (*Ps. 142, 10*): *Spiritus tuus bonus ducet me in terram rectam.*

* * *

1254 II. — SED INQUIRES TRIA.

★ ★

1255 **Primum**, quomodo explicentur istæ beatitudines, et quos effectus faciant in nobis.

1256 *Respondetur* istas beatitudines ita distribui et explicari a D. Thoma (*Ia-IIæ*, q. 69, a. 3) quod quædam pertinent ad exclusionem* falsæ beatitudinis, et istæ sunt quatuor; quædam quæ pertinent ad dispositionem et tendentiam* ad veram et æternam beatitudinem, et istæ sunt aliæ quatuor, tamen distributæ quod duæ pertinent ad disponendam vitam activam*, duæ ad contemplativam.

1257 Qua ratione omnia quæ ad beatitudinem deducere possunt includuntur. Unde licet plures operationes

^{*n. 1258 sq.}<sup>*n. 1263 sq.
1272</sup>^{*n. 1263 sq.}

quam octo istæ beatitudines dari possint, omnes tamen ad ista octo genera reducuntur, et in istis continentur.

◎

1258 III. — **Ad remotionem*** falsæ beatitudinis <sup>*n. 1256,
1271</sup> pertinent tres primæ beatitudines et octava seu ultima, ^{*n. 1269 sq.} quæ est quasi aliarum septem confirmatio* et manifestatio, ut D. Thomas dicit (*Ia-IIæ*, q. 69, a. 3 ad 5).

1259 Prima* enim beatitudo¹, quæ est paupertas spiritus, removet amorem inordinatum divitiarum, ne in illis ponamus cor tamquam in beatitudine et fine ultimo. ^{*n. 996}

1260 Secunda beatitudo², *beati mites*, removet inordinatas passiones irascibilis, ne in victoria et vindicta inimicorum ponamus finem.

1261 Tertia*, *Beati qui lugent*³, removet inordinatas passiones delectationis et gaudii, in quibus plures beatitudinem ponunt (*Philip. 3, 19*): *Quorum Deus venter est*, sed magis tristitiam et luctum assumit de temporalibus. ^{*n. 996}

1262 Octava, *Beati qui persecutionem patiuntur*⁴, removet favorem et applausum* humanum, ut significat D. Thomas (*Ia-IIæ*, q. 69, a. 3 ad 6), et magis patitur persecutionem ne recedat a via justitiæ. ^{*n. 1270}

¹ Cf. *Mat. 5, 3.*

² *Mat. 5, 4.*

³ *Mat. 5, 5.*

⁴ *Mat. 5, 10.*

◎

- 1263 IV.—**Ad dispositionem veræ beatitudinis**
per opera vitæ activæ* ordinantur quarta et quinta *n. 1256
beatitudo.

- 1264 Quia quarta beatitudo est sitire et esurire justi-
tiam¹, hoc est, ardenti corde omnibus reddere quæ
debita sunt.

- 1265 Quinta* autem beatitudo, *Beati misericordes*², est *n. 880
non solum debita, sed etiam gratuitæ reddere aliis per
misericordiam et eleemosynam, non solum amicis et
propinquis, sed etiam extraneis et inimicis.

- 1266 V.—**Ad dispositionem autem beatitudinis per**
vitam contemplativam* ordinantur sexta et septima *n. 1256
beatitudo, scilicet purgatio cordis per munditiam, sine
qua contemplatio non perficitur, et sic dicitur (*Mat. 5,*
8): *Beati mundo corde*, quæ est sexta beatitudo*. *n. 303

- 1267 Et pax illa quæ exsuperat omnem sensum³, et
ebriat* spiritum⁴, et est opus justitæ⁵, et sic dicitur *n. 91, 513
(*Mat. 5, 9*): *Beati pacifici*, quæ est septima beatitudo.

* *

- 1268 VI.—**Secundo* inquires** quomodo si sint sep- *n. 1254

¹ Cf. *Mat. 5, 6*.

² Cf. *Mat. 5, 7*.

³ *Philip. 4, 7*.

⁴ *Jer. 31, 14*.

⁵ *Is. 32, 17*.

tem dona ponuntur octo beatitudines, et quomodo
Lucas solum ponit quatuor¹, Matthæus² vero octo.

- 1269 Respondetur octavam beatitudinem pertinere ad *n. 1258
septem præcedentes quasi confirmationem* et mani-
festationem earum, ut docet S. Thomas (Ia-IIæ, q. 69,
a. 3 ad 5).

- 1270 Continet enim quamdam firmitatem animi ne
propter humanas persecutions recedat ab his quæ
per alias septem beatitudines et septem dona fiunt,
et sic facit ut homo non quærat favorem et applausum* *n. 1262
hominum, sed potius persecutions eorum sustineat.
Unde septem beatitudines pertinent ad septem dona,
octava autem beatitudo firmitatis in persecutionibus
per omnia dona versatur.

◎

- 1271 De quatuor autem beatitudinibus quas Lucas
numerat³, dicimus cum D. Thoma (Ia-IIæ, q. 69, a. 3
ad 6) illas fuisse enumeratas a Domino in alio sermone
quem habuit ad turbas descendendo de monte, ut
expresse dicitur (*Luc. 6, 17*). Et quia turbis loque-
batur, noluit Dominus nisi illa tantum eis proponere
quæ removent* falsam beatitudinem, quam plures *n. 1258 sq.
præsertim ex vulgo ponunt in bonis hujus sæculi, et
sic solum numeravit paupertatem et esuriem seu la-
borem, fletum oppositum delectationi, odium seu per-
secutionem hominum oppositam favori et applausui.

¹ Cf. *Luc. 6, 20-23*.

² Cf. *Mat. 5, 3-10*.

³ Cf. *Luc. 6, 20-23*.

1272 In sermone vero habito ad discipulos ut ad perfectiores etiam alias quatuor beatitudines addidit, quæ pertinent ad dispositionem* pro vera beatitudine. *n. 1256,
1263 sq.

1273 Unde colliges non esse necesse omnia dona semper exerceri ab omnibus, licet omnia sint necessaria ad salutem pro occasione* et tempore, sicut nec omnia præcepta affirmativa exercere oportet nisi pro loco et tempore, nec omnes virtutes semper exercentur. *n. 207, 959,
1136

★ ★

1274 VII. — **Tertio inquires** an istæ beatitudines contineant solum opera supererogationis et consilii, an etiam præcepti et communiter facta.

1275 *Respondeatur* omnia complecti secundum quod speciali instinctu Spiritus Sancti fiunt in ordine ad beatitudinem.

1276 Licet enim plura sint opera ex objecto suo magna et extraordinaria, ut totalis abjectio divitiarum per paupertatem spiritus, tranquillitas omnium passionum, tolerantia persecutionum hujus vitæ, etc., tamen alia sunt quæ licet in se non sint magna, respectu tamen hujus subjecti* infirmi et difficultatibus pluribus circumdati magna sunt, et egent peculiari dono et motione Spiritus Sancti sine qua non vincet illas difficultates, et sic uti moderate divitiis, etiamsi non relinquuntur omnino, etiam pertinere potest ad paupertatem spiritus, et non frangi persecutionibus et temptationibus ordinariis, præsertim multo tempore, beatitudo esse potest.

*n. 226,
1181 sq.

* * *

1277 VIII. — **DE FRUCTIBUS SPIRITUS SANCTI**, sufficient quæ S. Thomas dicit (Ia-IIæ, q. 70).

1278 Nec enim distinguuntur fructus ab operibus donorum et virtutum, sed illos dicunt cum quadam connotatione delectationis et gustus quo fiunt, ut D. Thomas advertit (IIa-IIæ, q. 157, a. 2 ad 3); ideoque nihil prohibet aliquid esse virtutem et beatitudinem et fructum.

1279 Est enim fructus ultimum quod producitur ab arbore, et cum suavitate percipitur. Ultimum quod arbor nostra producit Spiritu Sancto rigata sunt actus et effectus* relictæ aut imperati ex donis et virtutibus, et ideo cum percipiuntur cum quadam delectatione spiritus, dicuntur fructus Spiritus Sancti, quod præcipue relucet in illis duodecim* quos Paulus numerat¹, et S. Thomas explicat (Ia-IIæ, q. 70, a. 3). *n. 1012

1280 Beatitudo autem etsi sit fructus, quia est actus doni, plus addit, nempe excellentiam quamdam inter ista opera quibus acceditur* ad vitam æternam, ut docet S. Thomas (Ia-IIæ, q. 70, a. 2). *n. 1252

* * *

1281 IX. — **QUÆ BEATITUDINES ET QUI FRUCTUS** ex his duodecim* (qui sunt principaliores inter alios) corresponteant singulis donis, S. Thomas exacte *n. 1279

¹ Cf. Gal. 5, 22-23.

tractat cum de singulis donis agit, scilicet (IIa-IIæ, q. 8, a. 7-8; et q. 9, a. 4; et q. 19, a. 12; et q. 45, a. 6; et q. 52, a. 4; et q. 121, a. 2; et q. 139, a. 2).

- 1282 Videantur ibi, nec enim de istis est specialis difficultas.

Ad honorem Domini nostri Jesu Christi crucifixi, Beatissimæ Virginis, B. Dominici et Thomæ, XXI Aprilis MDCXLIV, cum essemus Cæsaraugustæ in expeditione Catalonica.

INDEX BIBLICUS

GEN.	JOB
28, 20-21 : 874	7, 17 : 574
28, 22 : 874	26, 13 : 83
	28, 28 : 103
EX.	PS.
15, 2 : 101	15, 5 : 861, 903
	17, 3 : 923
	17, 30 : 923
23 : 127, 358	18, 10 : 156, 1161
	22, 4 : 875
	26, 6 : 934
	30, 11 : 1023
	30, 25 : 1160
	31, 4 : 464
	31, 7-8 : 364, 464
	31, 9 : 646, 983
33, 28 : 64	32, 6 : 88, 93
34, 5 : 88, 90	33, 4 : 860
	33, 9 : 385, 402, 417, 584
	37, 3-4 : 1024
	37, 8 : 467
	43, 4 : 101, 925
	44, 10 : 70
	45, 5 : 513
1, 7 : 790	48, 13 : 646
	54, 7 : 35
	54, 23 : 221
	63, 7-8 : 335
	67, 19 : 52, 53
	70, 6 : 263
	70, 15-17 : 89, 334, 629, 679
	72, 19 : 630
	72, 22-23 : 860
	72, 25-26 : 860
	72, 28 : 860
	84, 14 : 69
12, 17 : 56, 574	88, 15 : 69
JUDIC.	I REG.
15, 14-15 : 202, 946, 950	14, 1-15 : 950
16, 30 : 257	45, 5
	48, 13
	54, 7
	54, 23
	63, 7-8
	67, 19
	70, 6
	70, 15-17
	72, 19
	72, 22-23
	72, 25-26
	72, 28
II REG.	II PAR.
23, 4 : 24	12, 17 : 56, 574
	6, 1 : 61
	11, 1-4 : 826

PS.

92, 5 : 1219
 96, 3 : 69
 96, 4-5 : 1017
 106, 7 : 799
 106, 16 : 35
 106, 40 : 799
 106, 43 : 161
 107, 2-3 : 263
 110, 10 : 108, 417, 1123, 1155,
 1247
 115, 12-13 : 859
 118, 24 : 102, 765, 1158
 118, 32 : 174
 118, 60 : 1137
 118, 73 : 364, 1155
 118, 85 : 724
 118, 120 : 829, 983, 1049
 118, 131 : 78
 118, 144 : 1155
 119, 4 : 75, 1019
 130, 1 : 1185
 132, 2-3 : 90
 142, 10 : 85, 174, 204, 245, 1129,
 1253
 147, 14 : 679
 147, 18 : 245

PROV.

15, 27 : 983, 986, 1247
 28, 28 : 54
 31, 25 : 1160

CANT.

1, 1 : 90, 92
 1, 3 : 533
 2, 2 : 465
 2, 3 : 395
 2, 4 : 89
 2, 6 : 533
 3, 1 : 530
 4, 16 : 245

CANT.

5, 4, 6 : 529
 7, 2 : 466
 8, 3 : 533

SAP.

1, 4-5 : 597, 643, 1130, 1156,
 1163, 1202
 6, 13 : 156
 7, 7 : 108, 161
 7, 10 : 161
 7, 22 : 170
 7, 28 : 1156
 9, 14 : 254
 10, 10 : 727, 1157
 10, 21 : 71
 14, 11 : 726

ECCLI.

1, 14-15 : 598
 1, 22-24 : 100
 1, 27-28 : 1161
 15, 15 : 99, 108, 140, 364
 24, 16 : 597
 24, 39-40 : 764
 39, 9-10 : 767

IS.

2, 10 : 1022
 2, 17-19 : 1018
 4, 5 : 74
 6, 2 : 35
 6, 6 : 27
 9, 6 : 766
 11, 2-3 : 51, 98, 103, 104, 116,
 140, 152, 164, 269,
 365, 417, 492, 495,
 834, 1035, 1078, 1130,
 1163, 1244
 11, 5 : 1029, 1078
 13, 7-8 : 989

IS.

30, 26 : 405
 32, 17 : 1267
 33, 17 : 533
 38, 11 : 1202
 40, 7 : 1024
 40, 27 : 46
 40, 28-31 : 47
 46, 10 : 799
 48, 11 : 889
 50, 4 : 24
 50, 5 : 81
 60, 5 : 990

JER.

2, 19 : 724, 977
 3, 22-23 : 724
 31, 14 : 1267
 31, 34 : 376, 695
 37, 16 : 826

THREN.

3, 15-18 : 978

BAR.

3, 28 : 1156

EZ.

3, 14 : 24

OS.

2, 7 : 724

HAB.

3, 4 : 405

I MAC.

3, 19 : 101
 4, 45 : 633

MAT.

3, 16 : 66
 5, 3-11 : 12, 1252, 1268
 5, 3 : 996, 1015, 1259
 5, 4 : 1260
 5, 5 : 996, 1015, 1021, 1261
 5, 6 : 1264
 5, 7 : 880, 1265
 5, 8 : 303, 1266
 5, 9 : 1267
 5, 10 : 1262
 12, 34 : 39
 17, 19 : 237
 17, 25 : 656
 19, 11 : 102
 26, 39 : 939

MARC.

6, 48 : 174

LUC.

1, 34 : 439
 1, 46-48 : 863
 6, 20-22 : 1268
 21, 26 : 989
 22, 33 : 875
 24, 45 : 247, 447

JOAN.

1, 5 : 463
 1, 13 : 890
 1, 14 : 498
 3, 8 : 28, 39, 43, 199, 484
 7, 17 : 578, 598, 680
 9, 2-3 : 628
 10, 16 : 892
 11, 51 : 358
 13, 5 : 1006
 14, 17 : 116, 574
 15, 2 : 461
 15, 13 : 237
 16, 13 : 470, 763, 1187

ACT.

2, 13 : 91, 513
 7, 55 : 67
 9, 7 : 797
 10, 5-6 : 796
 16, 14 : 79
 17, 28 : 1017

ROM.

1, 20 : 737
 5, 5 : 96, 573
 8, 14 : 37, 242, 484, 1134,
 1185
 8, 15 : 885, 903
 8, 16 : 800, 1222
 8, 23 : 886
 8, 26 : 1185
 8, 38-39 : 722
 9, 18 : 902
 12, 2 : 575

I COR.

1, 26-27 : 1188
 1, 31 : 1007
 2, 10 : 43
 2, 15 : 570, 667, 736
 3, 18 : 472, 1188
 6, 1-3 : 912
 6, 17 : 393
 6, 18 : 1249
 7, 25 : 102
 8, 1 : 336, 414
 12, 4 : 1079
 12, 8-10 : 99, 134, 650, 1079,
 1128
 13, 2 : 236
 13, 3 : 237
 13, 8 : 159, 1211, 1225
 13, 13 : 1098
 14, 32 : 36
 15, 12 : 689
 15, 28 : 490, 512

II COR.

3, 17 : 34
 3, 18 : 66, 334, 679
 5, 7 : 387, 494
 5, 13 : 89
 5, 16 : 458
 10, 5 : 71
 11, 14 : 84, 85
 12, 9 : 469
 13, 3 : 171, 721

GAL.

2, 2 : 805
 5, 6 : 395, 775, 1058, 1066
 5, 22-23 : 17, 1279

EPH.

1, 11 : 768, 799
 2, 8 : 96
 2, 19 : 891
 3, 17 : 61
 4, 8 : 52
 5, 13 : 768

PHILIP.

1, 20 : 862, 874
 3, 8 : 721
 3, 19 : 1261
 4, 7 : 649, 1267
 4, 13 : 952, 958

I THESS.

5, 20-21 : 811

I TIM.

4, 7-8 : 103, 156, 1159

II TIM.

2, 12 : 1160
 3, 16-17 : 24

TIT.

3, 4 : 773

HEB.

2, 10 : 892
 5, 8 : 524
 11, 13 : 397
 12, 2 : 944

JAC.

1, 18 : 885, 1017
 3, 2 : 41
 3, 17 : 820

I PET.

2, 13 : 1006

II PET.

1, 19 : 74

I JOAN.

2, 27 : 24, 176, 470, 474, 629,
 763, 1187
 3, 1 : 887
 4, 1 : 811, 816
 4, 18 : 971, 977

APOC.

2, 17 : 25, 27, 417, 649, 1201
 4, 11 : 864
 5, 9-10 : 865
 11, 17 : 866
 15, 4 : 866

INDEX ONOMASTICUS

A

AMBROSIUS (S.), 73, 110, 157, 514,
1038

APOLLONIA (S.), 257

ARISTOTELES, 191, 568, 600, 692, 921

AUGUSTINUS (S.), 97, 103, 109, 110,
125, 161, 348, 467,
469, 578, 698, 701,
712, 795, 819, 848,
880, 998, 1008,
1014, 1038, 1145,
1189, 1190, 1192,
1194

B

BERNARDUS (S.), 69, 75, 868, 906, 1038

BONAVENTURA (S.), 798

C

CÆCILIA (S.), 198

CAJETANUS, 28, 39, 176, 444, 601,
662

CORPUS JURIS CANONICI, 823

CYPRIANUS (S.), 110, 801, 1038, 1168

CYRILLUS ALEXANDRINUS (S.), 110,
1167

D

DIONYSIUS AREOPAGITA (ps.), 413,
458,
565,
568

G

GABRIEL (Biel), 139

GREGORIUS I P. (S.), 110, 149, 376,
388, 486, 792,
926, 998, 1038,
1165, 1208, 1213

H

HIERONYMUS (S.), 110, 1038, 1166

L

LAURENTIUS (S.), 370

LEO I P. (S.), 939

LOMBARDUS (Petrus), 110

LORCA (Petrus de), 106, 115, 139,
1030, 1152, 1177,
1191

M

MAJOR (Joannes), 139

MARTINEZ (Gregorius), 106, 149, 758,
844

MONTESINOS (Ludovicus), 149

O

OLEASTER, 88

ORIGENES, 105, 1038

P

PALACIOS (Michael de), 139

R

RICHARDUS (de Mediavilla), 998

S

SCOTUS, 138, 140, 146, 186, 998, 1003

SUAREZ, 143, 149, 557, 578, 601, 609,
616, 658, 662, 663, 673, 708,
709, 849, 918, 998

T

TERTULLIANUS, 105, 1036, 1038

THOMAS (S.), 1, 4, 22, 36, 58, 73, 77,
110, 115, 118, 120, 123,
124, 128, 132, 148, 180,
187, 191, 192, 205, 218,
223, 233, 234, 235, 241,
242, 243, 246, 261, 262,
264, 267, 272, 276, 286,
287, 288, 289, 290, 292,
293, 294, 295, 297, 298,
299, 303, 306, 310, 328,
337, 339, 341, 345, 349,
352, 353, 357, 369, 374,
376, 380, 385, 398, 408,
410, 412, 415, 424, 427,
438, 443, 453, 456, 472,
476, 478, 481, 485, 490,
502, 505, 517, 519, 527,
538, 554, 555, 557, 560,
565, 566, 568, 569, 590,

TRIDENTINUM CONC., 188, 974, 1171,
1202

V

VALENTIA (Gregorius de), 918

VASQUEZ (Gabriel), 139

600, 607, 610, 611, 614,
615, 620, 632, 637, 650,
652, 656, 667, 668, 674,
699, 711, 712, 713, 716,
736, 738, 743, 747, 751,
760, 788, 802, 830, 840,
841, 846, 856, 857, 862,
880, 883, 910, 917, 923,
927, 935, 951, 952, 959,
963, 964, 965, 967, 975,
977, 981, 987, 989, 990,
996, 997, 1003, 1009,
1016, 1044, 1053, 1058,
1061, 1062, 1063, 1065,
1066, 1082, 1102, 1120,
1122, 1123, 1133, 1145,
1170, 1174, 1176, 1179,
1180, 1189, 1191, 1205,
1208, 1213, 1226, 1229,
1237, 1243, 1244, 1245,
1250, 1256, 1258, 1262,
1269, 1271, 1277–1281

INDEX ANALYTICUS

A

AFFECTIVA EXPERIENTIA: 1—quid sit, 533 sq.
2—differt ab experientia intuitiva, 533 sq.

AFFECTUS: transit in conditionem objecti, 584.

AMOR: 1—purus amor, 868.
2—melior est amor Dei quam cognitio ipsius hac in terra, 589 sq.

ANTIPERISTASIS: 211.

ANTONOMASIA: specialiter et per antonomasiam dona Spiritus Sancti sunt dona,
1, 53, 94, 109, 140, 223, 232, 704.

ARS: 1—Cur non datur aliquod donum correspondens arti, 1053–4, 1118.
2—motio artis non est motio Spiritus, 1054.

B

BALAAM: quamvis infidelis habuit internum instinctum ad prophetandum, 127.

BEATI: habent scientiam infusam qua res cognoscuntur extra Verbum ex divina
revelatione, 504.

BEATITUDINES: 1—sunt operationes excellentes donorum, 2, 19, 1251 sq.
2—differunt a fructibus, 19, 1280.

PRIMA BEATITUDO: 1—quid sit, 1259.
2—correspondet dono timoris, 996, 1009, 1015.

SECUNDA BEATITUDO: 1—quid sit, 1260.
2—correspondet dono pietatis, 880.

TERTIA BEATITUDO: 1—quid sit, 1261.
2—correspondet dono timoris, 996, 1015.

QUARTA BEATITUDO: quid sit, 1264.

QUINTA BEATITUDO: 1—quid sit 1265.
2—correspondet dono pietatis, 880.

SEXTA BEATITUDO: 1—quid sit, 1266.
2—correspondet dono intellectus, 303.

SEPTIMA BEATITUDO: quid sit, 1267.

OCTAVA BEATITUDO: 1—quid sit, 1262.
2—correspondet omnibus donis, 1258, 1269–70.

C

CARITAS: 1—est mutuus et amicabilis amor, 906.

- 2—circa ordinem caritatis, 89.
- 3—unde venit prioritas caritatis supra fidem, 590.
- 4—regulatur a visione in patria, 1203, 1218; a fide in via, 125, 591.
- 5—quomodo possit concurrere ad illuminationem donorum, 576–593, 769.
- 6—similitudo et dissimilitudo cum dono pietatis, 893, 901, 906–907.

CHRISTUS: 1—habuit septem dona Spiritus Sancti, 98, 104, 495; cognovit experimentaliter et non solum quidditative passionem suam, 524.
2—habuit scientiam infusam qua cognoscuntur res per revelationem divinam extra Verbum, 504; aliquando usus est illa cum discurso, 656.
3—ejus regnum est in justitia et fidelitate, 1126.

COGNITIO: 1—valde differt cognoscere quidditative et cognoscere experimentaliter et affective, 510, 524, 533, 649.
2—in quo consistat summa mysticæ cognitionis de Deo, 513.

CONFIDENTIA: in Deo, 45.

CONNATURALITAS: non habetur nisi per affectum, 128, 393.

CONNEXIO: 1—dona Spiritus Sancti sunt connexa, 505, 1133 sqq.
2—dona sunt connexa quantum ad habitus, non quoad actus, 1135–1137.

CONSILIUM DONUM: 1—correspondet prudentiæ, 632, 742, 807, 829, 1063; cur non vocatur donum prudentiæ, 743.
2—ejus necessitas, 228, 254 sq.
3—distinguitur a dono intellectus, 426, 539 sq., 769–773; a dono scientiæ, 735–741; a dono sapientiæ, 539–540, 619, 735 sq., 769–773; a virtutibus theologicis, 151–164; a fide, 151–164, 744–749, 776, 778–780, 1084–1092;

- a prudentia infusa, 228–229, 744 sq., 776, 780, 783–785; a lumine gloriæ, 500–503.
- 4—ejus ratio formalis, 763–773, 1048, 1107 sq.
- 5—extensio ejus materiæ, 750–752, 786–798, 1084.
- 6—ejus proprius actus, 753–756, 805, 918; ejus actus in patria, 502.
- 7—maxime nititur spei divinæ, 773; et etiam donis intellectus, sapientiæ et scientiæ, 780.
- 8—aliquando movet ad consulendum alios, 804–807, 815–816, 820; utrum et quando sub motione Spiritus Sancti aliquis sine aliorum consilio agere potest, 817–824.
- 9—dona sapientiæ et scientiæ vices non gerunt istius doni, 781–782; neque etiam fides, 775–780.
- 10—est simpliciter inferius dono scientiæ, 1235–1240; secundum quid autem et ex parte materiæ præfertur ei, 1244; præstantius est donis appetitivis, 1238–1240.
- 11—regulat dona partis appetitivæ, 460, 761, 773, 786; regulatur a donis scientiæ, sapientiæ et intellectus, 130, 165, 761, 773, 780.

CONTEMPLATIO: sola et nuda fides contemplationem non nutrit, 62–64, 431–432.

CREATURÆ: quomodo consideratio creaturarum juvare potest ad inhærendum firmius Deo, 720–725.

CREDIBILITAS: quomodo evidentia credibilitatis a dono intellectus attingitur, 316–324, 328–336, 353–362; a dono scientiæ, 248.

D

DEBITUM: est id quod formalius et intimius attenditur in virtutibus quæ sunt ad alterum, 858, 900, 1112.

DELECTATIO: 1—est animalis et naturalis, 994–995.
2—ejus proprius effectus, 990.

DEUS: 1—cognitio Dei intra Verbum et extra Verbum, 507–510.
2—in ordine gratiæ se habet erga nos sicut Pater, 885.

DIABOLUS: per dona illustratur mens hominis ut discernere possit tortuosas vias serpentis, 84–86.

DIGNITATES: definiuntur, 324, 346.

DISCURSUS: formalis et eminentialis, 654.

DISPOSITIO: quomodo dona sunt dispositiones, 219–221, 224.

- DONA:** 1—nihil de donis statuere possumus nisi in Scriptura et Patribus fundati, 22, 155, 417, 1040, 1082, 1106, 1153; sunt infusa a Deo, ut colligitur ex Scriptura, 96–103.
 2—Joannes noster existimat esse de fide ista dona supernaturalia esse, et nobis dari, 104–110, 365.
 3—vocantur spiritus, et quare, 50–93, 166, 179–181; cur illi habitus vocantur dona Spiritus Sancti, 1, 52–54, 56–57, 223, 262; quomodo dona vocari possunt virtutes, 179, 223.
 4—in hac vita homines quasi aquilas efficiunt ad ambulandum in via Dei, 47–49; magis passive ad divina se habent justi quam se moventes, 54, 242, 265.
 5—cur dantur per modum habituum, 34–38, 114–134, 262–263; quo sensu motio per dona motioni instrumenti comparatur, 264.
 6—sunt necessaria ad salutem, 133, 243–252, 1176–1179; sunt magis frequentes actus donorum in parte appetitiva, et consequenter etiam in consilio, 761; in ordine etiam naturali adjuvant dona, 255, 445, 789–790.
 7—distinctio donorum a virtutibus sive acquisitis, sive infusis, consideratur in communi, 135–266; in particulari vero, discurrendo circa singula dona, 267–1027; remanebunt in patria distincta a virtutibus, 537, 1203–1205; unde sumatur distinctio donorum ab invicem, 1090.
 8—ejusdem rationis sunt ista dona in Christo et in nobis, 99, 152–153, 461; eadem manent in patria quæ dantur hic, 155–158.
 9—dona ista non remanent in peccante mortaliter, 181, 353, 415–416; cur ista dona supponunt gratiam et caritatem, 181, 415–416, 488, 517, 1153–1202; disponunt ad operandum ex quadam connaturalitate ad res divinas, 118–119.
 10—differt cognitio mystica et affectuosa donorum a cognitione pure intellectuali, 510, 532–536; cognitio affectiva donorum est cognitio extra Verbum in patria, 507–510.
 11—quid per modum humanum, 945–946; quid per modum divinum, 924–926, 958; quænam est regula donorum, 1114–1116.
 12—quoniam sensu dona dentur in adjutorium virtutum, 58–61, 246–252, 255, 926.
 13—potest distingui triplex genus donorum, 538–541; tria dona appetitivæ partis uniunt in se omnia quæ pertinent ad diversas virtutes morales, 275; dona appetitivæ partis non operabuntur in patria circa materiam virtutum, sicut hic in via, sed circa illam mensuram in qua excedunt dona istas virtutes, 542; idem est de dono scientiæ et consilii, 502, 540; non autem est idem de dono intellectus et sapientiæ, 503, 539, 544–546.
 14—dona ista esse septem probatur, 1028–1039, 1044–1068; nec pauciora, 1070–1072, 1080–1100; nec plura, 1073–1079, 1101–1130; dona ista sunt

- species infimæ, 1101–1104; de potentia absoluta est possibile dari unum solum donum, sed non esset conforme limitationi nostræ, 1095–1096.
 15—sunt connexa, 1133–1202.
 16—non habent determinatam regulationem in medio, 1132.
 17—dantur ut homo sit bene mobilis a Spiritu Sancto, non motione effectiva, sed regulativa, 488, 1171–1175, 1205.
 18—dona inter se comparantur, 1235–1250; non sunt perfectiora virtutibus theologicis, sed illis deservientia, 244–252, 488, 539, 1055–1056, 1119–1120, 1229–1230; sunt perfectiora virtutibus intellectualibus et moralibus, 245, 1231–1234.
 19—eadem manent in patria quæ dantur hic, 129, 155–158, 1203–1226.
 20—regulantur a fide in via, 125, 133, 512, 591; in patria autem regulantur ab ipsa visione, 1203.
 21—quatuor dona pertinent ad intellectum, tria ad voluntatem, 141, 151, 165, 275, 303, 828, 1063–1064, 1228.
 22—motio Spiritus Sancti non solum impellit, sed etiam regulat et mensurat, 194, 417, 974, 1134, 1171, 1205; hæc regulatio et motio est ratio formalis donorum, 221, 1206.

E

EUBULIA: est pars potentialis prudentiæ, 1073.

EVIDENTIA CREDIBILITATIS: attingitur a dono intellectus cum debita et recta aestimatione finis ultimi, 354–362.

EXPERIENTIA: 1—affectiva et intuitiva, 533–536.

2—duplex datur experientia de Deo et de divinis, 528–536.

3—experimentalis cognitio de se semper petit evidentiam, 397.

F

- FIDES:** 1—sola et nuda fides in obscuritate nos relinquit, 62–64, 196, 431, 1086; attingit revelata per testimonium divinum, 784, 1086; credere est cum assensione cogitare, 348.
 2—quid sit credere fide divina, 348; vices gerit divinæ scientiæ, 1065, 1218; in multis corrigit rationem et discursum naturalem, 790.
 3—assensus fidei est judicium, 143, 321; assensus fidei est simplex, non scientificus seu resolutorius, 598; fides judicat per modum adhæsionis, 62, 143, 196, 321, 348, 409, 430, 438, 442, 555, 598, 604, 607, 611, 731, 1086; quomodo percipit res divinas, 233.
 4—unde venit certitudo fidei divinæ, 348.
 5—pia affectio et fides, 282, 348.

- 6—est practica et speculativa, 776, 1058, 1065–1066; quomodo sit practica, 746, 775–776, 784, 1066.
 7—objectum primarium fidei, 690; ordo inter objecta materialia fidei, 1066.
 8—circa id quod temporale est in fide, 622, 1192.
 9—dona regulantur a fide in via, 125, 133, 512, 591, 813.
 10—ruit uno actu infidelitatis, 650.

FOMES PECCATI: compatitur cum donis, 461–469.

- FORTITUDO DONUM:** 1—ejus necessitas, 229, 933–935.
 2—correspondet virtuti fortitudinis, 165.
 3—distinguitur a virtute fortitudinis, 165, 238–240, 256–257, 916–949.
 4—ejus ratio formalis, 920–926, 933–949, 957–958, 1107 sq.
 5—de objectis doni fortitudinis, 916, 950–962, 1049.
 6—præstantius est dono timoris, 1243; non præfertur pietati nisi secundum quid et ex parte materiæ, 1243–1244.

- FRUCTUS:** 1—qui sunt fructus Spiritus Sancti, 3, 17–21, 461.
 2—non distinguuntur ab operibus donorum, 3; sed illos dicunt cum quadam connotatione delectationis et gustus, 1278–1280.
 3—sunt duodecim, 1279.
 4—distinguuntur a beatitudinibus, 19, 1280.
 5—fructus correspondens dono intellectus, 299, 349.

G

GLORIA: magnitudo gloriæ Dei dupliciter attenditur, 892.

GNOME: est pars potentialis prudentiæ, 748, 1073.

GRATIA: quantum potest sese accommodat capacitatì et limitationi nostræ, 1082.

H

- HABITUS:** 1—dona Spiritus Sancti sunt habitus, 114–134, 221, 241, 260–264, 420–421.
 2—idem habitus primorum principiorum et penetrat veritates, et assentitur, 442, 604; in supernaturalibus, duo habitus requiruntur, fides et donum intellectus, 618.

HOMO SPIRITALIS: quomodo Scriptura describit statum spiritualis hominis, 24–49.

HONOR: appetitus honoris difficillime vincitur in corde humano, 944, 968.

- HUMILITAS:** 1—distinguitur a dono timoris, 981–982, 1003–1011.
 2—proprius ejus actus, 1005, 1006, 1011.
 3—permittit Deus inundatio concupiscentiæ ad cohibendum superbiam, 467–469.
 4—ejus formale motivum, 981.
 5—definitur ipsa humilitas, 1005.

I

ILLITERATI: non excluduntur ab exercitio omnium donorum Spiritus Sancti, 125, 333, 362, 418, 629, 679.

INSTINCTUS: definitur Spiritus Sancti instinctus correspondens donis Spiritus Sancti, 125–128.

INSTRUMENTUM: quomodo comparatur motio per dona Spiritus Sancti motioni instrumenti, 241, 264.

- INTELLECTUS DONUM:** 1—correspondet fidei, 247, 1120.
 2—ejus necessitas, 227, 246–247, 344–346, 349, 421, 453–454, 1194; quomodo succurrit fidei, 61, 348–349; maxime inservit internæ contemplationi, 62–63, 334–336; reddit cor altum, non ut exaltetur cor, sed ut exaltetur Deus, 336; quæ et quot præstat circa divinorum cognitionem, 427–432; penetrat et rimatur occulta et sensum litteralem Sacrae Scripturæ, 443–452.
 3—comparatur donum intellectus lumini naturali principiorum, 294–295, 426, 1100, 1241.
 4—distinguitur a prophetia, 124–128, 354–362; a virtutibus theologicis, 151–163, 246–252, 548; a fide, 143, 151–159, 246–252, 317–333, 347–350, 366–372, 385–388, 399, 409, 427–442, 484–488, 1084–1092; a dono scientiæ, 317–333, 341–342, 407–409, 426, 539–540, 737–740; a dono sapientiæ, 317–333, 341–342, 407–409, 426, 618, 653–654, 736, 1100; a dono consilii, 408, 426, 539–540; a lumine gloriæ, 366–372, 388, 399, 475–505, 515–548; a theologia acquisita, 423; a virtute intellectuali quæ vocatur intellectus, 136.
 5—ejus ratio formalis, 392, 395–397, 399–409, 414–419, 440, 516–525, 528–536, 1107–1112; eadem in via et in patria, 395–397, 507–514, 780.
 6—extensio ejus materia, 247, 324, 443–454.
 7—actus ejus in via, 285–336; in patria, 506–514.
 8—non variatur essentialiter, sed idem manet in patria, 373–406; est in via evidens imperfecte, in patria perfecte, 385–388, 394–397; in via

- regulatur a fide, in patria a lumine gloriæ, 125, 484–487; non tamen in via elicit actum fidei, nec in patria actum visionis, 484–488, 516–519, 527.
 9—quomodo attingit evidentiam credibilitatis, 317–336, 353–362.
 10—ad utramque partem pertinet, speculativam scilicet et practicam, 1058–1065; quantum ad hoc D. Thomas mutavit sententiam suam, 288, 1060–1062.
 11—est præstantius scientiæ dono et consilii, non tamen sapientiæ, 1235–1236, 1241.
 12—evidentia affectiva doni intellectus fundatur super gustum et experientiam divinorum, 385.
 13—quomodo donum intellectus et sapientiæ non sunt virtutes theologicæ, 547–548.
 14—beatitudo correspondens, 303, 455–469.
 15—fructus correspondens, 198, 299, 349, 455, 470–474, 1222.

INTELLECTUS PRINCIPIORUM: 1—in naturalibus idem habitus primorum principiorum *et penetrat veritates, et eis assentitur*, 274, 279, 294, 340, 433, 442; idem non habetur in supernaturalibus, 427–428, 430, 438–440, 442.
 2—ad illum habitum pertinet tantummodo ex penetratione terminorum judicare de veritate, 344, 653.

INTUITIVA EXPERIENTIA: non reddit superfluam experientiam affectivam et fruitivam de divinis, 532–536.

J

JUDICIUM: duplex est, aliud simplex, aliud resolutiorum seu analyticum, 285, 317–322, 549, 603–608.

L

LATRIA: 1—est pietas virtus, 857–859; ad illam pertinet reverentiam exhibere Sacrae Scripturæ, 880.
 2—in quo fundatur cultus latriæ, 902.
 3—cultus latriæ non respicit alias personas præter Deum, 905.

LUCTUS: beatitudo luctus correspondet dono scientiæ et etiam dono timoris, 996, 1015.

M

MAGNANIMITAS: est virtus adjuncta fortitudini, 952.

MAGNIFICENTIA: est virtus adjuncta fortitudini, 916, 952.

MALUM: est duplex, aliud malum poenæ, aliud culpæ, 967.

MARIA: 1—ex dono intellectus interrogavit Angelum, 439.
 2—ex dono pietatis magnificabat Dominum, 863.

MIRACULUM: gratia miraculorum in peccatore reperiri potest, 845.

MISERICORDIA: donum pietatis misericordiam aliis exhibet, 880.

MORALITAS: nihil aliud est quam mensuratio agibilium, 165, 254; variata regulatione, variatur, cum in illa consistit, 165.

MOTIO: alia est motio effectiva, alia motio regulativa, 175–176, 219–221, 223–229.

MUNDITIA CORDIS: quid per hoc intelligendum, 303, 455–459.

MYSTICA COGNITIO: quid sit, 414, 510, 512, 518–519, 548, 570, 573, 575, 594, 599, 674, 734.

N

NECESSITAS: donorum Spiritus Sancti, 200–208, 221, 225–234, 420–421, 1080–1100, 1176–1184.

NOMEN: quomodo in Scriptura appellantur dona Spiritus Sancti, 50–93.

NUMERUS: circa numerum donorum, 1028–1130.

O

OBJECTUM: ratio formalis afficit materiam et distinguit, 877.

OBSERVANTIA: pars potentialis justitiæ, 884.

ORATIO: definitur, 109.

P

PATIENTIA: est virtus adjuncta fortitudini, 916, 952.

PAUPERTAS SPIRITUS: beatitudo correspondens dono timoris, 996, 1008–1009, 1015.

PAX: non est requies cordis ubi non est volatus ad Deum, 35.

PECCATUM: effectus ejus physici, 647.

PERSEVERANTIA: 1—cur donum fortitudinis non importat donum perseverantiae, 962.

2—est virtus adjuncta fortitudini, 916, 952.

PIA AFFECTIO: 1—et fides, 282, 348, 678, 848, 856.

2—de judicio prærequisito ad piam affectionem, 555, 678.

PIETAS DONUM: 1—correspondet religioni et toti materiæ justitiae, 829, 880, 908–914.

2—cur non vocatur donum religionis, 887.

3—ejus necessitas, 229.

4—distinguitur a religione infusa, 839–881, 888–896, 899–907; a religione acquisita, 871; a virtute pietatis, 857–869; a caritate, 893, 901, 907; a virtutibus moralibus, 165; a dono timoris, 837.

5—ejus ratio formalis, 851, 857–881, 888–896, 899–907, 1049, 1112.

6—extensio ejus materiæ, 838, 851–852, 882–914.

7—ejus actus in via et in patria, 880–881.

8—donum pietatis et donum timoris eodem vocabulo nominantur in aliquibus codicibus hebraicis, non tamen in Vulgata, 835–836.

9—altiori modo quam religio etiam infusa reverentiam exhibet Sacrae Scripturæ, 880.

10—præfertur simpliciter omnibus donis appetitivis, 1235–1236, 1243; secundum quid autem et ex parte materiæ fortitudo præfertur pietati, 1236, 1244.

11—beatitudo correspondens, 880.

PIETAS VIRTUS: 1—reddit debitum cultum parentibus, 884, 887.

2—distinguitur a dono pietatis, 857–869.

3—religio infusa etiam pietas appellari potest, 857.

PRACTICUM: 1—speculativum naturaliter præcedit et excellentius est practico, 1240.

2—habitus supernaturales possunt ad speculativum et practicum insimul sese extendere, 1065.

3—fundatur in speculativo, 771.

PROPHETIA: 1—non est habitus, sed lumen per modum transeuntis, 120–122, 124–125, 261; describitur cognitio prophetialis, 127; quomodo comparatur cum fide, 127.

2—datur in aliorum ædificationem potius quam in justificationem propriam, 1128; potest etiam dari in infideli, 127, 358, 454, 1128.

3—comparantur ad invicem instinctus Spiritus Sancti in donis et lumen propheticum, 124 sq.

4—judicat de rebus sibi revelatis, 555.

PRINCIPIUM: quomodo unum principium potest alterum principium probare, 692–693.

PRUDENTIA: 1—donum consilii correspondet prudentiae, 632, 742, 807; cur donum consilii non appellatur donum prudentiae, 743.

2—differt a dono consilii, 228–229, 744, 757–773, 776, 778–780, 783–785.

3—non sufficit consiliari pro omnibus ad quæ potest nos movere instinctus Spiritus Sancti, 783.

4—de objecto virtutis prudentiae, 787.

5—præsupponit intentionem rectificatam per virtutes, 1134.

6—sine prudentia nulla est virtus quæ vera virtus moralis sit, 1138.

7—est immediate regulativa actionum, 633; quomodo prudentia movet virtutes, 220, 1173.

8—circa tres actus virtutis prudentiae, 807.

R

RATIO: non solum repræsentat objectum, sed etiam regulat et mensurat, 220, 1111.

REGNUM MESSIAE: est in justitia et fidelitate, 1078, 1126.

RELIGIO: 1—religio infusa differt a dono pietatis, 839–881, 888–896, 899–907.

2—quomodo respicit rationem cultus in Deo, 859, 865, 873.

3—religio etiam infusa nec secundario extenditur ad exhibendum cultum creaturis, 888–891.

4—etiam pietas appellari potest, 857.

5—quomodo Deus colitur exercitio omnium virtutum, 909.

REVELATIONES PRIVATAE: 931, 948.

S

SAPIENTIA DONUM: 1—ejus necessitas, 227, 246, 250.

2—distinguitur a virtute sapientiae, 136, 554–575, 581, 596, 672, 674, 685–693; a scientia infusa, 554–560, 676; a theologia acquisita, 661–662, 669, 673–676, 685–693; a prophetia, 555, 558–559; a lumine gloriæ, 500–514, 549–

550; a virtutibus theologicis, 142–143, 151–163, 246–251, 547–548, 550; a fide, 151–160, 351, 555, 559, 569, 581, 585–592, 597–616, 662–696, 1084–1092; a dono consilii, 619, 632–633, 733, 781–782; a dono intellectus, 316–333, 340–342, 407–409, 426, 549–550, 618, 652–654, 741, 1100; a dono scientiae, 320, 555, 620–631, 727, 732, 736–740.
 3—ejus ratio formalis, 554–594, 598–616, 634–657, 670–676, 780, 1044–1047, 1107–1110; eadem hic et in patria, 564, 684, 694–696, 780.
 4—extensio ejus materiae, 250, 252, 553, 562, 658–696.
 5—correspondet caritati ut ei deserviens, 243–245, 1056, 1119–1120.
 6—est practicum et speculativum, 668, 1058–1065; quantum ad hoc D. Thomas mutavit sententiam suam, 288, 1060–1063.
 7—non est discursivum ex se, sed ex imperfectione subjecti, 656–657, 760, 762.
 8—non manet in peccante mortaliter, 643–647.
 9—præstantius est omnibus donis, 1235–1236, 1241–1242.

SAPIENTIA VIRTUS: 1—est in intellectu, 162–163.

2—distinguitur a prudentia, 633; a scientia virtute, 554, 566–569, 572, 598, 606, 626; a dono sapientiae, 136, 554–575, 581, 596, 672, 674, 685–693.
 3—non est immediate regulativa actionum, 633.
 4—ejus processus, 686.

SCIENTIA DONUM: 1—ejus necessitas, 227, 246, 248.

2—distinguitur a virtute scientiae, 136, 698–699, 734; a theologia acquisita, 706, 734; a virtutibus theologicis, 151–163, 246–251, 549–550; a caritate, 142–143, 161–163; a fide, 703–710, 729–732, 740, 1084–1092; a dono consilii, 733, 781–782; a dono intellectus, 317–333, 341–342, 407–409, 426, 539–540, 549, 737–740, 1099–1100; a dono sapientiae, 320, 539–540, 555, 620–631, 700–710, 718–727, 732, 736–740.
 3—ejus ratio formalis, 703–727, 734, 780, 1044–1048, 1107–1112.
 4—extensio ejus materiae, 246–248, 698–702, 715–717, 720–725, 735–741.
 5—ejus proprius actus, 720–725, 735–740; in patria, 502.
 6—est simul practicum ac speculativum, 668, 1058–1065; quantum ad hoc D. Thomas mutavit sententiam suam, 288, 1060–1063.
 7—correspondet fidei sicut et donum intellectus, 243, 247–248, 1056.
 8—non est discursivum quantum ex se, sed ex imperfectione subjecti in hac vita, 656–657, 760, 762.
 9—non est præstantius dono intellectus, bene tamen dono consilii, simpliciter loquendo, 1235–1236, 1238–1242; secundum quid autem et ex parte materiae consilium præfertur scientiae, 1236, 1244.
 10—et credibilitas, 248.

SCIENTIA INFUSA: 1—definitur, 504.

2—quomodo judicat, 555, 559.
 3—quomodo theologia donum est infusa, 676.
 4—ejus extensio, 656.

SCIENTIA VIRTUS: 1—definitur, 698.

2—distinguitur a virtute sapientiae, 554, 566–569, 572, 598, 606, 626; a dono scientiae, 136, 698–699, 734.

SCIRE: 1—quid sit proprie, 604–605, 698.

2—quomodo sit intelligendum illud (*I Cor. 13, 8*): *scientia destruetur*, 159, 1211, 1225–1226.

SCITUM THEOLOGICE: 685–693.**SCRIPTURA SACRA:** 1—ejus veneratio, 848, 856, 880–881.

2—qui diversas causales in Scripturis penetraret, multum proficeret in donis scientiae et sapientiae, 627–631.

SENSUS: cur potentiae sensitivae multiplicantur in homine, 954.**SENSUS SCRIPTURÆ:** intelligere proprium et litteralem sensum Scripturæ pertinet ad donum intellectus, 447.**SIMPLICES:** multoties invenitur mystica et affectiva cognitio donorum in hominibus simplicibus et idiotis, 125, 333, 362, 418, 629, 679.**SPECIFICATIO:** res specificatae non possunt excedere sua specificativa, 71, 1108.**SPECULATIVUM:** naturaliter præcedit et excellentius est practico, 1240.**SPES:** 1—et donum timoris, 249, 963, 1056.

2—motivum principale spei divinæ est omnipotentia Dei, 773.

SPIRITUS: sic vocantur dona Spiritus Sancti in Sacra Scriptura, 50–93, 166, 179–181.**SUBALTERNATIO:** 390–391, 1216, 1218.**SUPERNATURALE:** omnia supernatura pertinet ad cognitionem et appetitum, 1118.**SYNESIS:** pars potentialis prudentiae, 1073.

T

TEMPERANTIA: 1—donum timoris correspondet temperantiae, 979–1027.

2—ejus formale motivum, 980.

- THEOLOGIA:** 1—est obscura in hac vita propter dependentiam a fide, 779.
 2—distinguitur theologia acquisita a dono intellectus, 423; a dono scientiæ, 706, 734; a dono sapientiæ, 661–662, 669, 673–676, 685–693.
 3—theologia acquisita est quædam intelligentia rerum supernaturalium juxta modum naturalium, 227, 675, 814; non sufficit ad penetrandum mysteria Dei, 196, 227, 453–454, 814.
 4—theologia mystica seu theologia quæ est donum Spiritus Sancti, 170–171, 458–459, 1151, 1200.
 5—distinctio aperitur ne confundas theologiam mysticam cum theologia acquisita circa res mysticas, 674–676, 1200–1202.
 6—theologia acquisita indiferenter potest inveniri in justo et in peccatore, 675.
 7—non quicumque existens in gratia est theologus, 706.

- TIMOR:** 1—divisio timoris, 965–971.
 2—timor mundanus, 973.

- TIMOR DONUM:** 1—ejus necessitas, 228–229, 249.
 2—non est timor mundanus, nec servilis, sed filialis et castus, 965–978.
 3—correspondet virtuti temperantia et virtuti spei, 243, 829–830, 963–964, 979, 983, 992, 1120, 1245–1250.
 4—distinguitur a virtutibus moralibus, 165, 837, 982; a temperantia, 964, 979–1027; ab humilitate, 981, 998–1027; a virtutibus theologicis, 246–252; a dono pietatis, 829, 835–837; a spe, 246, 249, 992.
 5—ejus ratio formalis, 980–996, 1044–1049.
 6—extensio ejus materiæ, 249, 983–996, 1249.
 7—actus ejus proprius, 997–1027.
 8—fuit in Christo, 98, 104, 1013.
 9—inferius est omnibus donis, 1235, 1245–1250.
 10—beatitudines correspondentes, 996, 1008–1009, 1015–1024.
 11—quomodo præsumptionem reprimit, 992, 1056.

V

VENERATIO: ad Sacram Scripturam, 848, 853–856, 880–881.

VERITAS: consistit in iudicio, 290.

- VIRTUS:** 1—est duplex defectus virtutis, 59–61, 195–197, 204, 221, 225–229, 232, 252, 254–259, 1094, 1178–1179, 1231.
 2—ratio propter quam virtutes multiplicantur, 954, 1094, 1109.
 3—ex novo præcepto non mutatur specificatio et quidditas virtutis, 930–931.

- 4—in virtutibus quæ sunt ad alterum, ratio debiti est id quod est formalius et intimius, 858.
 5—esse in medio convenit tantummodo virtutibus moralibus, 1132.

VIRTUTES INFUSÆ: sunt elevatores quam acquisitæ ex parte objecti et substantiæ actuum, non ex parte modi regulandi et movendi, 420, 676, 1114–1115.

- VIRTUS THEOLOGICA:** 1—nihil creati habet pro materia, 548.
 2—virtutes theologicæ sunt perfectiores omnibus donis, 244–245, 485, 1229–1230.
 3—quomodo dona intellectus et sapientiæ non sunt virtutes theologicæ, 547–548.

- VISIO BEATA:** 1—est simul speculativa et practica, 1065.
 2—vices gerit divinæ scientiæ, 1065.
 3—est cognitio quidditativa et intuitiva Dei, et pro ea parte qua est intuitiva est etiam experimentalis de Deo per modum visionis, 528, 533.
 4—actus visionis non elicetur a dono intellectus, 482–488, 516–519, 527.